



御製天聖廣燈錄序

九

惟大雄之闡教也以清淨為宗慈悲救世解煩惱之苦縛啟方便之化門安住雪山始階於西域飛行漢殿遂通於東且彼土得道何可勝言此方承流於是乎在雖陰魔時有於侮伐或示神通而帝釋常加於護持無虧實相自法眼受記趨多印心佛衣不傳逮六祖而頓悟牛頭析派續千燈而罔窮繇茲慧炬益繁法雲滋蔭旁行梵學轉譯華音叩寂禪關指迷覺路了達者至乎離妄超登者于以忘筌為無所不通之明處不可思議之首歷代

聖帝

明王且有為之信嚮者矣

我太祖之秉錄也正法延乎住世

我太宗之握紀也妙供滿乎諸天

真宗皇帝密契

菩提之心深研

天聖廣燈錄卷一

第二張

九

善逝之旨

能仁之化一雨溥霑

外護之恩二纓喜捨朕嗣膺

景祚子育羣黎將以歐富壽之民居

常奉調御之本丕冒

基構雖祗席於

羅圖導引津梁每欽惟於竺氎此乃

前王之道也其可忽諸天聖廣燈錄者

鎮國軍節度使駙馬都尉李遵勗之

所編次也遵勗承榮外館受律齋壇

靡恃貴而驕矜頗澡心於恬曠竭積順

之素志趨求福之本因灑六根之情塵

別三乘之歸趣蹟其祖錄廣彼宗風采

開士之迅機集叢林之雅對粗禪於理

咸屬之篇嘗貢紺編來聞展坐且有

勤請求錫於文朕既嘉乃誠重違其

意載念

天聖廣燈錄第一卷 第三九

薄伽之旨諒有底於生靈近戚之家又不嬰於我慢良亦可尚因賜之題豈徒然哉亦王者溥濟萬物之源也其錄三十卷時景祐三年四月日賜序

天聖廣燈錄卷第一

鎮國軍節度使駙馬都尉李遵勗編

金僊以大法眼藏謂之教外別行故有授記然燈付屬迦葉而賢劫次第前有六佛景德傳燈錄中先已具載今之編次從因地以至傳法來歷斷自釋迦佛以降

天竺釋迦牟尼佛

佛在舍衛城竹林精舍阿難白言如來往昔供養幾佛求於菩提復於何佛最初種諸善根佛告阿難我念過去無量劫中閻浮提有一刹利王名降魔寃住蓮華大城十善化世時有佛出世號然燈其王聞佛功德躬迎供養時雪山南有一大姓婆羅門之子雲童為五百婆羅門子之首年十六詣珍寶仙人受學毗陀等論卒業辭還仙曰我法教中弟子學道得成應須厚報雲童曰未審何物堪酬訓道仙曰當須金寶鉞鋒杖蓋華屣悉用金裝雲童答曰我今唯此一身仙若聽我巧求即來奉上乃辭行至輸羅波

天聖廣燈錄第一卷 第四〇

奢大城之中有一婆羅門名祭祀德家世富饒正設般遮于瑟無也最後一日雲童至會眾久已欽名歡喜逢迎推為上座受第一供養雲童收唾嚙已持奉仙師行至蓮華大城見嚴嚴有若諸天集會即問城人欲何所作答曰汝不聞然燈如來出世今降寃王請佛入城故斯嚴整雲童即自念我今應往起居酬仙未晚又念佛法唯重以法供養最為殊勝我未具法可贖華以奉供時王哀市香華奉佛不許私賣雲童求買了不能得忽於里巷見一青衣名為賢者密持七莖優鉢羅華藏於餅內雲童見已歡喜乃出金錢買之賢者曰王禁私鬻華者雲童曰願潛轍五枝誓不相忘賢者曰欲將何用雲童曰我適聞然燈如來出世志買妙華以為供養賢者曰若仁者能與我作未來因長為夫婦及出家得道願同修梵行為汝弟子者即與汝華雲童曰善我若行菩薩道捨國城妻子頭目髓腦等時卿能不作障礙者即隨汝願賢者曰隨喜所作我無吝惜即收金錢付華五枝并寄餘華同奉于佛雲童持華隨王獻佛生希有心而發願言若我身得同佛身不謬者是華住於空中變大華蓋纒發願已其華成蓋住虛空中覆佛頂上是時天人各脫上妙寶衣敷地供養雲童離

天聖廣燈錄第一卷 第四一

有所著鹿皮亦以布地眾人罵辱擲之遠處時雲童悵然涕淚自念孤窮佛知其心即變前途忽為泥濘眾皆避之雲童遽往泥中敷鹿皮衣什什面布髮願言佛及人天皆當踐過若如來不與我受菩提記我終不起時然燈佛與諸大眾徐步而來先踐其髮次履其身顧大眾曰汝等不得輒踐摩那婆身髮唯除如來無可蹈者復告雲童曰汝能發此廣大誓願荷負如來不惜身命此是第二阿僧祇劫最初發菩提心之因地自今已後淨修三業行諸波羅蜜門心不放逸如救投然三十七品具足八萬聖行憐愍眾生護持正法三昧正受觀法無我入甚深義法趣正覺中無退屈汝若能辦是事即自唱言我能時雲童聞佛教誨悲喜兼盈三唱是言我能然燈如來始告曰摩那婆此六華男子也却後無數劫當待作佛號釋迦牟尼具足十號如我無異既獲授記身意輕安忽升虛空高七多羅樹向佛作禮佛告雲童曰汝觀東方即見河沙諸佛為雲童授決定記如是四維上下皆然雲童即禮佛足願求出家然燈即為授具十億諸天共持一髮歸天供養佛告阿難今時雲童者即我身是也我從然燈佛所第二發菩提心已來常供養河沙諸佛行菩薩道以至成等正覺餘如本行

經說釋迦自迦葉佛所正念往生兜率陀天位當補處名護明菩薩化知足天即現五種表相二十八天俱來悲感護明為說法要斷除攀緣乃告金團天子令選生處有利利灌頂甘蔗釋種淨飯王劫初已來輪王不斷堪為一生菩薩作其父王其家具六十種功德母亦具三十二勝相即天臂城釋種名善覺女摩邪夫人也摩邪此云淨行護明菩薩下生兜率諸天勸請護明止曰我常為汝等說一切有處皆是無常如芭蕉堅如借物用會必別離無有究竟汝等沈醉聞已旋忘今更為汝說一百八法門與汝憶念法門如經護明乃一心正念捨天壽命時摩邪夫人於夜初分遂白王曰我從今夜請受八關齋戒去除五欲娛樂王即許之摩邪夫人是夜夢菩薩乘六牙白象從空而來入於右脅而住當此土無周第五主昭王二十一年摩邪之歲七月十五日夜矣後及誕月夫人游於園中攀波羅叉樹菩薩從右脅而降即昭王二十四年甲寅歲四月八日周行七步目顧四方分手指天地言天上天下唯我獨尊相者曰太子具三十二相有二種報在家為轉輪聖王治四天下出家成阿耨菩提化三千界以瑞異故立名悉達多此云一切利義復有阿私陀仙人知佛出世自天而來至于王所王命太子見之仙人拱立而謂王曰我及一切人天應當作禮菩薩若返禮者頭

破七分王曰國之相師說有二種果報未知決定是非邪私陀曰彼人妄說今我誠言此子出家成正覺道為人天師轉妙法輪願王善保聖子福祐無疆太子既生七日摩邪遂薨王還姨母摩訶波闍波提令其傳育年十九王母慮太子捨家為造三時殿多方以娛之時淨居天知時已至於虛空中告曰昔菩薩在兜率天時發大誓願願度眾生今久處王宮時已至矣勿貪世樂即說偈曰

世間事無常 猶如雲出電 尊者今時至 應捨家出家

太子深厭紛華始有四門游觀次第見生老病死屢告父母堅求出家慈愛所鍾莫從其欲太子是夜感五夢始席此大地枕以須彌撮四大海水置於手足次則有草一枝名為建立自臍輪而至阿迦膩吒天復見雜色四鳥各從方來至於足下皆變白色又有一獸鯨首白身舐太子足最後見一糞壤高峻如山在上游行不為漬染淨居天子復來告曰諸天八部徧滿虛空贊助法王不宜久住是夜三更踰城而去遂至迦藍氏大仙所仙人問曰仁者發心欲求何事太子曰我見世間生老病死三界愛纏不能出離我要成佛度於未度仙曰善哉貪愛者是世

聞大惡蛟龍居眾生心水失一切善利仁者頓能感寤是大智人即說偈曰

一切法勝唯有行 清淨寂定不過心 染著恩愛最冤家 諸有恐怖是老死

太子問曰諸根不定云何調伏仙曰凡眾生者有其二義一者本性二者變化本性者謂地水火風空我及無相變化者謂諸根境界手足語言動轉去來及以心識若能分別此之二義不生愛染名為解脫又復眾生不了四種煩惱會著世間一者無信二者著我三者有疑四者無定復說偈曰

山羊被殺因作聲 飛蛾投燈由火色 水魚懸鈎為吞餌 世人趣死以境牽

復曰若能離諸有相即獲無相既若不生即名非想悉達聞已默而識之蓋非究竟之法安令我得至涅槃說偈辭去

本無生老病死過 并及地水火風空 湛然三世無師教 常淨自然證解脫

次至優陀羅二仙所自言大仙所行之法如何大仙言凡取於相及於非相此是大患大礙若正意思惟獨有微妙體性寂定殊勝至非想非非想處命壽遐永仙聖所居悉達就彼二仙五年修學知非究竟即詣雪山六年苦行成等正

天聖廣燈錄第一卷 第九張 九

覺今樂舉也受大梵天王請至鹿野苑中始以四諦法度五仙人憍陳如等為劣解者令出三界火難說四諦法而證聲聞如免渡河乘號羊車為中根者令觀生死根本因起無明如是十二攀緣輪迴不息使順逆推究滅無明根證緣覺果如馬渡河乘名鹿車為大根者頓開實相直示菩提即色即空一則一切修波羅蜜行不住三輪入薩婆若城無虧四攝次登十地漸斷二愚等妙圓明成大菩薩如香象渡河乘曰牛車如來經行至多子塔前命摩訶迦葉分座令坐遂告云吾以微妙正法眼藏密付於汝汝當保護傳付將來無令斷絕此大法眼藏自爾為初人囑一人不擇凡聖亦時如來復為迦葉說是偈曰

法本法無法 無法法亦法 今付無法時 法法何曾法

又曰吾今以僧伽梨衣用付於汝汝當護持為吾傳授慈氏如來乃往拘尸那城娑羅雙林示入涅槃安羅樹行列四雙佛將圓寂合為二因名雙樹也白如練故名鶴樹復告純陀曰諸佛境界皆悉無常諸行性相亦復如是如來既以種種法要示教菩薩緣覺聲聞化諸天仙外道最後度須跋陀羅遺教後代即廣現神變已右脅累足北首而臥入大寂滅定應盡還源是時大迦葉在外最後而至佛從金棺中出現

天聖廣燈錄第一卷 第十張 九

雙足迦葉作禮已人天眾奉旃檀薪終不能然迦葉乃請如來三昧火自闍維之即時金棺從七寶林升舉遠俱尸那城七市卻還本處化火光三昧而自焚之阿泥盧豆等收舍利八斛四斗貯以金壺阿闍世王與八國諸王各嚴兵護散分起塔人天供養

天聖廣燈錄卷第一

天聖廣燈錄卷第一

校勘記

一 底本，金藏廣勝寺本。總三十卷，見存二十四卷，即卷一至十、卷十二至十四、卷十七至十九、卷二十一、卷二十三至二十五、卷二十七至三十；缺佚六卷，即卷十一、十五、十六、二十、二十二、二十六。在見存各卷中亦頗多殘缺者，如卷四之二三一頁中一行至本頁下末行、卷九之二五八頁下一行至次頁中末行、卷十九之三三四頁中一行至末行。缺佚之六卷及見存諸卷中之殘缺者，均據上海涵芬樓本依金藏本版式補錄。補錄中校正了此本明顯之訛、脫、衍，校記附於有關各卷之後。此書在本藏八種校本中均未見錄，故無校。



天聖廣燈錄卷第二

九

天竺祖師八人

- 第一祖摩訶迦葉尊者 第二祖阿難尊者
 - 第三祖商那和修尊者 第四祖優波多尊者
 - 第五祖提多迦尊者 第六祖彌遮迦尊者
 - 第七祖婆須蜜尊者 第八祖佛陀難提尊者
- 第一祖摩訶迦葉尊者摩竭陀國人也姓婆羅門父名飲澤母香志昔毗婆尸佛世為鍛金師莊嚴彼佛像時有貧女得一金錢觀如來相發希有意持詣金師請飾佛像既而共發願永劫為清淨夫婦由是因緣九十一劫身皆金色後生梵天次生摩竭陀國始名迦葉波此云飲光勝身有殊妙光明亦名金勝蓋以金色為號也復名婆耆子聞如來出世志求出家冀度諸有佛言善來比丘鬚髮自落袈裟著體持頭陀行佛常稱讚如來在靈山說法諸天獻華世尊持華示眾迦葉微笑世尊告眾曰吾有正法眼藏涅槃妙心付屬摩訶迦葉流布將來勿令斷絕仍以金縷僧伽梨衣付迦葉以俟慈氏世尊涅槃時迦葉不在眾會時迦葉方自外還如來於金棺出現雙足以示之迦葉作禮訖世尊化三昧火闍維之迦葉乃告眾曰如來雙林示滅我等宜興後事可共結集宣傳法教于是集諸大眾

所傳聲曰

天聖廣燈錄卷第二

第二

如來弟子 且莫涅槃 得神通者 當赴結集

是時偈聲周徧沙界證阿羅漢者悉集賓鉢羅窟此云七時阿難詰漏未盡大迦葉不令會集阿難自念我事如來曾無缺犯何期有漏不預聖倫坐盤陀石經三晝夜證無漏果即還眾會擊其石門迦葉曰汝未解脫何須再來阿難曰我已證無漏迦葉曰可現神通以遣眾疑阿難即入自戶鑰中會眾疑迦葉白槌請第一座阿難尊者說法阿難即升法座云如是我聞大迦葉結集三藏已作是思惟持如來傳受僧伽梨衣當隱難足山中以俟龍華三會遂告阿難曰汝今當知婆伽婆未圓寂時多子塔前以正法眼藏付屬於我我今將隱難峯以此正法傳付於汝汝善護持流通將來無令斷絕汝受吾教聽吾偈曰

法法本來法 無法無非法 何於一法中 有法有不法

阿難受教已迦葉遂茲隱焉

第二祖阿難尊者王舍城人也姓剎帝利父斛飯王世尊以為總持第一常所讚嘆加以宿世有大功德受持法藏如水傳器佛乃命為侍者

天聖廣燈錄卷三

第三

九

則與世尊為堂兄弟既而結集之後阿難復念
 如來以大法眼付大迦葉迦葉既隱而付於我
 我今將滅遂起常河中曰先所度脫者應當來
 集須臾五百羅漢從空而至眾中名商那和修
 者阿難夙知法器遂告曰如來以大法眼藏屬
 累迦葉既當入寂密付於我我今將滅用傳於
 汝汝善護持流通後世無令斷絕汝受吾教聽
 吾偈曰

本來付有法 付了言無法 各各須自悟
 悟了無無法

偈已告商那和修曰汝善行化繼我弘揚汝後
 有嗣天化五天度人如天人師唯無相好石室
 盈籌阿難作一十八變入奮迅三昧化火焚身
 人天共分舍利各建塔廟當厲王朝也
 第三祖商那和修尊者摩突羅國人也姓毗舍
 離父名林勝母名橋奢邪和修胎胎六年始生
 梵云商諾迦此云自然也即西域九枝秀草名也若羅
 漢聖人降生此草出焉和修生時瑞草斯應如
 來行化至摩突國見一青林茂盛語阿難曰此
 林地名優留茶吾滅後一百年有比丘名商那
 和修於此地轉妙法輪後百歲果誕和修出家
 證道受慶喜尊者法眼及止此林有大火龍歸
 順法教因施其地以建仁祠尊者於吒利國得

天聖廣燈錄卷三

第四

九

優波毘多以為給侍因問曰汝年幾邪答曰我
 年十七師曰汝身十七性十七邪曰師髮已白
 為髮白邪心白邪師曰我但髮白非心白耳龜
 多日我身十七非性十七也和修知是法器遂
 為落髮受具乃告曰昔如來以正法眼藏付屬
 迦葉展轉相授而至於我我今付汝汝善護持
 流布將來勿令斷絕汝受吾教聽吾偈曰
 非法亦非心 無心亦無法 說是心法時
 是法非心法

付屬已即隱於罽賓國南象白山中後見龜多
 有五百徒眾常多懈慢尊者乃往彼以調伏之
 而說偈曰

通達非彼此 至聖無長短 汝除輕慢意
 疾得阿羅漢

五百比丘聞偈已依教奉行皆獲無漏尊者乃
 作十八變化火光三昧用焚其身龜多收舍利
 葬於梵伽羅山乃宣王朝也
 第四祖優波毘多尊者吒利國人亦名優波囉多
 姓首陀父名善意十七出家二十證果至摩突
 羅國四眾雲集由是震動魔宮波旬愁怖遂竭
 其魔力密持華鬘塵之于頸終無其便而返觀
 人猶蛇三屍為曼在己之頸蟲胆穢壞不能除
 去波旬乃升六欲天告諸天主求其解免各言

天聖廣燈錄卷三

第五

十

十力弟子所作神變孰能去之波旬曰然則奈
 何諸天主曰汝可歸心尊者即能除斷乃為說
 偈曰

若因地倒 還因地起 離地求起
 終無其理

波旬受教即下天宮作禮尊者哀露懺悔龜多
 曰汝自今去於如來正法更不作燒難否波旬
 曰我誓迴向佛道永斷不善龜多曰若然者汝
 自唱言歸依三寶魔王奉教華鬘悉除踊躍禮
 謝尊者而說偈曰

稽首三昧尊 十力聖弟子 我今願迴向
 勿令有劣弱

尊者在世化導最多每化一人以一籌置於石
 室充滿其間最後有一長者子名香象來禮尊
 者志求出家尊者曰汝身出家心出家答曰我
 來出家非為身心尊者曰不為身心復誰出家
 答曰夫出家者無我我故心不生滅即是常道
 既是常道諸佛亦常心無形相其體亦然師曰
 汝當明悟心自通達紹隆聖種即與出家受具
 乃告之曰如來以正法眼藏付屬迦葉次第傳
 授以至於吾吾今付汝善自護持流布將來無
 令斷絕汝受吾教聽吾偈曰
 心自本來心 本心非有法 有法有本心

非心非本法

復告香衆曰汝父常夢金日而生於汝可名提多迦此云通其量也尊者乃騰身虛空呈十八變然復本坐跏趺而逝提多迦以室內籌用焚其軀收舍利起塔供養當平王朝也

第五祖提多迦尊者摩竭陀國人也初生之時父夢金日自屋而出照曜天地前有大山諸寶嚴飾山頂泉涌滂沱四流後遇提多尊者為解之曰寶山者吾身也泉涌者法無盡也日從屋出者汝今入道之相也照曜天地者汝智慧超遠也尊者本名香衆因易今名焉乃說偈贊曰
巍巍七寶山 常出智慧泉 迴為真法味 能度諸有緣
提多尊者說偈答曰

我法傳於汝 當現大智慧 金日從屋出 照曜於天地

提多迦聞師妙偈設禮奉持後至中印土彼國有八千大仙彌遮迦為首聞尊者至率衆瞻禮而謂尊者曰昔與師同生梵天我遇阿私陀仙人授我仙法師逢十力弟子修習禪那自此報分殊途已經六劫尊者曰汝可捨邪入於佛慧彌遮迦曰昔阿私陀仙授我記云卻後六劫當遇同學獲無漏果今也相遇非宿緣邪願師大

慈令我解脫尊者即為出家受具餘仙衆始生我慢尊者示大神通於是俱發菩提心一時出家乃告彌遮迦曰如來以正法眼藏付于迦葉展轉囑累而至於吾吾今付汝汝善護持演化當來無令斷絕汝受吾教聽吾偈曰

通達本法心 無法無非法 悟了同未悟 無心亦無法

偈已踊身虛空現十八變化火光三昧自焚其軀彌遮迦與八比丘同收舍利於班荼山中起塔供養即莊王朝也

第六祖彌遮迦尊者中印土人也既傳法已遊化至北天竺國見雉蝶之上有金色祥雲嘆曰茲大乘氣也必誕奇人為吾法嗣乃入城於闐闐間有一人手持酒器逆而問曰師何方而來欲往何處師曰從心而來欲往無處曰識我手中物否師曰此是觸器而負淨者曰師識我否師曰我即不識識即非我又謂曰汝試自稱名氏吾當後示本因彼人說偈曰

我從無量劫 至于生此國 本姓頗羅墮 名字婆須蜜

師云我師提多迦說世尊昔遊北印土語阿難曰此國中吾滅後三百年有一聖人姓頗羅墮名婆須蜜而於祖師次當第七世尊記汝汝應

出家彼乃置器禮師而言曰我思往劫常作檀那獻一如來寶座佛記我云於賢劫釋迦法中宣傳正法今符師說願加度脫師即與拔剌受具遂告之曰如來以正法眼藏密付迦葉如是展轉以至於我我今付汝汝善護持傳化將來勿令斷絕汝受吾教聽吾偈曰

無心無可得 說得不名法 若了心非心 始解心心法

偈已入師子奮迅三昧踊身虛空化火光三昧用焚其身婆須蜜收舍利起塔即襄王朝也

第七祖婆須蜜尊者北天竺國人也姓頗羅墮常執酒器遊行里間遇彌遮迦尊者宜如來往誌自省前緣投器出家授法行化至迦摩國於法座前忽有一智者自稱我名佛陀難提與師論義師曰仁者論即不義義即不論若擬論義終非義論難提知師義勝心即欽伏曰冀師大慈賜垂攝受尊者遂與剌度受具復告之曰如來以正法眼藏密付迦葉次第傳授而至於我我今付汝汝善護持流布將來無令斷絕汝受吾教聽吾偈曰

心同虛空界 亦等虛空法 證得虛空時 無是無非法

偈已入慈心三昧經于七日人天俱來作禮而

天聖廣燈錄卷第二

第九張

天聖廣燈錄卷第二

第十張

九

說偈曰

賢劫衆聖祖 而當第七位 尊者哀念我 請爲宣佛地

尊者從三昧起而說偈曰

我所得法 而非有故 若識佛地 離有無故

說此偈已還入三昧示寂佛陀難提即就本坐起寶塔以闕全身即定王朝也

第八祖佛陀難提尊者迦摩羅國人也姓瞿曇氏頂有肉髻稱博無礙過婆須蜜尊者出家授教既而行化至提加國毗舍羅家見舍上有白光師曰此家當有聖人言訖長者出致禮問何

所須尊者曰汝之一子名伏駄蜜多者年已五十口未曾言足未曾履當紹法寶可令出家父母感尊者慈攝旣而祇諾伏駄聞之遽起設禮而說偈曰

父母非我親 誰是最親者 諸佛非我道 誰是最道者

尊者以偈答曰 汝言與心親 父母非可比 汝行與道合 諸佛心即是 外求有相佛 與汝不相似 欲識汝本心 非合亦非離

伏駄蜜多聞師妙偈即請出家尊者即爲度脫

伏駄蜜多承師付屬說偈贊曰

我師諸祖中 當繼第八位 法化衆無量 悉獲阿羅漢

爾時尊者即現神通而趣圓寂就本座起塔以奉全身即景王朝也

天聖廣燈錄卷第二



天聖廣燈錄卷第三

天竺祖師七人

九

第九祖伏獸靈多尊者 第十祖脅尊者

第十一祖富那夜奢尊者 第十二祖馬鳴尊者

第十三祖迦毗摩羅尊者 第十四祖龍樹尊者

第十五祖迦那提尊者

第九祖伏獸靈多尊者提伽國人也姓毗舍羅處胎六年因號難生遇伏獸靈多尊者行化至其家謂此子非凡當為法器仍為說于宿緣五十年中口未嘗言復不履步蓋有所表足不進止法無去住口不言說理顯空寂父聞妙誨遂許出家尊者即與披剃受具自此服勤左右表則威儀既而告之曰如來以大法眼藏付授迦葉屢轉相付而至於吾吾今付汝汝善護持流布將來勿令斷絕汝受吾教聽吾偈曰

真理本無名 因名顯真理 受得真實法 非真亦非偽

付法已即入滅盡三昧象以香薪闍維之收舍利建塔於那蘭陀寺即勸王朝也

第十祖脅尊者中印土人也本名難生初尊者將誕父夢一白象背有寶座座上安一明珠從門而入光照四眾既覺遂生後值伏獸尊者執侍中餅未嘗眠睡謂其骨不至席遂號脅尊者

為至華氏國有長者名寶身而生七子一名富那般多二名富那金子三名富那月光四名富那勝童五名富那波豆六名富那吉丹七名富那夜奢其第一子性慕仙道第二子勤行善業第三子兇險狂率第四子信重三寶第五子好殺嗜酒第六子五欲自恣第七子毒云我心是伊願值達人當評是事時脅尊者憩一樹下以手指地而告眾曰此地變金色當有聖人入會言訖即變金色時富那夜奢前詣而立尊者問汝從何來夜奢曰我心非狂尊者曰汝當何止曰我心非止尊者曰汝不定邪曰諸佛亦然尊者曰汝非諸佛曰諸佛亦非尊者即說偈曰

此地變金色 預知於聖至 當坐菩提樹 覺華而成已

夜奢復說偈曰 師坐金色地 常說真實義 迴光而照我 令入三摩諦

尊者即與出家受具乃告之曰如來以大法眼藏密傳迦葉如是屢轉已至於我我今付汝汝當奉持流布將來無令斷絕汝受吾教聽吾偈曰 真體自然真 因真說有理 領得真真法 無行亦無止

付法已即現十八變化火自焚眾以舍利隨處

天聖廣德錄第三卷 第三張 九

起塔而供養之即此一字犯王朝也

第十一祖富那夜奢尊者華氏國人也姓瞿曇氏有六兄各有所尚夜奢自幼穎異詣波羅奈國有馬鳴大士迎而作禮謂衆曰識此人否吾嘗夢大海當坐一隅決水注海滂流四方又佛記去卻後六百年當有賢者馬鳴在波羅奈國摧伏異道發正信心造起信論即其人也馬鳴致問云我欲識佛何者即是尊者曰汝欲識佛不識者是曰佛既不識爭知是佛尊者曰既不識佛爭知不是曰此是鋸義尊者曰彼是木義復問曰鋸義者何曰共師平出又問木義者何尊者曰汝被解之馬鳴知尊者義勝遂請出家尊者即為披剃受具尊者曰汝憶往事否昔為毗舍離國王彼國人民有三等最上者身有光明衣食隨念中等人身無光明自謀衣食下一類人如馬裸露汝為毗舍離王多興慈愍宿有神力分身為蟲食其桑柘自成蠶穀國中馬人取蠶為衣汝後身沒生中印土馬人感戀悲號因號馬鳴汝當時為馬人說偈曰
我昔生梵天 梵天壽命盡 下生毗離國
與汝同憂苦 我見汝無衣 心生憐愍故
分身為窠圓 令汝無憂苦
尊者乃告之曰如來以大法眼藏親授迦葉次

天聖廣德錄第三卷 第四張 九

第囑累而至於吾吾今付汝汝善護持流布將來無令斷絕汝受吾教聽吾偈曰

迷悟如隱顯 明暗不相離 今付隱顯法 非一亦非二

付法已即現神力而趣寂滅衆興寶塔用闕全身即安王朝矣

第十二祖馬鳴尊者波羅奈國人也亦名功勝以有作無作諸功德最為殊勝故名焉既受法於夜奢尊者後於華氏國忽有老人坐前付地尊者曰此非庸流當有異相言訖不見俄從地湧出一金色人復化為女右手指師而說偈曰
稽首長老尊 當受如來記 今於此地上 宣通第一義

說是偈已遂而不見馬鳴尊者曰當有魔來與吾校論有頃風雨暴至天地晦冥尊者曰魔之來信矣我當除之即指空中現大金龍奮發神威震動山岳魔事隨滅又經七日有一小蟲如蝶類潛形坐下尊者寘之手中示衆曰斯乃魔之所變盜聽法爾乃放之令去魔不能動尊者告之曰歸依三寶即得神通遂復本形作禮懺罪尊者問曰汝名誰邪眷屬多少曰我名迦毗摩羅有三千眷屬尊者曰汝盡神力變化若何曰我化大海不足為難尊者曰汝化性海得

天聖廣德錄第三卷 第五張 九

否曰何謂性海我未嘗知尊者即為說性海云山河大地皆依建立三昧六通由茲發現迦毗摩羅遂發信心學徒俱求度脫尊者即與披剃受具遂告毗摩羅曰如來以大法眼藏親授迦葉次第囑累而至於吾吾今付汝汝善護持轉化當來無令斷絕汝受吾教聽吾偈曰
隱顯即本法 明暗元不二 今付悟了法 非取亦非離

付法已即入龍奮迅三昧挺身空中如日輪相然後示滅四衆以真儀藏之龍龕即顯王朝也第十三祖迦毗摩羅尊者華氏國人也初為外道有徒三千通諸異論領衆至西印土彼有太子名雲自在知尊者名延於宮中以伸崇禮尊者曰如來有教沙門不得親近國王大臣形勢之家太子曰我國城有大山焉山中有一石窟師可止此否尊者即詣之行數里有一大蟒來逆尊者盤遶其身尊者因與受三歸依蟒聽訖而去尊者將至石窟復有一老人素服而出合掌問訊尊者曰汝何所止答曰我昔嘗為比丘居止山林多樂寂靜初學比丘數來請益而我煩於應答而生嗔恨命終墮為蟒身任是窟中今已千歲適遇尊者獲聞戒法尊者問曰此山更有何人居止曰北去十里有一大樹蔭覆五

白大龍其樹王名龍樹常為龍眾說法我聽受
爾尊者詣彼龍樹出迎尊者曰深山孤寂龍蟠
所居大德至尊何枉神足尊者曰吾非至尊來
訪賢者龍樹將欲歸依心生疑慮曰此師得決
定性明道眼否是大聖繼真乘否尊者曰汝雖
心語我已意知但辨出家何慮不聖龍樹聞已
悔謝尊者即與披剃受具遂告之曰如來以正
法眼藏付于迦葉如是展轉乃至於我我今付
汝汝可護持流布將來無令斷絕汝受吾教聽
吾偈曰

非隱非顯法 說是真實際 悟此隱顯法
非愚亦非智

付法已即現神變化火焚身龍樹收舍利起塔
即被王朝也

第十四祖龍樹尊者西天竺國人也亦名龍勝
始於毗羅尊者得法後至南印土彼國之人多
信福業無智慧性龍樹為說教法信受甚稀聞
尊者至互相謂曰人有福業世間第一徒言佛
性誰人觀之尊者曰汝欲見佛性先須除我慢
彼曰佛性大小尊者曰非廣非狹無量無則無
福無報不死不生彼聞理勝悉乃迴心尊者復
於座上身現圓月相唯聞說法音眾中有長者
名迦那提婆謂曰識此相否眾曰目所未觀焉

能辨識提婆曰此是尊者現佛性相以示我等
言訖輪相即隱還居本座而說偈曰
身現圓月相 以表諸佛體 說法無其形
用辨非色聲

眾聞偈已咸願出家龍樹即為披剃受具其國
先有外道五千人作大幻術眾所宗仰王返以
佛乘呼為外道龍樹至王殿前王遂問曰汝是
何人龍樹曰我是智人要化愚者王曰自稱其
智豈是智人龍樹曰未知之事但請問之王曰
今日諸天當何所務龍樹曰帝釋與阿修羅王
今正交戰王曰何以為驗龍樹曰且待須臾言
訖投戈斷肢自空而下王見是事遂發信心悉
為化之歸向三寶龍樹知王及眾正信復造大
智度論中論十二門論垂之於世後告迦那提
婆曰如來以大法眼藏囑累迦葉展轉相付而
至於吾吾今付汝汝善護持流布將來無令斷
絕汝受吾教聽吾偈曰
為明隱顯法 方說解脫理 於法心不證
無瞋亦無喜
付法已入月輪三昧廣現神變復就本座凝寂
迦那提婆與諸四眾共起寶塔以葬焉即始皇
帝朝也

舍羅初求福業兼好辯論聞龍樹名謁之將及
其門龍樹知是智人先遣侍者以滿鉢水呈之
尊者觀之即以一針投之而進忻然契會後至
迦毗羅國彼有長者曰梵摩淨德財極富饒而
有二子一名羅睺羅琰二名羅睺羅多長者園
樹生大耳如菌味甚香美唯長者與羅睺羅多
取而食之取已復生自餘親屬皆不能見時羅
睺羅多乃說偈曰
此樹生奇耳 食以不枯槁 智者解此因
當師其至道
時迦那提婆曰如來記卻後第二五百年有大
菩薩因耳解脫即至淨德舍忽見尊者心生珍
敬求聞樹耳之緣尊者曰汝向來嘗飯一比丘
否長者曰有一沙門久曾勤供近已滅度墳塔
仍存尊者謂羅睺羅多曰豈非能供侍彼比丘
者乎曰誠如所諭尊者曰汝與此子心同勤敬
汝家親屬嘗蘊慢心不能得食彼比丘雖持戒
多聞真理未達壽命既盡來償宿因彼之比丘
生為樹耳父子得食故當齎報尊者問長者曰
汝年多少曰我今七十九提婆即以偈曰
入道不通理 覆身還信施 汝年八十一
此樹不生耳
長者聞偈彌加嘆伏曰我今衰老不克事師願

天聖廣燈錄卷第三

第九張九

捨次子依師出家尊者曰惟符佛記今是其人
即與披剃受具隨侍遊化至巴連弗城聞諸外
道欲障佛法尊者入彼衆中外道問曰汝何不
前尊者曰汝何不後彼曰汝似賤人尊者曰汝
似良人彼曰汝解何法尊者曰我百不解彼曰
我欲得佛尊者曰何者是佛彼曰我合得佛尊
者曰既道我得汝實不得彼曰我既不得汝云
何得尊者曰汝有我故所以不得我無我故所
以言得彼詞既屈乃問尊者曰汝名何等尊者
曰我名迦那提婆既而夙聞尊者之名悔過致
謝尊者乃告羅睺羅多曰如來以大法眼藏密
付迦葉展轉囑累而至於吾吾今付汝汝善護
持流演將來無令斷絕汝受吾教聽吾偈曰

本對傳法人 爲說解脫理 於法實無證

無終亦無始

偈已入奮迅三昧身放大光而歸寂滅衆起寶
塔而供養之即前漢文帝朝也

天聖廣燈錄卷第三



天聖廣燈錄卷第四

〔宋實〕

第十六祖羅睺羅尊者迦毗羅國人也
 行化至室羅筏城有河名曰金水見五佛
 影乃曰此河之源凡五百里僧伽難提居
 於彼處如來誌一千年後當紹聖位語已
 泝流而上至一大山石窟中僧伽難提安
 然在定尊者伺之曰汝身定邪心定邪難
 提曰身心俱定尊者曰身心俱定何有出
 入曰雖有出入不失定相如金在井如金
 出井世相去來金體常寂尊者曰水金在
 井若金出井金無動靜何物出入曰言金
 動靜何物出入言金出入金非動靜尊者
 曰若金在井出者何金若金出井在者何
 物曰金若出井在者非金金若在井出者
 非物尊者曰此義不然曰彼理非著尊者
 曰此義當墮曰彼義不成尊者曰彼義不
 成我義成矣曰我義雖成法非我故尊者
 曰我義已成我無我故曰我無我故復成
 何義尊者曰我無我故成於汝義曰仁者
 師於何聖得是無我尊者曰我師迦那提
 婆證是無我難提偈曰

稽首提婆尊 而出於仁者
 仁者無我故 我欲師仁者

羅睺羅多以偈答曰

我已無我故 汝須見我我
 汝若師我故 知我非我我
 難提心意豁然願師度脫胡跪而說偈曰
 三界一明燈 迴光而照我
 十方悉開朗 如日虛空住
 我得遇大聖 願依師解脫
 志誠頭面禮 唯垂賜納受
 尊者曰汝心解脫自性清淨語已即以右
 手持金鉢舉至梵宮取彼香飯將齋大眾
 而大眾慮金飯少心各生厭不得就食尊
 者曰非我之咎即命僧伽難提分坐同食
 衆復訝之尊者曰汝不得食由心不了故
 當知與吾分座同餐者即過去婆羅樹王
 如來也愍物降蹟汝輩亦莊嚴劫中已至
 三果未證無漏者也衆曰我師神力斯可
 信矣彼云過去佛者即切疑焉僧伽難
 提知衆生慢乃曰自雙林示滅八百餘
 年人無至信正念輕微不敬真如唯愛
 神力言訖以右手漸展入地至金剛輪
 際取甘露水以瑠璃器持至會所大眾
 即時欽慕作禮悔過於是尊者告僧伽
 難提曰如來以正法眼藏付囑迦葉次第

傳授而至於吾吾今付汝汝可護持流布將來無令斷絕偈曰

於法實無證 不取亦不離 法非有無相 內外云何起

僧伽難提聞已即於座前以偈贊曰

善哉大聖者 心明如日月 一光照世界 暗魔無不滅

付法已安坐示滅衆奉全身起塔即前漢武帝朝也

第十七祖僧伽難提尊者室羅筏城寶莊嚴王子也生而能言常讚佛事七歲即厭世樂以偈告於父母曰

誓首大慈父 和南骨血母 我今欲出家 幸願哀愍故

父母聞偈固止之遂誓曰我今不食自取命終乃聽宮內出家命沙門禪利多就宮傳導經十九年尊者每自念曰身居王宮胡為出家一夕天光下燭見一大路坦平徐行數里至一大山下有石窟焉乃宴寂于中父既失子即擯禪利多訪尋不知所在尊者後遊摩提國忽有微風襲衆清涼休適衆不知其然尊者曰此道德之風也當有聖者出世嗣續祖燈乎言訖以神力攝諸大衆登一高峯名寶落迦尊者曰此山頂

有紫雲如蓋聖人居此矣尊者見一童子持圓鑑直造尊者前尊者問汝幾歲邪曰我當百歲尊者曰汝年尚幼何言百歲曰我不會理正當百歲尊者曰汝善機邪曰佛言

若人生百歲 不解諸佛機 未若生一日 而得決了之

師曰汝持鏡者意何所明答曰 諸佛大圓鏡 內外無瑕翳 兩人同得見 心眼皆相似

父母奇之捨令出家尊者即與披剃受具名伽邪舍多時風吹銅鈴聲尊者問曰鈴鳴邪風鳴邪伽邪曰非風鈴鳴我心鳴耳尊者曰非風鈴鳴我心誰爾伽邪曰俱寂靜故非三昧也尊者曰善哉繼吾嗣者非子而誰即告曰如來以大法眼藏付屬迦葉如是展轉以至於吾吾今付汝汝善護持流布將來勿令斷絕汝受吾教聽吾偈曰

心地本無生 因地從緣起 緣種不相妨 華果亦復耳

付法已攀樹而化衆議曰尊者樹下歸寂其垂蔭後裔乎將奉全身葬于高原而衆力不能舉即就樹起塔當前漢昭帝朝矣 第十八祖伽邪舍多尊者摩提國人也姓鬱頭

藍父天蓋母方聖嘗夢大神持鑑因而有娠凡七日而誕體瑩如瑠璃未嘗洗沐自然香潔幼好閑靜語非常童持鑑出遊遇難提尊者至大月氏國見一婆羅門舍有異氣尊者將入彼舍

舍主鳩摩羅多問曰是何徒衆曰佛弟子彼聞佛號心神竦然即時閉戶尊者有頃自扣其扉

羅多曰此舍無人尊者曰答無者誰羅多聞語知是異人遽開關延接尊者曰昔如來記吾滅後千年有大士出現於月氏國紹隆玄化今汝

值吾應斯嘉運於是鳩摩羅多發宿命智投誠出家披剃受具訖乃告之曰如來以正法眼藏

付屬迦葉次第傳授而至於吾吾今付汝汝善護持流布將來無令斷絕汝受吾教聽吾偈曰

有種有心地 因緣能發萌 於緣不相礙 當生生不生

尊者付法已踊身虛空五十八變自焚其軀以舍利起塔即成帝朝也

第十九祖鳩摩羅多尊者大月氏國婆羅門之子也昔為自在天人見菩薩瓔珞忽起愛心墮

生切利聞帝釋說法復生梵天以根利故善談法要諸天尊為導師遊降月氏後至中天竺國

有大士名闍夜多問曰我家父母素重三寶而嘗嬰疾瘵凡所營作皆不如意而我隣家久為

富貴

彌陀羅行而身常勇健所作和合彼何幸而我
 何辜尊者曰何足疑乎且善惡之報有三世焉
 凡人但見仁夫暴壽逆吉義凶便為亡因果虛
 罪福殊不知影響相隨毫釐靡忒縱經百千萬
 劫亦不磨滅時閣邪多聞是語已頓釋所疑尊
 者曰汝雖已信三業而未明業從惑生惑從識
 有識依不覺不覺依心本清淨無生滅無造
 作無報應無勝負寂寂然靈靈然汝若入此法
 門可與諸佛同矣一切善惡有為無為皆如夢
 幻闍夜多承言領旨即發宿慧懇求出家既受
 具尊者告曰吾今寂滅時至如來以正法眼藏
 屬授迦葉展轉相付而至於吾吾今付汝汝善
 護持流布將來無令斷絕汝受吾教聽吾偈曰
 性上本無生 為對求人說 於法既無得
 何懷決不決
 師曰此是妙音如來見性清淨之句汝宜傳布
 言託即於座上放大光明照耀四眾而入寂滅
 闍夜多起塔崇奉即王莽時也
 第二十祖闍夜多尊者北天竺國人也智慧淵
 冲化導無量後至羅閱城敷揚頓教彼有學眾
 嚶尚辯論為之首者名婆修盤頭常一食不臥
 六時禮佛清淨無欲為眾所歸尊者將欲度之
 先問彼眾曰此徧行頭陀能修梵行可得佛道

乎眾曰道由行證必獲聖果尊者曰今此頭陀
 與道遠矣不久當墮眾曰尊者有何德行而證
 我師尊者曰我不求道亦不顛倒我不禮拜亦
 不輕慢我不長坐亦不懈怠我不一食亦不雜
 食我不知足亦不貪欲心無所希名之曰道時
 徧行聞已發無漏智歡喜讚嘆尊者而說偈曰
 稽首三昧尊 不求於佛道 不禮亦不慢
 心不生顛倒 不坐不懈怠 但食無所好
 雖慢而不遲 雖急而不躁 今我遇尊者
 和南依師教
 尊者謂眾曰會吾語否吾所以然者為其求道
 心切夫弦急即斷故吾不贊令其住安樂地入
 于佛慧復告徧行頭陀曰吾適對眾抑挫仁者
 得無惱於衷乎曰我憶念過去劫前生安樂國
 師於智者月淨記我當證斯陀舍時有大光明
 菩薩出世我以老故策杖禮謁師吐我曰重子
 輕父一何鄙哉時我自謂無過請師示之師曰
 汝禮大光明菩薩以杖倚壁畫佛面以此過慢
 退失二果我悔各以來聞諸惡言如風如響惟
 願尊者大慈以妙法垂誨尊者曰汝久殖德本
 當繼吾宗如來以大法眼藏密傳迦葉次第屬
 授而至於吾吾今付汝汝善護持流布將來勿
 令斷絕汝受吾教聽吾偈曰

言下合無生 同於法界性 若能如是解
 通達事理竟
 尊者付法已不起奄然歸寂闍維收舍利起塔
 即漢明帝朝也
 第二十一祖婆修盤頭尊者羅閱城人也姓毗
 舍法父光蓋母字嚴一家富而無子父母禱于
 佛塔而求嗣焉一夕母夢吞明珠二珠覺而有
 孕經七日有一羅漢名為賢眾至其家問曰
 我行四國土 尋光到於此 汝是誰居舍
 而感生聖子
 光蓋設禮賢眾端坐受之嚴一出拜賢眾避席
 光蓋問測其由遂取一寶珠跪獻賢眾既受之
 殊無避謝光蓋不能忍問曰我是丈夫致禮不
 顧我妻何德尊者避之賢眾曰我受禮納珠貴
 福汝爾汝婦懷聖子生當為世明燈故吾避之
 非重女人也賢眾又曰汝婦當生二子一名婆
 修盤頭則吾所尊者也二名芻尼此云野昔如來
 在雪山修道芻尼巢於頂上佛既成道芻尼受
 報為那提國王佛記云汝至第二五百年生羅
 閱城毗舍法家與聖同胞今無爽矣既生二子
 尊者婆修盤頭年至十五禮光度羅漢出家感
 毗婆訶菩薩與之受具至那提國彼王名常自
 在有二子一名摩訶羅次名摩訶羅王問尊者

天聖廣燈錄卷第四

第九

曰羅閱城土風與此何異尊者曰彼土曾三佛出世今王國有二師化導曰二師者誰尊者曰佛記第二五百年有一神力大士出家繼聖即王之次子也吾雖德薄當預其誌王曰誠如尊者所言當捨此子作沙門尊者曰善哉大王能遵佛旨後告之曰如來以大法眼藏密傳迦葉如是次第展轉至吾吾今付汝汝善護持流化將來無令斷絕汝受吾教聽吾偈曰

泡幻同無礙 如何不了悟 達法在其中 非今亦非古

尊者付法已疑然示寂眾奉香木而焚其身收舍利建塔即煬帝朝也

第二十二祖摩訶羅尊者那提國常在王之子也年三十遇婆修尊者至西印土彼國王名得度即瞿曇族姓歸依佛乘勤行精進一日於行道處現一小塔欲取供養眾莫能舉王即大會梵行禪觀呪術等三眾皆莫能辨尊者即為王廣說塔之所因今之所現王福力之所致也
阿育王塔 此不繁錄 王聞是說乃曰至聖難逢世樂非久即傳位太子投祖出家遠證四果尊者深加慰誨曰汝居此國善自度人今異域有大法器吾當化之曰師應迹十方舉念當至寧勞往邪尊者曰然時鶴勒那為彼國王寶印說修多羅偈忽

天聖廣燈錄卷第四

第十

曰祖師摩訶羅將至時王與鶴勒那俱造作禮尊者即辭得度比丘往月氏國受王與鶴勒那供養後鶴勒那問尊者曰我止林間已經九白印土以一 年為一日有弟子龍子者幼而聰慧我於三世推窮莫知其本尊者曰此子於往劫中生妙善國婆羅門家曾以旃檀施於佛宇作槌撞鐘受執聰敏為眾欽仰尊者曰我有無上法寶汝當聽受乃曰如來以正法眼藏傳授迦葉展轉次第以至於吾吾當授汝汝善護持流布將來無令斷絕汝受吾教聽吾偈曰

心隨萬境轉 轉處實能幽 隨流認得性 無喜復無憂

摩訶羅付法已即從座躡身虛空呈十八種變還本座跏趺而逝鶴勒那與寶印王等共奉香木荼毗收舍利起塔即桓帝朝也

天聖廣燈錄卷第四



天聖廣燈錄卷第五

天竺祖師五人

- 第二十三祖鶴勒那尊者
- 第二十四祖師子尊者
- 第二十五祖婆舍斯多尊者
- 第二十六祖不如蜜多尊者
- 第二十七祖般若多羅尊者

第二十三祖鶴勒那尊者月氏國人也姓婆羅門父千勝母金光其家富而無子乃禱于七佛金幢既而金光夢神童手持金環而謂曰吾來矣覺而有孕一日有沙門至其舍曰汝所懷之德業非世所知能仁遺記當隆佛事可淨心保護洎降誕日天雨異華地現金寶其王聞之嚴駕往視因持子還宮而育之嬪御千人皆願傳養付與末波尊者化千子各置嬪懷相貌無殊王深歎異乃說偈曰

我今無太子 欲收於汝故 汝現神通者
令我心不定 汝有神通者 當現本來身
汝無神通者 常作宮千子

偈已所化千子變白光而沒其婆羅門之子已在其家矣七歲遊行聚落觀民間淫祀乃入廟叱之曰汝妄興禍福幻惑於人歲廢牲宰傷害斯甚言訖廟貌忽然而壞由是鄉黨謂之聖子年二十二出家受具三十遇摩拏羅尊者行化至中印土彼國王名無畏海崇信三寶尊者為

說正法次王忽見二人緋素服拜尊者王問曰此何人也師曰此是日月天子吾昔曾為說法故來禮耳有頃不見唯聞異香王曰日月國土總有多少尊者曰千釋迦佛所化世界各有百億彌盧日月我若廣說即不能盡王聞忻然時尊者以上是龍子早大有兄師子事婆羅門厥兄既逝弟復云亡乃歸依於尊者而問曰我欲求道當何用心尊者曰汝欲求道無所用心曰既無用心寧作佛事尊者曰汝若有用即非功德汝若無作即是佛事以佛有言我所作功德而無我所故師子聞是言已即入佛慧時尊者忽指東北問云是何氣象師子曰我見氣如白虹貫乎天地復有黑氣五道橫亘其中尊者曰其非如何曰莫知矣尊者曰吾滅後五十年北天竺國當有難起要在汝身吾將滅矣今以如來正法眼藏自迦葉相傳而至於我我今付汝汝善護持流布將來無令斷絕汝受吾教聽吾偈曰

認得心性時 可說不思議 了了無可得
得時不說知

尊者現十八變而歸寂聞維畢分舍利各欲興塔尊者復現空中而說偈曰

一法一切法 一切一法攝 吾身非有無

何分一切塔

衆聞偈就馱都之場而建塔焉

第二十四祖師子比丘尊者中印土人也姓婆羅門幼而聰悟遊弔賓國有波利迦者本習禪觀故有禪定知見執相捨相不語之五衆尊者誥而化之四衆皆心服唯禪定師達磨達者聞四衆被責憤悻而來尊者曰仁者習定何當來此既至于此胡云習定曰我雖來此心亦不亂定隨人習豈在處所尊者曰仁者既來其習亦至既無處所豈在人習曰定習人故非人習定我雖來此其定常習尊者曰人非習定定習人故當自來時其定誰習彼曰如淨明珠內外無翳定若通達必當如此尊者曰定若通達一似明珠今見仁者非珠之徒彼曰其珠明徹內外悉定我心不亂猶若此淨尊者曰其珠無內外仁者何能定穢物非動搖此定不是淨達磨達蒙尊者開示心地淡然尊者既攝五衆名聞遐邇通方求法嗣過一長者引其子問尊者曰此子名斯多當生便奉左手今既長矣而終未能舒願尊者示其宿因尊者觀之即以手接曰可還我珠童子遽開手奉珠衆皆驚異尊者曰吾前報爲僧有童子名婆舍吾嘗赴西海齋受觀珠付之今還吾珠理固然矣長者遂捨其子出家

天聖廣燈錄卷五

第七

尊者即與受具以前因緣故名婆舍斯多尊者即謂之曰吾師鶴勒密有懸記羅難非久以如來正法眼藏自摩訶迦葉展轉相授而至於我我付於汝汝應保護流布將來并僧伽梨衣亦同授汝令正法眼永永不斷汝受吾教聽吾偈曰
正說知見時 知見俱是心 當心即知見 知見即于今

尊者偈已俾之佗國斯多受教直抵南天尊者以難不可以苟免獨留賓時本國有外道二人一名摩目多二名都落遮學諸幻法欲共謀亂乃盜爲釋子形象潛入王宮且曰不成即罪歸佛子妖既自作禍亦旋踵事既敗王果怒曰吾素歸心三寶何乃構害一至于斯即命破毀伽藍祛除釋衆又自秉劍至尊者所問曰師得蘊空否尊者曰已得蘊空曰既得蘊空可施我頭尊者曰身非我有何恪於頭王即揮刃斷尊者首涌白乳高數尺王之右臂旋亦墮地七日而終太子光首嘆曰我父何故自取其禍時有象白山僂人者深明因果即爲光首廣宣宿因云汝之父遠劫中設般遮于瑟此云無遮齋也師子尊者當作居士好談名理感率其徒躋于會場因與之論而居士誠有愧色潛毒其食而餉之父遂遇害今王是矣而居士即師子尊者也因緣會

天聖廣燈錄卷五

遇毫髮無差遂以師子尊者報體而建塔焉師子尊者付婆舍斯多心法信衣爲正嗣外傍出達磨達四世二十二人

第二十五祖婆舍斯多尊者弔賓國人也姓婆羅門父寂行母常安初母夢得神劍因而有孕既誕奉左手遇師子尊者願發宿因密授心印後適南天至中印土彼國王名迦勝設禮供養時有外道號無我尊先爲王禮重嫉祖之至欲與論義幸而勝之以固其事乃於王前謂祖曰我解論義不假言說祖曰若不言說爭爲論義外道曰但取其義祖曰以何爲義曰無心爲義祖曰汝既無心焉得義乎曰我說無心當名我義祖曰汝說無心當名非義我說非心當名非義曰當義非名誰能辨義祖曰汝名非義此名何名曰爲辨非義是名無名祖曰名既非名義亦非義辨者是誰當辨何物如是往返外道杜口信伏于時祖忽面北合掌而立曰我師師子尊者今日遇難即辭王南邁達于南天潛隱山谷彼國王名天德迎請供養王有二子一兇暴而色力充盛一和柔而常嬰疾苦祖乃爲陳因果即頓釋所疑又有呪術師忌祖之道乃潛置藥于飲食中祖食之彼返受禍遂投祖出家即與受具後太子得勝即位復信外道致難於祖

太子名不如蜜多進諫被囚王遽問祖曰我國素絕妖訛師所傳者當是何宗祖曰王國昔來實無邪法我所得者即是佛宗王曰佛滅既久師從誰得祖曰飲光大士親受佛印展轉至二十四世師子尊者我從彼得王曰我聞師子比丘不能免於刑戮何能傳法後人祖曰我師難未起時密授我信衣法偈以顯師承王曰其衣何在祖即於囊中出衣示王王命焚之五色相鮮薪盡如故王即追悔致禮師子真嗣既明乃赦太子太子遂求出家祖問太子曰汝欲出家當為何事曰我所出家不為別事祖曰不為別事當為何事曰當為佛事祖歎曰太子智慧天至必諸聖降迹即許出家受具時大地震動居多靈異祖乃命之曰吾已衰朽安可久留今以如來正法眼藏傳付於汝汝善護持流布將來無令斷絕汝受吾教聽吾偈曰

聖人說知見 當境無非是 我今悟真性 無道亦無理

蜜多聞偈再啓祖曰信衣宜可傳授祖曰此衣為難故假以證明汝後無難何假其衣化被十方人自信向祖遂現十八變放大光明化三昧火自焚王及臣民收舍利起塔供養

第二十六祖不如蜜多尊者南印土德勝王之

太子也既受度得法至東印土彼王名堅固奉外道師長爪梵志暨尊者將至王與梵志同觀白氣貫于上下王曰斯何瑞也梵志預知尊者入境恐王遷善乃曰此是魔之來兆爾何瑞之有即鳩諸徒眾議曰不如蜜多將入都城誰能挫之弟子曰我等各有呪術可以動天地入水火何患哉尊者至先見宮牆有黑氣乃曰小難耳直詣王所王曰師來何為師曰當度眾生王曰以何法度師曰剛彊眾生剛彊化柔輒眾生柔輒調時梵志聞言不勝其怒即以幻法化大山在尊者頂上尊者視之返在彼眾頂上梵志等怖懼投尊者尊者愍其愚惑化山遽滅乃為王演說法要俾趣真乘又謂王曰此國當有聖人而繼於我時有婆羅門子年已二十幼失父母不知名氏或自言瓔珞故人謂之瓔珞童子遊行閭里丐求度日若常不輕之類人問汝行何急答曰汝行何慢或問何姓答曰與汝同姓王與尊者同車出見瓔珞童子稽首於前尊者曰汝憶往事否曰我念遠劫中與師同居師演摩訶般若我轉甚深修多羅今日之事蓋契昔因尊者又謂王曰此童子非佗即大勢至菩薩是也此聖之後復出二人一人化南印土一人緣在震旦四五年內卻返此方遂以昔因故名

般若多羅遂告曰如來以正法眼藏付于迦葉如是展轉以至於吾吾今付汝汝善護持流布將來無令斷絕汝受吾教聽吾偈曰

真性心地藏 無頭亦無尾 應緣而化物 方便呼為智

尊者付法已即辭王曰吾化緣已畢當歸寂滅願王於最上乘無忘外護即還本座跏趺而逝化三昧火自焚收舍利塔而瘞之即東晉武帝朝也

第二十七祖般若多羅尊者東印土人也既得法已行化至南印土彼王名香至崇奉佛乘施一無價寶珠王有三子其季開士也尊者欲試其所得乃以所施珠問三王子曰此珠圓明有能及否第一子月淨多羅第二子功德多羅皆曰此珠七寶中尊固無踰也非尊者道力孰能受之第三子菩提多羅曰此是世寶未足為上於諸寶中法寶為上此是世光未足為上於法光中智光為上此是世明未足為上於諸明中心明為上此珠光明不能自照要假智光光辨於此既辨此已即知是珠既知是珠即明其寶若明其寶寶不自寶若辨其珠珠不自珠要假智珠而辨世珠寶不自寶要假智寶以明法寶然則師有其道法寶即現眾生若悟心珠自明

天聖廣燈錄卷第五

第九

九

尊者歎其辯慧乃復問曰於諸物中何物無相
曰於諸物中不起無相又問於諸物中何物最
高曰於諸物中人我最高又問於諸物中何物
最大曰於諸物中法性最大尊者知是聖人以
時未至默而待之及香至王狀世衆皆號絕唯
第三子菩提多羅乃求出家遂投尊者尊者即
與披剃受具既觀時適至尊者告之曰如來以
正法眼藏囑累迦葉如是展轉而至於我我今
付汝汝善護持流布將來無令斷絕汝受吾教
聽吾偈曰

心地生諸種 因事復生理 果滿菩提圓

華開世界起

尊者付法已即於座上放大光明踊身虛空化
火自焚衆收舍利起塔即宋武帝朝也

天聖廣燈錄卷第五



天聖廣燈錄卷第六

唐朝祖師一人

第二十八祖菩提達磨者南天竺國香至王第三子也姓刹利帝本名菩提多羅遇二十七祖般若多羅至本國受王供養因試令與兄辨所施寶珠發明心地既而尊者謂曰汝於諸法已得通量夫達磨者通大之義也宜名達磨因改號菩提達磨乃告尊者曰我當行何國願垂開示尊者曰未可遠遊且止南天六十七載當往震且慎勿速行衰於日下達磨曰彼有大士堪為法器否千歲之內有留難否尊者曰吾滅後六十餘年彼國有難水中文布自善降之汝往南方勿住為彼唯好有為功業不明佛理汝縱至彼亦不可久留聽吾識曰

路行跨水復逢羊 獨自栖栖暗渡江
 日下可憐雙象馬 二株嫩桂久昌昌
 又問曰此後更有何事尊者曰從是已去一百五十年而有小難聽吾識曰
 心中雖吉外頭凶 川下僧房名不中
 為過毒龍生武子 忽逢小鼠寂無窮
 又問曰此後更有何事尊者曰從是已去一百六十年末有一小難子父相繼亦當不久作一二三五歲當此過已有見其意聽吾識曰

路上忽逢深處水

等閑見虎又逢猪

小小牛兒雖有角

清溪龍出總須輸

又問此後如何曰卻後二百二十年林下見一人當得道果聽吾識曰

震且雖闊無別路

要假姪孫脚上行

金雞解銜一顆米

供養十方羅漢僧

又問於此後更有何事曰卻後三百八十年有一比丘暗學明用吾以三識而當誌之

八月商尊飛有聲

巨福來祥鳥不驚

懷抱一雞重赴會

手把龍蛇在兩楹

寄公席帽權時脫

蚊子之蟲足去形

東海象歸披石服

二處蒙恩總不輕

日月並行君不動

耶無冠子上山行

更惠一峯添翠岫

王教人識始知名

尊者曰大器當現逢雲即登吾道無淪汝心有寄達磨又問此後如何曰卻後四百六十年遇一無衣人欲作魔難聽吾識曰

高嶺無人又脫衣

小蛇雖毒不能為

可中井底看天近

小小沙彌善大機

尊者曰此之小難黑衣童子而釋之又問此後如何曰卻後六百年不生之樹為作障難難作其難二人出現當自寧靜聽吾識曰

大浪雖高不足知

百年凡木長乾枝

天竺聖僧錄第六

第三張 九

一鳥南飛卻歸北 二人東往復還西
尊者曰白衣和尚說法無量若解此記歸而不
向又問此後如何曰卻後八百年當有四龍共
作一難聽吾識曰

可憐明月獨當天 四箇龍兒各自遷

東西南北奔波去 日頭平上照無邊

尊者曰吾此記詞響長脚短合掌向天迴頭失
伴身著紅衣又如素絹立在目前還如不見好
好思量水清月現又問此後如何曰卻後三千歲
閒總有一十三難其中大難有九餘四小難聽
吾識曰

鳥來上高堂欲驚 白雲入地色還青

天上金龍日月明 東陽海水清不清

手捧珠輪重復輕 雖無心眼轉醒醒

不具耳目善觀聽 身體元無空有形

不說姓字但籤名 意尋書卷錯看經

口說恩幸心無情 或去或來身不停

尊者曰卻後多難悉在此一十句中我雖廣印
汝亦不見師恭稟教諭服勤左右垂四十年迨
尊者順世有跋陀三藏達磨亦嘗致評跋陀有
弟子那連邪舍者與優婆塞萬天懿多談教典
懿因問邪舍曰西域聖眾弘揚次第可得聞乎
邪舍曰諸祖師自迦葉宣傳其二十七祖般若

多羅弟子達磨當魏明帝朝至雒陽止少林寺
懿曰此師滅後何人繼嗣邪舍答曰

尊勝今藏古 無肱又有肱 龍來方授寶

奉物伏嫌名

懿曰於此師後踵襲者誰邪舍曰

起自求不礙 師言我沒繩 路上逢僧禮

足下六枝分

懿復問之邪舍曰

三四全無我 隔水受心燈 尊號過諸量

從瞋不起增

懿復問之邪舍曰

奉物何曾物 言動又不勤 唯書四句偈

為對瑞田人

懿復問之邪舍曰

心裏能藏事 說向漢江濱 湖波探水月

將照二三人

懿復問之邪舍曰

領得彌勒語 離鄉日月數 來梁移近路

餘算脚天途

懿復問之邪舍曰

良地生玄旨 通算嬪亦尊 比肩三吼旗

足下一毛生

又曰

天竺聖僧錄第六

第五

靈集媿天恩 生芽二六人 法中無氣味

石上有功勳

又曰

本是大蟲男 翻成師子談 官家封馬嶺

同相三十三

又曰

九女出人輪 八箇絕婚姻 朽牀添六足

心祖衆中尊

又曰

走戊與潮隣 鷓鴣子出身 二天雖有感

三化寂無塵

又曰

說少何曾少 言流又不流 草若除其首

三四纏門修

邪舍曰吾此識以誌將來卻後二百八十年中
有大國王善崇三寶若唱日和海晏河清前記
諸懷耳是時首因一師興隆多聖萬天懿仰承
聖記佩服無數編之簡冊矣後邪舍三藏廬山
順寂梁簡文遣使傳此識文編于續法傳時著
提達磨演化本國有佛大勝多者小乘學也分
途而為六宗各封已解別展化源第一有相宗
第二無相宗第三定慧宗第四戒行宗第五無
得宗第六寂靜宗達磨曰今此六宗永纏邪見

言已至第一有相宗所而問曰一切諸法何名實相衆中有一尊長名薩婆羅答曰於諸相中不互諸相是名實相師曰一切諸相而不互者若明實相當何定邪彼曰於諸相中實無有定若定諸相何名爲實師曰諸相不定便名實相汝今不定當何得之彼曰我言不定不說諸相當說諸相其義亦然師曰汝言不定當爲實相不定故即非實相彼曰定既不定即非實相知我非故不定不變師曰汝今不變何名實相已變已往其義亦然彼曰不變當在不在在故故變實相以定其義師曰實相不變變即非實於有無中何名實相薩婆羅心知師聖慧解潛達即以手指虚空曰此是世間有相亦能空故當我此身得似否師曰若解實相即見非相若了非相其色亦然當於色中不生色體於非相中不礙有故若能是解此名實相彼衆聞已心意朗然欽禮信受至第二無相宗所而問曰汝言無相當何證之彼衆中有智者名波羅提答曰我明無相心不現故師曰汝心不現當何明之彼曰我明無相心不取捨當於明時亦無當者師曰於諸有無心不取捨又無當者誰明無故彼曰入佛三昧尚無所得何況無相而欲知之師曰相既不知誰云有無尚無所得何名三

昧彼曰我說不證證無所證非三昧故我說三昧師曰非三昧者何當名之汝既不證非證何證波羅提聞師辨析即悟本心禮謝於師懺悔往譯師記曰汝當得果不久證之此國有魔非久降之言已至第三定慧宗所而問曰汝學定慧爲一爲二彼衆有一婆蘭陀者答曰我此定慧非一非二師曰既非一二何名定慧彼曰在定非定處慧非慧一即非一二即不二師曰當一不當二不二既非定慧約何定慧彼曰不一不二定慧能知非定非慧亦復然矣師曰慧非定故然何知哉不一不二誰定誰慧婆蘭陀聞之疑心冰釋至第四戒行宗所而問曰何者名戒云何名行當此戒行爲一爲二彼衆中有賢者答曰一二二皆彼所生依教無深此名戒行師曰汝言依教即深有深一二俱破何言依教此二違背不及於行內外非明何名爲戒彼曰我有內外彼已知竟既得通達便是戒行若說違背俱是俱非言及清淨即戒即行師曰俱是俱非何言清淨既得通故何談內外賢者聞之即自慙伏至第五無得宗所問曰汝云無得無得何得既無所得亦無得得彼衆中有寶淨者答曰我既無得非得無得當說得無得是得師曰得既不得得亦非得既云得得得何

得彼曰見得非得非得是得若見不得名爲得得師曰得既非得非得無得既無所得當何得得寶淨聞之頓除疑誤至第六寂靜宗所問曰何名寂靜於此法中誰靜誰寂彼有尊長者答曰此心不動是名爲寂於法無染名之爲靜師曰本心不寂要假寂靜本來寂故何用寂靜師曰諸法本空以空空故於彼空空故名寂靜師曰空空已空諸法亦爾寂靜無相何靜何寂彼聞旨誨豁如冰釋既而六衆咸皆歸依異見王立輕毀三寶毒云我之祖宗皆信佛道復云我身是佛何更外求善惡報應皆由多智之者妄攝其說國內耆舊前王之所尊禮者並從廢棄達磨知已即念無相宗中二首領其一波羅提者與王有緣其二宗勝者非不聰辯而無宿因時六宗徒衆亦各念言佛法有難言已各至達磨所作禮問評宗勝曰自惟淺薄敢憚請行達磨曰汝雖辯慧道力未全宗勝疑云此師恐我見王作大佛事名譽顯達映奪尊威縱彼福慧爲王我是沙門受佛教旨豈難制馬既而潛至王所廣說法要世界苦樂人天善惡王與之往返詢詰王曰汝今所解其法何在宗勝曰如王治化當合其道王所有道其道何在王曰我所

天聖廣濟錄第六卷 第九

勝欲墮遽告波羅提曰宗勝不稟吾教潛化

王須史理屈汝可速行波羅提承稟旨命乃至

殿前默然而住時王方詰問宗勝忽見波羅提

前至王問曰是邪是正答曰我非邪正而來正

邪王心若正我無邪正宗勝即從擯逐波羅提

曰王若有道何擯沙門我雖無解願王致問王

怒問曰何者是佛答曰見性是佛王曰師見性

否答曰我見佛性王曰性在何處答曰性在作

用王曰是何作用今不見之答曰今見作用王

自不見王曰於我有否答曰王若作用衆諸皆

是王若不用體亦難見王曰若當用時幾處出

現答曰若出現時當有其八王曰願爲我說波

羅提遂說偈曰

在胎爲身 處世名人 在眼曰見

在耳曰聞 在鼻辨香 在口談論

在手執捉 在足運奔

徧現俱該沙界 收攝在一微塵

識者知是佛性 不識喚作精魂

王聞偈已悔謝前非宗勝既被斥逐念曰我今

百歲八十爲非不能禦難生亦奚顏言訖自投

崖谷俄有一神人捧承之寘於巖石神人說偈

告宗勝曰

師壽於百歲 八十而造次 爲近至尊故

天聖廣濟錄第六卷 第九

薰修而入道 雖具少智慧 而多有彼我

所見諸賢等 未嘗生珍妙 四五修功德

其心未恬靜 聰明輕慢故 而獲致於此

得王不敬者 當感果如是 自今不疎怠

不久成其智 諸聖悉在心 如來亦復爾

宗勝聞偈忻然即於巖間安坐時異見王復問

波羅提曰仁者智辯當師何人答曰我所出家

師者即是王叔菩提達磨王聞師名驚駭久之

遂勅近臣特加迎請達磨隨使至宮爲王懺悔

尋詔宗勝還歸本國大臣奏曰宗勝被謫身殞

高崖師曰宗勝甚健寔巖間但遣使召王即

稟教遣使入山果見宗勝端居禪寂曰深愧王

意普處巖泉達磨王叔六衆之師願王敬仰以

福皇基師謂王曰汝知宗勝來否王曰未知師

曰再命可已有頃使還果如師語師遂辭王曰

汝善修德不久疾興經七日遂乃得疾國醫診

治有加無瘳亟發使告師曰王之疾甚殆至彌

苗願叔慈悲遠來軫救師至王所慰問其疾時

宗勝再承王召即別巖間波羅提久受國恩亦

來問疾波羅提曰此王今至大漸當生何道達

磨曰若人臨終頭冷足暖者當墮地獄頭足俱

冷心骨偏暖者生於人道眼暖餘冷者當生天

上唯腹間暖餘處冷者生鬼趣中此名候五蘊

天聖廣濟錄第六卷 第九

法汝宜誌之今此王身頂暖足冷決入泥黎波

羅提曰當何施爲令免苦報師即令太子爲王

宥罪施恩崇奉三寶復爲懺悔云願罪消滅如

是三說王即有開師念震且緣熟至王所慰而

勉之曰當勤修白業護持三寶吾去非晚一九

即迴王聞師言涕淚交集曰此國何罪彼土何

祥叔既赴緣非我所止惟願不忘父母之國急

駕早還王即具大舟躬率百僚送至海壖既達

南海廣州刺史蕭昂表奏武帝即遣使詔赴京

師十月一日至金陵車駕爲之出郊遂延居別

殿時誌公修高座寺謂寺主靈觀曰名靈觀否

答曰凡情不測誌公曰從西有大乘菩薩今入

國中非久而出聽吾說曰

仰觀兩肩 低腰拾鈞 九鳥射盡

唯有一頭 至即不至 要假須刀

逢龍不住 遇水即逃

靈觀聞已然而誌之達磨在王宮帝問自即位

以來造寺寫經度僧不可勝紀有何功德師曰

並無功德帝曰何無功德師曰此但人天小果

有漏之因雖有非實帝曰如何是真功德答曰

淨智妙圓體自空寂如是功德不以世求帝又曰

如何是聖諦第一義答曰廓然無聖帝曰對朕者

誰答曰不識帝不領悟師知機不契潛過江北居

于洛陽寓止于嵩山少林寺而壁而坐未嘗輒語人莫之測時有僧神光者曠達之士也久居伊洛博覽羣書善談玄理每嘆曰孔老之教禮術風規莊易之書未盡妙理近聞遠磨大士住止少林至人不遙當造玄境乃晨夕參承師嘗端坐面壁莫聞誨勵光自惟曰昔人求道敲骨取髓布髮淹泥古尚若此我何人哉其年十二月九日夜光至階前時天大雨雪堅立不動積雪齊腰師憫而問汝久立雪中當求何事光涕曰願示慈悲師曰無上妙道曠劫精勤難行能行非忍而忍豈以小智輕心慢心欲冀真乘徒勞動苦光聞師誨勵潛取利刀自斷左臂置于師前師知是法器乃曰諸佛最初求道為法亡形汝今斷臂吾前求亦可在師遂因與易名曰慧可光曰諸佛法印可得聞乎師曰諸佛法印匪從人得光曰我心未寧乞師與安師曰將心來與汝安光曰覓心了不可得師曰與汝安心竟後孝明帝聞師異蹟遣使齎詔伸請前後三至師不下少林帝彌加欽尚就賜摩衲袈裟二條金鉢一口銀淨鉢繒帛等自爾經九年欲返天竺乃命門人曰時將至矣汝等盍各言乎尼總持出禮拜據某甲所見四大空五陰非有正當恁麼時無一法可當情師曰汝得吾皮道

育出禮拜據某甲所見如慶喜觀阿閼佛國一見更不再見師曰汝得吾肉二祖出禮三拜依位而立師云汝得吾髓乃告之曰如來以正法眼藏付于大迦葉展轉屬累而至於我我今付汝汝善護持流布將來勿令斷絕并授袈裟以為法信師曰內傳法印以契證心外付袈裟以定宗旨後代澆薄疑慮竟生云吾西天之人汝生此土憑何得法以何證之汝今授此衣法卻後難生但出此衣并吾法偈用以表明其化無疑吾至滅後二百年衣止不傳法周沙界明道者多行道者少說理者多通理者少潛符密證千萬有餘汝當闡揚勿輕未悟一念迴機便同本得聽吾偈曰

吾本來茲土 傳法救迷情 一華開五葉 結果自然成

師又曰吾自到此凡五中毒我常自出而試之置石石裂緣吾本離南印來此東土見有大乘氣象遊躡海越漢付法求人際會未諧如愚若訥今得汝傳授吾意已終言已即與徒眾至禹門十聖寺止三日有期城太守楊街之早慕佛乘問師曰西天五印師承為祖其道如何師曰明佛心宗等無差悟行解相應名之曰祖又問此外如何師曰須明自心知其今古不欺有無

於法無取不賢不愚無迷無悟若能是解故稱為祖又曰弟子歸依三寶亦有年矣而智慧昏蒙尚迷真理適聽師言罔知攸措願師慈愍開示宗旨師知懇倒即說偈曰

亦不觀惡而生嫌 亦不觀善而勤措
亦不捨智而近愚 亦不拋迷而就悟
達大道兮過量 通佛心兮出度
不與凡聖同躡 超然名之曰祖

街之聞偈悲喜交并曰願師久住世間化道羣有師曰吾即逝矣不可久留根性萬差多逢患難街之日未審何人願垂姓字弟子為師除得師曰吾以傳佛秘密利益迷徒害彼自安必無此理街之曰師若不言何表通變觀照之力乃為識曰

江槎分玉浪 管炬開金鎖 二三相共行 九十無彼我

街之聞已莫究其端默記于懷禮辭而去魏朝順世丙辰歲葬熊耳山後三歲魏宋雲奉使西域迴遇師於葱嶺見手攜隻履翩然獨逝雲曰何往達磨曰西天去又謂雲曰汝主已歿世雲聞之茫然別師東邁暨復命明帝已登遐矣迨孝莊即位雲具奏其事帝令啓墳唯空棺一隻草履存焉舉國為之驚嘆奉詔取遺履出於少

天聖廣燈錄第六卷

第十五張 九

林寺供養至唐開元中為信道者盜於五臺山
華嚴寺今不知所在初梁武過師因緣未契詭
公嘗有言曰帝過而不過也此是傳佛心印即
觀音身也帝復聞宋雲事乃御撰師碑焉代宗
謚圓覺大師塔曰空觀

天聖廣燈錄卷第六



天聖廣燈錄卷第七

九

唐朝祖師五人

第二十九祖慧可大師 第三十祖僧璨大師

第三十一祖道信大師 第三十二祖弘忍大師

第三十三祖惠能大師

第二十九祖慧可大師者武牢人也姓姬氏父寂未有子時嘗自念我家崇善豈無令子禱之既久一夕感異光照室其母因而懷妊及長遂以黑室之瑞名之曰光自幼志氣不羣博涉詩書尤精佛學不事家產好遊山水即抵雒陽龍門香山寺依寶靜禪師出家受具復遊講肆徧探大小乘義年三十二卻返香山忽有一神人謂曰將欲受果何滯此邪大道非遙汝其南矣光知神助因改名神光朔日覺頭痛如刺其師欲治之空中有聲曰此乃換骨非常痛也光遂以事具白于師師視其頂骨即如五峯秀出矣乃曰汝相吉祥當有所證神令汝南者斯則少林達磨大士即汝之師也光受教造于少室其得法傳衣事跡達磨章具之矣自少林託化西歸大師既闡真風是求法嗣至北齊天平年中有一居士不言名氏聿來設禮而問師曰弟子身纏風恙請為懺罪師曰將罪來與汝懺居士云竟罪了不可得師曰與汝懺罪竟居士即投

師出家受具宜名僧璨自茲疾已經三年師乃告之曰菩提達磨遠自竺乾以正法眼藏密付於吾吾今授汝并達磨信衣汝當守護無令斷絕聽吾偈曰

本來緣有地 因地種華生 本來無有種 華亦不能生

大師付衣法已又曰汝受吾教宜處深山未可行化當逢國難璨曰師既預知願垂示誨師曰蓋乃傳報若多羅懸記云心中雖吉外頭凶是也吾校年代正在於汝當諦思前言勿罹世難然吾亦有宿累今要酬之善去善行俟時傳付言已即往鄴都賴光混跡變易儀相人或問之何故如是師曰我自調心何關汝事又於管城寺談法聽者林會時有辯和法師者於寺門講涅槃經學徒聞師闢法稍引去辯和不勝其憤興謗于邑宰翟仲侃侃感其邪說加師以非法師怡然委順識真者謂之償債時年一百七歲即隋文帝開皇年中也後葬于磁州滏陽縣東北七十里唐德宗諡大祖禪師釋法琳撰碑云翟仲侃生前為牛御者恚其喘而斃之牛今邑宰也昔御者師焉宿報當酬爾

第三十祖僧璨大師者不知何許人也初以白衣謁二祖既受度傳法隱于舒州皖公山屬後

周武帝破滅佛法至隋開皇中有沙彌道信年
始十四來禮師曰願和尚慈悲賜與解脫法門
師曰誰縛汝曰無人縛師曰既無人縛即是解
脫何須更求解脫信於言下大悟服勤九載披
剃受具師知其緣熟乃付衣法遂告之曰如來
以正法眼藏屬累迦葉次第傳授而至於我我
今付汝并遺磨製裝用為法信流通將來無令
斷絕聽吾偈曰

華種雖因地 從地種華生 若無人下種
華地盡無生

師又曰可大師付吾法後往鄴都三十餘年方
殄今吾得汝何滯此乎即適羅浮山經于三載
卻旋舊址一日士民奔趨大設檀供訖於大樹
下立化即煬帝大業中十月十五日也眾奉全
身起塔焉唐玄宗證鑒智禪師塔曰覺寂吏部
尚書門下三品房琯撰碑初唐河南尹李常素
仰祖風深探玄理天寶中遇荷澤神會問曰三
祖大師葬於何處或聞入羅浮不迴或說終於
山谷未知孰是會曰璨大師自羅浮歸山谷得
月餘方示滅今舒州見存三祖墓常未之信也
會詢為舒州別駕因詢山谷寺眾僧曰聞寺後
有三祖墓是否時上座慧觀對曰有之常忻然
與官寮同往瞻禮又啓墳取真儀閣維之得舍

天聖廣燈錄第七

第四卷

利無數以一分建塔為一分寄荷澤神會以質
前言餘即隨身後於洛中私第設齋以慶之時
有西域三藏捷那等在會中常問三藏天竺祖
師多少捷那答曰自迦葉以至般若多羅有二
十七祖若序師子尊者總有四十九祖若從七
佛至此不括橫枝凡三十七世常又問會中者
德曰嘗見祖圖或引五十餘祖至於枝派差殊
宗族不定或但有空名者以何為驗時有智本
禪師者六祖門人也答曰斯乃後魏初佛法淪
替有沙門曇曜於紛紜中以素絹單錄諸祖名
字或忘失次第藏衣領中隱于巖穴經三十五
載至文成帝即位法門中興曇曜名行俱崇遂
為僧統乃集諸沙門再議結集目為付法藏傳
其間小有差互良由當時怖懼所致又經一十
三年勅國子博士黃元真與北天三藏佛陀扇
多吉弗煙等甄別宗旨次敘師承得無紕繆也
第三十一祖道信大師者姓司馬氏世居河內
後徙於蘄州之廣濟縣師生而超異幼慕空宗
隋大業十三年遊吉州值羣盜圍城旬旬不解
萬眾憂迫師憫之教令念摩訶衍時賊眾望雉
堞間若有神兵乃相謂曰城內必有大異人不
可攻也稍稍引去唐武德中師卻返蘄春住破
頭山一日往黃梅縣路逢一小兒骨相奇秀異

天聖廣燈錄第七

第五卷

乎常童師問曰子何姓答曰姓即有是常姓師
曰是何姓答曰是佛性師曰汝無姓邪答曰性
空故師默識其法器即令一僧至其家於父母
所諭令出家父母殊無難色曰願垂攝受師遂
與落髮受具既而乃告之曰如來以正法眼藏
付傳迦葉次第屬授而至於我我今付汝并達
磨製裝以為法信汝善護持流布將來無令斷
絕聽吾偈曰

華種有生性 因地華生生 大緣與性合
當生生不生

付衣法已告眾曰吾武德中遊廬山登絕頂望
破頭山紫氣如蓋下有白氣橫分六道汝等會
否眾皆默然忍曰得非和尚佗後橫出一支佛
法否師曰善後此一觀中太宗嚮師道味欲
瞻風采詔赴京師上表遜謝前後三返竟以疾
辭又命使曰如果不起即取首來使至山諭旨
師乃引頭就刃神色儼然使異之迴以狀聞帝
彌加欽慕就賜珍縉以遂其志迨高宗永徽中
忽垂誠曰一切諸法悉皆解脫汝等各自護念
流化未來言訖端坐而逝壽七十有二塔于本
山雙峯明年四月八日塔戶無故自開儀相如
生爾後不敢復閉代宗證大醫禪師慈雲之塔
第三十二祖弘忍大師者蘄州黃梅人也姓周

氏生而岐嶷童遊時逢一智者嘆曰此子闕七種相不逮如來後過於破頭山咸亨中有一居士姓盧名慧能自新州來參謁師問曰汝自何來曰嶺南師曰欲須何事能曰惟求作佛曰嶺南人無佛性若為得佛能曰人即有南北佛性豈然師知其器乃呵曰著槽檟去能作禮而退便入碓坊服勞於杵臼之間晝夜不息師知付授將至遂告衆曰正法難解不可徒記吾言持為己任汝等可各隨意述一偈章若語意冥符即衣法借付是時會下七百餘僧上座神秀者乃於麻壁書偈曰

身是菩提樹 心如明鏡臺 時時勤拂拭 莫遣惹塵埃

師經行次見斯偈知是神秀所述嘆曰依此修行亦得人天之果能在碓坊忽聆諷偈乃問同學是何章句曰爾不知和尚求法嗣令各述心偈此則秀上座所述能即自述四句偈至夜密令人寫於秀偈之側云

菩提本無樹 明鏡亦非臺 本來無一物 何處有塵埃

大師見此偈云此是誰作亦未見性遂脫屣摩去其字由是衆不之顧逮夜師密詣自碓坊曰米白也否能曰白也未有篩師於碓以杖三擊

之能即以三鼓入室師告曰佛之出世為一大事付于迦葉展轉相授至菩提達磨屈于此土得可大師承襲以至於吾今以法寶及所傳袈裟用付於汝汝當善自保護流布將來無令斷絕汝受吾教聽吾偈曰

有情來下種 因地果還生 無情既無種 無性亦無生

能居士受衣法啓曰法則既受衣付何人師曰昔達磨初至人未之信故傳衣以明得法今信心已熟衣乃爭端止於汝身不復傳爾且當遠引俟時行化所謂受衣之人命如懸絲復云一華開五葉結果自然成又云果滿菩提圓華開世界起能曰當居何所師曰逢懷即止遇會且藏能禮辭已捧衣潛出是夜南邁大衆莫知翌日衆心疑訝師曰吾道行矣何更詢之復問衣法誰得邪師曰能者得於是衆議盧行者名能尋訪既失潛知彼得時僧慧明奔逐至大庾嶺頭能見明來隱於莽中但以衣置地明舉之莫動明即呼云我來求法不求其衣能遂出曰不得思惡不得思善正當恁麼時還我明上座本來面目明於是大悟能曰汝須速迴遇蒙即止逢東當住明即禮謝而返逮至嶺下遇衆追之明始之曰自嶺而來杳無所見衆即踐焉明後

易名道明蓋避師名之一字也止袁州蒙山忽告衆曰吾今事畢時可行矣即入室安坐而逝壽七十有四唐高宗上元二年壬申歲二月十五建塔于黃梅之東山代宗謚大滿禪師法雨之塔

第三十三祖惠能大師者俗姓盧氏其先范陽人父行瑫武德中左官于南海之新州遂占籍焉三歲喪父其母守志鞠養及長家尤貧窶師樵采以給一日負薪至市聞客讀金剛經至應無所住而生其心有所感寤而問曰此何法也得於何人客曰此名金剛經得於黃梅師遠告其母以為法尋師之意直抵韶州遇高行士劉志略結為交友尼無盡藏者即志略之姑也常讀涅槃經師暫聽之即為解說其義尼遂執卷問字師曰字即不識義即請問尼曰字尚不識焉能會義師曰諸佛妙理非關文字尼驚異之告鄉人云能是有道之人宜請瞻禮近有寶林古寺舊地可完緝延師居之四衆霧集咸成寶坊師一日自念曰我求大法豈可中道而止遂至昌樂縣西山石室間遇智遠禪師師遂請益遠曰觀子神機爽拔殆非常人吾聞西域菩提達磨傳心印于黃梅汝當往彼參汝師辭去造黃梅之東山即唐咸亨年中也思大師一見默

天聖廣燈錄第七

第九卷

九

而識之後傳衣法今隱于懷集四會之間至儀鳳元年丙子正月八日屆南海遇印宗法師於法性寺講涅槃經師見二法師爭風幡一人言風動一人言幡動能召曰不是風動不是幡動仁者心動二人言下大悟曰莫是虛行者否是即遠說師曰我即慧能也二法師曰我等乃西天今來於此土與汝被剃受具仍法性寺有智光律師戒壇即宋朝求那跋陀三藏之所置也記云後有肉身菩薩在此壇受戒又梁末真諦三藏於壇之側手植二菩提樹記曰卻後一百二十年有大士受具於此樹下宛如宿契二法師曰我為汝落髮之師汝為我得法之師矣蓋以感悟風幡之言也明年二月八日受具已曰吾不願居此後師至寶林寺韶州刺史韋據請居大梵寺中宗神龍元年降詔云朕請安秀二師宮中供養萬機之暇每究一乘二師並推讓云南方有能禪師密受忍大師衣法可就彼問今遣內侍薛簡馳詔迎請願師慈念速赴上京師上表辭疾願終林麓薛簡曰京城禪德皆云欲得會道必須坐禪習定若不因禪定而得解脫者未之有也未審師所說法如何師曰道由心悟豈在坐也經云若言如來若坐若臥是行邪道何故無所從來亦無所去究竟無證豈况

天聖廣燈錄第七卷

第十卷

九

至邪簡曰弟子之迴主上必問願師慈悲指示心要師曰道無明暗明暗是代謝之義明暗無蓋亦是有盡相待立名故經云法無有比無相得故簡曰明喻智慧暗况煩惱修道之人僅不以智慧照破煩惱無始生死憑何出離師曰煩惱即是菩提無二無別若以智慧照煩惱者此是二乘小見羊鹿等機大智上根悉不如是簡曰如何是大乘人見師曰明與無明凡夫見智者了達其性無二無二之性即是實性實性者處凡愚而不滅在賢聖而不增住煩惱而不亂居禪定而不寂不斷不常不來不去不在中間及其內外不生不滅性相如常住不遷名之曰道簡曰師說不生不滅何異外道所談師曰外道所談不生不滅者將滅止生以生顯滅滅猶不滅生亦無生我說不生不滅者本自無生今亦無滅所以不同外道外道者但以文字句義所說欲知心要善惡都莫思量自然得入妙用河沙簡于是言下大悟曰弟子始知本性不遷涅槃寂靜無餘有法一切現前言已禮辭歸闕表奏師語有詔謝師并賜摩訶袈裟寶鉢綰帛十二月十九日勅改古寶林為中興寺三年十一月十八日又勅韶州重加修飾大師寫經坊賜額為法泉寺師新州舊居為國恩寺一日

師謂眾曰諸善知識汝等靜心聽吾說法汝等諸人自心是佛更莫狐疑外無一物而能建立所以心生種種法生心滅種種法滅若欲成就種智須達一相三昧一行三昧若於一切處而不住相於彼相中不生憎愛亦無取捨不念利益成壞等事安閑恬靜虛融澹泊此名一相三昧若於一切處行住坐臥純一真心不動道場真成淨土此名一行三昧若人具此三昧如地有種含藏長養成熟其實一相一行亦復如是

我今說法猶如時雨普潤大地汝等佛性譬諸種子遇茲霑洽悉得發生承吾旨者汝獲菩提依吾行者定證妙果先天元年告眾曰吾受忍大師衣法今為汝等說法不付其衣蓋汝等信根純熟決定不疑堪任大事聽吾偈曰

心地含諸種 普雨悉皆生 頓悟華情已 菩提果自成

復曰其法無二其心亦然其道清淨亦無諸相汝等慎勿觀淨及空其心此心本淨無可取捨各自努力隨緣好去師說法化世經四十載其年七月六日命弟子往新州國恩寺建報恩塔先天二年七月一日謂眾曰吾欲歸新州速理舟楫眾曰師從此去早晚卻迴師曰葉落歸根來時無口又問師之法藏何人傳受師曰有道

者得無心者通又問後莫有難否曰吾滅後五
六年當有一人來取吾首聽吾記云

頭上養親 口裏須餐 遇滿之難 楊柳為官

又云吾去七十年有二菩薩從東方來一在家

一出家同時興化建立吾宗締緝伽藍昌隆法

嗣言訖往新州國恩寺跏趺示寂即其年八月

三日也時韶新兩郡各修塔廟僧俗莫決所之

兩刺史共焚香祝云香煙引颺即師之欲歸焉

時鐘香騰涌直貫曹谿以十一月十三日入塔

壽七十六前韶州刺史韋據撰碑會人憶取首

之記遂先以鐵葉漆布固護師頭開元十年八

月三日夜忽聞塔中鏗然有聲僧眾驚起見一

人裹白巾從塔中出踰垣而遁尋周視什器一

無所失俄見師頭有傷具以賊事聞於州縣縣

令楊侃刺史柳無忝切加擒捕五日於石角村

獲賊人送韶州鞠問云姓張名行滿汝州梁縣

人於洪州開元寺受新羅僧金令取六祖大師

首歸海東供養柳守聞狀未即加刑乃躬至曹

谿問師上足令瑫曰如何處斷瑫曰若以國法

論理固當宜然但以佛教慈悲冤親平等況彼

欲求供養罪可恕之柳守嘆嘉始知佛門廣大

遂赦之上元元年肅宗遣使就請師衣鉢歸內

供養至永泰元年五月五日代宗夢六祖大師

請衣鉢七日勅刺史楊城云朕夢感能禪師請

傳法袈裟卻歸曹谿今遣鎮國大將軍劉崇景

頂戴而送朕為之國寶卿可於本寺如法安奉

專令僧眾嚴加守護勿令遺墜或為人偷竊皆

不逮而獲憲宗諡大鑿禪師塔曰元和靈照南

越記云晉初海內崩裂各據兵權署曹叔良為

鎮南將軍知平南總管事晉剋復之後以王爵

封叔良本山雙峯間叔良有別墅捨其地為雙

峯曹谿曹谿由是名著實林寺者梁天監中有

僧經始之刻石曰卻後一百七十年有大權菩

薩說法度人傳化四方學徒霧集宜以實林題

之州特具奏仍御書其額至儀鳳二年大師駐

錫皆符先記後改額神龍中曰中興曰法泉後

三年曰廣果開元九年曰建興肅宗曰國寧寺

宣宗曰南華迄今無鶯雀棲止有達磨祖師所

傳袈裟一條西域屈曠布緝木綿華心織成有

云絲布者非也其衣青黑色後人以碧絹為裏

中宗賜摩訶寶鉢方辯塑真道具等主塔者尸

之開元中廣州觀察使宋璟作禮於塔見上足

令瑫問曰云何名無生法忍瑫曰知生既如一

切皆爾是名無生於生自在是名法忍知滅不

滅是名無生善法不忘是名法忍發菩提心是

名無生諸結不起是名法忍對境不瞋是名無

生不惱他人是名法忍內無妄念是名無生外

無染汙是名法忍般若無住是名無生智慧觀

照是名法忍璟聞頂受之遂伸弟子禮

星朝開寶初王師平南海劉氏殘兵作梗師之

塔廟鞠為煨燼而真身一無所損尋有

制興修功未竟會

太宗即位留心禪門頗增壯麗焉

今上踐祚

明肅太后助政奉慈聽斷天下治平上獨留心

於禪法蓋天啓其哀也嘗遣使迎請衣鉢入宮

中久留申供彌加寶飾真永殊跡大師自唐先

天二年癸丑入滅至今景祐三年丙子歲凡

三百二十五年矣

天聖廣燈錄卷第七



趙城縣廣勝寺

天聖廣燈錄卷第八

九

中華第三十三祖慧能大師下法嗣

潭州南嶽山龍音院懷讓禪師

潭州南嶽山觀音院懷讓禪師下法嗣

江州馬祖道一大寂禪師

江州馬祖道一大寂禪師下法嗣

洪州百丈山大智禪

洪州百丈山大智禪師下法嗣

筠州黃蘗禪師山斷際禪師

南嶽山懷讓禪師者姓杜氏金州人也年十五

往荊州玉泉寺依弘景律師出家受具之後習

毗尼藏一日自歎曰夫出家者為無為法時同

學坦然知師志高邁勸師謁嵩山安和尚安啓

發之乃直詣曹谿參六祖祖問什麼處來曰嵩

山來祖曰什麼物恁麼來曰說似一物即不中

祖曰還假修證否曰修證即不無不敢汚染祖

曰此不汚染是諸佛之護念西天般若多羅

識汝曰

領得彌勒語 離身日日數 東梁移近路

餘氣脚天徒

又曰出一馬駒踏殺天下人先天二年始往衡

嶽居般若寺開元中 沙門道一即馬祖大師

也往傳法院常日坐禪師知是 一日往庵

天聖廣燈錄

二

六

前磨埽師問云磨

讓云作鏡 師云

磨埽豈得成鏡 讓云磨埽既不成鏡坐禪豈

得成佛邪 師云如何即是 讓云譬如駕車

車若不行打牛即是打車即是又曰汝學坐禪

為學坐佛若學坐禪非坐取若學坐佛佛非

定相於無住法不應取捨汝若坐佛即是殺佛

若執坐相非達其理一闍示誨豁然大悟禮拜

問曰如何用心即合無相三昧讓曰汝學心地

法門如下種子我說法要譬彼天澤汝緣合故

當見其道又問曰道非色相云何能見讓曰心

地法眼豈能見乎無相三昧亦復然矣一日有

成壞否讓曰若以成壞聚散而見道者非也聽

吾偈曰

心地合諸種 遇澤悉皆萌 三昧華無相

何壞復何成

一蒙開悟心地超然侍奉十秋日登深處入

室弟子總有六人咸各印可曰汝等六人同證

吾身各契一路一人得吾眉善威儀 一人得

吾眼善願願 一人得吾耳善聽理 一人得

得吾鼻善知氣 一人得吾舌善談說 一人

得吾心善古今 又曰一切法皆從心生若達

心地所作無礙非過上根宜慎辭哉至開元中

闍化江西讓大師問衆曰道一為衆說法否衆

曰已說法讓曰未見通箇消息來眾無對讓遣一僧去云待伊上堂時但問作麼生記取答話來僧如教迴舉似讓大師馬師有云自從胡亂後三十年不曾開眼讓然之天寶中趣寂於衡嶽勅證大慧禪師最勝輪之塔吏部侍郎歸登製碑文并書

江西道一禪師者漢州什邡人也姓馬氏容自奇異牛行虎視引舌過鼻足下有二輪文幼歲依資州唐和尚落髮受具於渝州圓律師唐開元中習禪定於衡嶽傳法院遇讓和尚密受心印西天二十七祖般若多羅識曰

震且雖闕無別路 要假姪孫脚上行
金雞解銜一顆米 供養十方羅漢僧

又六祖能和尚謂讓曰汝出一馬駒躍殺天下人厥後江西法嗣布於天下時號馬祖焉始自建陽佛蹟嶺遷至臨川次至南康龔公山大歷中隸名於開元精舍時連帥路嗣恭聆風景慕親受宗旨由是四方學者雲集坐下一日謂眾曰汝等諸人各信自心是佛此心即是佛心達磨大師從南天竺國來躬至中華傳上乘一心之法令汝等開悟又引楞伽經文以印眾生心地恐汝顛倒不自信此心之法各各有之故楞伽經云佛語心為宗無聞為法門又云夫求法

者應無所求心外無別佛佛外無別心不取善不捨惡淨穢兩邊俱不依怙達罪性空念念不可得無自性故故三界唯心森羅萬象一法之所印凡所見色皆是見心心不自心因色故有心汝但隨時言說即事即理都無所礙菩提道果亦復如是於心所生即名為色知色空故生即不生若了此意乃可隨時著衣喫飯長養聖胎任運過時更有何事 時有僧問如何是修道 大師云道不屬修若言修得修成還壞即同聲聞若言不修即同凡夫 又問作何見解即得達道 大師曰自性本具足但於善惡事上不滯突作修道人取善捨惡觀空入定即屬造作更若向外馳求轉轉遠但盡三界心量一念妄心即是三界生死根本但無一念即除生死根本即得法王無上珍寶無量劫來凡夫妄想曲邪偽我慢貢高合為一體故經云但以眾生成成此身起時唯法起滅時唯法滅此法起時不言我起滅時不言我滅前念後念中念念念不相待念念寂滅變作海印三昧攝一切法如百千異流同歸大海都名海水住於一味即攝眾味住於大海即泯諸流如人在大海中浴即用一切水所以聲聞悟迷凡夫迷悟聲聞不知聖心本無地位因果階級心量妄想修

因證果住其空定八萬劫二萬劫雖即已悟卻迷諸菩薩觀如地獄苦沈空滯寂不見佛性若至上根眾生忽遇善知識指示言下領會更不歷於階級地位頓悟本性故經云凡夫者返覆心而聲聞無也對迷說悟既無迷悟不立大道一切眾生從無量劫來不出法性三昧長在法性三昧中著衣喫飯言談祇對六根運用一切施為盡是法性不解返源隨名逐相迷情妄起造種種業若能一念返照全體聖心汝等諸人各達自心莫記吾語縱說得河沙道理其心不增總說不得其心不減說得亦是汝心說不得亦是汝心乃至分身放光現十八變不如還我死灰來淋過死灰無力拈聲聞妄修因證果未淋過死灰有力拈菩薩道業純熟諸惡不染若說如來權教三藏河沙劫說不可盡猶如鉤鎖亦不斷絕若悟聖心總無餘事又立珍重師上堂眾集次龐居士問不與萬法為侶者是什麼人 師云待你一口吸盡西江水即向汝道又問不昧本來人請師高著眼 師直下覷居士云一種沒弦琴唯師彈得妙 師又直上覷 居士禮拜師歸方丈 居士隨後云弄巧成拙 僧問如何是佛 師云即心是佛 僧問離四句絕百非外請師直指西來意

天聖廣燈錄卷一

第五

師云我今日無心清汝去問取西堂智藏去
 僧下來至西堂處又問 西堂遂以手指頭云
 我今日頭痛不能為汝說去問取海兄去
 僧又至百丈處問 百丈云我到這裏卻不會
 僧卻來舉似大師 師云藏頭白海頭黑
 師入山採藤見水老便作放勢水老近前接
 師便蹋倒水老呵呵笑云無量妙義百千三昧
 都來祇在一毫頭 鄧隱峯辭師師云什麼處
 去 云石頭去 師云石頭路滑 云竿木隨
 身逢場作戲 到石頭繞禪牀一巾振錫而立
 問是何宗旨 頭云看天看天 峯無語復迴舉
 似馬祖祖云更去問待忙有蒼汝便作虛聲
 峯至石頭一依前問是何宗旨頭乃噓噓
 峯迴舉似祖祖云向你道石頭路滑師一日示
 衆云道不用修但莫污染何為污染但有生死
 心造作趣向皆是污染若欲直會其道平常心是
 道謂平常心無造作無是非無取捨無斷常無
 凡聖經云非凡夫行非賢聖行是菩薩行祇如
 今行住坐臥應機接物盡是道道即是法界乃
 至河沙妙用不出法界若不然者云何言心地
 法門云何言無盡燈一切法皆是心法一切名
 皆是心名萬法皆從心生心為萬法之根本經
 云識心達本故號沙門名等義等一切諸法皆

天聖廣燈錄卷一

等純一無雜若於教門中得隨時自在建立法
 界盡是法界若立真如盡是真如若立理一切
 法盡是理若立事一切法盡是事舉一切理事
 無差盡是妙用更無別理皆由心之迴轉譬如
 月影有若干真月無若干諸源水有若干水性
 無若干森羅萬象有若干虛空無若干說道理
 有若干無礙慧無若干種種成立皆由一心也
 建立亦得掃蕩亦得盡是妙用妙用盡是自家
 非離真而有立處即真立處盡是自家體若不
 然者更是何人一切法皆是佛法諸法即解脫
 解脫者即是真如諸法不出於真如行住坐臥
 悉是不思議用不待時節經云在在處處則為
 有佛佛是能仁有智慧善機情能破一切衆生
 疑網出離有無等縛凡聖情盡入法俱空轉無
 等輪超於數量所作無礙事理雙通如天起雲
 忽有還無不留礙跡猶如畫水成文不生不滅
 是大寂滅在纏即如來藏出纏名淨法身體無
 增減能大能小能方能圓應物現形如水中月
 滔滔運用不立根苗不盡有為不住無為有為
 是無為之用無為是有為之依不住於依故云
 如空無所依心生滅義心真如我心真如者譬
 明鏡照像鏡喻於心像喻諸法若心取法即涉
 外因即是生滅義不取諸法即是真如義聲聞

天聖廣燈錄卷一

第六

聞見佛性菩薩眼見佛性了達無二名平等性
 性無有異用則不同在迷為識在悟為智順理
 為悟順事為迷迷即迷自本心悟即悟自本性
 一悟永悟不復更迷如日出時不合於暗智慧
 日出不與煩惱暗俱了心境界妄想即除妄想
 既除即是無生法性本有有不假修禪不屬坐
 若見此理真正合道隨緣度日坐起相隨戒行
 增薰積於淨業但能如是何慮不通久立珍重
 師於^北觀元年正月申登建昌石門山於林中
 經行見洞壑平坦處謂侍者曰吾之朽質歸茲
 地矣既而示疾院主問和尚四大近日作麼生
 師云日面佛月面佛至二月十日沐浴跏趺而
 化元和中追謚大寂禪師塔曰大莊嚴海昏縣
 影堂存焉享年八十僧復六十至 皇宋景祐
 三年丙子歲總二百五十四年矣
 洪州百丈山大智禪師者福州長樂人也卅歲
 離塵三學該練屬大寂闡化洪州乃傾心依附
 與西堂智藏禪師南泉普願同號入室時三大
 士為角立焉一夕三人隨侍馬祖說月次祖問
 云正當恁麼時如何 西堂云正好供養
 師云正好修行 泉拂袖便去 祖云經入藏
 禪歸海唯有普願獨超物外 師參馬大師纔
 見便問什麼處來 師云山後來 馬云還逢

著一人 師云不逢著 馬云為什麼不逢著
 師云若逢著即舉似和尚 馬云什麼處得者
 箇消息 師云專甲罪過便禮拜 馬云卻是
 老僧罪過 馬大師見師便豎起拂子 師云
 即此用離此用 馬卻掛拂子於舊處 師良
 久 馬云你已後開兩片皮將何為人 師遂
 拈起拂子 馬云即此用離此用 師卻掛拂
 子於舊處 馬便噉 師直得三日耳聾
 僧問如何是奇特事 師云獨坐大雄山
 僧禮拜 師便打 黃檗和尚到師處云專甲
 欲去禮拜馬大師 師云大師已遷化也
 黃檗問馬師有何言句 師遂舉參馬大師因
 緣 黃檗聞舉不覺吐舌 師云子已後承嗣
 馬大師去 黃檗云不然因師舉得見馬大師
 大機之用雖見大機之用不識大師若嗣馬大
 師已後喪我兒孫 師云見與師齊減師半德
 見過於師方堪傳授子甚有超師之見 瀉山
 問仰山百丈參馬大師因緣此二尊宿意旨如
 何 仰山云此是顯大機之用 瀉山云馬大
 師出八十四人善知識幾人得其大機幾人得
 其大用 仰山云百丈得大機黃檗得大用餘
 者總是唱道之師 瀉山云如是如是 師因
 普請開田迴師問運開梨開田不易 黃檗云

眾僧作務 師云莫有頑道用 藥云爭敢吉
 勞 師云開得多少田 藥便作鋤田勢
 師便喝 藥掩耳出去 師問黃檗什麼處來
 藥云山下採菌子去來 師云山下有一虎汝
 還見麼 藥便作虎聲 師普下取斧便斫
 藥約住便掌 師晚間上堂云大眾山下有一
 虎汝等諸人出入好看老僧今日親遭一口
 瀉山問仰山黃檗虎話作麼生 仰山云和尚
 作麼生 瀉山云百丈當時便合一斧斫殺因
 什麼到如此 仰山云不然 瀉山云子又作
 麼生 仰山云不唯騎虎頭兼解把虎尾
 瀉山云寂子有險崖之句 師每日上堂示眾
 常有一老人聽法眾人既散獨留不去 師遂
 問立者何人 老人云專甲非人 師云因何
 到此 老人云專甲於過去生中曾住此山有
 學人問大修行人還落因果也無對云不落
 因果墮在野干身今請和尚伐一轉語 師云
 你但問老人便問大修行人還落因果也無
 師云因果歷然老人言下大悟告辭和尚專甲
 已免野干身專甲在山後住告乞依亡僧例焚
 燒 師令維那白旛告眾齋後普請燒亡僧大
 眾盡言眾皆安樂至晚齋師遂舉前因緣
 黃檗便問古人錯低對一轉語落在野干身轉

轉不錯作箇什麼 師云近前來 黃檗近前
 打師一掌 師云將為胡驢赤更有赤驢胡
 瀉山舉黃檗因緣門仰山 仰山云黃檗常用
 此機 瀉山云汝道天生從人得 仰山云亦
 是稟受師承亦自宗通 瀉山云如是如是
 瀉山在師會下為典座司馬頭陀舉野干話問
 典座作麼生 典座以手撼門扇 司馬云大
 羸生 典座云佛法不是者箇道理 黃檗問
 從上古人以何法示人 師良久 黃檗云後
 代子孫以何傳授 師云將為你者漢是箇人
 便歸方丈 師與瀉山作務次 師問有火也
 無 瀉山云有 師云在什麼處 瀉山把柴
 吹過與師 師接得云如蟲蝕木 一日有僧
 哭入法堂 師云作麼 僧云父母俱喪請師
 選日 師云一時埋卻 師上堂謂眾云併卻
 咽喉唇吻速道將來 瀉山云專甲道不得請
 和尚道 師云不辭與汝道他後喪我兒孫
 五峯云和尚亦須併卻 師云無人處所願望
 雲巖云專甲有道處請和尚舉 師云併卻咽
 喉唇吻速道將來 雲巖云師今有也
 師云喪我兒孫 師上堂謂眾云我要一
 人去傳語西堂阿誰去得 五峯云某甲
 去得 師云汝怎麼生傳語 五峯云待見

天聖廣德錄第八

第十三

西堂即道 師云道什麼 五峯云卻來舉以和尚 唐元和九年正月十七日示寂壽九十五長慶元年勅謚大智禪師塔曰大寶勝輪

筠州黃檗鷲峯山斷際禪師者閩中人也幼於本州黃檗山出家眉間隆起如珠音解暢潤志意冲澹後遊天台逢一僧如舊識乃同行屬澗水暴漲師倚杖而止其僧率師同過 師云請兄先過其僧乘笠於水上過 師云我卻共箇稍子作隊早知一棒打殺 有僧辭歸宗

宗云往什麼處去 僧云諸方學五味禪去 宗云諸方有五味禪我者裏秋有一味禪 僧便問如何是一味禪 宗便打 僧云會也會也 宗住棒云道道 僧擬開口 宗又打 僧後到師處師見便問什麼處來 僧云歸宗來 師云有何言句 僧遂舉前話 師上堂舉此因緣云馬大師出八十四人善知識問著箇箇阿漉漉地祇有歸宗教此子 師在驪官會裏大中帝為沙彌 師於佛殿上禮拜 沙彌云不著佛求不著法求不著眾求長老當何所求 師云不著佛求不著法求不著眾求常禮如是事 沙彌云用禮何為 師便掌 沙彌云太轟生 師云者裏什麼所在說轟說細隨後擬掌 沙彌便走 師行脚到南泉一

天聖廣德錄第八

第十三

日捧鉢向上板頭立 南泉問什麼年中行道 師云咸音王佛已前 泉云猶是王老師孫 師便下去 一日出次南泉云許大身材戴箇些子大笠子 師云三千大千世界總在裏許 泉云王老師味 師戴笠子便行 又一日在茶堂內舉話次 泉問定慧等學明見佛性此理如何 師云十二時中不依倚一物 泉云莫便是長者是麼 師云不敢 泉云穀水錢即且置草鞋錢教什麼人還 為山舉此因緣問仰山汝道當時這黃檗真搆他南泉不得 仰云不然須知黃檗有陷虎之機 為山云子見處得恁麼長 又一日泉問什麼處去 師云擇菜去 泉云將什麼擇 師竖起刀子 泉云紙解作質不解作主 師曾散眾在一寺中裴休相公在筠州一日入寺行次見壁畫問寺主云是什麼人畫 寺主云高僧畫 休云形影在此高僧在什麼處 寺主無語 休云此處莫有會禪者麼 主云有一僧會遂請相見 休舉前因緣問 師乃召云裴休 裴休應諾 師云在什麼處 休於言下有省再請 師開堂 師上堂謂眾云汝等諸人盡是童酒糟漢恁麼行脚笑殺他人總似恁麼容易何處更有今日汝還知道大唐國裏無禪師麼

天聖廣德錄第八

第十三

時有僧問諸方老宿見今出世為何卻言無禪 師云我不道無禪只道無師 為山舉此因緣問仰山作麼生 仰云纔玉擇乳素非鴨類 為山云此實難辨 裴休問山中四五百人有幾人得和尚法 師云得者則得莫測其數道在心悟豈在言說所以言說化童蒙 問如何是佛 師云即心是佛無心是道但無心念有無長短彼我能所心本是佛佛不是心心如虛空所以云佛真法身猶如虛空不用別求有求皆苦設使河沙劫數六度萬行得佛菩提亦非究竟以何如是為屬因緣使造作故因緣若盡還歸無常所以報化非真亦非說法但識自心無我無人本來成佛 問聖人無心即是佛凡夫無心莫沈寂否 師云法無凡聖亦無沈寂法本不有莫作無見法本不無莫作有見有無諸見盡是情見猶如幻翳所以見聞如幻化知覺乃眾生祖宗門中祇論忘機息見所以忘即佛道墜分別魔軍熾 問心說本來是佛還修六度萬行否 師云悟在於心非關萬行六度萬行盡是度門接物度生須藉萬行菩提涅槃真如實相解脫法身直至十地四果聖人盡是度門非是佛心心即是佛所以一切法門佛心第一但無生死煩惱等心即不用菩提等法所

以云如來一切法度我一切心我無一切心何須一切法從佛至祖師相承並不論別事唯論一心亦云一乘所以十方壽末唯一佛乘無二亦無三所以此法難信遠磨西來至於此土梁魏三國祇有一人可大師信覓心了不可得言下大悟無心是佛身心俱無是名大道本來平等所以深信舍生同一真性心性不異即性即心心心不異名之為祖所以認得心性時可說不思議 問佛度眾生否 師云實無一眾生如來度者我尚不得非我何得佛與眾生不可得故 問現三十二相及眾生何得言無 師云凡所有相皆是虛妄若見諸相非相即見如來佛與眾生盡是汝作祇為不識謾作見解作佛見便被佛障作眾生見便被眾生障作凡作聖作垢作淨等見盡成於障障汝心故盡成輪轉猶如獼猴放一捉一無有歇時一等是學直須無學無凡無聖無淨無垢無大無小無漏無為如是一心中方便勤莊嚴聽汝學得三乘十二分教有一切見解總須捨却所以除去所有唯置一牀寢疾而臥不起諸見無法可得不被法障透脫三界凡聖境域方得自在名出世佛所以稽首如虛空空無所依出過外道心既不異法亦不異心既無為法亦無為

法盡由心變所以我心共空諸法亦空千品萬類悉皆同盡十方空界無一心體心本不異法亦不異祇為汝見解不同所以譬如諸天同寶器食隨其福德飯食有異十方諸佛實無少法可得名為阿耨菩提是一心實無異相亦無光彩亦無勝劣無勝故無佛相無劣故無眾生相 問心既無相豈得全無三十二相八十種好化度眾生 師云三十二相皆屬相凡所有相皆是虛妄八十種好皆屬色若以色見我是人行邪道 又問佛性與眾生性同別 師云性無同異若約三乘教即說有眾生性有佛性若約佛及祖師相傳即不說如是事唯指一心心非同異亦非因果所唯一乘道無二亦無三障佛方便說 問無邊身菩薩為何不無三障佛方便說 師云實無可見何以故無邊身見如來頂相 師云實無可見何以故無邊身菩薩即是如來不應須見祇教汝如今不作佛見不落佛邊不作眾生見不落眾生邊不作有見不落有邊不作無見不落無邊不作凡見不落凡邊不作聖見不落聖邊但無諸見即是無邊若有所見即名外道外道者樂著諸見菩薩於見不動如來者即諸法如義所以彌勒亦如也舉重亦如也如即無生如即無滅如即無見如即無聞如須即圓亦無無圓無圓見故不落

圓邊佛身無為不墮諸數權以虛空為喻圓同太虛無欠無餘等閑無事強辯佗境方便成識所以圓明沈識海流轉若漂蓬即道我知也學得也契悟也解脫也有道理也強處即喜弱起生真似者簡見解有什麼用處我向汝道等閑無事莫護用心不用求真唯須息見所以內見外見佛道魔道俱名是錯所以文殊起佛見法見見向二鐵圍山文殊即寶智普賢即權智權實相對亦無權實纔作佛見作眾生見有見無見常見斷見便成二鐵圍山見障故祖師直指一切眾生本心本體本來成佛不假修成不屬漸次不是明暗無明暗故所以無無明亦無無明盡入我此宗切須謹審如此見得名之法見故名為佛佛法俱無名之為僧喚作無為僧亦名一體三寶夫求法者不著佛求不著眾求應無所求不著佛求佛亦無法不著眾求僧亦無法問和尚如今現說法何得言僧亦無法 師云汝若見我有法可說即是以音聲求若見有我即是處所法亦無法法即是心所以祖師云付此心法時法法何曾法無法無本心始解心心法實無一法可得始得名為坐道場者祇是不起諸見悟法本空喚作如來藏本來無物何處有塵若得此中意道通何可論 問本來

天聖廣燈錄第八

第十張

九

無一物莫便是否 師云無亦不是菩提無是
 處亦無無知解 問何者是佛 師云汝心是
 佛佛即是心心佛不異故云即心即佛若離於
 心別更無佛 問若自心是佛祖師西來如何
 傳授 師云祖師西來唯傳心佛直指汝心本
 來是佛心心不異故名爲祖若見此心頓起三
 乘一切諸位本來是佛不假修成 問若此十
 方諸佛出世復說何法 師曰諸佛出世共說
 一心法所以密付迦葉盡虛空徧法界名爲佛
 理論者箇法豈是汝言向上解得佗亦不是一
 機一境見得佗此意唯在默契得者即得若不
 悟得此意毫釐有差天地懸隔 問如何會得
 此門 師云此門名無爲法門若欲會去但自
 無心忽悟即得若用心擬學取即轉遠也若無歧
 路心一切取捨心心如木石始有學分 問如
 今見有種種妄念如何是佛 師云妄本無體
 即汝心起若識心是佛心本無妄那得起心更
 認於妄汝但不生心自然無妄所以心生即種
 種法生心滅則種種法滅 問今正悟時佛在
 何處 師云汝今覺妄起時妄正是佛若無妄
 念佛亦何處如此爲汝起心作佛見便爲有佛
 可成作衆生見便言有衆生可度起心動念總
 是汝見若無一切見佛有底處 問如何發菩

天聖廣燈錄第八

第十張

九

提心 師云菩提無所得汝今但發無所得心
 決定不失菩提無住故無有得者故云我於然
 燈佛所無有少法可得佛即與我授記明知一
 切衆生本是菩提不應更得菩提汝今開發菩
 提心謂得一箇心學取佛唯擬作佛任汝歷三
 祇百劫修亦祇得一箇報化佛與汝本源真性
 有何交涉故云外求有相佛與汝不相似
 問本來是佛那得更有四生六類種種形臭不
 同 師云佛體本圓更無增減流入五道處處
 皆圓萬類之中箇箇是佛譬如一水銀分散諸
 處顆顆皆圓若不分時只是一體一切種形喻
 如屋舍捨畜屋入人屋捨人身至于天身乃至
 聲聞緣覺菩薩屋皆是汝取捨處所以有別本
 源之性何得有別 問諸佛如何行大慈悲爲
 衆生說法 師云佛慈者無緣慈名爲大慈悲
 者不見有佛可成悲者不見有衆生可度其所
 說法無說無示聽者無聞無得譬如幻士爲幻
 人說法者箇法若爲與汝道從善知識言下領
 得會也悟也者箇慈悲若爲與汝起心動念皆
 屬不了 問何者是精進 師云身心不起是
 名第一勞強精進纔起心向外名歌利王愛遊
 獵心不外遊即是忍辱仙人身心俱無即是佛
 問若無心行此道得否 師云無心即無

天聖廣燈錄第八

第十張

九

行更論什麼得不得一如瞥起一念便是境若
 無念即是境志心亦滅無可追尋 問如何出
 三界 師云善惡都莫思量當處便是出三界
 如來出世爲破三有若無一切心三界若爲道
 如一微塵破爲百分一塵是有摩訶衍不能勝
 出百分俱無摩訶衍始能勝出珍重師於唐大
 中年終於本山勸諭斷際禪師塔曰廣葉
 天聖廣燈錄卷第八



天聖廣燈錄卷第九

洪州大雄山百丈智海禪師

夫語須辨縑素須識總別語須識了義不了義教語了義教辨清不了義教辨濁說穢法邊垢掠凡說清法邊垢掠聖從九部教說向前衆生無眼須人雕琢若於聲俗人前說直須教渠出家持戒修禪學慧若是過量俗人亦不得向佗恁麼說如維摩詰傳大士等類若於沙門前說佗沙門已受白四羯磨說具足全是戒定慧力更向佗恁麼說名非時語說不應時亦名綺語若是沙門須說淨法邊垢須說離有無等法離一切修證亦離於雜若於沙門中剝除習染沙門除貪瞋病不去亦名聲俗亦須教渠修禪學慧若是二乘僧佗歇貪瞋病去盡依在無貪將爲是是無色界是障佛光明是出佛身血亦須教渠修禪學慧須辨清濁語濁法者貪瞋愛取等多名清法者菩提涅槃解脫等多名祇如今鑒覺但於清濁兩流凡聖等法色聲香味觸法世間出世間法都不得有纖毫愛取既不愛取依住不愛取將爲是是初善是住調伏心是聲聞人是應後不捨人是二乘道是禪那果既不愛取亦莫依住不愛取是中善是半字教猶是無色界免墮二乘道免墮魔民道猶是禪那病是菩薩

天聖廣燈錄卷第九

第三

縛既不依住不愛取亦不作不住依知解是後善是滿字教免墮無色界免墮禪那執免墮菩薩乘免墮魔王位爲智障地障行障故見自己佛性如夜見色如云佛地斷二愚一微細所知愚二極微細所知愚故云有大智人破塵出經卷若透三句得過不被三段管文家舉喻如鹿得三跳出網喚作纏外佛無物拘繫得渠是屬然燈後佛是最上乘是上上智是佛道上立此人是佛有佛性是導師是使得無所礙風是無礙慧於後能使得因果福智自由是作車運載因果處於生不被生之所留處於死不被死之所礙處於五陰如門開不被五陰礙去住自由出入無難若能涅槃不論階梯勝劣乃至蟻子之身但能涅槃盡是淨妙國土不可思議猶是解縛語彼自無瘡勿傷之也佛齋菩薩等齋但說有無等法盡是傷也有無管一切法十地是濁流河衆作清流說堅清相說濁過患向前十大弟子舍利弗富樓那正信阿難邪信善星等箇箇有勝據一一有則箇箇被導師說破不

是四禪八定阿羅漢等住定八萬劫佗是依執所行被淨法酒醉故云聲聞人聞佛法不能發無上道心所以斷善根人無佛性教云喚作解脫深坑可畏之處一念心退墮地獄猶如箭射

天聖廣鑿錄第九

第九

九

亦不得一向說退亦不得一向說不退祇如文殊觀音勢至等卻來須陀洹地同類誘引不得言他退當潛麼時亦祇喚作須陀洹人祇如今鑿覺但不被一切有無諸法管透三句及一切逆順境得過聞百千萬億佛出世聞如不聞相似亦不依住不聞亦不作不依住知解說他者箇人退不得量數管他不著是佛常住世間而不凍世法說佛轉法輪退亦謗佛法僧說佛不轉法輪不退亦謗佛法僧聲云善提之道不可圖度高而無上廣不可極淵而無下深不可測語也採生招箭言鑿覺猶不是從濁辨清許說如今鑿覺是除鑿覺外別有盡是魔說若守住如今鑿覺亦同魔說亦名自然外道說如今鑿覺是自己佛是尺寸語是圖度語欲似野干鳥猶屬藕膠門本來不認自知自覺是自己佛向外馳求覓佛假善知識說出自知自覺作藥治箇向外馳求病既不向外馳求病差須除藥若執位自知自覺是禪那病是徹底聲聞如水成冰全冰是水救渴難望亦云必死之病世醫拱手無始不是佛莫作佛解佛是眾生邊藥無病不要喫藥病俱消愈如清水佛似甘草和水亦似蜜和水極是甘美若同清水邊數即不著不是無是本亦有云此理是諸人本有諸佛菩薩

天聖廣鑿錄第九

第九

九

喚作示珠人從來是箇物不用知渠解渠不用是渠非渠但割斷兩頭句割斷有句不有句割斷無句不有句兩頭跡不現兩頭捉汝不著量數管汝不得不是欠少不是具足非凡非聖不明不暗不是有知不是無知不是繫縛不是解脫不是一切名目何以不是實語若為雕琢虛空作得佛相良若為說道虛空是青黃赤白作得如云法有比無可喻故法身無為不墮諸數故云聖體無名不可說如實理空門難湊喻如火末盡亦云太末盡處處能泊唯不能泊於火焰之上眾生亦爾處處能緣唯不能緣於般若之上參善知識求覓一知一解是善知識魔生語見故若發四弘誓願願度一切眾生盡然後我始成佛是菩薩法智魔誓願不相捨故若持齋戒修禪學慧是有漏善根縱然坐道場示現成等正覺度恒沙數人盡證得辟支佛果是善根魔起貪著故若於諸法都無貪染神理獨存住甚深禪定更不外進是三昧魔久耽耽故至上涅槃離欲寂靜是魔業若智慧脫若干魔網不去縱解百本圓陀經盡是地獄滓若覓如佛相似無有是處如今閉說不著一切善惡有無等法即為墮空不知棄本逐末卻是墮空也未佛未菩提及一切有無等法是棄本逐末祇如

今處食斃命補破遮寒渴即掬水吃餘外但是一切有無等法都無纖毫繫念此人漸有輕明分善知識不執有不執無脫得十句魔語出語不繫縛人所有言說不自稱師說如谷響言滿天下無口過堪依止若道我能說能解說我是和尚汝是弟子者個同於魔說無端說道目擊道存是佛不是佛是菩提涅槃解脫等無端說一知一解見舉一手豎一指云是禪是道者個語繫縛人未有住時祇是重增比丘繩索縱然不說亦有口過寧作心師不師於心不了義教有人天師有導師了義教中不為人天師不師於法未能依得玄鑿且依得了義教猶有相親分若是不了義教祇合聲俗人前說祇如今但不依住一切有無諸法亦不住無依住亦不作不依住知解是名大善知識亦云唯佛一人是大善知識為無兩人餘者盡名外道亦名魔說如今祇是說破兩頭句一切有無等法但莫貪染及解縛之事無別語句教人若道別有語句教人別有法與人者比名外道亦名魔說須識了義教不了義教語須識遮語不遮語須識生死語須識藥病語須識逆順喻語須識總別語說道修行得佛有修有證是心是佛即心即佛是佛說是不了義教語是不遮語是總語是升合擔語是揀穢法邊語是順

喻語是死語是凡夫前語不許修行得佛無修無證非心非佛亦是佛說是了義教語是遮語是別說是百石擔語是三乘教外語是逆喻語是揀淨法邊語是生語是地位人前語從須陀洹向上直至十地但有語句盡屬法塵垢但有語句盡屬煩惱邊收但有語句盡屬不了義教了義教是持不了義教是犯佛地無持犯了義不了義教盡不許也從苗辨地從濁辨清祇如今鑒覺若從清邊數鑒覺亦不是清不鑒覺亦不是清亦不是不清亦不是聖亦不是不聖亦不是見水濁說水濁過患水若清都無可說今卻濁他水若有無問之問亦有無說之說佛不為佛說法平等真如法界無佛不受眾生佛不住佛名真福田須辨主客語貪染一切有無境法被一切有無境惑亂自心是魔王照用屬魔民祇如金鑒覺但不依住一切有無諸法世間出世間法亦不作不依住知解亦不依住無依住知解自心是佛照用屬菩薩心心是主宰照用屬客塵如波說水照萬像以無功若能寂照不自玄旨自然貫穿古今如云神無照功至功常存能一切處為導師眾生性識他為末曾躡佛階梯是藕膠性多時黏著有無諸法乍吃玄旨藥不得乍聞格外語他信不及所以菩提樹下三七日默然思惟智惠冥

朦難說無可比喻說眾生有佛性亦謗佛法僧說眾生無佛性亦謗佛法僧若言有佛性名執著謗若言無佛性名虛妄謗如云說佛性有則增益謗說佛性無則損減謗說佛性亦有亦無則相違謗說佛性非有非無則戲論謗始欲不說眾生無解脫之期始欲說之眾生又隨語生解益少損多故云我寧不說法疾入於涅槃向後返尋過去諸佛皆說三乘法向後假說假立名字本不是佛向渠說是佛本不是菩提向渠說是菩提涅槃解脫等知渠擔百石擔不起且與渠一升一合檐知渠難信了義教且與渠說不了義教且得善法流行亦勝於惡法善果限滿惡果便到得佛則有眾生到得涅槃則有生死到得明則有暗到但是有漏因果翻覆無有不相酬者若欲免見翻覆之事但割斷兩頭句量數管不著不佛不眾生不親不疎不高不下不平不等不去不來但不著文字隔渠兩頭捉汝不得免苦樂相形免明暗相酬實理真實亦不真實虛妄亦不虛妄不是量數物喻如虛空不可修治若心有少許作解即被量數管著亦如卦兆被金木水火土管亦如藕膠五處俱黏魔王捉得自在還家夫教語皆三句相連初中後善

天聖廣燈錄第九卷 第九
初直須教渠發善心中破善心後始名好善菩薩即非菩薩是名菩薩法非法非非法總與麼也若執說一句令眾生入地獄若三句一時說渠自入地獄不干教主事說道如今鑒覺是自已佛是初善不守住如今鑒覺是中善亦不作不守住知解是後善如前屬然燈後佛祇是不凡亦不聖莫錯說佛非凡非聖此土初祖云無能無聖為佛聖若言佛聖者亦是九品精靈龍畜等類及釋梵以來皆能通變上品精靈亦知古今百劫時事豈得是佛如阿修羅王身極長大敵兩倍須彌山與帝釋戰時知力不如領百萬兵衆入藕絲裏藏通變辯才不少佗且不是佛教語節級奢緩井降不同未悟未解時名貪瞋悟了喚作佛慧故云不異舊時人祇異舊時行履 問斬草伐木墾土掘地為有罪報相否 答云不得定言有罪不得定言無罪有罪無罪事在當人若貪染一切有無等法有取捨心在透三句不過此人定言有罪若透得三句外心如虛空亦莫作虛空想此人定言無罪又云罪若作了道云不見有罪無有是處若不造罪道有罪亦無有是處如律中本迷殺人及轉相殺尚不得殺罪何況禪宗下相承心如虛空不待留一物亦無虛空相將罪何處安

天聖廣燈錄第九 第九 九

者亦云禪道不用修但莫污染亦云但離名表裏心盡即得亦云但約照境祇如今照一切有無等法都莫貪取亦莫取著亦云合恁麼學學似泥垢衣衣是本有垢是外來聞說一切有無聲色如是垢膩都莫將心湊泊菩提樹下三十二相八十種好屬色十二分教屬聲祇今截斷一切有無聲色流過心如虛空相似合恁麼學如救頭然相似學始得臨終之時尋舊熟路行上不徹到箇恁麼時新調始學無有得期臨終之時盡是勝境現前隨心所愛重趣先受祇如今不作惡事當此之時亦無惡境縱有惡境亦變為好境若怕臨終之時憚狂不得自由即須如今便自由始得祇如今於一一境法都莫愛染亦莫依住知解便是自由人如今是因臨終是果果業已現如何怕得怕是古今古若有今今亦有古古若有佛今亦有佛如今若得直至未來際得祇如今一念一念莫被一切有無等法管自古自今佛祇是人人祇是佛亦是三昧定不用將定入定不用將禪想禪不用將佛覓佛如云法不求法法不得法法不行法法不見法自然得法不以得更得所以菩薩應如是正念於法罄然獨存亦無知獨存之法智性自如如非因所置亦名體結亦名體集不是智知不

天聖廣燈錄第九 第十卷

是識識絕思量處疑疑疑體盡付度永亡如海大流盡波浪不復生亦云如大海水無風而波之波忽知而波此知細中之麤忘知於知還同細中之細是佛境界從此初知名三昧之頂亦名三昧王亦名爾焰智出生一切諸三昧灌一切諸法王子頂於一切色聲香味觸法刹土成等正覺內外通達悉無有礙一色一塵一佛一色一切佛一切塵一切佛一切色聲香味觸法亦復如是一一徧滿一切刹土此是細中之麤是善境界是一切上流知覺聞見亦是一切上流出生入死度一切有無等是上流所說亦是上流涅槃是無上道是等等呢是第一之說於諸說中最為甚深無人能到諸佛護念猶如清波能說一切水清濁深流廣大之用諸佛護念行住坐卧若能如是我時為現清淨光明身又云如汝自等語等我亦如然一佛刹聲一佛刹香一佛刹味一佛刹觸一佛刹事悉皆如是從此上至蓮華藏世界縱廣總皆如是若守初知為解名頂結亦名墮頂結是一切塵勞之根本自生知見天繩自縛所知故繫世有二十五又散一切諸煩惱門縛著於此初知二乘見之名為爾焰識亦名微細煩惱便即斷除既得斷已名為迴神住空窟亦名三昧酒所醉亦名

天聖廣燈錄第九 第十一卷

解脫魔所縛世界成壞定力所持漏向別國土都不覺知亦名解脫深坑可畏之處菩薩悉皆遠離夫讀經看教語言皆須宛轉歸就自己但是一切言教祇如今鑒覺自性但不被一切有無諸境轉是汝導師能照破一切有無諸境是金剛慧即有自由獨立分若不能涓麼會得縱然誦得十二圓陀典祇成增上慢卻是謗佛不是修行但離一切聲色亦不住於離亦不住於知解是修行讀經看教若准世間是好事若向理明人邊數此是壅塞人十地之人脫不去流入生死河但是三乘教皆治貪瞋等病祇如今念念若有貪瞋等病先須治之用覓義句知解知解屬貪貪卻變成病祇今但離一切有無諸法亦離於離透過三句外自然與佛無差既自是佛何慮佛不解語祇恐不是佛被有無諸法縛不得自由是以理未立先有福智被福智載如賤使貴不如先立理後有福智若要福智臨時作得撮金成土撮土為金變海水為酥酪碎須彌山為微塵攝四大海水入一毛孔於一義作無量義於無量義作一義亦云失脚作轉輪王令四天下人一日行十善此福智猶不能算自己鑒覺名王緣念著有無諸法名轉輪王祇如今於藏腑中都不納一切有無等法離四句

外名空空名不死藥為喚前王名不死藥雖云不死藥與王共服亦非二物亦非一物若作一二解亦名輪王祇如今有人以福智四事供養四百萬億阿僧祇世界六趣四生隨其所欲滿八十年已後作是念然此眾生皆已衰老我當以佛法訓道之令得斯陀含果乃至阿羅漢道如是施主但施於眾生一切樂具功德尚自無量何況令得斯陀含果乃至阿羅漢道功德無量無邊猶不如第五十人聞經隨喜功德報恩經云摩邪夫人生五百太子盡得辟支佛果而皆滅度各各起塔供養一一禮拜歎言不如生於一子得無上菩提省我心力祇如今於百萬眾中有一人得者價直三千大千世界所以常勸眾人須玄解自理若玄使得福智如貴使賤亦如無住車若守此作解名器中珠亦名有價寶珠亦名運糞入既不守此為解如王解駘明珠與之亦名無價大寶亦名運糞出佛直是經外人卻來纏內怎麼作佛直是生死那畔人直是玄絕那畔人卻來向者岸怎麼作人及獼猴俱不能行人喻十地菩薩獼猴喻於凡夫讀經看教求一切知解不是一向不許解得三乘教善得瓔珞莊嚴具得三十二相窟宅覓佛即不得教云就著小乘三藏學者猶不許親近何況

自為是破戒比丘名字羅漢涅槃經中被配入十六惡律儀中同於畋獵魚捕為利養故殺害大乘方等猶如甘露亦如毒藥銷得去如甘露銷不得去如毒藥讀經看教若不解佗生死語決定透佗義句不過莫讀最第一亦云須看教亦云須參善知識第一項自有眼須辨佗生死語始得若辨白不得決定透不過祇是重增比丘繩索所以教學立旨人不遺讀文墨如云說體不說相說義不說文如是說者名真說若說文字皆是誹謗是名邪說菩薩若說當如法說亦名真說當今眾生持心不持事持行不持法說人不說字說義不說文說道欲界無禪亦是帶一隻眼人語既云欲界無禪憑何得至色界先因地上習二種定然後得至初禪有想定無想定有想定生色界四禪等天無想定生無色界非想非非想空處等天欲界灼然無禪禪是色界間如今說此土有禪如何答不動不禪是如來禪離生禪想問有情無佛性無情有佛性如何答從人至佛是聖情執從人至地獄是凡情執執如今但於凡聖二境有深愛心是名有情無佛性祇如今但於凡聖二境及一切有無諸法都無取捨心亦無無取捨知解是名無情有佛性祇是無其情繫故名無情不同

木石太虛黃華翠竹之無情將為有佛性若言有者何故經中不見受記而得成佛者祇如今鑒覺但不被有情改變喻如翠竹無不應機無不知時喻如黃華又云若踏佛塔梯無情有佛性若未踏佛塔梯有情無佛性 問大通智勝佛十劫坐道場佛法不現前不得成佛道 答劫者滯也亦云住也一善滯於十善西國云佛此土云覺自己鑒覺滯著於善善招人無佛性故云佛法不現前不得成佛道觸惡住惡名眾生覺觸善住善名聲聞覺不住善惡二邊不依住將為是者名二乘覺亦名辟支佛覺既不依住善惡二邊亦不作不依住名菩薩覺既不依住亦無不依知解始得名為佛覺如云佛不住佛名真福田若於千萬人中忽有一人得者名無價寶能於一切處為導師無佛處云是佛無法處云是法無僧處云是僧是名轉法輪 問從上祖宗皆有密語遞相傳受如何 答無有密語如來無有秘密藏祇如今鑒覺語言分明覓形相了不可得是密語從須陀洹向上直至十地但有語句盡屬法塵垢但有語句盡屬煩惱邊收但有語句盡屬不了義教但有語句盡不許也了義教俱非也更討什麼密語 問空生大覺中如海一漚發如何 答空喻於

天聖廣燈錄第九

第十五張 九

漚海喻於性自己靈覺之性過於虛空故云空
 生大覺中如海一漚發 問伐林莫伐樹如何
 答林者喻於心樹者喻於身因說林故生怖故
 云伐林莫伐樹 問語也塚生招箭言既塚生
 不得無慮思既同細素何辨 答但卻發箭途
 中相柱如其相差必有所傷谷中尋響累劫無
 形響在口邊得失在於來問卻問所歸還被於
 箭亦如知幼不是幼三祖云不識玄旨徒勞念
 靜亦云認物為見如持瓦礫用將何為若言不
 見木石何殊是故見與不見二俱是失舉一例
 諸 問本無煩惱今有三十二相如何 答是
 佛邊事本有煩惱今有三十二相祇如今凡情
 是 問無邊身菩薩不見如來頂相如何
 答為作有邊見無邊見所以不見如來頂相祇
 如今都無一切有無等見亦無無見是名頂相
 現 問如今沙門盡言我依佛教學一經一論
 一禪一律一知一解合受檀越四事供養為銷
 得否 答但約如今照用一聲一色一香一味
 於一切有無諸法一一境上都無纖塵取涼亦
 不依住無取涼亦無不住知解者箇人日食萬
 兩黃金亦能銷得祇如今照一切有無等法於
 六根門頭剗削併當貪愛有纖毫治不去乃至
 乞施主一粒米一縷線箇箇披毛戴角牽犁負

天聖廣燈錄第九

第十六張 九

重一一須償他始得為不依佛是無著人無求
 人無依人如今波波貪覓佛求佛盡皆背也故
 云久親近於佛不識於佛性唯觀救世者輪迴
 六趣中久乃見佛者為說佛難值文殊是七佛
 祖師亦云是娑婆世界第一主首菩薩無端作
 見佛想聞法想被佛威神力故左降二鐵圍山
 佗不是不解佗特與諸學人作標則令諸後學
 人莫作與麼見聞但無一切有無等法有無等
 見一一箇箇透過三句外是名如意寶是名寶
 華承足若作佛見法見但是一切有無等見名
 眼障見所見故名見纏亦名見蓋亦名見障祇
 如今念念及一切見聞覺知及一切塵垢祇得
 盡但是一塵一色總是一佛但起一念總是一
 佛三世五陰念念誰知其數是名佛闍塞虛空
 是分身佛是名寶塔現是以常歎言嗟見今日
 所依之命依一顆米一莖菜餉時不得食餓死
 不得水渴死不得火寒死欠一日不生欠一日
 不死被四大把定不如先達者入火不燒入水
 不溺儻要燒便燒要溺便溺要生即生要死即
 死去住自由者箇人有自由分心若不亂不用
 求佛求菩提涅槃若著佛求屬貪貪變成病故
 云佛病最難治諍佛毀法乃可取食食者是自
 已靈覺性無漏飯解脫食此語治十地菩薩病

天聖廣燈錄第九

第十七張 九

是從初至十地是聲聞祇如今但有一切求心
 盡名破戒比丘名字羅漢盡名野干灼然銷佗
 供養不得祇如今聞聲如響等嗅香如風等離
 一切有無等法亦不住於離亦無不住知解此
 人一切罪垢不能相累為求無上菩提涅槃故
 名出家猶是邪願況乎世間諍論竟勝負說我
 能我解貪一門徒愛一弟子戀一住處一檀越
 一衣一食一名一利又言我得一切無礙祇是
 自誑祇如今能於自己五陰不為其主被人割
 截節節支解都無怨悵之心亦不懊惱乃至自
 已弟子被人鞭打從頭至足如上一一等等事都
 無一念生彼我心猶依住無一念將為是此名
 法塵垢十地之人脫不去流入生死河所以常
 勸眾人須懼法塵煩惱如懼三塗乃有獨立分
 假使有一法過於涅槃者亦無少許生珍妙想
 此人步步是佛不假腳踏蓮華分身百億祇如
 今於一切有無等法有纖毫愛染心縱饒脚踏
 蓮華亦同魔作若執本清淨本解脫自是佛自
 是禪道解者即屬自然外道若執因緣修成證
 得者即屬因緣外道執有即屬常見外道執無
 即屬斷見外道執亦有亦無即屬邊見外道執
 非有非無即屬空見外道亦云愚癡外道祇如
 今但莫作佛見涅槃等見都無一切有無等見

亦無無見名正見無一切聞亦無無聞名正聞
 是名摧伏外道無凡夫魔來是大神呪無二乘
 魔來是大明呪無菩薩魔來是無上呪乃至亦
 無佛魔來是無等等呪一變眾生詣曲修羅二
 變二乘詣曲修羅三變菩薩詣曲修羅是三變
 淨土但是一切有無凡聖等法喻如金鑛自己
 如理喻於金金與鑛各相去離真金露現忽有
 人覓錢覓寶變金為錢與佗亦如麵體真正無
 諸沙鹵有人乞餽變麵為餽與佗亦如智臣善
 解王意王若行時索先陀婆即便奉馬食時索
 先陀婆即便奉鹽此等喻學玄旨人善能通達
 應機不失亦云六絕師子志公云隨人造作百
 變十地菩薩不饑不飽入水不溺入火不燒儻
 要燒且不可得燒佗被量數管定佛即不與麼
 入火不燒儻要燒燒要溺便溺佗使得四大
 風水自由一切色是佛色一切聲是佛聲自己
 淨穢詣曲心盡透過三句外得說此語菩薩清
 淨弟子明白所有言說不執有無一切照用不
 拘清濁有病不喫藥是愚人無病喫藥是聲聞
 人定執一法名定性聲聞一向多聞增上慢聲
 聞知佗是有學聲聞沈空滯寂及自知名無學
 聲聞貪瞋癡等是毒十二分教是藥毒未消藥
 不得除無病喫藥藥變成病病去藥不消不生

不滅是無常義涅槃經云有三惡欲一欲得四
 眾圍遶二欲得一切人為我門徒三欲得一切
 人知我是聖人及阿羅漢又迦葉經云一欲求
 見未來佛二欲求轉輪王三欲求刹利大姓四
 欲得婆羅門大姓乃至狀生死求涅槃如是惡
 欲先須斷之祇如今但有取染生心動念盡名
 惡欲盡屬六欲天總被波旬管 問二十年
 常令除糞如何 答但息一切有無知見但息
 一切貪求箇箇透過三句外是名除糞祇如今
 求佛求菩提求一切有無等法祇是運糞入不
 名運糞出糞如今作佛見作佛解但有所見所
 求所著盡名戲論之糞亦名麤言亦名死語如
 云大海不宿死屍等閑說話不名戲論說者辨
 清濁名戲論教文都總有二十一般空淘擇眾
 生塵累沙門持齋持戒忍辱柔和慈悲喜捨尋
 常是僧家法則會與麼會宛然依佛教祇是不
 許貪著依執若希望得佛得菩提等法者似手
 觸火文殊云若起佛見法見應當害己所以文
 殊執劍於瞿曇耆耨持刀於釋氏如云菩薩行
 五無間而不入無間地獄佗是玄通無間不同
 眾生五逆無間從波旬直至佛盡是垢膩都無
 纖毫依執始是二乘道況乎諍論覓勝負說我
 能我解祇名諍論僧不名無為僧祇如今但不

貪染一切有無諸法是名無生是名正信信著
 一切法名信不具亦名信不圓亦名偏信不具
 故名一闡提如今若欲得慕直悟解但人法俱
 泯人法俱絕人法俱空透三句外是名不墮諸
 數人者是姓法者是戒施聞慧等菩薩忍不成
 佛忍不作眾生忍不持戒忍不破戒故云不持
 不犯智濁照清慧清識濁在佛名照慧在菩薩
 名智在二乘及眾生邊名識亦名煩惱在佛名
 果中說因在眾生名因中說果在佛名轉法輪
 在眾生名法輪轉在菩薩名瓔珞莊嚴具在眾
 生名五陰叢林在佛名本地無明是無明明故
 云無明為道體不同眾生暗蔽無明彼是所此
 是聞彼是所聞此是能聞不一不異不斷不常
 不來不去是生語是出轍語句不明不暗不佛
 不眾生總與麼也來去斷常佛與眾生是死語
 偏不偏同異斷常等是外道義般若波羅蜜是
 自己佛性亦云摩訶衍摩訶是大義衍者是乘
 義若守住自知自覺又成自然外道不用守如
 今鑿覺不用別求佛若更別馳求又屬因緣外
 道此土初祖云心有所是必有所非若貴一物
 即被一物惑若重一物即被一物惑信即被信
 惑不信又成謗莫貴莫不貴莫信莫不信佛亦
 不是無為雖不是無為又不是冥冥猶如虛空

大聖廣燈錄第九

第十一

佛是大身衆生鑒覺多鑒覺雖多佗鑒覺清淨
 貪瞋鬼捉佗不著佛是纏外人無纖毫愛取亦
 無愛取知解是名具足六度萬行若要莊嚴具
 種種皆有如不要時佗不用亦不失佗使得因
 果福智自由是修行非是執勞負重喚作修行
 卻不與麼三身一體一體三身一者法身實相
 法身佛不明不暗明暗屬幻化實相猶對虛得
 名本無一切名目如云佛身無爲不墮諸數成
 佛獻蓋等是并合檐語要從濁辨清得名故云
 實相法身佛是名清淨法身毗盧遮那佛亦名
 虛空法身佛亦名大圓鏡智亦名第八識亦名
 性宗亦名空宗亦名佛居不淨不穢土亦名在
 窟師子亦名金剛後得智亦名無垢檀亦名第
 一義空亦名玄旨三祖云不識玄旨徒勞念靜
 二報身佛菩提樹下佛亦名幻化佛亦名相好
 佛亦名應身佛是名圓滿報身盧舍那佛亦名
 平等性智亦名第七識亦名酬因答果佛同五
 十二禪那數同阿羅漢辟支佛同一切諸菩薩
 等同受生滅等苦不同衆生繫業等苦三化身
 佛祇如今於一切有無諸法都無貪染亦無無
 染離四句外所有言說辨才名化身佛是名千
 百億化身釋迦牟尼佛亦名大神變亦名遊戲
 神通亦名妙觀察智亦名第六識供養者淨三

大聖廣燈錄第九

第十二

業前際無煩惱可斷中際無自性可守後際無
 佛可成是三際斷是三業清淨是三輪空是三
 檀空云何比丘給侍於佛所謂不漏六根者亦
 名莊嚴空無諸漏林樹莊嚴空無諸染華果莊
 嚴空佛眼約修行人法眼辯清濁亦不作辯清
 濁知解是名乃至無眼寶積經云法身不可以
 見聞覺知求非肉眼觀無色故非天眼所見以
 無妄故非慧眼所見以離相故非法眼所見離
 諸行故非佛眼所見離諸識故若不作如是見
 是名佛見同色非形色名真色同空非太虛名
 真空色空亦是藥病相治語法界觀云不可言
 即色不即色不可言即空眼耳鼻舌身意不納
 有無一切諸法名轉入第七地七地菩薩不退
 七地向上三地菩薩心地明白易染說火即燒
 從色界向上布施是病慳貪是藥從色界向下
 慳貪是病布施是藥有作戒者割斷世間法但
 不身手作無過名無作戒亦云無表戒亦云無
 漏戒但有舉心動念盡是破戒祇如今但不被
 一切有無諸境惑亂亦不依住不惑亂亦無不
 依住知解是名編學是勤護念是廣流布未悟
 未解時名母悟了名子亦無無悟解知解是名
 母子俱喪無善纏無惡纏無佛纏無衆生纏量
 數亦然乃至都無一切量數纏故云佛是出纏

大聖廣燈錄第九

第十三

九

過量人貪愛知解義句如母愛子唯多與兒酥
 契銷與不銷都總不知此語喻十地受人天尊
 貴煩惱生色界無色界禪定福樂煩惱不得自
 在神通飛騰隱顯徧至十方諸佛淨土聽法之
 煩惱學慈悲喜捨因緣煩惱學空平等中道煩
 惱學三明六通四無礙煩惱學大乘心發四弘
 誓願煩惱初地二地三地四地明解煩惱五地
 六地七地諸知見煩惱八地九地十地菩薩雙
 照二諦煩惱乃至學佛果百萬阿僧祇諸行煩
 惱唯貪義句知解不知卻是繫縛煩惱故云見
 河能漂香象 問見否答見又問見後如何答
 見無二既云見無二不以見見於見若見更見
 爲前見是爲後見是如云見見之時見非是見
 見猶難見見不能及所以不行見法不行聞法
 不行覺法諸佛疾與授記難日見既不是授記
 之言復何用記答云先悟宗人不被一切有無
 諸法相拘如浣垢衣故云離相名佛虛實盡不
 存中旨獨玄玄達一路同道後進契其階故皆
 云授記耳無明爲父貪愛爲母自己是病還自
 已是藥自己是刀還殺自己無明父母故云殺
 父害母一語類破一切法與非時食者亦復如
 是祇如今但是一切有無等法盡是與非時食
 也亦名惡食是穢食置於寶器是破戒是妄語

是雜食佛是無求人如今貪求一切有無諸法
但是所有所作皆背也卻是謗佛但有貪染盡
名授手執如今但不貪染亦不依住不貪染亦
無不依住知解是名般若火是燒手指是不惜
軀命是節節支解是出世間是掌世界於佗方
祇如今若於十二分教及一切有無諸法於藏
腑中有纖毫停留是不出網但有所求所得但
有生心動念盡名野干祇如今於藏腑都無所
求都無所得此人是太施主是師子吼亦不依
住無所得亦無不依住知解是名六絕師子人
我不生識惡不起是納須彌於芥子中不起一
切貪瞋八風等是悉能吸四大海水入於口中
不受一切虛妄言語是不入耳中不令身起一
切惡於人是納一切火於腹中祇如今於一一
境不惑不亂不瞋不喜於自己六根門剗削併
當得淨潔是無事人勝一切知解頭陀精進是名
天眼亦云了照為眼是名法界性是作車載因
果佛出世度眾生即得前念不生後念莫續前
念業謝名度眾生前念若瞋即將喜藥治之即
名為有佛度眾生但是一切言教祇是治病為
病不同藥亦不同所以有時說有有時說無佛
實語治病病若得差箇箇是實語治病若不差
箇箇是虛妄實語是虛妄語生見故虛妄是實

語斷眾生顛倒故為病是虛妄祇有虛妄藥相
治佛出世度眾生是九部教語是不了義教語
瞋及喜病及藥總是自已更無兩人何處有佛
出世何處有眾生可度如經云實無眾生而滅
度者亦云不愛佛菩提不貪染有無諸法名為
度佗亦不守住自已名為自度為病不同藥亦
不同處方不同不得一向固執依佛依菩提等
法盡是依方故云至於智者不應一向教中所
辯喻如黃葉亦如空拳誑小兒若人不知此理
名同無明如云行般若菩薩不得取我語及依
教勸瞋如石頭愛如河水秋如今但無瞋無愛
是透山河石壁透山河石壁直為治聲俗病多
聞辨說治眼病從人至佛是得從人至地獄是
失是非亦然三祖云得失是非一時放卻不執
住一切有無諸法是名不住有緣亦不依住不
依住是名不住空忍執自己是佛自己是禪道
解者名利見執因緣證證而成者名外見志公
云內見外見俱錯眼耳鼻舌各各不貪染一切
有無諸法是名受持四句偈亦名四果六入無
跡亦名六通祇如今但不被一切有無諸境礙
亦不依住不礙亦無不依住知解名是神通不
守此神通為是名無神通如云無神通菩薩足
跡不可尋是佛已上人最不可思議人是自已

天是智照讚即喜喜者屬境界是天讚是人人
天交接兩得相見亦云淨智為天正智為人本
是佛向渠說是佛名體結祇如今莫作佛知解
亦無無不依住知解是名滅結如亦名真如亦
名體如求佛求菩提名現身意祇如今但有一
切求心盡名現身意如云求菩提雖是勝求重
增塵累求佛是佛眾求一切有無諸法是眾生
眾祇如今鑒覺但不依住一切有無諸法是不
入眾數祇如今於一一聲香味觸法等不愛於
一境不貪但無十句濁心是了因成佛學文句
覓解者名因緣成見佛知佛即不得說佛有知
有見却是謗佛若云佛知佛見佛聞佛說即得
見火即得火見即不得如刀割物即得物割刀
即不得知佛人見佛人間佛人說佛人如恒河
沙是佛知是佛見是佛聞是佛說萬中無一祇
為自無眼依佗作眼教中喚作比量智祇如今
貪佛知解亦是比量智世間譬喻是順不了義
教是順喻了義教是逆喻捨頭目髓腦是逆喻
如今不愛佛菩提等法是逆喻難捨喻如於頭
目髓腦如照著一切有無境法色名頭被一切
境法相撓著名手都未照前境時名髓腦聖地
習凡因佛入眾生中同類誘引化導向渠餓鬼
支節火然與渠說般若波羅蜜令渠發心若一

天聖廣燈錄第九 第七七張 九

向在聖地憑何得至彼共渠語佛入諸類與衆生作舡筏同渠受苦無限勞極佛入苦處亦同衆生受苦佛執是去住自由不同衆生佛不是虛空受苦何得不苦若說不苦此語違負等閑莫說錯說佛神通自在不自在具慚愧人不敢說佛是有爲是無爲不敢說佛自由不自由除讚藥方外不欲得露現兩頭醜陋教云若人安佛菩提置有所是邊其人得大罪亦云如不識佛人前向渠與麼說無過如無漏牛乳能治有漏病其牛者不在高原不居下濕此牛乳堪作藥高原喻於佛下濕喻於衆生如云如來實智法身又無此病辯才無礙并騰自在不生不滅是名明生老病死疼痛瘡瘡是暗喫菌羹患痢疾兩終是暗爲藏明頭跡明暗都遣莫取無取亦無無取佗不明不暗王宮生納邪輪陀羅八相成道聲聞外道妄想所計如云非雜食身純陀云我知如來決定不受不食第一須具兩隻眼照破兩頭事莫執帶一隻眼向一邊行即有那箇邊到功德天黑暗女相隨有智主人二俱不受執如今心如虛空相似學始有所成西國高祖云雪山喻大涅槃此土初祖云心心如木石三祖云九爾忘緣漕溪云善惡都莫思量先師云猶如迷人不辨方所肇公云閉智塞聰獨

天聖廣燈錄第九 第七八張 九

覺冥冥者矣文殊云心同虛空故敬禮無所觀其深修多羅不聞不受持執如今但是一切有無諸法都不見不聞六根杜塞若能恁麼學恁麼持經始有修行分者箇語逆耳苦口可中恁麼作得至第二第三生能向無佛處坐道場示現成正覺變惡爲善變善爲惡使惡法教化十地菩薩使善法教化地獄餓鬼能向明處解明縛能向暗處解暗縛撮金成土撮土成金百般作得變弄自由於恒河沙世界外有求救者婆伽婆即披三十二相現其人前同渠語音與渠說法隨機感化應物殊形變現諸趣離我所稽屬彼邊事由是小用亦是佛事門中收大用者大身隱於無形大音匿於希聲如木中之火如鐘鼓之聲因緣未具時不可言其有無傍報生天棄之如涕唾菩薩六度萬行如乘死屍過岸如在牢獄厨孔得出佛披三十二相喚作垢膩之衣亦云若說佛一向不受五陰無有是處佛不是虛空何得一向不受佛執是去住自由不同衆生從一天界至一天界從一佛刹至一佛刹諸佛常法又云若據三乘教受佗信施供養佗在地獄中菩薩行慈悲同類化導報恩不可常在涅槃又云如火見火但莫手觸火不燒人執如今但無十句濁心貪愛心深心瞋心執心

天聖廣燈錄第九 第七九張 九

住心依心著心取心纏心但是一句各有三句箇箇透過三句外但是一切照用任聽縱橫但是一切舉動施爲語默啼笑盡是佛慧久立大衆珍重

天聖廣燈錄卷第九



天聖廣燈錄卷第十
懷讓禪師第四世

筠州黃檗希運禪師法嗣見錄

鎮州臨濟院義玄慧照禪師曹州南華人也俗姓邢幼而穎異及落髮受具志慕禪宗師在黃檗會中三年行業純一首座歎曰然是後生與眾有異首座問上座在此多少時也師云三年也首座云曾參問也無師云不曾參問不知問箇什麼首座云汝何不去問堂頭如何是佛法的大意師便去問問聲未絕黃檗便打師下來首座云問話作麼生師云某甲問聲未絕和尚便打某甲不會首座云但更去問師又去問黃檗又打如是三致問三打之師來白首座云幸蒙慈悲令某甲問評和尚三度發問三度喫棒自恨障緣不領深旨今且辭去首座云汝若去須是辭和尚了去師禮拜退首座先到和尚處云問話底後生甚是如法若來辭和尚時方便接伊已後穿鑿一株大樹與天下人作陰涼去在師便上去辭檗云不得往別處去汝向高安灘頭大愚處去必為汝說師到大愚大愚問從什麼處來師云黃檗處來愚云黃檗有何言句師云某甲三度問佛法的的大意三度喫棒不知某甲有過無過愚云黃檗恁麼老婆

為汝得徹困更來者裏問有過無過師於言下大悟云元來黃檗佛法無多子愚擬住云者尿牀子適來言道有過無過如今卻道黃檗佛法無多子你見什麼道理連道連道師於大愚脅下築三築大愚拓開云你師黃檗非干吾事師辭大愚卻迴黃檗黃檗見來便問者漢來來去去有什麼了期師云祇為老婆心切便人事了侍立檗問什麼處來師云昨奉和尚慈悲令參大愚去來檗云大愚有何言句師舉大愚問某甲黃檗有何言句某甲遂舉前話問佗有過無過大愚道黃檗恁麼老婆為汝得徹困更道有過無過某甲於言下大悟檗云作麼生得者漢來痛與一頓師云說什麼待來即便喫隨後便掌檗云者風顛漢來者裏拈虎鬚師便喝檗云侍者引者當時得大愚力黃檗力仰山云非但拈虎鬚亦解騎虎頭師又因我松次檗問深山裏我許多松作什麼師云一與山門作景致二與後人作標榜道了將鐵頭打地一兩下檗云雖然如是子已喫吾三十棒了也師又以鐵頭打地兩下噓噓檗云吾宗到汝大興於世為山舉前因緣問仰山黃檗當時祇囑

天聖廣燈錄第十卷 第三張 九

臨濟一人更有人在 仰云有祇是年代深遠不欲舉似和尚 瀉云雖然如是吾且要知汝但舉看 仰山云一人指南吳越令行遇大風即止職風 師因普請次見黃檗來拄鐮而立 檗云者漢困也那 師云鐮也未舉困箇什麼 檗便打 師接棒一送送倒 檗喚維那維那扶我起 維那近前云和尚爭容得者風顛漢無禮 檗起便打維那 師鐮地云諸方火葬我者裏一時活埋 瀉山問仰山黃檗打維那意作麼生 仰山云正賊走卻羅躡人喫棒 師一日在僧堂前坐見黃檗來閉却目 檗見乃作怖勢便歸方丈 師隨後上方丈禮謝首座在檗處侍立 檗云此僧雖是後生卻知有此事 首座云老和尚卻證據箇後生 檗自於口上擱 首座云知即得知即得 師在堂內睡檗下來見以拄杖打板頭一下 師舉頭見是黃檗卻睡 檗又打林一下往上開見首座坐禪 檗云下開後生卻坐禪汝者裏妄想作什麼 首座云者風顛漢作什麼 檗打板頭一下便出去 瀉山問仰山云黃檗意作麼生 仰云兩采一賽 師一日與黃檗同赴普請師在後行檗回頭見師空手檗問鐮在什麼處 師云已有人將去也 檗云近前來共汝

天聖廣燈錄第十卷 第四張

商量箇事 師便近前檗豎起鐮頭云祇者箇天下人拈掇不起 師就手掣得豎起云爲什麼在某甲手裏 師云今日自有人普請便歸院 後瀉山舉此話問仰山鐮在黃檗手裏爲什麼卻被臨濟奪卻 仰山云賊是小人智過君子 黃檗因入廚見飯頭問作什麼 飯頭云揀衆僧米 檗云日喫多少頭云兩石五 檗云莫太多 頭云猶恐少在 檗便打飯頭卻舉似師 師云我與汝勘者老漢去纔到檗處侍立次檗便舉前因緣 師云飯頭不會請和尚代一轉語師便問莫太多 檗云何不道來日更喫一頓 師云說什麼來日即今便喫道了便掌 檗云者風顛漢又來者裏持虎鬚 師便喝出去 後瀉山舉問仰山此二尊宿意作麼生 仰云和尚意作麼生 瀉云養子方知父慈 仰云不然 瀉云子又作麼生 仰云大似勾賊破家師爲黃檗馳書去瀉山仰山作知客接待書便問者箇是黃檗底那箇是上座底 師便掌 仰山約住云老兄知是一般事便休同去余瀉山 瀉便問黃檗師兄多少衆 師云七百衆 瀉云什麼人爲導首師云適來已達書了 師卻問瀉山和尚此間多少衆 瀉云一千五百衆 師云太多生

天聖廣燈錄第十卷 第五張

瀉云黃檗師兄亦不少 師辭瀉山仰山相送云汝向北去有箇住處 師云豈有恁麼事 仰山云但去有一人佐輔汝此人頭無尾有始無終 師到鎮州普化在彼師住後贊佐於師師正化旺普化全身脫去 師辭黃檗 黃檗問什麼處去 師云不是河南便是河北 檗便打 師約住與師一掌 檗大笑喚侍者將百丈先師禪板几案來 師云侍者將火來 檗云雖然如是汝但將去已後坐卻天下人舌頭去在 瀉山問仰山臨濟莫辜負他黃檗也 無 仰云不然 瀉云子又作麼生 仰云知恩方解報恩 瀉云從上古人還有相似底也 無 仰云有祇是年代深遠不欲舉似和尚 瀉云雖然如是吾且要知子但舉看 仰云祇如楞嚴會上阿難讚佛將此身心奉塵刹是即名爲報佛恩豈不是報恩之事 瀉云如是如是見與師齊滅師半德見過於師方堪傳授 師上堂示衆云赤肉團上有無位真人常從汝等諸人面門出入未證據者看時有僧出問如何是無位真人 師下禪牀把住僧擬議 師云無位真人是什麼乾屎橛托開便歸方丈 師問僧什麼處來 僧便唱 師便揖坐 僧擬議 師便打 師見僧來便豎起拂子

僧便禮拜 師便打 師又見僧來又豎起拂子 僧不顧 師亦打 師上堂有僧出來禮拜 師便喝 僧云老和尚莫探頭好 師云落在什麼處 僧便喝 又有僧問如何是佛法大意 師便喝 僧禮拜 師云汝道好喝也無 僧云草賊大敗 師云過在甚處 僧云再犯不容 師云大衆要會臨濟賓主句問取堂中二禪客便下座 師一日同普化赴施主家齋次 師問毛吞巨海芥納須彌爲復是神通妙用本體如然 普化躡倒卓子 師云太麤生 化云者裏是什麼所在說麤說細 師來日又同普化齋次 師云今日供養何似昨日 普化依前躡倒卓子 師云得即得太麤生 化云者曠漢佛法說什麼麤細 師吐舌 師在僧堂內坐因說普化每日在街市掣風掣顛知佗是凡是聖言猶未了 普化入來 師便問汝是凡是聖 化云汝道我是凡是聖 師便喝 化云河陽新婦子木塔老婆禪臨濟小厮兒卻具一隻眼 師云者賊化云賊賊便出去 普化在僧堂前喫生菜 師云似一頭驢 化便作驢鳴 師云者賊化云賊賊便出去 師因普化常於街市云明頭來明頭打暗頭來暗頭打師令侍者去問忽

遇明暗俱來時如何 化云來日大悲院裏有齋侍者迴舉似師 師云我從來疑著者漢普化一日於街市乞直禪時人與之皆不如意師令院主買棺一箇普化歸來師云我與汝置得直禪了也 普化擔出遶街云臨濟和尚爲我作直禪了也我往東門遷化也市人競隨看之化云我今日未來日往南門遷化去如是三日人已不信至第四日無人隨看獨出城外入棺倩路人釘合即時傳布續有人開棺看之全身不見 有一老宿余師未會人事便問禮拜即是 不禮拜即是 師便喝 宿便禮拜 師云者賊 宿云賊賊便出去 師云莫道無事好 首座侍立次 師問云還有過也無 座云有過 師云宿家主家 座云二俱有過 師云過在什麼處 座便出去 師云莫道無事好 後有僧舉似南泉泉云官馬相踴 師因入軍營齋門首見負家師指露柱問是凡是聖 負家無語 師打露柱云直饒道得祇是箇爛木樵便入營去 師問院主什麼處去來 院主云州中糶黃米去來 師云糶得盡麼 主云糶得盡 師以拄杖地上劃一劃還糶得者箇盡麼 主便喝 師便打 又問供養主什麼處去來 主云糶黃米去來 師云糶

得盡麼 主云糶得盡 師亦以拄杖劃一劃還糶得者箇盡麼 主便禮拜 師云猶較些子 有座主來看師 師問座主講何經論 主云某甲荒虛粗習百法論 師云有一人於三乘十二分教明得有一人不於三乘十二分教明得是同是別 主云明得即同明不得即別 洛浦爲侍者在師後侍立便云者裏是什麼所在說同說別 師迴首問侍者云汝作麼生 侍者便喝 師送座主迴來遂問侍者適來是汝喝吾者云是 師便打 師問德山和尚垂示云道得也三十棒道不得也三十棒師令侍者洛浦去問侍伊打汝接住棒送一送看伊作麼生洛浦到彼德山准前垂示 浦便問爲什麼道得也三十棒道不得也三十棒 德山便打 浦接住棒送一送 德山便下座歸方丈 浦迴舉似師 師云我從來疑者漢雖然如是汝還見德山麼 浦擬議 師便打 師離臨濟到河府府主王常侍請師升座麻谷和尚問大悲千手眼那箇是正眼 師云大悲千手眼那箇是正眼 師起來近前不審 谷擬議 師便拽下繩牀師卻坐 谷便出去 師便下座 王常侍一日相訪同師於僧堂前

天聖廣弘明錄第十卷

第九張

常侍云者一堂僧還看經 師云不看經
 侍云還學禪 師云不學禪 侍云經又不看禪又不學究竟作什麼 師云總教成佛作祖 侍云金屑雖貴落眼成翳又作麼生 師云我將為汝是箇俗漢 侍又率諸官僚請師上堂師升座云山僧今日事不獲已曲順人情方登此座若約祖宗門中稱揚大事直下開口不得無你措足處山僧此日以常侍堅請那隱綱宗還有作家戰將直下展陣開旗對眾證據時有僧問如何是佛法大意 師便喝 僧禮拜 師云者箇師僧卻堪持論問師唱誰家曲宗風嗣阿誰 師云我在黃檗處三度發問三度喫棒 僧擬議 師喝便打云不可向虛空裏釘橛 又有座主問三乘十二分教豈不是明佛性也 師云荒草不曾鋤主云佛豈賺人也 師云佛在什麼處 主無語 師云對常侍擬謾老僧速退速退恐妨別人更有速致問來你纔擬開口勿交涉也何以故釋尊言教離文字法不屬因緣為汝信不及所以今日葛藤恐滯常侍諸官味佗佛性不如且退喝云少信根人終無了日久立珍重 師到初祖塔頭塔主云長老先禮祖先禮佛 師云祖佛俱不禮 主云佛祖與長老是什麼

天聖廣弘明錄第十卷

第七張

冤家 師拂袖便去 師再歸臨濟上堂有僧問如何是佛法大意 師豎起拂子 僧便喝 師便打 又有僧問如何是佛法大意 師亦豎起拂子 僧便喝 師亦喝 僧擬議 師便打 師上堂示眾云我二十年前在黃檗先師處三度問佗佛法的大意蒙佗賜杖蒿枝拂著相似如今更思得一頓誰人為我行得有僧出來云某甲行得 師便拈拄杖與伊其僧擬接 師便打 問如何是劍刃上事 師云禍事禍事 僧擬議 師便打 問秋如石室行者踏碓忘却移脚向什麼處去 師云沒溺深泉 師到杏山問如何是露地白牛 杏山云咩咩 師云啞那 杏云長老作麼生 師云者畜生 趙州和尚行脚時參師過師洗脚州便問如何是祖師西來意 師云恰值老僧洗脚 州作聽勢 師云更覓第二杓惡水便潑 州便下去 龍牙和尚問如何是祖師西來意 師云與我過禪板來 龍牙便過禪板 師接得便打 牙云打即任打要且無祖師意 龍牙到翠微問翠微如何是祖師西來意 微云與我過蒲團來 牙便過蒲團 師接得便打 牙云打即任打要且無祖師意 龍牙開堂後有僧入室請益遂問和尚行脚時

天聖廣弘明錄第十卷

第七張

參見二尊宿因緣還肯佗也無牙云肯即深肯要且無祖師意 徑山有五百衆少人參請黃檗令師到徑山黃檗謂師曰你到彼作麼生 師云某甲到彼自有方便師到徑山裝腰上法堂見徑山 徑山方舉頭 師便喝 徑山擬開口 師拂袖下去便行 尋有僧問徑山者僧適來有什麼言句便喝和尚 徑山云者僧從黃檗會裏來你要知自去問佗徑山五百衆太半分散 師上堂云但有來者不虧欠伊總識伊來處怎麼來恰似失卻不怎麼來無繩自縛一切時中莫亂斟酌會與不會都來是錯分明怎麼一任貶剝久立珍重 師上堂云一人在孤峯頂上無出身之路一人在十字街頭亦無背向那箇在前那箇在後不作維摩詰不作傅大士久立 師上堂云有一人論劫在途中不離家舍有一人不離家舍不在途中阿那箇合受人天供養便下座 師見僧來參展兩手僧無語 師召云會麼 僧云不會 師云淨菴摩不破與你兩文錢 師臨示寂時上堂示眾云吾滅後不得滅卻吾正法眼藏 三聖出三聖便喝 師云誰知吾正法眼藏向者瞎驢邊滅言訖仍於法座上端然示寂時唐咸通

天聖廣燈錄第一

第十二

年丙戌四月十日也勅證慧照大師塔曰登靈

天聖廣燈錄卷第十

天聖廣燈錄卷第十一

宋勒

鎮州臨濟院義玄慧照禪師師示衆云今時學佛法者且要求真正見解若得真正見解生死不染去住自由不要求殊勝殊勝自至道流祇如自古先德皆有出人底路如山僧指示人處祇是要你不受人惑要用使用更莫遲疑如今學者不得病在甚處病在不自信處你若自信不及即便忙忙地徇一切境縛被他萬境回換不得自由你若能歇得念念馳求心便與祖佛不別你欲得識祖麼祇你面前聽法底是學人信不及便向外馳求設求得者皆是文字名相終不得他活祖意莫錯禪德此時不遇萬劫千生輪迴三界徇好境掇去驢牛肚裏生道流約山僧見處與釋迦不別每日多般用處欠少什麼六道神光未曾間歇若能如是見得祇是一生無事人大德三界無安猶如火宅此不是你久停住處無常殺鬼一剎那間不揀貴賤老少你要與祖佛不別但莫外求一念心上清淨光是你屋裏法身佛你一念心上無分別光是你屋裏報身佛你一念心上無差別光是你屋裏化身佛此三種身是你目前聽法底人祇為不向外馳求有此功用據經論家取

三種身為極則約山僧見處不然此三種身是名言亦是三種衣古人云身依義立士據體論法性身法性士明知是光影大德你且識取弄光影底人是諸佛之本源一切處是道流歸舍處是你四大色身不說法聽法脾胃肝膽不說法聽法聽法虛空不說法聽法是什麼解說法聽法是你目前歷歷底物一段孤明是者個解說法聽法若如是見得便與祖佛不別但一切時中更莫間斷觸目皆是祇為情生智隔想變體殊所以輪迴三界受種種苦約山僧見處無不甚深無不解脫道流心法無形通貫十方在眼曰見在耳曰聞在鼻嗅香在口談論在手執捉在足雲奔本是一精明分為六和合一心既無隨處解脫山僧恁麼說意在什麼處祇為道流一切馳求心不能歇上他古人閑機境道流取山僧見處坐斷報化佛頭十地滿心猶如客作兒等妙二覺檐枷負鎖漢羅漢辟支猶如廁穢菩提涅槃如繫驢橛何以如此祇為道流不達三祇劫空所以有此障礙若是真正道人終不如是但能隨緣消舊業任運著衣裳要行即行要坐即坐無一念心希求佛果緣何如此古人云若欲作業求佛佛是生死

大兆大德時光可惜祇擬傍家波波地學禪學道認名認句求佛求祖求善知識意度莫錯道流你祇有一個父母更求何物你自返照看古人云演若達多失卻頭求心歇處即無事大德且要平常莫作模樣有一般不識好惡秀兵便即見神見鬼指東畫西好晴好雨如是之流盡須抵債向閻老前吞熱鐵丸有日好人家男女被者一般野狐精魅所著便即捏怪瞎屢生索飯錢有日在師又云道流切要求取真正見解向天下橫行免被者一般精魅惑亂無事是貴人更莫造作祇是平常你擬向外傍家求過覓腳手錯了也祇擬求佛佛是名句你還識馳求底麼三世十方佛祖出來也祇為求法如今參學道流也祇為求法得法始了未得依前輪迴吾道云何是法法者是心法心法無形通貫十方目前現用人信不及便乃認名認句向文字中求意度佛法天地懸殊道流山僧說法說什麼法說心地法便能入凡入聖入淨入穢入真入俗要且不是你真俗凡聖能與一切真俗凡聖安著名字真俗凡聖與此人安著名字不得道流把得便用更不著名字號之為玄旨山僧說法與天下人別祇如有個文殊

普賢出來目前各現一身問法纔道咨和尚
我早辨了也老僧穩坐更有道流來相見時
我盡辨了也何以如此祇為我見處別外不
取凡聖內不住根本見徹本法更不疑謬

師又云佛法無用功處祇是平常無事屙屎
送尿著衣喫飯困來即卧愚人笑我智乃知
焉古人云向外作功夫總是癡頑漢你且隨
處作主立處皆真境來迴換不得縱有從來
習氣五無間業自為解脫大海今時學者總
不識法猶如觸鼻羊逢著物安任口裏奴即
不辨賓主不分如是之流邪心入道鬧處即
入不得名為真出家人正是真俗家人夫出
家者須辨得平常真正見解辨佛辨魔辨真
辨偽辨凡辨聖若如是辨得名真出家若魔
佛不辨正是出一家人一家喚作造業眾生
未得名為真出家祇如今有一個佛魔同體
不分如水乳合鷓王吃乳如明眼道流魔佛
俱打你若愛聖憎凡生死海裏浮沈
問如何是佛魔師云你一念心疑處是佛魔
你若達得萬法無生心如幻化更無一塵一
法處處清淨是佛然佛與魔是染淨二境約
山僧見處無佛無眾生無古無今得者便得
不歷時節無修無證無得無失一切時中更

無別法設有一法過此者我說如夢如化山
僧所說皆是道流即今目前孤明歷歷地聽
者此人處處不滯通貫十方三界自在入一
切境差別不能迴換一剎那間透入法界逢
佛說佛逢祖說祖逢羅漢說羅漢逢餓鬼說
餓鬼向一切處遊履國土教化眾生未曾離
一念隨處清淨光透十方萬法一如道流大
丈夫兒今日方知本來無事祇為你信不及
念念馳求捨頭覓頭自不能歇如圓頓菩薩
入法界現身向淨土中厭凡忻聖如此之流
取捨未忘染淨心在如禪宗見解又且不然
直是見今更無時節山僧說處皆是一期藥
病相治總無實法若如是見得是真出家日
銷萬兩黃金道流莫取次被諸方老師印破
面門道我解禪解道辨似懸河皆是造地獄
業若是真正學道人不求世間過切急要求
真正見解若達真正見解圓明方始了畢
問如何是真正見解師云你但一切入凡入
聖入染入淨入諸佛國土入彌勒樓閣入毗
盧遮那法界處處皆現國土成住壞空佛出
于世轉大法輪即入涅槃不見有去來相貌
求其生死了不可得便入無生法界處處游
履國土入華藏世界盡見諸法空相皆無實

法唯有聽法無依道人是諸佛之母所以佛
從無依生若悟無依佛亦無得若如是見得
者是真正見解學人不了為執名句被他凡
聖名礙所以障其道眼不得分明祇如十二
分教皆是表顯之說學者不會便向表顯名
句上生解皆是依倚落在因果未免三界生
死你若欲得生死去住脫著自由即今識取
聽法底人無形無相無根無本無住處活撥
撥地應是萬種施設用處祇是無處所覓著
轉遠求之轉乖號之為秘密道流你莫認著
個夢幻伴子遲晚中間便歸無常你向此世
界中覓個什麼物作解脫覓取一口飯吃補
養過時且要訪尋知識莫因循逐樂過時光
陰可惜念念無常鹿則被地水火風細則被
生住異滅四相所逼道流今時且要識取四
種無相境免被境擺撲
問如何是四種無相境師云你一念心疑被
地來礙你一念心愛被水來溺你一念心瞋
被火來燒你一念心喜被風來颯若能如是
辨得不被境轉處處用境東涌西沒南涌北
沒中涌邊沒邊涌中沒履水如地履地如水
緣何如此為達四大如夢如幻故道流你祇
今聽法者不是你四大能用你四大若能如

是見得便乃去住自由約山僧見處勿嫌底法你若愛聖憎凡被聖凡境縛有一般學人向五臺山裏求文殊早錯了也五臺山無文殊你欲識文殊麼祇你目前用處始終不異處處不疑此個是活文殊你一念心無差別光處處總是真普賢你一念心目能解縛隨處解脫此是觀音三昧法互為主伴出則一時出一即三三即一如是解得始得看教

師又云如今學道人且要自信莫向外覓總上他閑塵境都不辨邪正祇如有祖有佛皆是教迹中事有人拈起一句子語或隱顯中出便即疑生照天照地傍家尋問也大忙然大丈夫兒莫祇麼論王論賊論是論非論色論財閑話過日山僧此間不論僧俗但有來者盡識得伊任伊向甚處出來但有聲名文句皆是夢幻卻見乘境底人是諸佛之玄旨佛境不能自稱我是佛境還是者個無依道人乘境出來若有人出來問我求佛我即應清淨境出有人問我菩薩我即應慈悲境出有人問我菩提我即應淨妙境出有人問我涅槃我即應寂靜境出境即萬般差別人即不別所以應物現形如水中月道流你若欲得如法直須是大丈夫兒始得若萎萎隨隨

地則不得也夫如斲音所塚之器不堪貯醍醐如大器者直要不受人惑隨處作主立處皆真但有來者皆不得受你一念疑即魔入心如菩薩疑時生死魔得便但能息念更莫外求物來即照你但信現今用底一個事也無你一念心生三界隨緣被境分為六塵你如今應用處欠少什麼一剎那間便入淨入穢入彌勒樓閣又入三眼國土處處遊履唯見空名

問如何是三眼國土師云我共汝入淨妙國土中著清淨衣說法身佛又入無差別國土中著無差別衣說報身佛又入解脫國土中著光明衣說化身佛此三眼國土皆是依變約經論家取法身為根本報化二身為用山僧見處法身即不解說法所以古人云身依義立土據體論法性身法性土明知是建立之法依通國土空拳黃葉用誑小兒蒺藜荑刺枯骨上覓什麼汁心外無法內亦不可得求什麼物你諸方言道有修有證莫錯設有修得者皆是生死業你言六度萬行齊修我見皆是造業求佛求法即是造地獄業求菩薩亦是造業看經看教亦是造業佛與祖師是無事人所以有漏有為無漏無為為清淨業有一般瞎禿子飽吃飯了便坐禪觀行把捉念漏不令放起厭喧求靜是外道法祖師

云你若住心看靜舉心外照攝心內澄凝心入定如是之流皆是造作是你如今與麼聽法底人作麼生擬修他證他莊嚴他渠且不是一切物即莊嚴得你且莫錯道流你取者一般老師口裏語為是真道是善知識不思議我是凡夫心不敢測度他老宿瞎屢生你一生祇作者個見解辜負者一雙眼冷噤噤地如凍凌上驢駒相似我不敢毀善知識怕生口業道流夫大善知識始敢毀佛毀祖是非天下排斥三藏教罵辱諸小兒向逆順中覓人所以我於十二年中求一個業性如芥子許不可得若似新婦子禪師便即怕趁出院不與飯吃不安不樂自古先輩到處人不信被遞出始知是貴若到處人盡肯堪作什麼所以師子一吼野干腦裂道流諸方說有道可修有法可證你說證何法修何道你令用處欠少什麼物修補何處後生小阿師不會便即信者般野狐精魅許他說事繫縛他人言道理行相應護惜三業始得成佛如此說者如春細雨古人云路逢達道人第一莫向道所以言若人修道道不行萬般邪境競頭生智劍出來無一物明頭未顯暗頭明所以古人云平常心是道大德覓什麼物現今目前聽法無依道人歷歷地分別未曾欠少你若欲得與祖佛不別但如是見不用疑誤你

心心不異名之活祖心若有異則性相別心不異故即性與相不別問如何是心心不異處師云你擬問早異了也性相各分道流莫錯世出世諸法皆無自性亦無生性但有空名名字亦空你祇麼認他閑名為實大錯了也設有皆是依變之境有個菩提依涅槃依解脫依三身依境智依菩薩依佛依你向依變國土中覓什麼物乃至三乘十二分教皆是拭不淨故紙佛是幻化身祖是老比丘你還是娘生否你若求佛即被佛魔攝你若求祖即被祖縛你若求皆苦不如無事休歇去有一般秃比丘向學人道佛是究竟於三大阿僧祇劫修行果滿方始成道道流你若道佛是究竟緣什麼八十年後向拘尸羅城雙林樹間側卧死去佛令何在明知與我生死不別你言三十二相八十種好是佛轉輪聖王應是如來明知是幻化古人云如來舉身相為順世間情恐人生斷見權且立虛名假言三十二八十也空聲有身非覺體無相乃真形你道佛有六通是不可思議一切諸天神仙阿修羅大力鬼亦有神通應是佛否道流莫錯祇如阿修羅與天帝釋戰戰敗領八萬四千眷屬入藕絲孔中藏莫是聖否如山僧所舉皆是業通依通夫如佛六通者不然入色界不被色惑入聲界不被聲惑入香界不被香惑入味界不被味惑入觸界不被

觸惑入法界不被法惑所以達六種色聲香味觸法皆是空相不能繫縛此無依道人雖是五蘊漏質便是地行神通道流真佛無形真法無相你祇麼幻化上頭作模樣設求得者皆是野狐精魅并不是真佛是外道見解夫如真學道人并不取佛不取菩薩羅漢不取三界殊勝迥然獨脫不與物拘乾坤倒覆我更不疑十方諸佛現前無一念心喜三塗地獄頓現無一念心怖緣何如此我見諸法空相變即有不變師無三界唯心萬法唯識所以夢幻空花何勞把捉唯有道流目前現令聽法底人入火不燒入水不溺入三塗地獄如遊園觀入餓鬼畜生而不受報緣何如此無嫌底法你若愛聖憎凡生死海裏浮沈煩惱由心故有無心煩惱何拘不勞分別取相自然得道須臾你擬傍家波波地學得於三祇劫中終歸生死不如無事向叢林中牀角頭交腳坐

道流如諸方有學人來主客相見了便有一句子語辨前頭善知識被學人拈出個機權語路向善知識口角頭攙過看你識不識你若識得是境把得便拋向坑子裏學人便即尋常然後便索善知識語依前奪之學人云上智哉是大善知識即云你大不識好惡如善知識把出個境塊子向學人面前弄前人辨得下作主不受境惑善知識便即現半身學人便喝善知識又入一切差別語路中擺撲學人云不識好惡老秃丘善知識歎曰真正道流

如諸方善知識不辨邪正學人來問菩提涅槃三身境智瞎老師便與他解說被他學人罵著便把棒打他言無禮度自是你善知識無眼不得瞋他有一般不識好惡秃奴即指東劃西好晴好雨好燈籠露柱你看眉毛有幾莖者個具機緣學人不會便即心狂如是之流總是野狐精魅魍魎被他好學人嗔嗔微笑言瞎老秃丘惑亂他天下人

道流出家兒且要學道祇如山僧往日曾向毗尼中留心數十年亦曾於經論尋討後方知是濟世藥方表顯之說遂乃一時拋却即訪道參禪後遇大善知識方乃道眼分明始識天下老和尚知其邪正不是娘生下便會還是體究鍊磨一朝自省道流你欲得如法見解但莫受人惑向裏向外逢著便殺逢佛殺佛逢祖殺祖逢羅漢殺羅漢逢父母殺父母逢親眷殺親眷始得解脫不與物拘透脫自在如諸方學道流未有不依物出來底山僧向此間從頭打手上出來手上打口裏出來口裏打眼裏出來眼裏打未見有一個獨脫出來底皆是上他古人閑機境山僧無一法與人祇是治病解縛你諸方道流試不依物出來我要共你商量十年五載并無一人

皆是依草附葉竹木精靈野狐精魅向一切
 糞塊上亂咬瞎漢枉消他十方信施道我是
 出家兒作如是見解向你道無佛無法無修
 無證祇與麼傍家擬求什麼物瞎漢頭上安
 頭是你欠少個什麼道流是你目前用底與
 祖佛不別祇麼不信更向外求莫錯向外無
 法內亦不可得你取山僧口裏語不如歇業
 無事去已起者莫續未起者不要放起便勝
 你十年行腳約山僧見處無如許多般祇是
 平常著衣吃飯無事過時你諸方來者皆是
 有心求佛求法求解脫求出離三界癡人你
 要出什麼處去三界佛祖是賞繫底名句你
 欲識三界麼不離你今聽法底心地你一念
 心貪是欲界你一念心嗔是色界你一念心
 癡是無色界是你屋裏家具子三界不自道
 我是三界還是道流目前靈靈地照燭萬般
 酌度世界底人與三界安名大德四大色身
 是無常乃至脾胃肝膽髮毛爪齒唯見諸法
 空相你一念心歇得處喚你菩提樹你一念
 心不能歇得處喚作無明樹無明無住處無
 明無始終你若念念心歇不得便上他三明
 樹便入六道四生披毛戴角你若歇得便是
 清淨身界你一念不生便是上菩提樹三界
 神通變化意生化身法喜禪悅身光自照思
 衣羅綺千重思食百味具足更無橫病菩提
 無住處是故無得者道流大丈夫漢更疑個

什麼目前用處更是阿誰把得便用莫著名
 字號為玄旨旨與見得勿嫌底法古人云心
 隨萬境轉轉處實能幽隨流認得性無喜亦
 無憂道流如禪宗見解死活循然參學之人
 大須子細如主客相見便有言論往來或應
 現形或全體作用或把機權喜怒或現半身
 或乘師子或乘象王如有真正覺人便喝先
 拈出一個膠盆子善知識不辨是境便上他
 境上作模作樣學人便喝前人不肯放此是
 膏肓之病不堪醫喚作客看主或是善知識
 不拈出物隨學人問處即奪學人被奪抵死
 不放此是主看客或有學人應一個清淨境
 出善知識前善知識辨得是境把得拋向坑
 裏學人言大好善知識即云咄哉不識好惡
 學人便禮拜此喚作主看主或有學人披枷
 帶鎖出善知識前善知識更為安一重枷鎖
 學人歡喜彼此不辨呼為客看客大德山僧
 如是所舉皆是辨魔揀異知其邪正道流實
 情大難佛法幽玄解得可地山僧竟日與
 他說破學者總不在意千徧萬徧腳底蹋過
 黑沒罕地無一個形段歷歷孤明學人信下
 及便向名句上生解年登半百祇管傍家負
 死尸行擔卻擔子天下走索草鞋錢有日在
 大德山僧說向外無法學人不會便即向裏
 作解便即倚壁座舌拄上脣湛然不動取此
 為是祖門佛法也大錯是你若取不動清淨

境為是你即認他無明為即主古人云湛湛
 黑暗深坑實可怖畏此之是也你若認他動
 者是一切草木皆解動應可是道所以動者
 是風大不動者是地大動與不動俱無自性
 你若向動處捉他他向不動處立你若向不
 動處捉他他向動處立譬如潛泉魚鼓波而
 自躍大德動與不動是二種境還是無依道
 人用動用不動如諸方學人來山僧此問作
 三種根器斷如中下根器來我便奪其境而
 不除其法或中上根器來我便境法但奪如
 上上根器來我便境法人俱奪如有出格見
 解人來山僧此問便全體作用不歷根器大
 德到者裏學人著力處不通風石火電光即
 過了也學人若眼定動即沒交涉擬心即差
 動念即乖有人解者不離目前大德你擔鉢
 囊屎擔子傍家走求佛求法即今與麼馳求
 底你還識渠麼活撥撥地祇是勿根株擁不
 聚撥不散求著即轉遠不求還在目前靈音
 囑耳若人信徒勞百年道流一剎那間便
 入華藏世界入毗盧遮那國土入解脫國土
 入神通國土入清淨國土入法界入穢入淨
 入凡入聖入餓鬼畜生處處計覓尋皆不見
 有生有死唯有空名幻化空花不勞把捉得
 天是非一時放卻道流山僧佛法的的相承
 從麻浴和尚丹霞和尚東土道一和尚盧山
 踏石頭一路行徧天下無人信得盡皆起謗

如道一和尚用處純一無雜學人三百五百
盡皆不見和尚意如廬山和尚一旦真正順
逆用處學人不測涯際悉皆忙然如丹霞和
尚翫珠隱顯學人來者皆悉被罵如麻浴用
處苦如黃檗近皆不得如石鞏用處向箭頭
上覓人來者皆懼如山僧今日用處真正成
壞玩弄神變入一切境隨處無事境不能換
但有來求者我即便出看渠渠不識我我便
著數般衣學人生解一向入我言句苦哉瞎
禿子無眼人把我著底衣認青黃赤白我脫
卻入清淨境中學人一見便生忙欲我又脫
卻學人失心忙然狂走言我無衣我即向渠
道你識我著衣底人否忽爾回頭認我了也
大德你莫認衣衣不能動人能著衣有個清
淨衣有個無生衣菩提衣涅槃衣有祖衣有
佛衣大德但有聲名文句皆悉是衣變從臍
輪氣海中鼓激牙齒敲磕成其句義明知是
幻化大德外發聲語業內表心所法以思有
念皆悉是衣你祇麼認他著底衣為實解縱
經塵劫祇是衣通三界循環還輪迴生死不
無事相逢不相識共語不知名令時學人不
得蓋為認名字為解大策子上抄死老漢語
三重五重複子裏不教人見道是玄旨以為
保重大錯瞎屢生你向枯骨上覓什麼汁有
一般不識好惡向教中取意度商量成於句
義如把屎塊子向口裏含了吐過與別人猶

如俗人打傳口令相似一生虛過也道我出
家被他問著佛法便即杜口無詞眼似漆突
口如橋檐如此之類逢彌勒出世移寄他方
世界寄地獄受苦大德你波波地往諸方覓
什麼物踏你腳版闍無佛可求無道可成無
法可得外求有相佛與汝不相似欲識汝本
心非合亦非離道流真佛無形真道無體真
法無相三法混融和合一處辨既不得喚作
忙忙業識眾生

問如何是真佛真法真道乞師開示師云佛
者心清淨是法者心光明是道者處處無礙
淨光是三即一皆是空名而無實有如志公
作道人念念心不間斷自達磨大師從西土
來祇是覓個不受人惑底人後遇二祖一言
便了始知從前虛用功夫山僧今日見處與
祖佛不別若第一句中得與祖佛為師若第
二句中得與人天為師若第三句中得自救
不了

問如何是西來意師云若有意自救不了云
既無意云何二祖得法師云得者是不不得云
既若不得云何是不得底意師云為你向一
切處馳求心不能歇所以祖師言咄哉丈夫
將頭覓頭你言下便自迴光返照更不別求
知身心與祖佛不別當下無事方名得法大
德山僧今時事不獲已話度說出許多不才
淨你且莫錯據我見處實無許多般道理要

用便用不用便休祇如諸方說六度萬行以
為佛法我道是莊嚴門佛事門非是佛法乃
至持齋持戒擘油不灑道眼不明盡須抵債
索飯錢有日在何故如此入道不通理復身
還信施長者八十一其樹不生耳乃至孤峰
獨宿一食卯齋長坐不卧六時行道皆是造
業底人乃至頭目髓腦國城妻子象馬七珍
盡皆捨施如是等見皆是若身心故還招惡
果不如無事純一無雜乃至十地滿心菩薩
皆求此道流踪跡了不可得所以諸天歡喜
地神捧足十方諸佛無不稱嘆緣何如此為
今聽法道人用處無踪跡

問大通智勝佛十劫坐道場佛法不現前不
得成佛道未審此意如何乞師指示師云大
通者是自己於處處達其萬法無性無相名
為大通智勝者於一切處不疑不得一法名
為智勝佛者心清淨光明透徹法界得名為
佛十劫坐道場者十波羅蜜是佛法不現前
者佛本不生法本不滅云何更有現前不得
成佛道者佛不應更作佛古人云佛常在世
間而不染世間法道流你欲得作佛莫隨境
緣分別所以心生種種法生心滅種種法滅
一心不生萬法無咎世與出世無佛無法亦
不現前亦不曾失設有者皆是名言章句接
引小兒施設藥病表顯名句且名句不自名
句還是你目前昭昭靈靈鑒覺聞知照燭底

安一切名句大德造五無間業方得解脫
問如何是五無間業師云殺父害母出佛身
血破和合僧焚燒經像等此是五無間業云
如何是父師云無明是父你一念心求起滅
處不得如響應空隨處無事名為殺父云如
何是母師云貪愛為母你一念心入欲界中
求其貪愛唯見諸法空相處無著名為害
母云如何是出佛身血師云你向清淨法界
中無一念心生解便處處不分別是出佛身
血云如何是破和合僧師云你一念心正違
煩惱結使如空無所依是破和合僧云如何
是焚燒經像師云見因緣空心空法空一念
決定迥然無事便是焚燒經像大德若如是
達得免被他凡聖名礙為你祇向空拳指上
生實解根境法中虛捏怪自輕而退屈言我
是凡夫他是聖人禿屢生有甚死急披他師
子皮卻作野干鳴大丈夫漢不作丈夫氣息
自家屋裏物不肯信祇麼向外覓上他古人
閑名句倚陰博陽不能持達達境便緣逢塵
便執觸處惑起自無準定道流莫取山僧說
處何故說無憑據一期間塗盡虛空如彩畫
像等喻道流莫將佛為究竟我見猶如廁孔
菩薩羅漢盡是枷鎖縛人底物所以文殊仗
劍殺於瞿曇焉掘持刀害於釋氏道流無佛
可得乃至三乘五性圓頓教迹皆是一期藥
病相治并無實法設有皆是相似表顯路布

文字差排且如是說道流有一般禿子便向
裏許著功擬求出世之法錯了也若人求佛
是人失佛若人求道是人失道若人求祖是
人失祖大德莫錯我且不取你解經論我亦
不取你國王大臣我亦不取你辨似懸河我
亦不取你聰明智慧唯要你真真正見解道流
設解得百本經論不如一個無事底阿師你
解得即輕蔑他人勝負修羅人我無明長地
獄業如善星比丘解十二分教生身陷地獄
大地不容不如無事休歇去饑來吃飯睡來
合眼愚人笑我智乃知焉道流莫向文字中
求心動疲勞吸冷氣無益不如一念緣起無
生超出三乘權學菩薩大德莫因循過日山
僧往日未有見處時黑漫漫地光陰不可空
過腹熱心忙奔波訪道後還得力始到今日
共道流如是話度勸諸道流莫為衣食看世
界易過善知識難過如優曇華時一現耳你
諸方聞道有個臨濟老漢出來便擬問難教
諸不得被山僧全體作用學人空開得眼口
總動不得懵然不知以何答我我向伊道龍
象蹴踏非驢所堪你諸處祇指胸點助道我
解禪解道三個兩個到者裏不奈何咄哉你
將者個身心到處敲兩片皮誑誑問問吃鐵
棒有日在非出家兒盡向阿修羅界攝夫如
至理之道非諍論而求激揚鏗鏘以摧外道
至於佛祖相承更無別意設有言教落在化

儀三乘五性人天因果如圓頓之教又且不
然童子善財皆不求過大德莫錯用心如大
海不停死屍祇麼擔却擬天下走自起見障
以礙於心日上無雲麗天普照眼中無翳空
裏無花道流倘欲得如法但莫生疑展則彌
綸法界收則絲髮不立歷歷孤明未曾欠少
眼不見耳不聞喚作什麼物古人云說似一
物則不中備但自家看更有什麼說亦無盡
各自著力珍重
師行脚時到龍光光上堂 師出問不展鋒
銜如何得勝 光據座 師云大善知識豈
無方便 光瞪目云 師以手指云者老
漢今日敗闕也
到三峯 平和尚問什麼處來 師云黃檗
來 平云黃檗有何言句 師云金牛昨夜
遭塗炭直至如今不見蹤 平云金風吹玉
管那箇是知音 師云直透萬重關不住青
霄內 平云子者一問太高生 師云龍生
金鳳子衝破碧波流 平云且坐喫茶 又
問近離甚處 師云龍光 平云龍光近日
如何 師便出去
到大慈慈在方丈內坐 師問端居丈室時
如何 慈云寒松一色千年別野老枯花萬

萬春 師云今古永超國智體三山鏃斷萬
重關 慈便喝 師亦喝 慈云作什麼
師拂袖便出

到襄州華嚴嚴倚拄杖作睡勢 師云老和
尚瞌睡作麼 嚴云作家禪客宛爾不同
師云侍者點茶來與和尚喫 嚴乃喚維那
第三位安排者上座 師問一尼善來惡來
尼便喝 師枯棒云更道更道 尼又喝

師便打

到翠峯峯問甚處來 師云黃檗來 峯云
黃檗有何言句指示於人 師云黃檗無言
句 峯云爲什麼無 師云設有無舉處

峯云但舉看 師云一箭過西天

到象田師問不凡不聖請師速道 田云老
僧祇與麼 師便喝云許多禿子在者裏覓
什麼椀

到明化化問來來去去作什麼 師云祇徒
踏破草鞋 化云畢竟作麼生 師云老漢
話頭也不識

到鳳林路逢一婆婆問甚處去 師云鳳林
去 婆云恰值鳳林不在 師云甚處去
婆便行 師乃喚婆 婆迴頭 師便行
到鳳林林問有事情借問得麼 師云何得

剜肉作瘡 林云海月澄無影遊魚獨自迷

師云海月既無影遊魚何得迷 林云觀
風看浪起翫水野帆飄 師云孤輪獨照江
山靜自笑一聲天地驚 林云任將三寸輝
天地一句臨機試道看 師云路逢劍客須
呈劍不是詩人莫獻詩 林便休師乃有頌
大道絕同 任向西東 石火莫及

電光枉通

瀉山問仰山石火莫及電光枉通從上諸聖
將什麼爲人 仰山云和尚意作麼生 瀉
山云但有言說都無實義 仰山云不然
瀉山云子又作麼生 仰山云官不容針私
通車馬

到金牛牛見師來橫按拄杖當門踞坐 師
以手敲拄杖三下却歸堂中第一位座 牛
下來見乃問夫賓主相見各具威儀上座從
何而來太無禮生 師云老和尚道什麼
牛擬開口 師便打 牛作倒勢 師又打
牛云今日不著便

瀉山問仰山此二尊宿還有勝負也無 仰
山云勝卽總勝負卽總負
天聖廣燈錄卷第十一

趙城縣廣勝寺



天聖廣燈錄卷第十二
南嶽觀音院懷讓禪師第五代

鎮州臨濟院義玄慧照禪師法嗣十人

魏府大覺禪師 鎮州寶壽沼禪師

鎮州三聖慧然禪師 齊魯禪師

定州崔禪師 鎮州萬壽禪師

涿州秀禪師 魏府興化存獎禪師

幽州談空禪師 浙西善權徹禪師

魏府大覺禪師參見臨濟和尚 濟纒見堅起

拂子 師乃展坐具 濟擲下拂子 師收坐

具參衆去 其時僧衆云此僧莫是和尚親故

又不喫棒又不禮拜 濟聞說乃令侍者喚適

來新到上來 師隨侍者到臨濟處 濟云師

僧道你來參長老又不禮拜又不喫棒莫是老

僧親故 師乃珍重下去 僧問如何是本來

身 師云頭枕衡山脚踏北嶽 問如何是佛

法大意 師云良馬不窺鞭側耳知人意

問如何是鎮國寶 師云穿耳賣不集 問如

何是毗盧師法身主 師云不因天雨下爭得

面師顏 問香草未生時如何 師云觀著腦

裂 進云生後如何 師云腦裂 問如何是

祖師西來意 師云十字街頭望空啓告

問如何是大覺 師云惡覺 進云乖極

天聖廣燈錄卷第十二

師便打 問學人仗鐵錫取師頭時如何

師便引頭 學云斬 師便打 問久在沈淪

如何出得 師云金雞冠不露 僧問軍期急

速時如何 師云日料半斤餐 問一飽忘百

饑時如何 師云縱遇臨歧食隨分喫些些

鎮州寶壽沼禪師胡釘鉸來參 師云莫是胡

釘鉸麼 鉸云不敢 師云還釘得虛空麼

鉸云請和尚打破將來 師便打 鉸不肯致

罵於師 師云已後有多口阿師與汝說去

鉸後參趙州 趙州云莫是胡釘鉸麼 鉸云

不敢 趙州云還釘得虛空麼 鉸云請和尚

打破將來 趙州云且釘者一縫 鉸於言下

省悟遂舉寶壽行棒因緣 趙州云我恁麼道

與寶壽千里萬里 師問新到近離什麼處

僧云崔禪 師云還將得崔禪喝來麼 僧云

不將得來 師云恁麼即不從崔禪來 僧便

喝 師拈棒 僧擬議 師便打 師又問新

到近離什麼處 僧云西山 師云還見猢猻

麼 僧云見 師云作箇什麼伎倆 僧云見

某甲一箇伎倆作不得 師便打 問一物不

將來時如何 師云放下著 問如何是祖師

西來意 師云面黑眼精白 問三教之中那

教最精 師云無過喫粥後闍寂無人處

一日萬壽和尚來訪師 師坐不起 萬壽展坐具 師下繩牀 萬壽卻坐 師便歸方丈 閉卻門 萬壽坐不起 知事見坐不起云請和尚庫下喫茶 萬壽便歸院去 師至來日卻去復禮 萬壽坐不起 師展坐具 萬壽下繩牀 師卻坐 萬壽歸方丈閉卻門 師於侍者寮內取灰圓卻方丈門便歸院去 萬壽遂開門見云我不恁麼佗卻恁麼 僧問萬境來侵時如何 師云莫管佗 僧便禮拜 師云莫動著動著即打折汝骨 問萬里無雲時如何 師云青天也須喫棒 學云未審青天有什麼過 師便打

鎮州三聖院然禪師參德山纔展坐具 德山云聞梨不用展炊巾者裏無殘羹羹飯 師云賴過無設有向什麼處著 德山擬議 師下衆堂中踢天太為首座問云夫行脚人須具本道公驗作麼生是本道公驗 師云夏首座再問 師以坐具便打云者漆桶前後觸忤多少賢良首座自後更不勘僧 師到仰山 仰山問汝名什麼 師云慧寂 仰云者箇是我名 師云我名慧然 仰山笑之 師在仰山會裏舉有僧問某黃和尚如何是沙門行 黃云行即不無人覺即乖 僧便休後到洞山

洞山問近離什麼處 僧云茱萸 洞云茱萸近日有何言句 僧舉前話 洞山問之云少進語在 僧云如何進語 洞云何不問未審是什麼行 僧卻往彼進語 黃云佛行佛行 僧歸舉似洞山 洞山云我從來疑者漢汝問我我與你道 僧便問如何是沙門行 洞云頭長三尺項長二寸 洞山令侍者持此語問師 師於侍者手上招一搖 侍者迴舉似洞山 洞山肯之 一日有官人來看仰山 仰山問官居何位 官云推官 仰云試推老僧看 官人無語 仰山卻令大衆下語 衆皆不契 師不安在涅槃堂將息 仰山令侍者去問 師云和尚今日有事 侍者迴舉似仰山 仰山再令侍者去問未審有什麼事 師云再犯不容 仰山晚間上堂舉此話有主也 莫道堂中無人 師辭仰山 仰山將拂子與師 師云某甲有師在 仰山云是誰 師云河北臨濟和尚 仰山云老僧罪過少留一兩日備茶筵相送 師離仰山到洞山上一頌何伏 隱荒丘茆堂獨寢幽隨緣三事衲頓覺萬緣休 兒古因持戒身貧為少求吾師登鳥道物外絕 追遊 洞山卻答一頌 詩詠人間事空門何 不刪探珠宜靜浪動水取應難名利心須剪非

不用攀捨邪歸正道何慮不開閉 師乃將笠子揮三轉便出 師到道吾 道吾以緋袂額持袖杖 師見乃云逐便袂候 道吾應喏 師然堂了再上堂頭人事 道吾卻具威儀方丈內坐 師纔近前 道吾云有事相借問得麼 師云也是適來野狐精便出去 師又到香嚴香嚴問云甚處來 師云臨濟來 嚴云還將得臨濟喝來麼 師以坐具為口打 師上堂云我逢人即出出即不為人便下座 僧問如何是祖師西來意 師云臭肉來繩 問僧近離什麼處 僧便喝 師亦喝 僧又喝 師便打 臨濟和尚問僧什麼處來 僧云定州來 臨濟拈棒 僧擬議 濟便打 僧不肯 濟云已後遇明眼人去在其僧後恭 師乃舉前參臨濟因緣 師聞舉遂拈棒 僧擬議 師便打

齊聳禪師上堂有僧問師唱誰家曲宗風嗣阿誰 師云橫山截壠人皆訝水出萬宮盡點頭 問如何是佛 師云老僧並不知 進云和尚是大善知識為什麼卻不知 師云老僧不曾 接下機 問如何是道 師云往來無障礙 進云怎麼則學人自在去也 師云忽遇大海 作麼生過 僧擬議 師便打 問還丹一顆

天聖真經卷第七 第七

點成金至理一言轉凡成聖學人上來請師
點 師云點 進云點後如何 師云皓然無
隱的三際不彰名 進云為什麼不彰名
師云恐烟紙墨 問心法雙亡時如何 師云
鳳皇不當坐野鶴且權時 師出世多有語句
今不盡錄

定州崔禪師王令公請師於衙內說法

師繞升座 起柱杖云出來打出來打 僧云

崔禪師 師擲下柱杖云久立令公伏惟珍重

問如何是祖師西來意 師云定州磁器似鐘

鳴 學人不會意旨如何 師云口口分明勿

鳴斜

鎮州萬壽禪師師升座僧問如何是丈六金身

師云袖上打領腋下刺襟 問如何是祖師西

來意 師云指河魚魚蹤新新過來處 問如

何是迦葉上行衣 師云鶴飛毛點雲嶺萬

重山 問僧家究竟事如何 師云貸來秋是

吹灰法卻向壇頭脫卻衣 問欲求真性去猶

被真妄纏去此之途如何即是 師云抹眉裏

帽耳齊眉

涿州秀禪師開堂日郡牧并諸官寮集有僧出

問人王真法王相見時如何 師云僧俗各異

進云怎麼即不相見也 師云總在者裏

天聖真經卷第七 第七

學云大好各異 師云許開梨一隻眼 問如
何是祖師西來意 師云過海泛船船 學人
不會意旨如何 師云隻履歸西土 問欲行
千里一步為初如何是最初一步 師云登高
人遠望何須繫繫鞋 進云便怎麼會去時如
何 師云千里途程在即今 師臨示寂時沐
浴了喚侍者煎茶來師喫茶了侍者接盞師縮
卻手云汝還知吾去處麼侍者云某甲不知師
便更盡云去汝不知吾去處侍者送盞迴來見
師端然而化

魏府興化存慶禪師行脚往南方迴在三聖會

裏為首座常垂語云我南方行脚一市拄杖不

曾撥著一箇會佛法底人 三聖問得問云汝

具箇什麼眼便怎麼道 師便喝 三聖云須

是你始得 師便休 三聖亦休 後大覺聞

舉遂云作麼生得風吹到大覺門裏來 師後

到大覺院主依前怎麼道 一日大覺喚院

主我聞你道向南方行脚一市拄杖不曾撥著

一箇會佛法底人你具箇什麼眼便怎麼道

師便喝 大覺拈棒 師擬議 大覺便打

師又喝 覺又打 兩家便休師來日從法堂

下過 大覺遂喚院主 師乃上來 覺云我

直下不疑你昨日兩喝你為我說來 師云某

天聖真經卷第七 第七

甲於三聖師兄處學得箇賓主句總被師兄折
倒了也與某甲箇安樂法門 覺云者瞎漢來
者裏納敗關脫下衲衣痛打一頓 師於捧下
薦得臨濟先師於黃檗處喫捧道理師後開堂
拈香云此一炷香本分為三聖師兄三聖於我
太孤本分為大覺師兄大覺於我太賒不如供
養臨濟先師 時有僧問多子塔前共談何事
師云一人傳虛萬人傳實 師一日喚僧

僧應諾 師云到時不點 又召一僧 僧云作

什麼 師云點時不到 問四方八面來時如

何 師云打 僧禮拜 師云大衆興化昨日

赴箇村齋迴到半路遇卒風暴雨去神廟裏避

得 師舉三聖僧問如何是祖師西來意

三聖云臭肉來繩 師云興化即不然破春驢

上足蒼蠅 師上堂云我聞三聖道我逢人即

出出即不為人興化即不然我逢人即不出出

即為人便下堂 師上堂云今日不册如何若

何直須單刀直入興化與你證據時有闍德長

老出禮拜走便喝 師亦喝 闍德又喝

師又喝 闍德禮拜便歸來 師云適來若是

別人三十棒一棒也較不得為他闍德會一喝

不字一喝用便下座 師入僧堂見首座坐禪

師云我見你了也 首座便喝 師打露柱一

下便出去 首座隨後上去云莫怪適來觸慢和尚 師又打地一下 師過堂次垂語云我有一隻聖箭遇作家即分付至下間有一道者去便請 師云你喚什麼作聖箭 道者把袖不便拂 師接住云軟者箇別更有在 道者擬議 師便打 師上堂示眾云我聞前廊也喝後廊也喝休莫胡喝亂喝直饒你喝得與化向虛空裏撲下來一點氣也無待我蘇息起來向你道未在此何以如此未曾向紫羅帳裏撒真珠與汝諸人 師到雲居問權借一問以為影草時如何 雲居道不得 師三度舉話頭雲居無語 師云情知和尚道不得且禮三拜雲居一曰上堂云我二十年前與化問當我時權思遲鈍道不得為他致得問頭奇特不敢辜佗如今祇消一箇何必 後有僧舉似師 師云二十年祇道得箇何必與化即不然不消一箇不必 後三聖拈云二十年道得底是雲居如今商量猶較興化半月程 有同參來禮拜師 師纔見上法堂來便喝 同參亦喝卻行三兩步 師又喝 同參亦喝相次近前 師拈棒 同參又喝 師云你看者瞎漢猶作主在 同參擬議 師便打 師見僧來云你未恁麼來山僧早行了也 僧便喝 師云據

令而行 僧又喝 師云作家 僧又喝 師便打 師謂克實華那曰你不又為唱道之師也 克實云我不入你保社 師云你會了不入不會了不入 克實云總不恁麼 師便拈棒 實擬議 師便打 師白眾云克實華那適來法戰不勝罰錢五貫文設供一堂至來日齋時師白提云克實華那昨日法戰不勝罰錢五貫文設供一堂不得與飯便令出院 問王程有限時如何 師云日馳五百 同光帝駕幸河北迴至魏府行宮 帝坐朝僧錄名負來朝後 帝遂問左右此間莫有德人否 適臣奏曰適來僧錄名負曾是德人 帝曰此是名利之德莫有道德之人否 近臣奏曰此間有與化長老甚是德人 帝乃召之 師來朝見 帝賜坐茶湯畢 帝遂問朕收下中原獲得一寶未曾有人酬價 師云如何是陛下中原之寶 帝以手舒懷頭脚 師云君王之寶誰敢酬價 聖顏大悅賜紫衣師号師皆不受宣馬一疋與師乘騎馬忽驚墜師遂傷足 帝聞宣獲救療 師喚院主院主至侍立次 師云真我作箇木拐子 院主做了將來 師接得連院行問僧云汝等還識老僧麼僧云和尚爭得不識 師云癩脚法師說得行不得

又至法堂上令維那聲鐘上堂師如前垂示眾皆無對師擲下拐子端然而逝 浙西善權山徹禪師入州赴齋有僧問此日一會是僧是俗總具法身也無 師云具 進云如何是法身 師云百鳥迷巢徑魚行入混流 進云為什麼卻如此 師云坐對斜陽日又曠 問祖意教意是同是別 師云冬寒夏熱 進云冬寒夏熱此理如何 師云炎天宜散祖冬後更深藏 問貧兒思舊債時如何 師云熱處難忘 僧云怎麼即得遇家珍也 師云棒不打衲僧 問如何是衲僧關 師云執手點頭思不出 進云思得出後如何 師云撒手那邊別商量 僧禮拜 師云衲僧關破也 問擬心即差動念即乖不動不念猶落二途去 此外請師直指 師云單長丈二鈎長八尺 進云未審意旨如何 師云兩手拽不住 進云為什麼拽不住 師云橫出海門東 師住後常居一室長坐不臥受一施奉供給在 深師將示化詣施主家廳上坐施主不在如是 三日坐不起後施主歸 師云特來報汝 主云和尚未審將什麼報弟子 師云四人界不起汝還識麼 主云弟子不識 師云汝問眷屬必有識底 主問眷屬皆言不識 師云

天聖廣燈錄第三卷

第三

汝既不識直須收拾善自保愛師言訖端坐示寂
幽州談空禪師鎮州牧有姑爲尼行脚迴欲開
堂爲人牧云乞師勘過師問云見說汝欲開堂
爲人是否 尼云是 師云尼是五障之身汝
作麼生爲人 尼云龍女八歲南方無垢世界
成等正覺又作麼等 師云你現一變看
尼云設便變得也祇是一箇野狐精 師便打
州主聞舉云和尚棒折也 僧問德山棒臨濟
喝未審那箇最親 師云已前在衆裏老僧也
曾商量來 僧便喝 師云却是汝會 僧云
錯 師便打 師一日上堂衆集有僧問擬問
不問時如何 師云噯 僧便喝 師云噯
僧又喝師 拈拄杖 僧云瞎 師拋下拄杖
云今日失利 僧云草賊大敗便歸衆 師以
手向空點一點云大衆還有人辨得麼若有辨
得者出來對衆道看師良久云頂門上眼也辨
不破便下座

天聖廣燈錄卷第十二



天聖廣燈錄卷第十三
南嶽山懷讓禪師第五世

臨濟慧照義玄禪師法嗣十四人

雲山禪師

襄州歷村禪師

金沙禪師

鄂州灌谿志閑禪師

滄州米倉禪師

新羅國智異山禪師

允誠禪師

涿州魁符道者

桐峯庵主

杉羊庵主

虎谿庵主

覆盆庵主

定上座

森上座

雲山禪師開堂升座有僧問師唱誰家曲宗風

嗣阿誰 師云乾山來不絕坎水出坤流

進云怎麼即赤脚披衣去也 師云三峯鎖夜

月獨照一輪燈 師見僧來便作起勢 僧便

出去 師云得怎麼剎利 僧便喝云作者箇

眼目承嗣臨濟也大屈哉 師云且望閣梨春

傳 僧迴首 師喝云作者箇眼目錯判諸方

名言隨後便打 問不在內不在外不在中間

未審在什麼處 師云北邙山下 進云未審如

何辨白 師云千丘萬丘 學云怎麼即辨得也

師云辨得底事作麼生 僧便喝 師云瞎

襄州歷村禪師因一日煎茶次有僧問如何是

祖師西來意 師舉起茶匙 僧云莫祇者箇

便是否 師擲向火中 問如何是觀其音聲

而得解脫 師將火筭敲柴云汝還聞麼

僧云聞 師云誰不解脫 問如何是襄陽境

師云漢高廟在圭山頭 進云如何是境中人

師云口飲漢江水腳踏鳳林關 問句絕百非

時如何 師云開口合不得 進云者箇還當

得也無 師云合口開不得

金沙禪師開堂時州主并在城官寮集時有僧

問昔日梵王親請佛迦葉白槌事若何 師云

從古至今 進云怎麼即徧天徧地也 師云

收 問斬釘截鐵時如何 師云猶是鈍漢

學人禮拜 師便打 問如何是祖師西來意

師云聽 進云怎麼即大衆側聆 師云十萬

八千 問如何是無縫塔 師云來者皆瞻敬

進云瞻敬後如何 師云峯山不露頂 問久

思示誨明暗難分得妙稱揚乞師一接 師云

得妙稱揚事作麼生 僧便喝 師云卻有些

氣息 僧云再犯不容 問蓮華未出水時如

何 師云探頭覷不見 進云出水後如何

師云長三尺餘 問久負不逢時如何 師云

昇到北林東 進云逢後如何 師云胡僧笑

點頭 師俗壽八十二夏臘七十五於七月十

六日解夏至晚上堂衆集拈起拄杖云大衆看

天聖廣燈錄第十三

第三張

州

看衆皆競視師擲下拄杖於法座上端然而化矣
鄂州灌谿志開禪師魏府節陶人俗姓史氏弱
冠依臨濟出家受具畢一日臨濟見來遂擬住
師云頷也 濟便托開云且放汝一頓 師繼
臨濟至末山 末山見來便問近離什麼處
師云近離路口 山云何不蓋命了來 師無
語 師卻問云如何是末山 山云不露頂
師云如何是山中人 山云非男女等相
師云何不變去 山云不是野狐精變箇什麼
師禮拜 師住後上堂示衆云我在臨濟和爺
處得半杓末山孃孃處得半杓共成一杓喫了
直至如今飽餉餉 僧問請師不借借 師云
滿口道不得 問如何是祖師西來旨 師云
鉢裏盛飯鎖裏盛羹 進云學人不會 師云
飢即喫飽即休 師上堂示衆云十方無壁落
四畔亦無門 露裸裸赤躡躡無可把便下座
師會下有僧去叅石霜石霜問云什麼處來
僧云灌谿來 霜云我南山不如你北山
僧無語 僧迴舉似師師云何不道灌谿修涅
槃堂了也 僧問久響灌谿到來祇見一箇溫
麻池 師云汝祇見溫麻池且不見灌谿
進云如何是灌谿 師云激箭急 師上堂云
不生想念本來無體大用現前不說時節無事

天聖廣燈錄第十三

第四張

州

珍重 師於唐乾寧二年乙卯歲五月二十九
日問侍者云坐去是誰侍者云僧伽 師云立
去是誰侍者云僧會師乃行七步垂手而逝
滄州米倉禪師因州牧請師與寶壽二人長老
入衙供養牧主人傳語請長老談論佛法
寶壽乃云請長老師兄答話 師便喝 壽云
某甲話也未曾問喝作麼 師云猶嫌少在
壽卻喝 問如何是米倉境 師云千秋倉在
北門西 進云如何是境中人 師云州主近
來令稍難 進云怎麼即權握在手 師云七
棒對十三問如何是道 師云夏天多雨水秋
後滿田黃 學云不問者箇道 師云汝問什
麼道 學云問大道 師云大道縱橫笑點頭
僧問承古有言閉門造車出門合轍如何是未
後一楔 師云寸釘纜入木萬代祇傳名
問如何是祖師西來意 師云兩手扶牀脚
進云未審此理如何 師云寒天懶舉頭
新羅國智異山禪師僧問師唱誰家曲宗風嗣
阿誰 師云小年曾歷佗門戶直至如今飽不
飢 進云怎麼即鎮陽格調今日全施也
師云盲龜值木且藏身 問欲掬真性去未魚
業纏牽未審如何免得 師云放下著 進云
放下如何 師云臨崖看虎眼特地一場愁

天聖廣燈錄第十三

第五張

州

問如何是和尙家風 師云瑠璃盃內水符刀
喝起行 進云忽遇客來將何祇待 師云三
巡茶後室中煙 問如何是鎮國寶 師云華
表柱頭思天念地 進云既是鎮國寶爲什麼
卻如此 師云非公境界 問如何是菩提路
師云三門前 進云便恁麼去時如何 師云
看 師上堂云冬不寒臘下看便下座
允誠禪師僧問承教有言大通智勝佛十劫坐道
場佛法不現前不得成佛道既是十劫坐道場爲
什麼不得成佛道 師云門前鐘響響側耳誦經
聲 進云未審向上還更有事也無 師云有
進云如何是向上事 師云地頭拳裏轉更多
學人禮拜 師云噓噓 問達磨未來時如何
師云風停浪息 進云來後如何 師云撞頭
搗額 問如何是佛 師云人人盡瞻禮
進云瞻禮後如何 師云天下獨稱尊 問一
無所有時如何 師云三冬瑞雪滿乾坤
進云正當怎麼時還可迴避也無 師云錯
進云不迴避時又如何 師云錯 師問新到
近離什麼處 僧云允誠 師云允誠事作麼
生 僧便喝 師云好好借問亂喝作什麼
僧又喝 師拈棒 僧近前約住云作什麼
師云明眼人難瞞便托開 僧云者賊

涿州剋符道者僧問如何是實中實 師云倚門傍戶猶如醉出言吐氣不慚惶 學云如何是實中主 師云口念彌陀雙杖杖目瞽瞍人不出頭 學云如何是主中實 師云高提祖印當機用利物須知語帶悲 學云如何是主中主 師云橫按鐵錐全正令太平寰宇斬癡頑 學云既是太平寰宇為什麼卻斬癡頑 師云不許夜行剛把火卻須當道與人看 臨濟上堂垂示四種料揀語云有時奪人不奪境有時奪境不奪人有人境俱奪有時人境俱不奪師便出 問如何是奪人不奪境 濟云煦日發生鋪地錦嬰兒垂髮白如絲 進云如何是奪境不奪人 濟云王令已行天下徧將軍塞外絕煙塵 進云如何是人境俱奪 濟云并汾絕信獨處一方 進云如何是人境俱不奪 濟云王登寶殿野老謳誦 師乃有頌 奪人不奪境緣自帶詭訛擬欲求玄旨思量返責麼驪珠光璨爛蟾桂葉婆娑觀體無差互還應滯網羅 奪境不奪人尋言何處真問禪禪是妄究理理非親日照寒光澹山搖翠色新直饒玄會得恰似眼中塵 人境兩俱奪從來正令行不論佛與祖那說聖凡情擬犯吹毛劍退傷值木盲進前求妙會特地打精靈

人境俱不奪思量意不偏主實言不異問答理俱全踏破澄潭月穿關碧落天不能明妙用滄海在無緣

師頌三十八首

初祖熊耳珠

開佩毗盧印人天未位尊寶航橫鳳浦金錫龍門去後梁王感來光魏主恩葱山攜隻肩半偈動乾坤

二祖漳川風

別嗣神州祖照燈又一迴密傳三祖印還夢五侯街玄字乾坤大慈天日月開逆流漳浦上天感泣雲雷

三祖山谷麟

北齊傳得印獨步出人間祖地江河闊隨天日月開妙音流四海瑞氣溢三山一句南來信清風撼雪關

四祖雙峯松

翠合雞山樹栽我祖岫松凝霜分五葉含雪振雙峯月迴金河內珠添玉鎖中颯颯傳細韻天下播真宗

五祖東山月

東山分祖印空際月成輪碧眼風光翠黃梅樹色春九枝添瑞鶴一葉拂祥麟別得金僊記曾

第六人

六祖曹谿寶

南得黃梅意曹谿記法泉三衣兼祖印一鉢盡師傳慈月光千海玄河注百川神洲十二代法眼繼相傳

毗盧印

天中慈月三峯迴指外懸河万派深仙舸獨遊華藏海無邊川澤喜歸心

熊耳巖

熊耳宗師葬洛陽龍城天子泣千行迴擔隻履葱山上驚殺梁王與魏王

馬祖麟

麟眠法苑分千葉馬踏曹谿迷萬泉古佛傳中親投記月輪碾破海中天

百丈松

百丈和霜嶺上松蛇盤鶴性瘦如龍下堂索著稱名字不會師心一萬重

臨濟龍

龍控懸河海月秋煙霞風雨一時收波濤急人難會截斷千江水不流

龍潭月

祖派波瀾半偈玄曹谿舟棹接風煙一輪海底龍潭月碾破雞山雪嶺前

天竺山錄第十三卷

第九張

州字

雙林柱

身受龍華三會主植開鳳閣九重城梁王築倒
金剛佛更問如何不講經

藥山刀

藥岫龍泉照膽清乾坤正盡流行格高一句
難分出葛就雲巖谷口明

丹霞日

一片丹霞見石頭麒麟雙鳳沉難倚鋒銚欲說
宗門印更得師心掩耳休

烏窠栢樹居

白鳳煙霞控鳥窠驪龍珠耀祖山河當初拾起
布毛惹體用毗盧些子多

石翠弓

龍劍摩弓祖佛威霜鋒雷電急難追當初金鐵
骨前過由未重玄多許為

歸宗石

雪彩霜威馬祖風虎降高格氣如龍誰人會得
歸宗路一鐵三關海內通

大梅霜

虎見煙蘿透洞門心中古佛震乾坤龍泉截斷
麒麟角撼得毗盧海月昏

灌谿水

一派曹源與灌谿龍行風雨動雲霓俊機箭
波瀾急撼得毗盧海岳低

天皇竹

龍吟鳳彩震乾坤熊耳雞山海內聞一片雲霜
三島外度心半個灑風雲

牛頭雪

六葉牛頭樹別栽五天熊耳縱雲雷須知四祖
垂機接百鳥銜花更不來

五泄泉

發意當初問石頭江河心瀆渺分流喚迴指出
毗盧印使得如山萬事休

魯祖巖

虎徑龍泉逸行巖鳳棲霜倚鶴和杉誰人會得
宗師意紐轉乾坤好不參

汾州玉

龍宮鹿苑百川通八藏三乘在掌中卻是江西
逢馬祖迴頭踏轉太虛空

疎山松

疎嶺松蘿五葉雲毗盧天外別為秦驪龍踏落
虛空月木馬重嘶雨露新

關南鼓

錫撼風霜虎豹愁楚王城裏倒騎牛騰騰盡唱
關南鼓聲壓雲雷動九疇

韶山壁

韶山壁

熊耳雞山五印玄蛇盤鳳口九咆泉紫霄峯上

一輪月照破曹谿半夜圓

南嶽讓禪師風

別沐曹谿水棲衡嶽萬重有心傳五葉無意據
千峯洞鶴爭藏翼巖難息瘦容一聲乾象外海

內繼真風

古州鯉

五天慈雨細師得潤禪林碧眼千燈印清源一
派心有涯來魚遠無底更深沈別嗣曹谿後衆

人仰德音

南泉竹

根蒂欲何尋孤竒迴衆林風來敲節目龍去曉
知音撼雪精神別吟風體物深平常煙靄裏動

轉振虛心

石頭松

出石雄姿迴翠林沈莫同翠合煙靄外閨布雲
霜中影撼千谿月聲擊五葉風妙音傳藥嶠天

下定真宗

夾山雷

澧水風濤急卷海嶽摧浪中澄得月天外振
驚雷龍領珠難取谿巖實易裁接人機路險窠

海更誰借

洞山泉

洞山泉

深沈分派異方外一輪孤海底清天鏡潭中碧
眼珠千重排雪岸半偈徹冰壺透印宗門後人
天作措模

趙州關

孤峻南泉派師機已得開三衣傳祖域一句動
人寰幽谷珠光異蓋田玉彩班未明根下蒂難
過趙州關

雲居月

素容空界外廓落迴無邊王鏡同千域金輪市
五天霜凝熊耳印冰浩鷲峯玄不是龍魚月難
光洞上泉

都頌

儂家住處實堪隈香炭藏身幾萬迴不觸波瀾
招慶月動人雲雨鼓山雷
桐峯庵主師在庵中生僧到庵前便去 師云
闍梨 僧迴首便喝 師良久 僧云死卻者
漢也 師便打 僧無語 師呵呵大笑
僧見師問桐峯庵主在什麼處 師便打
僧云者箇師僧得恁麼造次 師云適來問箇
什麼 僧垂手立 師云者箇却是闍梨造次
僧喝便出去 師云汝恁麼迷卻一切人在
僧問庵主在者裏忽遇大蟲來時作麼生
師便作大蟲吼 僧作怕勢 師呵呵大笑

僧云者賊 師云爭奈我何 僧上山參師
師見云作箇什麼 僧云特來相訪 師便打
僧把住云且莫行羸 師拓開便歸庵 僧云
者山鬼 師云什麼處得者師僧 僧云爭奈公案
何 師便打 僧大笑而去 僧上來被庵主
捉住云殺人殺人 僧拓開云叫作什麼
師云誰 僧便喝 師便打 僧云且待且待
師大笑 師作草鞋次僧後面來作大蟲吼
師便喝 僧云且不妨作草鞋 師云闍梨你
僧喝 師云山僧招得有一老人入山參師
師云住在什麼處 老人不語 師云善能對
機 老人地上拈一枝草示師 師便喝
老人禮拜 師便歸庵老人云與麼疑殺一切
人在 僧看庵主同是問師還記得昔時行腳
事麼 師云不記得 僧云自從分襟後住來
多少時也 師云也是昔時事 僧云何不道
住持事煩 師云昔時猶在 僧云比來相訪
珍重便去 師云從來疑著 僧見庵主便喝
師云驚殺人 僧云大蟲那 師便喝 僧便
走 師將棒趁 僧作亞捨勢 師拄棒而立
僧云敗也 師云放你二十 僧見庵主云特
來相訪 師不顧 僧近前相看 師便打
僧云大陣當前乙師善巧 師又打 僧云爭

逢作者 師云汝從什麼處來 僧云特來相訪
師云罕遇知音
杉洋庵主師在庵內坐有僧到庵前叉手而立
師云阿誰 僧云杉洋庵主 師云我是
僧便喝 師云噓噓 僧云猶要棒契在
師便打 有僧問云久響杉洋到來為什麼不
見 師云黑似漆 僧以手指 師云親到杉
洋 有僧來庵前共師對坐 僧云庵主得箇
什麼道理便住此山 師云也欲通消息恐遭
人檢點 僧大笑而出 師云今日大賺
師在庵前坐禪有僧近前便打師一掌 師便
歸庵 其僧卻坐 師卻出來 僧云猛虎當
前誰人敢敵 師便打 僧云苦苦 僧問庵
主境界當前如何支遣 師喝云者妖怪
僧云今日被迷一上不同小小 師云賴是深山
無人見 僧云知即得 師呵呵大笑
虎窟庵主師見僧入門師便喝 僧默然
師便打 僧又喝 師云好箇草賊 僧問庵
主在者裏多少年也 師云祇見冬凋夏長年
代總不記得 僧云大好記不得 師云汝道
我在者裏得多少年也 僧云冬凋夏長
師云開市裏虎 僧問莫是虎窟庵
主麼 師云不是 僧云為什麼不是

天聖廣燈錄卷第十三 第十一

師云對面不相識 僧云賺殺人 師云適來問箇什麼 僧喝 有僧來相看 師見總不顧 僧云知道庵主有此機鋒 師彈指一下 僧云是何宗旨 師便打 僧云知道今日落佗便宜 師云猶要棒與在 僧問庵主是什麼人 師云隴西人 僧云承聞隴西出鸚鵡 師作鸚鵡聲 僧云好箇鸚鵡 師便打 僧來訪師見云何處來 僧便喝 師云作家 僧良久 師云死卻者漢也 僧便出去 師云猶動在 僧見師坐 僧近前云不審庵主 師云是誰 僧便喝 師云得怎麼無賓主 僧云猶要第二喝在 師便喝

覆盆庵主師在庵內坐有僧從山下哭上來師閉卻門 僧於壁上畫一圓相了門外而立師從後門出卻從山下哭上來 僧喝云猶作者箇去就在 師撻曾云可惜先師一場埋沒 僧云苦苦 師云庵主被謾 師問僧什麼處來 僧云覆盆山下來 師云還見庵主麼 僧喝 師便打 僧云作什麼 師住棒 僧擬議 師又打 僧問文響覆盆山阿那箇是 師便指 僧隨手看 師打一掌 僧云作家 師良久 僧打師一掌 師近前捉

天聖廣燈錄卷第十三 第十六 州

僧便走 師拍手大笑 定上座師到臨濟問如何是祖師西來意 濟下禪牀振住 師擬議 濟便掌師因此大悟 師離臨濟向南行脚路上逢著巖頭雪峯欽山三人巖頭便問上座什麼處來 師云臨濟來 巖云和尚萬福 師云和尚順世也 巖云某甲三人特去禮拜自恨福薄不見得佗望上座慈悲和尚因緣舉一兩則師舉臨濟上堂垂示赤肉團上有無位真人常從汝等諸人面門出入未證據者看 時有僧問如何是無位真人 濟下禪牀把住 僧擬議 濟云無位真人是什麼乾屎橛拓開便歸方丈 欽山云何不道赤肉團上非無位真人 師便擒住云無位真人與非無位真人相去多少 連道連道欽山被擒面青面黃語之不得 巖頭雪峯云者箇新戒不識好惡觸悞上座且望慈悲 師云不是者兩箇老凍膿殺者屎林子 師在鎮府齋迴到橋上逢三人座主一人問如何是禪河深處須窮底 師擒住擬拋向橋下 二座主近前云莫怪觸悞上座且望慈悲 師云不是看者兩箇座主從教窮底 齋上座師離臨濟南行參見德山 德山纔見作抽坐具勢 師云者箇即且置心境一如底

天聖廣燈錄卷第十三 第十七 州

人來共佗說箇什麼即得免被諸方檢責 德云猶教昔日三步別作箇主人翁來 師便喝 德山不語 師云塞却者老野狐咽喉 馮山問舉云巖上座雖得便宜爭奈掩耳偷鈴 師到百丈百丈云有事相借問得麼 師云幸目非言何須割割 百丈云收得安南又憂塞北 師摩開胃云與麼不與麼 丈云要且難擣要且難擣 師云知即得知即得 仰山問舉云若有人知得此二人落處不妨奇特若辨不得大似日中迷路

大聖廣燈錄卷第十三



天聖廣燈錄卷第十四
南嶽山懷讓禪師第六世

魏府大覺禪師法嗣 四人見錄

廬州大覺禪師 廬州澄心閣德禪師

荆南府竹園山禪師 宋州法華院禪師

鎮州寶壽沼禪師法嗣 二人見錄

汝州西院思明禪師 鎮州第二代寶壽禪師

鎮州三聖院然禪師法嗣 一人見錄

鎮州大悲禪師

涿州剋符道者法嗣 一人見錄

鎮州談空禪師 濟上座

魏府興化院存獎禪師法嗣 五人見錄

汝州寶應禪院顯禪師 淄州水陸禪師

太行山禪房院克賓禪師 魏府天鉢禪師

守廉上座

鄂州灌路開禪師法嗣 一人見錄

池州魯祖山教禪師

廬州大覺禪師上堂時有僧問牛頭未見四祖

時如何 師云有恁麼畜生無所知 進云見

後如何 師云無恁麼畜生有所知 問學人

久處沈迷請師一接 師云接 僧禮拜

師便打 問四來園遶時如何 師云不聞梵

音聲 進云聞後如何 師云往來不障礙

問日下無雲時如何 師云摸 進云卻被雲

遮時又如何 師便喝 僧亦喝 師拈棒

僧擬議 師便打

廬州澄心閣德禪師上堂有僧問如何是澄心

師云我不作者活計 進云未審作麼生

師便喝 進云大好不作活計 師便打

問如何是道 師云老僧久住澄心院 進云

如何是道中人 師云破衲長披經歲年

問露地不通風時如何 師云漆 問既是澄

心爲什麼出來入去 師云鼻孔上著些

僧禮拜 師便打

荆南府竹園山禪師上堂有僧問久嚮和尚會

禪是否 師云是 學云蒼天蒼天 師近前

以手掩僧口云低聲低聲 僧便打一掌

師拓開云山僧招得 僧拂袖出去 師笑云

早知如是悔不如是 問既是竹園還生筍也

無 師云千株萬株 進云恁麼即學人有分

也 師云沒作麼生 僧擬議 師便打

宋州法華院禪師初開堂日有僧問如何是佛

師云獨坐五峯前 問如何是初生月 師云

不高不低 進云還許學人瞻敬也無 師云

三日後看 問如何是法華家風 師云寒時

寒殺熱時熱殺 進云如何是寒時寒殺

大聖廣燈錄卷之五 第三法 用字

師云三三兩兩抱頭行 進云如何是熱時熱
 殺 師云南北東西見者噉 問學人手持白
 刃直進化門時如何 師云你試用看 僧便
 喝 師擒住 僧隨手打一掌 師便拓開云
 老僧今日失利 僧作舞出去 師云賊首頭犯
 汝州西院思明禪師初參寶壽問踏破化城來
 時如何 壽云不斬死漢 師云斬 壽便打
 師連道斬 壽又隨聲打 壽卻迴來遂云適
 來者箇僧將赤肉抵佗乾棒有甚死急後有僧
 啓和尚問話底僧在大覺處來兩人同在者裏
 見解總怎麼問話底僧已後委悉和尚法道須
 是趁出二人同參若不趁出已後難得人承嗣
 壽便趁出報事僧 問學人有一問和尚處
 時如何 師云設有斬為三段 僧禮拜
 師便休 會下有僧在臨濟處來見此僧問話
 乃於下面相逢遂云堂頭和尚道即大殺道未
 在 問話僧便拽其僧到堂頭云者僧不肯和
 尚 師云上座不肯老僧那 僧云某甲不曾
 說 師一時喝下去 僧行到法堂上又云說
 什麼道即大殺道直下未在 問話僧又拽上
 去 師又問上座是不肯老僧 僧云莫信者
 僧今日三度見伊風發也 師總令下去
 問如何是臨濟一喝 師云千鈞之弩不為懸

大聖廣燈錄卷之七 第五法 用字

風發機 進云忽遇大殺活人來時如何
 師便打 有從潯上座在師會下常道莫道要
 會佛法覓箇舉話人也難得 師問舉一日上
 堂頭來 師遇見喚云從潯 潯舉頭 師云
 錯 潯又行一兩步 師又云錯 潯近前
 師云適來兩錯是思明老漢錯是上座錯
 潯云是從潯錯 師云錯 師遂云上座且在
 者裏過夏共你商量者三錯 從潯上座不肯
 便去後往天平山上堂舉此話示眾云我當初
 行腳時被風吹到汝州風穴有思明長老勸我
 兩錯更待留我過夏共我商量者兩錯專甲不
 說恁時錯我當初發足向南方行腳時早知道
 錯了也 師未住時在許州開汝州南院和尚
 住元是同參特往相看人事了啓和尚某甲別
 無人事買得江西剃刀獻上和尙 南院便問
 汝從許州來甚處得江西剃刀 師把南院手
 掐一掐 院喚侍者收收 師以衣袖拂一拂
 院云阿荊荊阿荊荊 問如何是清淨伽藍
 師云荊棘叢林 進云如何是伽藍中人
 師云權兒猢猻子 問如何是不變易底物
 師云打帛石
 第二代寶壽禪師在先寶壽處為供養主得數
 年一日寶壽問云供養主父母未生時還我本

來面目來 師道不得三兩日後卻來下供養
 主 寶壽云汝不用下後經月十日間因在街
 坊見二人買賣不和相打師見忽然大悟歸院
 舉似寶壽 寶壽云你悟也不用道寶壽臨遷
 化時付囑三聖請師開堂 師開堂日三聖為
 請主纔升座三聖便推出一僧 師便打
 三聖云總似怎麼爲人不但瞎卻者僧眼兼瞎
 卻鎮州一城人眼去在 師便下堂 問萬里
 無雲時如何 師云青天也須喫棒 進云青
 天有甚麼過 師便打 問八面旋機時如何
 師云打 僧云打誰 師云不干汝事 僧禮
 拜 師便打 問不占閻闍請師不謗 師云
 莫 又云不得 又搥手 又云野狐精
 問種種華嚴慈惠奉獻時如何 師便唾
 又云惡 又云滅 又云老胡者裏不是草店
 又云莫汚我心田 又云九尾野狐精 師欲
 順世謂眾云汝等諸人還知吾行履處麼
 眾云知和尚一生長不臥師又令近前來眾人
 近前師喝云汝非吾眷屬言訖端然而化
 鎮州大悲禪師上堂時有僧問除上去下請師
 別道 師云開口即錯 進云真是學人師
 師云今日向弟子手中死 問如何是和尙密
 作用 師拈棒 僧轉身受棒 師拋下棒云

不打者死漢 問如何是諦實之言 師云
 拄上罽 僧云爲什麼如此 師便打 問不
 著聖凡請師答話 師云好 僧擬議 師便
 喝 問如何是大悲境 師云千眼都來一隻
 收 進云如何是境中人 師云手忙脚亂
 問如何是真如佛性 師云執手共談生死路
 前頭莫問往來人
 鎮州談空禪師上堂有僧問如何是佛 師云
 麻纏紙裹 問如何是古佛心 師云有耳未
 曾聞 僧便喝 師云瞎 問百了千當時如
 何 師云和聲打 問一飽忘百饑時如何
 師云貧兒遇餓飯 問如何是談空禪 師云
 塵埃滿面上雨打轉新鮮 問格外之談請師
 舉唱 師云隘路不通風 進云莫執者便是
 也無 師云嗟嗟
 濟上座師行脚到洛京南禪安下有朱行軍設
 齋入僧堂內顧視上下云直下是又作麼生行
 香次口不住道至下間師便問直下是箇什
 麼 行軍便喝 師云行軍幸是會佛法底人
 又惡發作什麼 軍云喚作惡發即不得
 師便喝 軍云鉤在不疑之地 師又喝
 行軍齋起令客司請下喝底上座來 師便至
 行軍處並不願諸人 僧錄云啓行軍通奉事

容得者僧恁麼無禮 行軍云若是你諸人喝
 某甲有劍 僧錄云某甲諸人不會是佗暉長
 老始得 師云若是南禪長老也未夢見
 問如何是佛法的大意 師云龍騰滄海魚
 躍深潭 進云畢竟如何體悉 師云夜聞祭
 鬼鼓朝聽上灘譟 問如何是上座家風
 師云三脚蝦蟆背大象 問如何是玄中玄
 師云壁上倒行船 進云如何是玄中玄的
 師云失脚到崖州迴來無處覓 進云未審向
 上更有事也無 師云有 進云如何是向上
 事 師云兩手攀枝面向南
 汝州寶應禪院顯禪師初開堂纔外座有僧問
 師唱誰家曲宗風嗣阿誰 師云掌塔戴鷗冠
 口中更河海 問如何是佛法大意 師云沒
 量大病源 學云請師醫 師云世醫拱手
 問如何是佛 師云如何不是佛 僧擬進語
 師便打 問薄地無龍如何識辨 師云有什
 麼難辨 僧云請師辨 師云瘦眼生盲毛格
 磔 進云如何醫治 師云氣針扶舌上雷電
 震雲間 進云忽過萊公時又如何 師云見
 假不知驚著否瞻之猶自眼翻天 問迴旋空
 中時如何 師云四面連枷打 問龍獸相交
 時如何 師云狗脊坡頭 問丹霄獨步時如

何 師云日馳五百 問金榜題名請師印可
 師云日下拽脚 問凡聖同居時如何 師云
 兩箇貓兒一箇獐 問日出扶桑時如何
 師云閣浮樹下過 問梅檀鬱密時如何
 師云獨柳樹下坐 問大震虹霓請師引驗
 師云日下三剋 問黃巢過時向什麼處迴避
 師云六毒旗 進云或過捉著時如何 師
 云賊首頭犯 問實劍未出匣時如何 師云
 尼乾失蕩 進云出匣後如何 師云天魔暢
 快 問十方通暢時如何 師云八極連門福
 師上堂示衆云赤肉團上壁立千仞 有僧出
 問赤肉團上壁立千仞豈不是和尚怎麼道
 師云是 僧便掀禪牀 師云你看者瞎漢亂
 做 僧擬議 師便打 問楊朱泣路時如何
 師云白狗臨刑莫怨天 問人逢碧眼時如何
 師云鬼爭漆桶 問龍躍江湖時如何 師云
 管膜管喜 學云傾欬倒嶽時如何 師云老
 鷄沒嘴 問如何是解脫漿 師云苞苴淨
 盂物不多 問如何是乾坤主 師云周人遺
 果心剋九竅 問大擬爭權時如何 師云光
 漆那社 學云將何奉獻 師云切與生曾祭
 道驢糞 問近不得時如何 師云冤家難解
 脫 問萬仞龍門透過時如何 師云全存牽

天聖廣燈錄卷第十卷 第六卷 世字

磨聲 學云恁麼即全承布雨 師云泥人眼赤 問獨遊滄海時如何 師云雷震青空畜生燒尾 問運足不知路時如何 師云鳥道盲人過 問中間不會時如何 師云靜處裸了打 問投機不過時如何 師云足下全身去 問大用不逢時如何 師云雞鶩舞道引入千峯 問金鎖斷時如何 師云失 學云金鎖斷為什麼卻失 師云崖州路上問行人 問然燈前後即不問如何是正然燈 師云滅僧從東邊過西邊立 師云野狐精 問萬里無雲時如何 師云寸步不可過 問從上古人見不盡處師還見否 師云擗毘吐餐人不識滿朝盡道好周公 學云口上打 師云道者大殺瞎 學云有恁麼瞎老漢 師便打 問從上諸聖向什麼處去 師云不上天堂即入地獄 學云和尚作麼生 師云你還知寶應老落處麼 僧擬議 師打一拂云你還知與拂子道理麼 僧云不會 師云令卻是你行隨後又打一拂 問如何是第一句 師云汝試道看 僧便喝 師拍手云大衆好喝 僧又喝 師拈棒 僧擬議 師便打 師上堂示衆云諸方執具啐啄同時句不具啐啄同時用時有僧問如何是啐啄同時用 師云作

天聖廣燈錄卷第十卷 第七卷 世字

家不啐啄啐啄同時失 進云猶未是學人問處 師云汝問處又作麼生 僧云失 師便打 其僧不肯後到雲門會裏因問舉前因緣不肯底道理時有一僧云當初南院棒折作什麼問話僧於此言下大悟方見得南院答處卻來汝州省觀南院南院已示寂風穴出世到彼禮拜 風穴認得便問上座莫是當時問南院啐啄話底麼 僧云是 穴云還會也未 僧云某甲會也 穴云汝當時作麼生以僧云某甲當時如燈影裏 穴云汝會也 師一日問風穴云南方一棒作麼生商量 穴云作奇特語商量 風穴卻問師和尚此間一棒作麼生商量師拽拄杖云棒下無生忍臨機不見師問獨步青霄時如何 師云四衆圍遶過 學云四衆圍遶時如何 師云梵音絕處打問寂寂無聲時如何 師云打了拋聲勢 問鳳飛不到時如何 師云忽聞庭樹撲殺鴉象 問如何是歸宗事理 師云納如處錯 問如何是日輪正當午 師云事理分明打問如何是獨步四山頂 師云深深海底行 問久在貧中如何得濟 師云滿掬摩尼親自捧 學云教人眼瞎 師云眼裏無筋一世貧 學云批筋了瞎 師便打 問如何是自在師

天聖廣燈錄第十四卷 第八卷 世字

子 師云金條勒咽喉白棒攤前行 問奔流度刃疾焰過鋒時如何 師云住 僧云住即瞎 師打禪牀一下 僧便喝 師便打 僧接住棒云老和尚莫縛得好拿棒卻打著和尚莫言不道 師云今日被者瞎漢鈍致寶應老 僧云敗了掃帚撲 問截鐵鎊錘猶是鈍 當鋒鑿事如何 師云截即死 僧便喝 師以手拍膝一下 僧便喝 師拈棒 學云和尚莫言加瞎棒卻奪棒打著和尚莫言不道 師云今日被者黃面浙子鈍滯寶應老一場 僧云和尚莫縛得好 問匹馬單槍時如何 師云且待老僧斫棒 師上堂云是汝諸人盡曾諸方去來不是不知不見還知得老僧講麼 時有僧問便請和尚講 師云推筭決疑 問無相涅槃請師證照 師云前三點後三點 又問如何是無相涅槃 師云三點前三點後 問萬里無雲時如何 師云鐵虎投崖 問古殿重興時如何 師云明堂瓦插簷 僧云恁麼即莊嚴畢備 師云斬草蛇頭落 問二王相見時如何 師云十字路頭吹尺八 問如何是無相道場 師云斫破鬼神村 問如何是蔞蔔林 師云鬼然箭 問如何是不動尊 師云邂逅到崖州 問擬蓋要津時如何

師云友養堆 問凌閣圖形請師憐念 師云
 纓拂面塵 問如何是金剛不壞身 師云老
 僧在汝脚底 僧便喝 師云未在一僧又喝
 師便捧 問如何是南宗北祖 師云大庾嶺
 頭雲太行山下賊 學云如何明會 師云幽
 燕平劫殺吳越笑呵呵 學云畢竟又如何
 師云莫言無法用最苦是新羅 問不施寸刃
 便登九五時如何 師云單杖控天街太白過
 後堂 問悉宗兼護三業如何道 師云夢見
 什麼 問上上根器人來師選接也無 師云
 接 學云便請和尚接 師云且喜平交
 問如何是道 師云廬過長空無一物 師上
 堂云過去祖德盡皆怎麼道 時有僧問道什
 麼 師云大哉 問祖意教意是問是別
 師云王尚書李儼射 學云不會意旨如何
 師云牛頭南馬頭北 問如何是實應無
 師云天下老和尚蒼了也 學云用者如何
 師便打 問如何是祖師西來意 師云五男
 二女 問擬伸一問師意如何 師云是何公
 象 僧云嗜 師云放汝二十棒 師上堂示
 象云有佛同蓋虛出來便有僧出禮拜 師云
 是老漢罪過便下座 問萬代留名時如何
 師云光澤鄰社 問如何是和尚家風 師云

秋收冬藏 問學人有一問在和尚處時如何
 師云汝問道什麼 僧便喝 師便休至明日
 上堂聚集師云昨日問話僧在什麼處其僧便
 出 師便打 問如何是實應正主 師云和
 大盆小 問如何是實應水 師云了 學云
 飲者如何 師云了 問牛頭未見四祖時如
 何 師云今日不答話 師上堂云你諸方盡
 是把蛇頭歇公案待第二頭答話本色衲僧更
 莫共語良久云作麼生是本色衲僧無對
 師云有贏即有輸 師一日把住僧問會麼
 僧云不會 師云牛頭南馬頭北 師又見僧
 來豎起拂子 僧云敗關 師卻放下拂子
 僧云猶有者在 師便打 師一日問圓頭
 銀子關華也未 頭云開華久矣 師云還結
 子也未 頭云昨夜遭霜了 師云大衆喫箇
 什麼 頭擬議 師便打 師見一僧便問名
 什麼 僧云普參 師云忽遇木樵又作麼生
 僧不審 師便打 防禦使問大善知識還具
 見聞覺知否 師便掌 使不肯來到風穴處
 無問云大善知識還具見聞覺知否 穴云荆
 棘蓬蒿葉來久矣 遠云妙用又如何 穴云
 王子帶刀全意氣貧人掄倒誦聲斷 使深肯
 之遠卻舉先問南院答底語 穴云南院深是

和為使方似委悉 師問僧近離什麼處
 僧云襄州 師云來作什麼 僧云特來禮拜
 和尚 師云恰遇實應老不在 僧便喝
 師云向汝道不在又喝作什麼 僧又喝
 師便打 僧禮拜 師云者捧本分是你打我
 我且打你要此話行瞎漢參堂去 問僧近離
 什麼處 僧云龍興 師云發足莫過葉縣也
 無 僧便喝 師云好好問你又惡發作麼
 僧云喚作惡發即不得 師卻喝云你既惡發
 我也惡發近前來我也沒量罪過你也沒量罪
 過瞎漢參堂去 問僧近離什麼處 僧云五
 臺 師云文殊還說老僧麼 僧云不說
 師云今日遇作家 問僧近離什麼處 僧云
 長水 師云東流西流 僧云總不恁麼
 師云作麼生 僧便珍重 師便打 問僧近
 離什麼處 僧云襄州 師云是什麼物恁麼
 來 僧云和尚試道看 師云適來禮拜底
 僧云錯 師云禮拜底錯箇什麼 僧云再犯
 不容 師云三十年弄馬騎今日被纏撲瞎漢
 參堂去 師見僧纔入門便把住云是什麼
 僧無語 師推出云三十年弄馬騎今日被纏
 撲又召云莫道是閑處道底語 師問座主講
 何經論 主云講維摩經 師遂指繩牀云會

慶 主云不會 師云侍者點茶來

湖州水陸禪師上堂有僧問如何是學人用心

處 師云用心即錯 僧云不起一念時如何

師云沒用處漢 僧云此事如何保任 師云

切忌 問狹路相逢時如何 師便攔習拓

問如何是大機成辨去 師云青天布雲雨雷

電不銷多 問如何是最初一句 師便喝

僧禮拜 師以拂子點云且放

太行山禪房院克賓禪師初開堂纔升座有僧

問如何是祖師西來意 師云庭前看綠竹

進云畢竟如何 師云兩林松栢青 問如何

是學人自己 師云或在市纏或在曠野

進云如何是或在市纏 師云千人萬人不相

識 進云為什麼不相識 師云語笑自分明

進云如何是或在曠野 師云獨坐獨臥

進云為什麼卻如此 師云八風吹不動

問大用現前請師辨白 師云點頭不吐舌

進云怎麼即難為親近 師云竹韻諤聲

問狹路相逢時如何 師云老僧罪過 僧便

喝 師云好喝 僧又喝 師乃近前揪住云

你看者瞎漢猶作主在 僧擬議 師便打

魏府天鉢禪師初開堂升座時有僧問師唱誰

家曲宗風嗣阿誰 師云雲綻家家月 僧云

恁麼即徧天徧地 師云一任鑽龜打瓦

問如何是祖師西來意 師云冬天日短

問如何是學人親切處 師云來無蹤去無蹟

問如何是道 師云杉長袴短 僧云如何是

道中人 師云仰面大家笑

守廓上座師行脚到襄州華嚴和尚會下華嚴

一日上堂云今日賜卿無畏若是臨濟德山高

亭大愚鳥窠船子兒孫不用如何若何直須單

刀直入華嚴與汝證據 師出禮拜起便喝

嚴亦喝 師又喝 嚴亦喝 師便禮拜起云

大眾看者瞎漢一場敗闕便喝拍手歸衆

嚴下堂歸方丈 風穴時為維那上去問評嚴

云維那你來也 臣耐守廓適來把老僧紐捏一

上待集衆打一頓趁出 穴云趁他邊也況和

尚言過他是臨濟下兒孫本分恁麼 嚴方息

怒 風穴下來言前事舉似師師云維那著什

麼來由勸者漢我未問前早要棒與得我話行

如今不對我搨却我話也遂與風穴同過夏各

話南北家風遞相舉論 師在鹿門和尚會下

一日在僧堂後架坐鹿門下來見楚禪和便問

終日披搭搭作什麼 楚云和尚見某甲披

披搭搭那 門便喝 楚亦喝 兩家便休

師云看者兩箇瞎漢一場敗闕隨後便喝

門便歸方丈遂令侍者下來喚師門云適來楚

禪和與老僧賓主相見什麼處敗闕 師云轉

見病深 門云老僧昔日見興化來 師云和

尚見興化時某甲在彼為侍者記得此時語

門云你試舉看 師便舉興化問鹿門什麼處

來門云五臺山來化云還見文殊麼門便喝化

云我問你見文殊又喝作什麼門又喝化不語

至來日興化教某甲來喚侍問當早已去也化

上堂云大眾你看者箇師僧擔一條斷貫索向

南方去也 已後也道我見興化來和尚今日公

案恰似恁麼時底 門云興化恁麼時為什麼

不語 師云興化知道和尚不會 門方省悟

來日特為師煎茶晚後上堂告衆云夫參學龍

象直須子細入室汝擇不得容易得箇語便

為極則即道我判判我當初見興化時認得箇

轉動底見人一喝兩喝便休以為佛法今日被

明眼人覷著卻成一場笑具徒什麼祇為我慢

無明不能迴轉親近上流賴得明眼道人不惜

身命對衆出來為鹿門老證據實為此恩難報

何以如此興化云直饒你喝得興化在虛空裏

住撲下來一黑氣也無待我蘇息起來向你道

未在何故如此興化未曾向紫羅帳裏撒真珠

與你諸人亂喝作什麼道汝如今明解取去豈

不是慶快平生參學事畢

池州魯祖山教禪師開堂日有僧問如何是目

前事 師云絲竹未將爲樂器架上葫蘆龜未

收 問如何是孤峯獨宿底人 師云日午打

三更 問進向無門時如何 師云太鈍生

僧云不是太鈍直下進向無門時如何

師云靈機未曾論邊際執法無門在眼中

問如何是祖師西來意 師云今日不答話

僧云大好不答話 師便打

天聖廣燈錄卷第十四

天聖廣燈錄卷第十五 [宋勃]

汝州風穴山延昭禪師餘杭人也初參鏡清
清問云近離什麼處 師云自離東來 清
云還過小江也無 師云大舸獨飄空小江
無可濟 清云鏡水秦山鳥飛不度子莫盜
聽遺言 師云滄溟尚法濛輪勢列漢飛帆
渡五湖 清豎起拄杖云爭奈者箇何 師
云者箇是什麼 清云果然不識 師云出
沒卷舒與師同用 清云杓卜聽虛聲熟睡
饒瞻語 師云澤廣藏山理能縛豹 清云
捨罪放憊速須禮拜出去 師云出去即失
到法堂上嘆云行脚人著甚來由因緣未了
不可便休再見堂頭云適來輒呈小駭冒黷
慈嚴蒙未賜杖責 清云適來言從東來豈
不是翠巖來 師云雪竇清棲寶蓋東 清
云不逐亡羊狂解息輒來者裡念篇章 師
云路逢劍客須呈劍不是詩人莫獻詩 清
云詩即速祕略借劍看 師云梟首甑人攜
劍去 清云不獨觸風化亦自顯顛預 師
云若不觸風化爭明古佛心 清云何名古
佛心 師云再許乞容師今何物 清云東
來衲子菽麥不分 師云祇聞不而以何
得抑以而以 清云巨浪湧千瀑澄波不離

水 師云一句截流萬機清峭便禮拜 清
云俊哉俊哉

師離鏡清到同安和尚處 同安問石角穿
雲路垂藤意若何 師云紅霞籠玉像擁嶂
照川明 同云恁麼即相隨來也 師云和
尚也須低聲

師離同安到襄州華嚴院華嚴有牧牛歌請
師和 師云羯鼓掉鞭牛豹跳遠村梅樹梢
噓都

師離華嚴至汝州寶應便問入門須辨主端
的請師分應於右邊拍一拍 師便喝 應
又於左邊拍一拍 師又喝 應云右手即
從闍梨左手作麼生 師云瞎 應拈棒

師云老和尚不要盲枷瞎棒奪得拄杖却打
和尚莫言不道 應云今日被黃面浙子鈍
致一場 師云和尚大似持鉢不得詐道不
饑 應云闍梨莫曾到者裡 師云是何言
歟 應云好好借問 師云也不得放過

師却上堂頭相看 應問闍梨曾見什麼人
來 師云襄州共廓上座同過夏來 應云
汝親見作家來師上堂云夫參學人臨機直
須大用現前莫自拘於小節設使言前薦得
猶是滯殼迷鋒縱使向下精通未免觸途狂

見勸汝諸人應是向來依他作解明昧兩歧
與汝一時掃却直教箇箇如師子兒吒呀地
哮吼一聲壁立千仞誰敢正眼覷著覷著即
瞎却渠眼珍重

師上堂有僧問師唱誰家曲宗風嗣阿誰
師云超然迥出威音外翹足徒勞踏底沙
問古曲無音韻如何和得齊 師云木雞啼
子夜窮狗吠天明 問如何是佛 師云如
何不是佛 學云未曉玄言請師直指 師

云家住海門洲扶桑最先照 問朗月當空
時如何 師云不從天上親任向地中埋
師上堂舉梵志詩云梵志死去來魂魄見閻
老讀盡百王書不兌被捶拷一稱南無佛皆
以成佛道 僧便問如何是一稱南無佛

師云燈連鳳翅當堂照月映鶴眉顛面看
問如何是佛 師云嘶風木馬元無絆皆角
泥牛痛下鞭 問湛寂之機深不顧浩然光
景意如何 師云金雞啄破瑠璃敲玉兔
開碧海門 問如何是廣惠劍 師云不斬

死漢 問古鏡未磨時如何 師云天魔膽
裂 進云磨後如何 師云軒轅無道 問
朗月當空時如何 師云不在圍天且居美
里 問矛楯本成雙醫病帝網明珠事若何

師云爲山登九仞捨土定千鈞 問鐘聲
纜罷祇有者箇爲復別有 師云和聲打
問如何是正法眼 師云即便黜瞎
師上堂云諸禪德欲得親切莫將問來問問
在答處答在問處雖然如是問不在答處答
不在問處你若擬議老僧在你脚下 有僧
問如何是正法眼 師云瞎 問不施寸刃
便登九五時如何 師云失艷波斯由可戰
番猛將馬空迴 問寶劍未出匣時如何
師云一任升騰 僧便禮拜 師云斬 問
古人入山見大蟲意旨如何 師云木人嶺
上高聲叫石女谿邊側耳聽 問大衆面前
請師家風 師云一言纜及子大衆盡攢眉
問干木奉文侯知心有幾人 師云打年
曾決龍蛇陣老倒還聽雉子歌 問如何是
佛 師云杖林山下竹筋鞭 問如何是清
涼山中主 師云一句不遑無著問迄今由
作野槩僧 問如何是學人親切處 師云
婆孽受羅婆孽子取話傾湫杖一千 問一
句子當機如何顯大道 師云大印縱周天
日輪不當午 問如何是真如佛性 師云
窟 進云此理如何 師云也要大家聞
問如何是和尚家風 師云鶴有九臯難翫

翼馬無千里謾追風 問布鼓當軒擊誰是
知音者 師云藏身不吞炭 進云此理如
何 師云山雉枉遭傷
師因在郢州衙內州主與通判諸上堂師升
座通判便問大海有珠驪龍守護如何取得
師云周象到時光燦爛離婁行處浪滔天
判云恁麼則展手不逢 師云親到寶山
空手迴 再問弟子親到寶山空手迴時如
何 師云怨他誰 判云恁麼即不禮拜
師云誰要你肉山倒地 判云禮拜去也以
師云不禮拜更待何時 判便禮拜 師以
拄杖點三下 知州云和尚禪機峭峻何以
行令太輕 師云蒲鞭可以示恥痛杖且待
別時 問如何是大阿劍 師云任將天墜
試不用斬攙搶 問寶塔元無縫金門即目
開時如何 師云智積佐來空合掌天王捧
出不知音 進云如何是塔中人 師云菱
華風掃去香水雨飄來 問未有之言請師
試道 師云入市能長嘯歸家著短衣 問
夏終今日師意如何 師云不憐鶴護雪且
喜臘人冰 問曾奉指呼爲遠使不得驪珠
便却迴時如何 師云振迅不言擒虎尾吨
呀須見殺龍頭 問箭頭不立塵時如何

師云羅閱學唐步
師上堂云齧鐵破三關分明前後露你若擬
議即穿顯過時有僧問如何是箭 師云穿
顯過 問十度發言九度休時如何 師云
前殿有人橫擔戟退宮披蓑倒騎牛 問不
與萬法爲侶者是什麼人 師云斫額望扶
桑乘槎人不顧 問不落干將手如何辨
太阿 師云莫將天墜試直下斬攙搶 問
諸聖爲什麼人不得 師云渾心毬子不垂
手屎上蛆兒競出頭 問王子未還如何證
據 師云金剛埋不陷紅爛不堪拈 問金
剛莫比吹毛利爲什麼却被羶羊角觸之
師云五頂華冠脆雙眸眨不禁 問劍是名
斬是用如何是體 師云端身裂破面 問
承聞汝水波瀾急疾焰過風事若何 師云
猢猻戴席帽 問人王與法王相見時如何
師云紫陵巖畔千華秀白雪樓前萬姓歌
進云合談何事 師云直面無迂曲迴眸
有慘舒
師上堂云祖師心印此日全提去即印住住
即印去祇如不去不住印即是不印即是衆
中還有道得底麼 時有盧陂長老問學人
有鐵牛之機請師不搭印 師云慣釣鯨鯢

澄巨浸却嗟蛙步驟泥沙師道了隨後便拂
師又云記得話頭麼 陂擬開口 師又

拂 師在汝州街內上堂僧問人王與法王相見
時如何 師云大舞逸林泉世間無憂喜

進云共談何事 師云虎豹巖前曾宴坐隼
彌光裡播真宗 問靈山一會迦葉親聞此

日太傳面前如何舉唱 師云驚峰頂上敲
槌稚畢鉢岩中闕一人 問尋枝摘葉卽不

問如何是直截根源 師云赴供凌晨去開
堂帶雨歸 問滿目荒郊翠瑞草却滋榮時

如何 師云新出紅爐金彈子篷破閣梨鐵
面皮 問問盡是捏怪請師直指根源

師云罕逢穿耳客多遇刻舟人 問文彩未
生還具者箇也無 師云堂無告口餐 問

如何是互摸之機 師云和盲不訴瞎 問
是非不到處請師方便 師云金闕路遙非

近遠玉闕程峻且藏珠 進云乞師露箇面
目 師云荆棘裡道場 問邪舍親掌處深

深事若何 師云未曾雪嶺錯謬入蘆叢
進云正恁麼時如何 師云盲龜值木雖

優穩枯木生華物外春 問如何是密室中
事 師云出袖談今古迴顏獨皺眉 問水

草蓋閩珠重光顯佐無 師云雖知不觸波
瀾外帶角披毛在目前 問驪嶺有珠如何

取得 師云曾向海邊乾竹刺直至如今理
素琴 問大舸飄空如何舉棹 師云自在

不點胸渾家不喜見 問如何是汝州境
師云盜竊祖師張行滿疊問連里置囊家

問追風難把捉前程事若何 師云波斯衣
襪解 問誕生王子還假及弟也無 師云

一句擬光禪子訝三緘却附古人機 問久
隨梅柳爲什麼金榜上無名 師云來千去

萬且要鍛鍊 師上堂云遞相供養來遞相供養來便有僧
問將什麼供養 師云側首吐呀顆面看

問異類擬生全朕兆機鋒兼帶意如何 師
云香爐裡撒屎 問真性不隨緣如何得證

悟 師云猪肉按上滴乳香 問視聽難諧
如何博詰 師云一念通玄箭 三尸鬼失

艱 問隨緣不變者忽遇知音時如何 師
云披蓑側立千峰裡引水澆疏五老前 問

急切不容步宗分何路捷 師云朔風不假
殊常韻迴轉須超逆順機 問是非不到處

請師道 師云炙輶追奔經扈澗駐車搖鞅
刷黃捷 問師子三迅時如何 師云拈提

非在手妙用不從他 問如何是清淨法身
師云金沙灘裡馬郎婦 問如何是祖師

西來意 師云骨肉縱分離冤家難解洗
問堯王雖有今蘭臺有人過時如何 師云

出袖不携梟楚客藏鋒猶念雪林僧 問刻
舟求不得常用事如何 師云大勳不豎賞

柴扉草自深 問從上古人印印相契如何
是相契底印 師云輕器道者隨機變拈取

招魂拭淚巾 問九夏賞勞請師言薦 師
云出袖拂開龍洞雨泛盃波涌鉢囊華 問

最初自恣合對何事 師云一把香芻拈未
下六鑲金錫響搖空 問密協處請師指喻

師云簾外映孤燈赤心連永夜 問如何
是古佛家風 師云誰敢造口 進云學人

恁麼耶 師云劍良胳膊 問如何是鑽頭
邊事 師云山前一片閑田地種竹栽松一

境寬 問如何是賓中賓 師云攢眉坐白
雲 問如何是賓中主 師云入市雙瞳瞽

問如何是主中賓 師云迴鑿兩耀新
問如何是主中主 師云磨礮三尺劍待斬

不平人 問金榜狀元必然便拄時如何
師云東堂較藝知甘苦北陸忙羊莫筭程
問一色難分請師顯示 師云滿爐添炭猶

嫌冷路上行人祇守寒 問王道與佛道相
去幾何 師云芻狗吠時天地合木雞啼後
祖燈輝 問祖師心印請師拂拭 師云祖
月凌空圓聖智何山松栢不青青 問如何
是般若用 師云纔展鋒銚敲影頸早聞歸
歎喪尼乾 問如何是學人立身處 師云
井底泥牛吼林間玉兔驚 問如何是道
師云五鳳樓前 進云如何是道中人 師
云問取皇城使 進云道與道中人相去幾
何 師云月似羅中鏡星如霧裡燈 問如
何是隨流不變底性 師云潑墨池邊曾鬪
勝望青臺上背燈恹 問古曲無音韻如何
和得齊 師云霖霖汗流山鬼窟袈裟遮面
鬼神村 問七星光彩轉天河截斷毗盧海
嶽波時如何 師云伯樂暫垂鞭駑駘誇八
駿 問空中尋鳥跡時如何 師云三種寶
車羅列了低聲喚起宅中人
師上堂云若立一塵家國興盛野老嘖蹙不
立一塵家國喪亡野老安貼於此明得閻梨
無分全是老僧要識閻梨麼右邊拍一拍云
者裡卽是閻梨要識老僧麼左邊拍一拍云
者裡卽是老僧老僧與閻梨亦能悟却天下
人亦能迷却天下人便下座

師上堂僧問大衆雲集請師說法 師云赤
脚人趁兔著靴人喫肉 問不曾博覽空王
教略借玄機試道看 師云白玉無瑕卞和
別足 問假使鐵輪頂上旋定慧圓明終不
失時如何 師云牙簽入火難收拾象駕推
輪半二三 問未擬擬已前如何分者箇那
箇 師云碧澗虎驚非振奪金毛距地始吒
呀 問不傷物義請師便道 師云劈腹開
心猶未惺惺 問如何是臨機一句 師云
因風吹火用力不多 問未定渾濁如何得
照 師云下坡不走快便難逢 問素面相
呈時如何 師云拈却蓋面帛 問如何是
衲僧氣息 師云膝行肘步大衆見之 問
紫菊半開秋已晚月圓當午意如何 師云
月生蓬島人皆望昨夜遭霜子不知 問如
何是衲僧行李處 師云頭上喫棒口裡喃
喃 問如何是不壞身 師云門外喝棒聲
問妙峰無異路孤輪事若何 師云舉世
未知無位位當機須顯句玄玄
精進大師自西天來問師云學人身三口四
請師懺悔 師及彈指一下云願罪消滅願
罪消滅 又問西天此土皆遊徧如何是日
用底事 師云酥油塗戶嚮石蜜守垣人

問靈山畫月曹谿指月去此二途請師直指
師云無言不當啞 進云請師定當 師
云先渡汨羅江 問如何是諦實之言 師
云心懸壁上
師上堂云若是上上之流各有證據者略赴
箇程限未證據者各自英俊當處發生隨處
滅盡如爆龜紋爆卽成兆不爆成鈍欲爆不
爆直下捏 問如何是學人自己 師云是
汝自己 僧禮拜 師便打 問龍透清潭
時如何 師云印駿捺尾 問任性浮沉時
如何 師云牽牛不入欄 問凝然便會時
如何 師云截耳卧街 問句絕名言時如
何 師云全身細不出 問啐啄同時時如
何 師云響 問朗月當空時如何 師云
眠雲卧水 問狼烟永息時如何 師云兩
脚梢空
師上堂云且據中下止啼之義若論祖令便
是碧眼胡僧出頭來也須乞命若言盡令而
行便須倩人看陀 時有僧問據令而行時
如何 師云備擬散衆 僧擬議 師便打
問祖命當行時如何 師云點 問有無
俱無去處時如何 師云三月懶遊華下路
一家愁閉雨中門 問有無俱有去處時如

何 師云劍良胳膊輪降歎鐵作曾襟到海
壖 問獨立孤舟時如何 師云沙門島裡
逢思赦華頂峰前望沃州 問舉世無雙時
如何 師云峰標端月角生度鬼門關 問
語默涉離微如何通不犯 師云長憶江南
三月裡鷓鴣啼處百花開 問不施寸刃便
登九五時如何 師云鞭屍屈項 問凡聖
不通時如何 師云脫削分司離洛下 問
如何是空王印 師云蕩蕩網三空遺蹤無
透路
師上堂云我有一雙箭不經久磨鍊不射偏
十方要且無人見 時有僧問如何是和尚
箭 師作彎弓勢 僧禮拜 師云拖出者
死漢 問不動人情請師全用 師云截却
備舌根 進云請師的當 師云生擒虎兒
死怕盲龜 進云學人未省如何得親切去
師云三吳彎弓歸夜半五陵攜劍去清晨
進云如何受用 師云手上截 問如何
是破相底一句 師云別 問如何是主中
主 師云猪肉按上古佛心 問師子吼時
全意氣文殊仗劍意如何 師云額上劃
問獨超物外時如何 師云欲識淨刀莫拈
羊角 問如何是思大吞十方底口 師云

踣跳入虎澗折脚上魚船 問王程有限時
如何 師云日馳五百 問得船便渡時如
何 師云次當海際 問無拖容身時如何
師云熊耳塔開無印客 進云如何即是
師云恰要斷却 問如何是大人相 師
云赫赤窮漢 進云未審日用如何 師云
攜羅挈杖 問牛頭未見四祖時如何 師
云披席把椀 進云見後如何 師云披席
把椀 師上堂云三千劍客恥見莊周赤眉
排肩得無訛謬他時豹變後五日看珍重
問香象爬哮時如何 師云在市曾參疑殺
母 問心印未明如何得入 師云雖聞道
師投歸歎未見牽羊納壁來 問明君不握
軒轅鏡不辨朝綱事若何 師云彼物不來
清朝相失 問如何是臨濟下事 師云桀
犬吠堯問大人相爲什麼不具足 師云鴟
梟半夜欺鷹俊 問軍期急速時如何 師
云受降城下骨崖柴 問未達其源時如何
師云鶴冷離巢易龍寒出洞難 問不露
鋒銛句如何辨主賓 師云口銜羊角鯨膠
粘 問心源未明時如何 師云纜喜佩鱗
登弱冠便遭脫削髮齊眉 問根源未明如
何顯道 師云金星照野鏡銛角鐵騎邊征

大殺傷 問未明差別智如何得不疑 師
云苦輪未息難消殺甘露臺前斷臂時 問
將身御險時如何 師云露布長書寫罪源
進云正當恁麼時喚作什麼 師云出入
振鈴常正殺 問不修禪定爲什麼成佛無
疑 師云金雞專報曉漆桶夜光生 問霧
卷雲收時如何 師云青天處瞎 問塵鹿
成群如何 射得主中主 師云釣船載到
瀟湘岸氣咽無慘問白鷗 問學人解問說
訛句請師舉起訝人機 師云心裡分明眼
睛黑 問生死到來時如何 師云青布裁
衫招犬吠 進云如何得不吠去 師云似
宜禪袖寂無聲 問洪鍾未擊時如何 師
云衆塞大千無不韵妙舍幽智豈能分 進
云擊後如何 師云石壁山河無障礙翳霄
聞後好咨聞 問蓮華未出水時如何 師
云未能超濁水不被淤泥侵 進云出水後
如何 師云孤輪雖有異菡萏不新鮮 進
云開敷後如何 師云水仙頭上戴美好莫
窺攀 問如何是觀面事 師云不知何歲
月再觀馬菟坡 問如何是真道人 師云
竹竿頭上禮西方 問浩浩之中如何辨主
師云無目仙人能揣骨關市開張執手驚

問如何是三世諸佛出身處 師云迴首看龍床却問前來使 問魚隱深潭時如何

師云湯盪火燒 問如何是學人親切處

師云須彌南畔齊打鼓賀蘭山下曬皮毬

問密室之中如何是道 師云穿松天外

月透室晚霞光 問如何是諸佛行李處

師云青松綠竹下 問如何是三世諸佛出身處

師云華嶽三峯頭着地太平天子多

魂驚 問如何是法身佛 師云孟津關不

遠最若卧如來 問昨日偶因童子戲冒黷

師顏怒也無 師云鉄楔迸開蛇肚綻分明

顯出瑟吒聲 問如何是大善知識 師云

殺人不眨眼 進云既是大善知識爲什麼

殺人不眨眼 師云塵埃影裡不拂袖盡戟

問前磨寸金

汝州大保問師每日爲衆提唱是何宗旨

師云瑞草本無根信手拈來用 進云未審

用底是什麼 師云千般顯意難彰則一點

分明笑日春 又問和尚年多少 師云木

自不彰名今則無不得 進云未審畢竟是

多少 師云老僧年七十三 保云元來有

數 師云早知今日事悔不當初 保又

問云若論此事不得限刀避箭直須攢簇將

來千弓萬箭射不着始得 師云千弓萬箭

射不着始得 保云未審射不着底得什麼

人力 師云師子振威親執縛象王騰擲拔

生牙 保云向上還有事也無 師云有

保云如何是向上事 師云轉身猶有路脫

虛道應難

師上堂云世尊三昧迦葉不知迦葉三昧阿

難不知阿難三昧商那和修不知迄至吾有

三昧汝亦不知 時有僧問未審和尚三昧

什麼人得知 師云真金不假爐中試元勝

精華徹底鮮 問晦夜不隱日中無影未審

是凡是聖 師云劍嶺志公常立望 進云

正當恁麼時還分賓主也無 師云張鷟江

上斬龍頭 問常騎駿馬遊關關不守枯松

翫月輪時如何 師云瀑布巖前鬼擲鉢

進云爭奈舉世不奈何 師云亂雲深處好

生涯 問一卽六六卽一一六俱亡時如何

師云一箭落雙鷗 進云意旨如何 師

云身亡蹟謝 問十二分教是傍來如何是

正來 師云嚙鐵之機直須好與 學云意

旨如何 師云傍來正面也空聲 師問僧

聲前來句後殺 僧云喏 師云袖藏鋒

無定止汝墳經兩倒降旗 僧云不會 師

云入籠 問華藏海中獨遊時如何 師云

急 問如何是第一句 師云三要印開朱

點字未容擬議主賓存便喝 問如何是第

二句 師云妙解豈容無着問謳和爭起截

流機未問已前錯 問如何是第三句 師

云但看棚頭弄傀儡抽牽都來裡有人明破

卽不可

西蜀歐陽侍郎問法王心印達麼將來五祖

付與曹谿自後不傳衣鉢未審和尚得自何

人 師有頌答

能忍相傳恰二三 信行衣鉢更誰擔

明明歷世千燈外 得自何人問那堪

又問古人相見切忌明頭不露言鋒那知旨

的師頌答曰

甘露臺前靡不逢 免將明暗說盲聾

當初眨着文殊處 笑殺寒山者老翁

又問如如不動輪轉無窮五陰壞時憑何秉

執師頌答曰

密密堂堂觸處周 都緣妄識提浮漚

三千多澤狂華掩 俊矣天然遇石頭

因僧問話有頌二首

萬法虛無實際深 凝然妄肯絕疎親

斷常妙理修途者 鏡像宜扶覺照頻

天聖廣燈錄卷第十五

校記

- 一 三〇〇頁上一六行「和盲不訴瞎」之「盲」，原為「育」。三〇三頁下一五行「免將明暗說盲聾」之「盲」，同。
- 一 三〇〇頁中一九行「披蓑側立千峰裡」之「蓑」，原為「蓑」。
- 一 三〇二頁上一行「胳膊」，原為「胳膊」。

萬種方圓在月前 低頭思慮萬重開
 吹毛莫比鎔錫利 一點舒光徧大千
 汝州穎橋安禪師師在團爐內坐次鍾司徒
 來見問三界焚燒如何出得 師以香匙撥
 火云司徒司徒 因僧參隋州護國淨果大
 師護國問什麼處來 僧云汝州南院來
 國云南院近日事如何 僧云和尚試道看
 國便喝 僧亦喝 國云住住護國一喝
 是護國令上座一喝作麼生 僧云某甲與
 和尚父子相見 國云備看者瞎驢作者箇
 見解便打趁出院其僧至此嶺上逢師認得
 遂坐次舉前來因緣與師 師云備看護國
 棒折那師隨後亦到護國 國見來便問近
 離什麼處 師云汝州 國云有事相借問
 得麼 師云合取狗口 護國便休 僧問
 如何是和尚為人親切處 師拈棒 僧擬
 議 師便打

天聖廣燈錄卷第十五

天聖廣燈錄卷第十六 宋勸

鄧州興陽山靜禪師初參見西院問擬問不問時如何 西院便打 師良久 院云你若喚作棒眉鬚墜落 師言下大悟 師

開堂升座僧問師唱誰家曲宗風嗣阿誰 師云少室山前無異路

汝州廣慧禪院真禪師開堂日僧問如何是廣慧境 師云小寺前資慶後 問如何是和尚家風 師云杖把掃帚 師在風穴時

一日穴問真園頭會昌沙汰時護法善神向什麼處去 師云常在閑閑中要且無人見 穴云你徹也

汝州實應禪院省念禪師萊州人也俗姓狄氏受業於本郡南禪院得法於風穴也

師初開堂升座云佛法付與國王大臣有力檀那令法不絕燈燈相續至于今日大眾且

道相續個什麼良久云須是迦葉師兄始得時有僧問靈山一會何異今朝 師云墮坑

落塹 進云為什麼如此 師云瞎 問師唱誰家曲宗風嗣阿誰 師云少室岩前親

掌示 進云更請洪音和一聲 師云也要大家知 問如何是和尚家風 師云一言

截斷千江口萬仞峰前始得玄 問如何是

首山境 師云一任眾人看 進云如何是境中人 師云吃棒得也未

僧禮拜 師云吃棒且待別時 問如何是佛法大意 師云楚王城畔汝水東流 問

從上諸聖向什麼處行李 師云牽犁拽杷 問古人拈槌豎拂意旨如何 師云孤峰

無宿客 進云未審此理如何 師云不是守株人 問如何是首山 師云東山高西

山低 進云如何是山中人 師云恰遇棒不在 僧禮拜 師便打 問如何是道

師云爐中有火無心撥處處縱橫任意遊 進云如何是道中人 師云座看烟霞秀不

與句雲齊 問諸聖說不到處請師舉唱 師云萬里神光都一照誰人敢并日輪齊

問寶劍未出匣如何 師云大洋海底澄心鏡 進云出匣後如何 師云天外叱沙獨

擺梢 問寶劍未出匣時如何 師云你不惜猶可 進云出匣後如何 師云伏惟尚

饗 問如何是道 師云腳下深三尺 問蓮華未出水時如何 師云水深一丈 進

云出水後如何 師云從地高三尺 問如何是古佛心 師云三個婆婆排班拜

師上堂云要得親切莫將問來問問在答處

答在問處若將門來老僧在汝腳底汝若擬

議即沒交涉 時有僧出禮拜 師便打 其僧不退便問掛錫幽岩時如何 師云錯

學云錯 師又打 問虛空如何為體 師云老僧在汝腳底 進云和尚為什麼

在學人腳底 師云知汝是個瞎漢 其僧後入室請問祇知道老僧在汝腳底意旨如

何 師云橫身不恟侵泥水捨卻全身待作家 進云知汝是個瞎漢意旨如何 師云

將寶奉君人不識卻令瞽叟墮生盲 問湛然時如何 師云未明心下諦不過首山關

學人擬進語 師便打 問一毫未發時如何 師云路逢穿耳客 進云發後如何

師云不用更遲疑 問如何是祖師西來意 師云風吹目炙 安鴻漸員外問一物

不將來時如何 師云何得對眾護語 漸擬議 師便打 又問是法住法位世間

相常住如何是常住底法 師豎起拄杖云且道是住是不住 漸云未曉之徒如何領

會 師云依侑似曲才堪聽又被風吹別調中 又問弟子不會致問乞師指示 師云

水急浪開魚自現金鱗透入碧潭中 師上堂云若論此事不挂字腳 時有僧問

百丈捲席意旨如何 師云龍袖拂開全體現 進云師意又如何 師云象王行處絕狐蹤 有劉殿頭問龍庭金石問如何對玉機 師云一輪迥超三界外當軒照破萬家門 辭日又問臨行一句請師指示 師以手撫背一下 進云莫錯認定盤星

師上堂云諸上座不得盲喝亂喝者裏尋常向你道賓即始終賓主即始終主賓無二賓主無二主若有二賓二主即是兩個瞎漢又云我若立時你須座我若座時你須立座即共你共座立即共你共立雖然如是到者裏急著眼始得若也眼目定動即千裏萬裏何故如此如隔窗看馬騎擬議即沒交涉諸上座既然於此留心直須子細不要掠虛他日異時賺著你諸人若也有事近前無事歸堂 師上堂有僧問終日忙忙那事無妨如何是那事 師云孤峰頂上千華秀萬仞嵯峨險處行 進云莫便是為學人處也無 師云大眾歌場送千峰永不迴 進云迴來底事又作麼生 師云粉骨碎身猶未放三年一度送錢財 學人禮拜 師云噓噓 問如何是古佛心 師云鎮州蘿蔔重三斤 夏末留僧有頌

吾今年遇六十七 老病相依且違日 今年記卻來年秋 來年記卻後年月 師於淳化四年十二月四日上堂有頌二首 示眾曰 諸子護波波 過卻幾恆河 觀音指彌勒 文殊不奈何

又

白銀世界金色身 情與非情共一真 明暗盡時俱不照 日輪午後示全身 師言訖於法座上跏趺示寂俗壽六十七僧臘四十九茶毗之後收舍利建塔於本山 鳳翔府長興禪院滿禪師開堂僧問師唱誰家曲宗風嗣阿誰 師云四海岸邊曾闢勝 進云學人不會此意如何 師云失卻橈棹至如今 問如何是古佛道場 師云行便踏著 進云踏著後如何 師云冰消瓦解 進云為甚如此 師云城裏君子郭外小兒 問如何是吹毛劍 師云觸拄不得 進云用者如何 師云粉骨碎身 進云大好觸拄不得 師便打 問如何是清淨伽藍 師云滿院足蒼蠅 問如何是汝海明珠 師云覷不得 進云還許學人親近也無 師云你作麼生親近 僧便喝

師云許你一著 僧擬議 師便打 問大用現前時如何 師云關市裡覷 漳州靈泉院禪師上堂僧問祖祖相傳傳何物師今法嗣嗣何人 師云拈提不落手 進云未審畢竟嗣何人 師云要用任縱橫 問承先師有言金沙灘裡馬郎婦意如何 師云上東門外人無數 進云便恁麼會去時如何 師云天津橋上往來多 問既是靈泉為什麼吃長流水 師云無汝下口處 進云飲者如何 師云不中滴 問如何是和尚活計 師云一物也無 進云未審日用何物 師便喝 僧禮拜 師便打一物不將來時如何 師云衣積兩邊垂 汝州首山乾明院懷志禪師上堂有僧問如何是無縫塔 師云汝河南岸蒲牆鎮 進云如何是塔中人 師云無限閑田屬劉家 問如何是祖師西來意 師云三尺杖子破瓦盆 問如何是佛 師云桶底脫 問如何是首山境 師云姜店北面高陽山 進云如何是境中人 師云兩山和尚長來往 汝州葉縣廣教院賜紫歸省禪師冀州人也

姓賈氏年弱冠易州保壽院出家受具後遊南方參見汝州省念禪師師見來豎起竹篋子云不得喚作竹篋子喚作竹篋子即觸不喚作竹篋子即背喚作什麼 師進前掣得擲向階下云在什麼處 念云瞎 師言下大悟不離左右執侍巾緝經于數載 師開堂日拈香云此一瓣香不從他方得祇是汝州水土 問祖祖傳傳祖印師今得法嗣何人 師云寰中天子塞外將軍 進云汝玄一滴蒙師指向上家風事若何 師云高祖殿前樊噲怒須知萬里絕煙塵 問昔日世尊說法梵王躬親此日朝騎臨筵將何指教 師云寒鷹過時聲噓噓喜鵲喃喃悅殺人 進云恁麼則法雨深傾人天有賴 師云雲綻家家月春來處處華 問不落請緣請師便道 師云落 問如何是出家人 師云緊裹頭 進云恁麼則在家出家也 師云鹿麻鞋 問如何是無縫塔 師云頭不梳面不洗 問吃卻施主食將何報答 師云老僧罪過 進云恁麼則萬兩黃金亦消得 師云家丑不外揚 問如何是袖僧活計 師云城東太山廟 學云不會意旨如何 師云判官手裡筆 問如何

是露地白牛 師云破盆子 學云意旨如何 師云堪作什麼 師一日升座僧問才上法堂來時如何 師拍禪床一下 學云不會意旨如何 師云無人過價打與三百 師上堂云宗師血脈或凡或聖龍樹馬鳴天堂地獄鑊湯爐炭牛頭獄卒森羅萬象日月星辰他方此土有情無情以手劃一劃俱入此宗此宗叢能殺人亦能活人殺人須得殺人刀活人須得活人句作麼生是活人句通得麼對叢道看若道不得事負平生珍重 問寶劍未出匣時如何 師云不得錯怪老僧也 進云出匣後如何 師云換手槌胸 問蓮華未出水時如何 師云競頭生角 進云出水後如何 師云一場懨懨 問十方薄伽梵一路涅槃門如何是一路涅槃 師云洞山見雲門 進云未審意旨如何 師云老僧元是冀州人 問承古有言未得入頭直須覓個入頭既得入頭不得事負老僧意旨如何 師云獨腳蝦蟆能上樹 學云意旨如何 師云野鶻戴席帽 問不落言詮請師便道 師云西方極樂界 進云恁麼則滿口道不得也 師云東工樹子大 問如何是和尚受用 師云長三尺

問如何是佛法大意 師云米貴參賤 問維摩丈室不以日月為明和尚丈室以何為明 師云眉分八字 學云不會意旨如何 師云耳垂雙扇 問遍歷寰中未曾逢一人時如何 師云 盃 學云恁麼則碧霄雲外無依倚 師云來曾解開對 學云錯 師便打 問如何是和尚印無量心 師云放火殺人 學云慈悲何在 師云遇明眼人舉似 問如何是古佛心 師云你不高聲問 進云莫祇者個便是也無 師云是即錯 進云如何得不錯去 師云千錯萬錯 問如何是無功用智 師云舉目千山秀大海湛然清 問學人迷路請師直指 師云三更不閉戶 進云此理如何 師云日午不點燈 問不在內不在外不在中問未審在什麼處 師云南斗六北斗七 師因童子念經問僧聞念經聲麼 僧云今日勘破 師云作家 僧云草賊大敗 師云老僧今日失利 師云廣教有驗人關截人機活人句還有道得底麼若是道不得可惜平生 問如何是涅槃路 師云玄沙不出嶺寶壽不過河 進云如何是涅槃門 師云三更無忌諱 進云此理如何

師云切忌五更時 問如何是密用心處

師云鬧市裡鞦韆 進云未審意旨如何

師云一任眾人看 師因病有僧問色

身病法身病 師云江山無阻滯日月鎮長

明 問自己面目為什麼終日不見 師云

拈卻牙齒著 進云見面後如何 師云大

眾盡皺眉

師上堂云達磨西來法傳東土直指人心見

性成佛獨標萬德物外宣揚悟之者纖塵不

隔迷之者背覺合塵中下之機也須子細莫

虛過時光各有各之况以西來的意教外別

傳道契一言縱橫自在打破關牒揭卻腦蓋

豈不快哉珍重 問維摩默然文殊讚嘆此

意如何 師云莫埋沒維摩 進云怎麼則

清淨道場 師云錯認定盤星 問不把寸

刀便獲全功時如何 師云不封不樹 進

云未審此意如何 師云今古不同且應時

問古佛舍利為什麼點不上 師云家

藏利器盜者息心 問其性不隨緣 如何

得王悟 師云大洋海底紅塵起須彌頂上

浪滔天 問無目人來請師指路 師云紫

羅袋裡盛官誥金榜題名天下傳 問如何

是道 師云萬緣俱頓息夜半綉鴛鴦 問

如何是學人自己 師以手一劃云會麼

學云不會 師云合掌靈山問世尊

忻州鐵佛院智嵩禪師僧問如何是和尚家

風 師云麤糞澹飯 進云怎麼即朝朝相

似也 師云古來鐵佛今日傳名 師勘二

僧元是同參才見便云還記相識麼 參頭

擬議第二僧打參頭一座具云何不快祇對

和尚 師云一箭兩垛 師又勘僧什麼處

僧云遊臺來 師云還見龍王麼 進云

和尚試道看 師云若教我道瓦解冰消

僧擬議 師云不信道

汾州大中寺太子院賜紫善昭禪師

翰林學侍郎禮部尚書文
公楊億撰語錄序在本集 師初開堂有僧問

靈山一會迦葉親聞今日一會什麼人得聞

師云大眾側聆 進云怎麼則群生有賴

師云不因升寶座爭顯六師能 問師唱

誰家曲宗風嗣阿誰 師云不歷僧祇劫直

出古皇前 進云怎麼則郡城有望 師云

五岳峰巒秀四海盡歸朝 問虛空權譬喻

隨處得彰名未審是個什麼物 師云居天

人不測入地更深埋 進云怎麼則學人雖

不識歷劫盡沾恩 師云劍良胳膊從他開

劈腹開心始是明

師小參云莫有人問話麼有即出來 便有

僧問冰綻魚散時如何 師云水清魚不現

長波自往來 進云龍王堂居何位 師云

在處存金殿乾坤我獨尊 進云怎麼則更

無過者 師云按劍誰得妙當人不自傷

師乃云若是按劍手汾陽不奈何還識得劍

麼與你註破寰中無當剋海內獨橫行珍重

師上堂云汾陽門下有西河師子當門據座

但有來者即便咬殺有何方便入得汾陽門

見汾陽人若見汾陽人者堪與祖佛為師不

見汾陽人盡是立地死漢如今還有人入得

門麼快須入取免得事負平生不是龍門客

切忌遺點額那個是龍門客一齊點下舉起

拄杖云速退速退 問如何是接初機句

師云汝是行腳僧 進云如何是辨衲僧句

師云西方日出卯 進云如何是正令行

時句 師云千里特來呈舊面 進云如何

是立乾坤句 師云北俱盧洲長粳米食者

無貪亦不嗔 師又云祇將此四轉語驗天

下衲僧才見你出來驗得乃也 問如何是

學人著力處 師云嘉州打大像 進云如

何是學人轉身處 師云陝府灌鐵牛 進

云如何是學人親切處 師云西河弄師子

師又云若人會得此三句語已辨三玄三要切須薦取不是等閑與大眾頌出曰

三玄三要事難分 得旨亡言道易親

一句分明該萬象 重陽九月菊華新

便下座 師因北地寒僧衆難立云且住小參候春暖不經旬日忽有一僧兩耳帶環手持金錫來到方丈云和尚何得住卻小參衆中自有不憚寒暑為佛法者當中見有六人是法器言訖而退不知處所師卻小參乃成一頌

胡僧金錫光 請法照汾陽 六人成大器

今我為提綱

師上堂云汾陽有三訣衲僧難辨別更擬問如何拄杖薦頭掣 便有僧問如何是三訣

師便打 僧禮拜

師有頌

第一訣

接引無時節 巧語不能詮 雲綻青天月

第二訣

舒光辨賢哲 問答利生心 枝卻眼中楔

第三訣

西國胡人說 濟水過新羅 舶地用鎖鐵 且道三訣語還有會底麼有會底通露消息

要知遠近莫祇麼地記言記語便當平生有什麼利益不用久立珍重 問如何是祖師

西來意 師云多年松樹饒皴散心間自有一條明 問如何是賓中賓 師云合掌庵

前問世尊 學云如何是賓中主 師云對

面無倚侶 學云如何是主中賓 師云陣

云橫海上拔劍攬龍門 學云如何是主中

主 師云三頭六臂擎天地忿怒那吒撲帝

鐘 問凡有問答賓主各逞嘉奇少室無

言將何委的 師云千人叢裏罕逢此問

學云千山萬水來於此已奉慈悲事坦然

師云坐斷日頭天地黑萬象森羅在目前

學云官不容針私通車馬學人禮拜 師云

不禮拜更待何時 問如何是一句前事

師云不落言詮的旨纖毫才動即參差

學云如何是一句後事 師云兩陣相逢

不回避 學云恁麼則透皮徹骨去也 師

云橫拖倒拽任塵漫 學云終不敢事負和

尚 師云至孝是重華 問如何是法眼

師云已曾瞥睹 學云未審向上事如何

師云撈天摸地 問久響汾陽威勢全略展

金毛示衆看 師云三日後露 學云恁麼

則學人退身三步 師云一月後再來 問

祖師心印絕有言詮臨機一句事如何 師

云三千裏外看途程 學云恁麼即退後去

也 師云萬仞峰巒不離此處 問問問不

轉時如何

師云龍馬加鞭急鑿鈴響洛川 問布鼓當

軒擊誰是知音者 師云停鋤傾麥飯卧草

不抬頭 問久響西河師子及乎到來為什

麼不見 師云汝識獅子 學云恁麼則大

衆盡得隨喜 師云腦裂始知忙 問正法

門中如何是和尚得入處 師云衆星攢夜

月不落紫微宮 學云恁麼則朗月獨當天

也 師云不昧夜行人

師上堂云一切衆生本源佛性譬如明月當

空祇為浮云遮障不得顯現 便有僧問明

月當天卻被片雲遮時如何 師云老僧有

過關梨須知 學云恁麼則分明辨的 師

云退後莫思量 問舉步涉千溪尋源轉迷

路個中一句子請師為提撕 師云千年無

影樹今日見枝何 學云若不申此問爭得

見師機 師云替人看畫壁

師上堂云夫說法看須及時節觀根投機應

病用藥不及時節總喚作非時語所以楞嚴

會上云欲知佛性義當觀時節因緣若明君

臣父子邪正觸淨顯然自分喚作野老謳歌
皇道坦然佛法現前擒縱自在生殺臨機或
明賓中主或明主中賓或明賓中賓或明主
中主或兼帶或探影草或一句中有三玄三
要還有問者麼出來對衆商量 時有僧問
智慧門難解難入學人不會請師直指 師
云真正無私語句下要分明 學云恁麼則
謝師親開方便門也 師云千萬年後不得
忘卻 問靈龜未兆時如何 師云海裡搖
船笑舉棹望程途 問甘露水頻淋為什麼
百草不生芽 師云田踈不貯水龍王爭那
何 問寒暑漸盛貧者何依 師云不挂無
私服終日樂哈哈 學云恁麼則應不孤露
也 師云深岩隱不得露地不彰形 問如
何是道場 師云下腳不得 問不悟祖宗
不信大道時如何 師云打破琉璃卵透出
鳳皇兒 學云今日親見和尚也 師云
三千裏外筭途程 問匹馬單槍離群獨戰
時如何 師云舉手不拈弓低頭失卻箭
學云和尚是大善知識為什麼如此 師云
敗將不斬 問學人欲涉雲霄去到彼如何
為有情 師云塞外將軍行正令不展紅旗
得勝歸 問面前無障礙為什麼開口不得

師云盡日無言說喃今語更新 學云恁
麼則已能師子吼也 師云不用野干鳴
學人便喝 師云恰是 學人擬議 師便
喝 學人禮拜 師云敗將不斬 問如何
是衲衣下事 師云赫赤窮漢 學云乞師
方便指妙捷句來看 師云木女穿針山色
秀名人牽線海云生 問如何是祖師西來
意 師云徹骨徹髓 學云此意如何 師
云徧天徧地 問涅槃無異路方便有多門
作麼生是無異路底句 師云鐘鼓分明在
日月不曾昏 學云恁麼則狗子吠人聲
師云不咬破人衣 問若真修道人不見世
間過未審不見個什麼過 師云雪埋夜月
深三尺陸地行舟萬里程 學云和尚是
何心行 師云卻是你心行
師上堂纔升座便有僧問從上一人行棒一
人行喝未審成得個什麼邊事 師云總不
曾用 學云堪嗟楚下鐘離昧 師云庶子
當機失戰場 學人便喝 師云作家 學
人禮拜 師云卻不作家以拄杖點便喝
問大悲千手眼如何是正眼 師云瞎
學云恁麼則一條拄杖兩人身 師云三家
村裡喝巴歌 學云恁麼則和尚同在裏頭

師云謝汝殷勤 問殺父殺母佛前懺悔
殺佛殺祖向什麼處懺悔 師云燈連挑夜
月度盡幾多人 學云恁麼則水精宮裏觀
明月 師云映輝明寶燭家赫爍桂幢 問
日裏不點燈即不問如何是黑裏不揚眉
師云牀底掃不出 學云恁麼則和尚同是
用心人也 師云天外豈能知
師上堂大衆方集便有僧問如何是汾陽境
師云子夏峰高登者少西河水滿問津多
學云如何是境中人 師云坐久看風信
燒香燭聖燈師遍歷諸叢洞達淵旨因與戒
禪師語及曹洞機要遂云
五位參尋切要知 纖毫纔動已相違
金剛透匣誰能用 唯有那吒第一機
舉目便令三界靜 振鈴還使九天歸
正中妙仗通迴互 擬擬鋒銜失卻威
師因頌五位纔畢便有僧問如何是正中來
師云旱地蓮華朵朵開 學云開後如何
師云金葉銀絲承玉露高僧不坐鳳皇臺
問如何是正中偏 師云玉兔就明初夜
後金鷄須報五更前 問如何是偏中正
師云毫末成大樹滴水作江河 問如何是
兼中至 師云意氣不從天地得英雄豈藉

四時推 問如何是兼中到 師云玉女拋梭機軋石人打鼓響辭辭 師因僧請問逐位頌出云

正中來

金剛寶劍拂天開 一片神光橫世界

晶輝朗耀絕塵埃

正中偏

霹靂鋒機著眼看 石火電光猶是鈍

思量擬擬隔千山

偏中正

看取輪王行正令 七金千子總隨身

途中猶自覓金鏡

兼中至

三歲金毛牙爪備 千邪百怪出頭來

哮吼一聲皆伏地

兼中到

大顯無功休作造 木牛步步火中行

真個法王妙中妙

六相頌

見是阿那律 分明無一物 大地及山河
演出波羅蜜 聞是跋難陀 聲通總莫過
遠近一齊了 更不念摩訶 香是旃伽女
慈悲心徧普 淨穢盡能知 即此我人母

味是情梵鉢 甜苦尋常說 入口辨辛酸
恰是當天月 觸是瞬若多 善惡總能和
屠割無嗔喜 祇個是彌陀 意是大迦葉
毗盧俱一法 幽室顯然分 枝派千華葉
師在汾州因駙馬都尉李遵勛致請潞州承
天禪院開堂彼方官民灑涕遮留既而俞諾
互陳筵供為餞遂召專使謂曰暫赴廚饌饌
畢來取迴書食畢詣之俄覩不起于座而趣
圓寂矣聞維之後叢收舍利起塔

天聖廣燈錄卷第十六

天聖廣燈錄卷第十六

校記

一 三〇八頁中四行「龕焚澹飯」之「龕」，原為「鹿」。

越城縣廣勝寺



天聖廣燈錄卷第十七
南嶽山懷讓禪師第九世

汝州寶應禪院省念禪師法嗣八人
見錄

襄州谷隱山蓋聰禪師 并州承天院賜紫智高禪師

汝州廣惠院真慧元璉禪師 劍門黃葉謚禪師

池州仁王處評禪師 隋州智門迥罕禪師

潭州南臺契曠禪師 襄州廣門賜紫慧昭山主

汝州兼縣廣教禪院歸省禪師法嗣二人
見錄

汝州寶應禪院法昭禪師 唐州大乘山惠果禪師

汾州太子院善昭禪師法嗣二人
見錄

汾州太子院道一禪師 筠州東禪院守芝禪師

襄州谷隱山蓋聰慈照禪師初參百丈常

禪師因結夏百丈上堂舉中觀論云正覺

無名相隨緣即道場師便出

問如何是正覺無名相 丈云汝還見露柱麼

師云如何是隨緣即道場丈云今日結夏

師離百丈至汝州參省念禪師師問學人親到

寶山空手迴時如何 念云家家門前火把子

師於言下大悟乃有頌呈念禪師云我今二十

七訪道曾尋覓今朝喜得逢要且不相識

念師接得訶叱於師三五日不之顧師但侍左

右歷數載念化緣畢乃杖錫南行至襄州洞山

初和尚處師問云三玄有句事上難分不落是

天聖廣燈錄第十七

身張

非請師便道 洞山云待汝啞得洞山口即向

汝道 師云恁麼即解行噤噤路不在繫行纏

同云埽堆裏倒地 師離洞山到鄂州大陽山

警延和尚處陽問近離其處 師云近離襄

州 陽云作麼生是不隔底句 師云和尚住

持不易 陽云且坐喫茶 師使衆去

侍者問適來新到抵對住持不易和尚爲什麼

敬且坐喫茶 陽云我獻佗新羅附子佗酬我

舶上茴香你去問佗有語在侍者請師喫茶問

適來抵對和尚道住持不易意旨如何 師云

真箇不博金 師離大陽到隋州智門戒和尚

處戒問承聞老兄親見作家是否 師便喝

戒云捧上成龍隨後便打令坐喫茶畢 師云

莫怪適來容易抵對和尚 戒云不然卻是老

僧造次 鄧州廣濟通和尚問舉云大小戒和

尚被聽上座換卻一隻眼也不知後卻迴襄州

石門山於景德三年知州查道請住石門山於

天禧四年郡守夏竦重請住本郡谷隱山太平

興國禪院 僧問師唱誰家曲宗風爾阿誰

師云山連嵩嶺地近洛川 問如何是佛

師云邛州多出九節杖 僧禮拜 師云莫作

答佛話會 問如何是祖師西來意 師云九

里山上望船舟 進云意旨如何 師云那箇

亭前人不識 問來時無物去時空二路俱迷
 如何得不迷去 師云秤頭半斤秤尾八兩
 問恁麼又不得不恁麼又不得如何得恰好去
 師云乾來山脚長 問如何是石門境 師云
 一任眾人看 進云如何是境中人 師云明
 日來喫棒 問王子未登九五時如何 師云
 紫雲樓上看天色 進云登九五後如何
 師云日月光中現寶刀 進云登九五後如何
 是二 師云王令已行天下徧若有當頭便滅
 身 進云當頭者如何 師云一身塗炭猶未
 放可憐九族盡遭迤 僧禮拜 師噓噓
 師上堂云達磨九年面壁大似壓良唐土兒孫
 二祖立雪斷臂有求皆苦三祖攀樹而化何不
 安牀枕枕四祖橫接牛頭同人面前不能開口
 五祖雖紹祖位且不知有行脚事六祖預述遺
 文遷化後頭也不能作主讓和尚磨磚接得馬
 大師兩箇鈍漢石頭入山飼虎更道要表宗乘
 若是今時學般若菩薩總莫取者七八箇漢定
 若取定時落佗纏續若不取者七八箇漢定盡
 是自然外道總不如是須知有各各出身之路作
 麼生是諸上座出身之路知有者對眾道看良
 久云直饒道得盡是名貌將來珍重 僧問雲
 隱鳳皇時如何 師云山深無覓處鷓鴣鳥每相

逢 問切急一句作麼生道 師云垂手過膝
 進云此理如何 師云兩耳齊肩 問如何是
 祖師西來意 師云帶帶裏覓綿 問覩面相
 呈時如何 師云隔 學云隔箇什麼 師直
 下唾 問門外三車學人擬求牛車時如何
 師云未是極則處 學云如何是極則處
 師云大吠虛聲切疑人望太陽 問三差路頭
 未審教學人往何路而去 師云莫錯 學云
 便恁麼去時如何 師云錯 問古人道來日
 大悲院裏有齋意旨如何 師云日出隈陽坐
 天寒不舉頭 問權借一間以為影草時如何
 師云待你啞得石門口即向汝道 問如何是
 古佛心 師云踏著秤錘硬似鐵 問如何是
 人境俱奪 師展兩手 學云不會 師鳴指
 一下 問如何是道 師云臘月三十日
 進云如何是道中人 師云新春向暖日
 僧禮拜 師有一頌 臘月三十日言中須辨
 的更覓道中人新春向暖日 問如何是道
 師云車碾馬踏 進云如何是道中人 師云
 橫眠豎卧 問古人索大意旨如何 師云任
 佗滅 進云滅後如何 師云初三十一
 進云恁麼則正好時節 師云你見箇什麼道
 理 學云今日一場因 師便打 問如何是

先照後用 師云峽岨峯頭火把子長安城內
 不通風 問云如何是先用後照 師云長安
 城裏不通風峽岨峯頭火把子 問云如何是
 照用同時 師云峽岨峯頭無火把長安城裏
 絕人行 問云如何是照用不同時 師云昨
 日十五今日十六 問學人開旗請師展陣
 師云你試呈者醜拙看 僧擬議 師便喝
 僧喚侍者 師云瞎 僧禮拜 師云旗又開
 了陣又展了爭奈地上七蹤八橫便歸方丈
 因作清涼河僧問忽遇洪水滔天還堰得也無
 師云上柱天下柱地 進云劫火洞然時又作
 麼生 師云橫出豎沒 問王子未登九五時
 如何 師云六宮深處坐 進云登九五後如
 何 師云當殿不稱尊
 天禧四年請住谷隱山開堂日師乃拈香示眾
 云此一瓣香十五年呈醜拙了也如今還有
 人委悉麼若相委悉對眾商量時有僧問祖令
 未行時如何 師云獨守卧沙場 進云學人
 未曉乞師再指 師云寒灰無再焰 問如何
 是奪境不奪人 師云峴首亭邊好用功
 進云如何是奪人不奪境 師云雪消流水慢
 進云如何是人境兩俱奪 師云冰結滿庭寒
 進云如何是人境俱不奪 師云放你一線道

天聖廣燈錄第十七 第六

問古人道見色便見心露柱是色那箇是心

師云畫見歎其星進云未審意旨如何

師云柳營節級橫階上問虎逼臨崖時如何

師云嶮學云苦師云怨怙誰問如何是

出袖藏鋒師云箭發難強易問如何是入

袖藏鋒師云霜刃出匣難問如何是袖裏

藏鋒師云大家惜取好僧擬議師便喝

問百牙未遇鍾子期時如何師云夜靜更深

彈一曲進云過後如何師云琴破弦斷一

時休問如何是道師云善犬帶牌進云

為什麼如此師云令人懼見問如何是沙

門行師云三三兩兩各不相知進云畢竟

事如何師云截舌有分

三玄三要

報你諸方道三玄句下分若言親的旨臘月太

陽春一喝分賓主照用一時行要會箇中意日

午打三更

三玄句

第一句點刻分明早莽齒更擬進前問如何西

天移來安此土

第二句妙用臨機無差互開口動舌沒交涉棒

下分明須薦取

第三句問答分明有言句諸方盡有好商量三

大聖廣燈錄第十七

歲童兒皆怕若

綱宗頌

馬師足下出雄兒大展綱宗吐舌時臨濟解彭

黃葉喝三聖瞎驢少人知興化妙對同光帝寶

壽萬壽用及時西禪南院刺刀話風穴寶塔至

今持汾陽師子當門距廣教落字須倚碑石門

後輩都說了誰人敢和目前機師於天聖四

年駙馬都尉李遵勗致書迎請不容固辭後於

五月一日就本宅正堂初嚴法座會諸黑白請

師升座有僧問昔日龍女靈山親獻南方作佛

今日都尉躬親得何果報師云明明似日連

天照暗暗昏昏人自迷進云未審什麼人知

委師云大眾現前又有僧問今朝已赴公

侯命向上綱宗請略提師云當初猶自可妄

想至如今師云祖意難窮得之者可越階梯

教裏易明失之者毫釐永隔是以禪律同途凡

聖不異自是迷情不了昔覺合塵向佗人口裏

取則若是了者天堂地獄鑊湯爐炭牛頭獄卒

乃至五無閒旃陀羅舍並是清淨道場若是不

了者十二時中向什麼處安身立命約諸名士

盡是了者略與山僧相見都尉出禮拜起捧

香爐去師云剎利人難得便下座師之存

遊事蹟即有李遵勗所撰塔銘具之

天聖廣燈錄第十七

先慈照聰禪師塔銘 并序

天聖十號歲壬申暮春三月八日國東神岡資

國寺涅槃先示疾疇予問四大如何黑豆堪合

留蘆葦好和畫作偈曰故疾發動不多時寅夜

質主且相依六十八歲看雲水雲散青天月滿

池午夜趣寂後三日茶毗跌坐如生既就薪火

卒無煙五色成焰觀者如市隨光所照各得相

見舍利大如豆小如珠米雜不可計白色如珠

末者與爐相錯又盈斗闕地丈裏舉錫復出土

亦香黑白競杯取踏裾彌月未易強塞何靈應

之如是得不為震且異人乎蓋聖化之攸感近

代之罕倫也自嬰病瘵罔倦提撕問疾誰堪多

自病而不詣尅亡預定知神會之必同始悟於

汝州首山省念為馬祖九世嫡孫陽虎谿鳳皇

兩山聚千徒曆二紀天下仰之子表賜紫方袍

再號慈照名蓋聽南溥人也姓清河氏幼不雜

戲終日習坐里人異之自落髮不執旁行書而

自義了未三十達實所有奇相洪鐘在簾小扣

小聞明鑑當臺胡來胡見識是草是藥者體病

皆平樂無佛無人者覺塵復擾子承世善慶素

慕禪悅故翰林楊文公億中山劉公筠不我遐

棄為方外之交未嘗不切劇盡規獨惟投然雖

心日證而凡機會口莫能言譬自謂良馬一日

千里不見奔跌予早歛風而虎谷世之頃福地也。會師退位以素緣熟乃走胥命駕百舍重跡道將迎意遂有王城之人創茲寺居之獲陪中履之侍請求眉髓之論師嘗論房孺問徑山禪可學乎曰此大丈夫事非將相之所為一旦聞舉一喝三日耳聾之語如處節室燿爾而頌明如對靈山所然而微笑自此叙弟子禮或外館開供妙談渴聞旋請入都留閣旬浹或命駕杏刹時問輕安服勤左右六周歲簫于是確求歸隱者數四咸緩以佗語貴乎延居亦嘗微露風指謂吾償汝宿緣祖禰有記事者傳錄今不可泯後自言者臘高之後倦談而已師與首山泊數同嗣咸以今甲子化事具天聖廣燈錄居常祇接開燕堂會僧圖盡見之駐神岡後捨諸方名山大寺肯來禮足願狂錫者又無央數惟杜門不報如有復我者善為辭焉所謂可得聞而不可得見矣

兩宮以副馬吳元虞故館為慈孝寺上以奉累聖之隆法下以厚近烟而作濟思恢曩制肇立叢禪麗極宏規冀延大士以師名稱諸貴議上具禮消且欲強致之天子察其懷道匿曜先潛使詞審之不誑又復挑欲與語遂領之二聖但德之而加

聖諭以安其志有謂國家興寶勸其將護答曰人自差殊法非增減仰交付託匪一朝夕不在乎一老比丘耳既化之後規中慨歎歎差然有故事梁帝將禮於少林遊已面壁劉主躬謁於靈樹遽乃願世詳因所自諒非偶爾存迹殊跡遠邇彰聞子竟無所止前二道場爭求靈骨歸葬子以名山勝地欽崇悠未較夫優論從如鳳皇但奉珍寶留舍利塔于資國同子侍立真圖為終身之供吁驚皇瑞世非為於久留水月觀容是宜乎常住重念契感胡可醜報自寫翠刻聊示叢林若夫出黃檗之門略同於裴相作金粟之士絕企於龐公讚述不文而未之銘

離四句 絕百非

并州三交承天院智高禪師上堂云三交之路密密難通汾水潺潺不停朽木龍騰滄海擊雷之機驚人師子窟中豈安異獸三乘之教不離方寸祖師西來何曾有意佛祖不立教又何依人法雙遣權為道矣禪德且莫停囚長智養病喪軀瞬目揚眉早成純漢三乘教外別傳句便有僧問如何是教外之句 師云新羅元是高麗國 進云怎麼則法海之中師得自由 師云波斯鼻孔長三寸 問如何是學人行履 師云僧堂前佛殿後 問如何報得四恩

三有去 師云幸是無事人剛為客作漢問祖師西來三藏東去當明何事 師云佛殿是部署修僧堂是老僧蓋 進云怎麼則全因今日 師云今日事作麼生 僧便喝 師便打 問不在內不在外不在中間未審在什麼處 師云番國皮裘八百價 師上堂云寒溫冷暖著衣契飯自不欠少波波地覓箇甚麼祇是諸人不肯承當如今還有承當底麼有即不待辜負山河大地珍重 師勘僧云迦葉門前客祇園會裏僧 僧云今日特來禮拜和尚 師云泊合不問閣梨 僧便喝 師云錯 僧又喝 師云放你三十棒 僧云許和尚一雙眼 師云喫棒了呈款 州主張侍中永德來訪師適值師出侍中於方丈內將拄杖去 師來日卻入衙相看 侍中云和尚失卻拄杖那 師云草賊大敗 侍中云怎麼則落他親便也 師云并賊捉獲 又因一日侍中與轉運同入院轉運不拜侍中云何不拜長老 師云猶不肯承當 侍中云怎麼則與長老作弟子去也 師便掌 侍中云是何一掌 師云不是者漢大難承當 侍中云怎麼則醜造將來 師云今日勘破 師上堂舉法眼禪師偈云見山不是山見水何曾別山河與大地

天聖廣德錄第十七

第七

都是一輪月大小法眼禪師未出涅槃堂三
即不然見山即是山見水即是水山河與大地
錐乃各自用珍重

汝州廣惠院元通真慧禪師開堂日有僧問如
何是祖師西來意 師云竹竿頭上帶紅旗

楊侍郎問天上無彌勒地下無彌勒未審在什
麼處 師云敲磚打瓦 又問我如風穴道金

沙灘裏馬郎婦意旨如何 師云更道也不及
師方丈後有庵因與官人坐次官人乃問如何

是庵中主 師云過牆遭棘刺 問如何是祖
師西來意 師云太白星轉 問如何是佛

師云兩箇不是
劍門黃檗山謚禪師開堂日升座示眾云會麼

慈雲今日與你注破去也乃有一頌 慈雲今
日顯宗風不說無心道路通眼上眉毛佛已過

者迴與你話西東 問師唱誰家曲宗風嗣阿
誰 師云寶應堂前無妄語今時施設不參差

學云怎麼則汝水一派劍橫分枝 師云莫亂
道 問如何是佛 師以拂子轉一轉豎起

進云供養者何 師云漢水林挂念錦里有光
生 問如何是無礙塔 師云獨曉孤輪三界

外長年疎豁古路中 問王印關時誰人受信
師云野老撫掌去收童樂道歸 問不識不見

天聖廣德錄第十七

第七

請師道出 師云鐵打利劍將軍用筆定乾坤
宰相才 問如何是祖師西來意 師云紅輪

光萬戶綠水遠青山
池州仁王院處評禪師師在念禪師會下一日

參次 師問如何是佛法大意 念便喝
師禮拜 念師拈棒 師云和尚此間勿世界

邪 念師拋下拄杖云明眼人難瞞 師云草
賊大敗

隋州智門迴罕禪師上堂有僧問匣中寶劍隨
時用還許當陽用也無 師云青竹竿頭標四

方 進云怎麼則天雨洗萊城也 師云道者
百雜碎也 問學人未舉意和尚已先知和尚

舉意如何委悉 師云一句迴分明徒勞更側
耳 僧擬議 師便喝 師因為北塔院僧使點

茶師乃起自指僧使近上坐 僧使云鷄子頭
上焉敢安巢 師云棒上不成龍隨後打一坐

具 僧使茶後卻起來云適來卻成觸悞和尚
師云江南杜禪客覓什麼第二碗

潭州南嶽山南臺院契曠禪師初開堂日眾集
定時有僧問師唱誰家曲宗風嗣阿誰 師云

昔時經遊地趙洛老婆心 進云怎麼則汝水
分枝衡陽長葉也 師云小兒得寵便勇
問如何是佛 師云三十二相天人仰 進云

天聖廣德錄第十七

第十四

莫執者箇便是也無 師云八十種好鬼神盤
襄州鹿門賜紫惠昭山主楊億侍郎寄一問入

山不畏虎當路却防人時如何 主云君子坦
蕩蕩 問如何是鹿門山 主云石頭大底大

小底小 進云如何是山中人 師云橫眠豎卧
汝州寶應院賜紫法昭禪師上堂云寶應門風

險入者喪全身且道出身一句作麼生道有這
得底麼出來道看珍重 問承教中云大通智

勝佛十劫坐道場佛法不現前不得成佛道為
什麼不得成佛道 師云赤脚騎鐵驢直至海

南居
唐州大衆山惠果禪師上堂有僧問如何是從
上來傳底意 師云金盤拓出衆人看 問如

何是佛法大意 師云杏種來年麥裏熟當
年禾 進云莫是和尚為人處也無 師云逢

人但怎麼舉 問撥塵見佛時如何 師云撥
塵即乖見佛即錯 進云總不如是時如何

師云錯
汾州太子院道一禪師上堂有僧問師唱誰家

曲宗風嗣阿誰 師云五音六律非關妙四智
三空和不齊 問如何是佛 師云賣扇老婆

手遮日 問如何是汾陽境 師云子夏山高
雲靄隴西河水急貫滄溟 進云如何是境中

人 師云郡主在此莫犯威風 僧禮拜

師云且放一頓 問紅輪未出時如何 師云

照燭分明 進云出後如何 師云撈天摸地

問如何是學人親切處 師云慈母抱嬰兒

進云如何是學人轉身處 師云街頭巷底

進云如何是學人着力處 師云千斤擔子兩

頭搖 師因與數人座主茶話次一座主問師

會文章否 師云不會 座主云和尚莫祇是

會禪麼 師云亦不會 座主云何名長老

師乃與一頌 不會文章不會禪無知愚訥且

安然饒君妙用通無礙也落汾陽第二卷

筠州興教院守芝禪師纔升座僧問如何是和

尚家風 師云一言出口駟馬難追 問如何

是城裏佛 師云十字街頭石幢子 問如何

是為人一句 師云四角六張 進云意旨如

何 師云八凹九凸 問不落三寸時如何

師云乾三長坤六短 進云意旨如何 師云

切忌地營虛 問昔日靈山分半座二師相見

事若何 師云記得麼 僧良久 師打禪牀

一下云多年忘却也 師云且住且住若向言中取

則句裏明機也似迷頭認影若也舉唱宗乘大

似一場寐語雖然如是官不容針私通車馬放

一線道有箇葛藤處師遂打禪牀一下云三世

諸佛盡皆頭痛且道大衆還有免得底麼若一

人免得無有是處若免不得海印發光師乃豎

起拂子云者箇是印那箇是光者箇是光那箇

是印掣電之機徒勞佇思會麼老僧說夢且前

夢見箇什麼南柯十更若不會聽取一頌

北斗挂須彌杖頭批日月林泉好商量夏末秋

風切珍重 師纔升座僧正宜疏畢維那白槌

云法蓮龍象衆當觀第一義時有僧問大用見

前不存軌則請師揮劍 師云點眼知人意看

取令行時 進云鵬後穿 師云齋後鍾

問如何是佛法大意 師云推天磕地 問心

法無形如何雕琢 師云一丁兩丁 進云未

曉者如何領會 師云透七透八 問如何是

大愚境 師云四面峯巒秀泐江一帶清

進云如何是境中人 師云滿城公子貴林下

道人棲 問拈槌豎拂即不問當機一句事如

何 師云應頭燎面 進云雷音已徹青雲外

向上極則又如何 師云且領前話 師云問

話且住淨名杜口猶涉繁詞達磨西來平欺漢

地放一線道去也放箇葛藤處所以李長者云

天有情之本同智海以還源抱識含流總法身

而為體諸仁者既是總法身而為體還知道須

彌吞卻法身法身吞卻須彌諸仁者朝夕與

古佛同參與諸方老和尚同參山僧今日與大

衆同參且道參什麼如是定當得且認得箇若

衣喫飯猶去衲僧半月程在若定當不得來年

更有新條在惱亂春風卒未休久立珍重

上堂僧問如何是道 師云八斛四斗 進云

如何是道中人 師云煮粥煑飯 問寶劍未

出匣時如何 師云切忌道著 進云出匣後

如何 師云天魔腦裂 師云舉一步須彌岸

峇海水騰波不舉一步於微塵國土助一切諸

佛出興於世轉大法輪還信麼若信得西瞿邪

尼喫飯去珍重 上堂僧問如何是祖師西來

意 師云白日燒地眠夜間灸地臥 問古鏡

未磨時如何 師云照破天下人鬪體 進云

磨後如何 師云黑似漆 問既是清淨法身

為什麼卻澡浴 師云頭出頭沒 進云為什

麼如此 師云祇為如此 上堂僧問洪鐘纔

擊大衆雲臻祖意西來乞師垂示 師云六可

六甲 進云未曉者如何領會 師云會即錯

問馬師未見讓師時如何 師云緊 進云見

後如何 師云切 問如何是佛 師云鋸解

秤錘 師云德山入門便棒臨濟入門便喝

棒一喝若雙峯而互出賓主未辨恹恹而萬里

椰關照用方行擬擬而千差塞路諸上座到者

天聖廣燈錄第十七卷

第十八張

41

裏憑何話會師乃有頌 棒喝齊施早已賒古
 今皆讚絕周遮二途不涉憑何說南海波斯進
 象牙珍重 上堂僧問得得上來伸三拜乞師分
 付拄杖子 師云科 進云怎麼則功不虛施
 師云重 因請本院首座開堂僧問承和尚有
 言一人悟道三界平沈首座悟道三界還沈也
 無 師云不淹不抑 進云怎麼即一言纔出
 大地全收 師云落三落四 師云為衆竭力
 蓋為袈裟同肩一處喫飯莫是人各披一條同
 鍋喫飯麼此是分見還知道三世諸佛共披一
 條所以釋迦身長丈六留下袈裟與彌勒彌勒
 身長千尺披得恰好何故如此蓋為長者長法
 身短者短法身要得易會麼古佛與露柱相交
 佛殿與天王鬪額若也不會單重交并珍重
 師上堂云有時一喝祇作問行有時一喝作探
 竿影草有時一喝如踞地師子有時一喝如金
 剛王寶劍若是金剛王寶劍不得正眼觀著觀
 著即喪身失命師乃有頌 不是干將鑄那關
 四氣吹匣內青蛇吼逢妖任便揮若得全提者
 當機豈失時毗盧驚得走大衆盡攢眉久立珍
 重 師上堂示衆云大愚相接大雄孫五湖雲
 水競頭奔競頭奔有何門擊箭寧知朽木存朽
 木存一年還曾兩度春兩度春悵裏真珠撒與

天聖廣燈錄第十七卷

第十七張

人撒與人思量也是暮西秦珍重 師上堂云
 昔日外道問佛不問有言不問無言世尊祇踞
 坐外道乃云世尊大慈大悲開我迷雲令我得
 入師云大小世尊被外道茶糊一上祇如外道
 云開我迷雲令我得入且道還得入也未要會
 麼不曾夢見久立珍重 師上堂云僧問汾州
 和尚如何是接初機句汝是行脚僧如何是辨
 衲僧底句西方日出卯如何是正令行底句千
 里持來呈舊面如何是立乾坤句北俱盧洲長
 粳米食者無貪亦無瞋師乃云將此四句語以
 驗天下衲僧子細思量將此四句語被天下衲
 僧一時勘破珍重 師上堂閉鐘聲云觀音門
 入者蝦蟇蚯蚓助汝發機普賢門入者不動步
 而到如今還有到者麼良久無人以拄杖打禪
 牀一下頌曰 一擊響玲瓏喧轟宇宙中知音
 纔側耳項羽過江東

天聖廣燈錄卷第十七



天聖廣燈錄卷第十八
南嶽山懷讓禪師第九世

洲

汾州太子院善昭禪師法嗣四人見錄

袁州南源山楚圓禪師 涿州瑯琊山覺禪師

唐州龍潭智圓禪師 蘄州龍華曉慧禪師語句不錄

襄州谷隱山慈聰慈照禪師法嗣十人見錄

果州永慶院光普禪師 襄州鳳皇山了同禪師

桂州寧壽禪院慧靈禪師 江陵府竹園山法顯禪師

彭州永福院延照禪師 唐州大梁山德遵禪師

蘇州洞庭山翠巖禪院慧月禪師

鎮國軍節度使檢校太保尉馬都尉李遵勗所有言句別從編錄

湖州景清禪院居素禪師 覺圓上座

汝州廣惠院元璉具慧禪師法嗣一人見錄

翰林學士部侍郎楊億

袁州南源山楚圓禪師法嗣二人見錄

潭州道吾山真禪師語句不錄 普照禪師修戒附

袁州南源山楚圓禪師初住南源開堂日白拈

云法筵龍象衆當觀第一義 師乃云大衆會

麼宜陽秀水南嶽石橋若也不會山僧謾你諸

人去也所以道達磨西來教外別傳一句且道

別傳箇什麼直指人心見性成佛祇如諸人盡

是祖師指出底人還信得及麼若信得及與祖

佛同參若信不及可謂自生退屈此日一會不

是小緣將一瓣香爲我無德禪師且道諸人還
識無德禪師麼若也不識有疑請問 僧問世
尊出世梵王前引帝釋後隨今日和尚出世請
師說法 師云好 僧云恁麼則粉骨碎身去
也 師云三月野華鋪地錦九秋黃葉以爲陰
問如何是祖師西來意 師云敵地三蛇九鼠
上堂云若論此事絕有言詮侍者拈香早成多
事所以釋迦掩室已涉繁詞居士默然卻成多
說何故彼彼出家彼彼行脚且問諸人作麼生
是出家行脚底事莫是著衣喫飯行住坐卧廣
學多聞無言無說麼若恁麼會大似掉棒打月
既不許恁麼會又作麼生會衆中還有識好惡
者麼有即出來對衆證明若也未能如是有疑
請問 僧問鼓聲纔罷大衆雲臻祖意西來請
師舉唱 師云汝從甚處來 僧云汾陽一句
師親唱南源今日事如何 師云汝見南源
問有言有說皆是世諦之談無言無說未是衲
僧行履處幸對人天請師垂示 師云放山僧
一線道與閣梨葛藤 僧云恁麼則專爲流通
師云一片白雲橫世界箇中誰是出頭人
問如何是佛 師云水出高原 問如何是佛
法大意 師云洞庭湖裏浪滔天 問如何是
南源境 師云黃河九曲水出崑崙 如何

大聖廣德錄第十八卷 第四張 州字

足境中人 師云隨流人不顧接手望扶桑

上堂云雲收霧卷杲日當空不落明暗如何通

信 問如何是異類中人 師云頭長腳短

進云怎麼則謝師指示 師云半幅全封

進云怎麼則直怎麼去也 師云聞梨鼻孔為

什麼卻在老僧手裏 僧無語 師便打

問久為流浪途中客乞師方便指歸源 師云

饑餐渴飲 進云怎麼則因師得契如如理十

載徒勞了色空 師云晝行三千夜行八百

問山深覓不得時如何 師云口能招禍

問東涌西沒時如何 師云尋 問夜靜獨

行時如何 師云三把茆 問寶劍未出匣時

如何 師云響 出匣後如何 師噓一聲

問關市取靜時如何 師云頭枕布袋 師入

州崇勝和尚請上堂 師云者裏崇勝法堂不

可向者裏說佛說法去也然雖如是官不容針

私通車馬怎麼大似擔水河頭賣象中還有檢

點得底麼試出來檢點看有麼有麼 時有僧

問諸法已聞今日響請師方便演具乘 師云

天不高地不遠 僧云孤峯出羣嶽萬里百華

新 師云不是直鉤客徒勞到海壖 問昔日

靈山分半座二師相見意如何 師云來風可

鑿 進云怎麼則大眾側聆學人禮拜 師云

大聖廣德錄第十八卷 第四張 州字

剗利人難得 問如何是古佛家風 師云金

蟾初出海何處不分明 進云還許學人請益

否 師云大海無邊際不宿水雲人 乃云若

向言中取則埋沒宗風直鏡句下精通敢保此

人未悟所以道山青水綠雀噪鳴萬派同源

海雲自異未末諸佛口似燈籠過去諸佛應病

施方現在諸佛墮院落漸不落凡聖一句作麼

生道良久云屎上更加尖便下座 師至仰山

請上堂云寶鏡當臺森蘿自顯太何在手殺活

臨時且道還有該不著者麼有即倒道將一句

來如無後學初心有疑請問時有僧問知師久

臥深潭裏大仰升堂事若何 師云雨來山裏

暗雲出洞中明 進云學人不會再伸請益

師云拈取幡竿別處春 僧無語 師云弄潮

須是弄潮人 問大通智勝佛十劫坐道場佛

法不現前不得成佛道未善者言如何 師云

一場懺懺 進云祇如大通智勝佛又如何

師云八十翁翁若少年 進云學人耳順之年

乞師再垂方便 師云眾人伏事 問如何是

佛 師云蓮華捧足 師乃云馬大師即心即

佛當人未悟槃山非心非佛祇成戲論雪嶺翻

毘誑小兒之作雲門額鑿笑殺傍觀少室自

傷一場大錯德山入門便棒未過奇人臨濟入

大聖廣德錄第十八卷 第五張 州字

門便喝大殺輕薄黃梅呈頌人我未忘更言祖

祖相傳遞相排謗到者裏須是箇人始得所以

道鷹生鷹子鷓生鷓兒雖然如是也是鞏縣茶

餅乃彈指一下下座 上堂僧問油盡燈滅時

如何 師云養子不及父 問海上雲游時如

何 師云苦 問牛頭未見四祖時如何

師云堆堆地 見後如何 堆堆地 問如何

是和尚受用處 師云困 僧擬進語 師便

打 問失前忘後時如何 師云不 問一得

永得時如何 師云抱石投河 問仗鐵錮劍

擬取師頭時如何 師云斬將去 僧擬進語

師便打 上堂云一切諸佛及諸佛阿耨多羅

三藐三菩提心皆從此經出乃豎起拄杖子云

者箇是南源拄杖子阿那箇是經良久云向下

文長付在來日乃喝一喝下座 上堂豎起拄

杖云過去諸佛現在諸佛未來諸佛西天二十

八祖唐土六祖天下老和尚總變成南源拄杖

子去也汝諸人向什麼處安身立命看看拄杖

子穿過你諸人觸體去也還有識痛痒者麼有

即出來對眾踣跳看看若無南源今日失利喝一

喝卓拄杖一下下座 上堂良久云無為無事

人猶是金鎖難喝一喝下座 因同人相訪上

座云颯颯涼風景同人訪寂寂煮茶山上水燒

鼎洞中樵珍重 僧問如何是寶中寶 師云禮拜更懇懇 如何是寶中主 師云拄杖當在手 如何是主中寶 師云拄杖撥乾坤 如何是主中主 師云劍握甌人手 問如何是佛 師云瀟湘班竹杖 問達磨未來時如何 師云長安夜夜家家月 進云來後如何 師云幾處笙歌幾處愁 問一物不將來時如何 師云塊木成林 問四山火來時如何 師云物逐人興 問祖佛不立時如何 師云口上生茆 問纔見便迴時如何 師云湖南鎮主 進云末後懇懇請師道 師云多少分明 進云大眾側聆 師云未敢相許 問進前不得時如何 師云鼠斷衆疑 問步步登高時如何 師云雲生足下 問如何是南源狗 師云嘴 問如何是禪 師云鼻孔入地 問如何是佛 師云石打不入 上堂云諸佛放光明助發寶相義乃豎起拄杖子云者箇是南源拄杖子阿那箇是寶相義你若見去被見聞所轉也若不見行脚眼在什麼處喝一喝下座 上堂云一塵纔舉大地全收一毛頭師子百億毛頭現百億毛頭師子一毛頭現千頭萬頭但識取一頭乃豎起拄杖子云者箇是南源拄杖子那箇是一頭喝一喝卓拄杖下下

座 問如何是佛 師云人老病生 問如何是接初機底句 師云一刀兩段 問如何是驗衲僧底句 師云寒山拾得 問如何是正令行底句 師云來十去萬 問如何是立乾坤句 師云天高海闊 問與師並坐時如何 師云線穿黃葉 問古人封白紙意旨如何 師云家貧路富 問如何是祖師西來意 師云三日風五日雨 問蓮華未出水時如何 師云水深蓋不得 進云出水後如何 師云不礙往來看 問華後如何 師云南北馨香 結子後如何 師云銀魚銀鱉 上堂云天地與我同根萬法與我一體乃豎起拄杖子云者箇是南源拄杖子那箇是體良久云渡河須用筏到岸不須舢 喝喝卓拄杖一下下座 上堂豎起拄杖云河沙諸佛河沙國土總被南源拄杖子一口吞卻 其中衆生不覺不知你衲僧鼻孔在什麼處若知去處橫擔拄杖目視雲霄若也不知長連牀上有粥有飯喝一喝下座 上堂云夫宗師者奪貧子之衣珠救達人之見處若不如是盡是和泥合水漢良久云路逢劍客須呈劍不是詩人莫獻詩喝一喝下座 上堂云吾有一言絕慮忘緣巧說不得祇要心傳更有一語無過直

天聖廣弘明錄第十八卷 第七十條 州守

言異 進云雲生嶺上華發巖前 師云相違盡道休官去林下何曾見一人 進云今日遭逢和尚 師便喝 上堂舉先賢應云第一句薦得與祖佛為師第二句薦得與人天為師第三句薦得自救不了若是道吾即不然第一句薦得和泥合水第二句薦得無繩自縛第三句薦得四稜著地所以道起也海晏河清行人避路坐也乾坤黯黑日月無光你諸人何處出氣如今還有出氣者麼有即出來對眾出氣看如無吾與汝出氣去也乃噓一聲下座 上堂云佛以一音演說法眾隨類各得解且道晝行夜臥一句作麼生道良久以拄杖卓一下云德山證明下座 上堂云藥多病甚細細魚稠便下座 問行脚不逢人時如何 師云釣絲絞水 問尋枝摘葉即不問如何是直截根源 師云柳栗拄杖 僧云未審意旨如何 師云行即肩挑雲水袖坐來安在掌中擎 問既是護法善神為什麼張弓架箭 師云禮防君子問如何是佛 師云有錢使錢 問獬豸當軒學人擬擬如何得入 師云還覺頭痛麼 上堂云無明實性即佛性幻化空身即法身諸仁者若信得去不妨省力可謂善才入彌勒樓閣無邊法門悉皆周徧得大無礙號曰無生法

天聖廣弘明錄第十八卷 第七十一條 州守

忍所以道無邊刹境自他不隔於毫端十世古今終始不離於當念且問諸人那箇是汝當念要會麼祇你如今無明之性即是本覺妙明之性為汝不了生死根源執妄為實隨妄所轉致墮輪迴受種種苦若能迴光返照自悟本來真性不生不滅故曰無明實性即佛性幻化空身即法身祇如四大五蘊不淨之身都無實義如夢如幻如影如響從無量劫來流浪生死貪愛母乳如四大海水何故為無智慧不能了知五蘊本空都無實義逐境生愛欲網所拘不得自在所以世尊道諸苦所因貪欲為本若滅貪欲無所依止你若能了知幻身虛假本來空寂諸見不生無我人眾生等見諸法皆如故云幻化空身即法身法身覺了無一物唯有聽法說法虛玄大道無著真宗故曰本源自性天真佛五陰浮雲空去來三毒水泡虛出沒若如是者是謂度一切苦厄乃至無量無邊煩惱知解皆清淨號曰清淨法身若到者箇田地出此入彼捨身受身地獄天堂此界他方縱橫自在任意浮沈應物舒光隨機逗教喚作千百億化身恁麼說話可謂無夢說夢和泥合水撒屎撒尿不識好惡乃呵呵大笑云若去衲僧門下十萬

天聖廣弘明錄第十八卷 第七十二條 州守

八千未夢見他汗臭氣在雖然如是不得一向但以假名字引導於眾生珍重 上堂云心隨萬境轉轉處實能幽隨流認得性無喜復無憂拈起拄杖子云者箇是道吾拄杖子那箇是諸人心河沙國土河沙諸佛西天二十八祖唐土六祖盡在道吾拄杖上轉大法輪諸人還見麼若見朝游西天暮歸東土若也不見晨朝有粥甯時有飯卓拄杖一下下座 上堂云有物先天地無形本寂寥能為萬像主不逐四時凋枯拄杖云者箇是道吾拄杖那箇是萬像主良久云若見諸相非相即見如來喝一喝卓拄杖一下下座 上堂云有時先照後用有時先用後照有時照用同時有時照用不同時所以道有明有暗有起有倒乃喝一喝云且道是照是用縑素辨得麼試出來呈醜拙看若無道吾今日失利喝一喝下座 上堂云祖師心印 一印印空一印印水一印印泥如今還有印不著者麼試向腳跟下倒道將一句來設你道得別蕩分明第一不得行過衲僧門下且道衲僧有什麼長處良久云人王三四寸徧地是刀鎗喝一喝卓拄杖一下下座 上堂云一喝分質主照用一時行若會箇中意日午打三更乃喝一喝云且道是實是主還有人分得麼若分

得朝行三千暮行八百若未能分得道吾今日
 失利拂一拂下座 上堂云法法本來法無法
 無非法拈拄杖云者箇是道吾拄杖那箇是本
 來法良久云但有路可上更高人也行喝一喝
 卓一下下座 上堂云法身無相應物現形拈
 起拄杖云者箇是道吾拄杖那箇是法身者箇
 是葛藤且致僧堂佛殿穿入汝諸人鼻孔裏去
 也四大海水在汝頭上龍王在汝指甲上還覺
 麼若覺去晝行三千夜行八百脚下煙生頭上
 火起若也不覺饑來喫飯困來眠喝一喝下座
 上堂云一切諸佛皆以無為法而有差別前是
 按山後是主山那箇是無為法良久云向下文
 長付在來日喝一喝下座 問佛令祖令即不
 問如何是正令 師云金鳳投崖 僧便喝
 師云你看 僧又喝 師亦喝卓拄杖一下
 僧背唾便入衆 師云念你是化主 上堂云
 天已明鼓已響聖眾臻齊合掌如今還有不合
 掌者麼有即尼乾歡喜無則瞿曇惡發久立珍
 重 僧問磨礮三尺劍去化不平人師意如何
 師云好去 僧云點 師云你看 僧拍手一
 下歸衆 師云了 上堂云世尊三昧阿難不
 知阿難三昧商那和脩不知從上諸聖三昧互
 相不知乃拈拄杖子劃一圓相云者箇是什麼

還有人道得否良久云路逢劍客須呈劍不是
 詩人莫獻詩喝一喝下座 上堂云涅槃無異
 路方便有多門拈拄杖云者箇是道吾拄杖那
 箇是涅槃門良久云見月休觀指歸家罷問程
 喝一喝下座 上堂云夫說法者須應時節若
 不應時總是非時語還有人應得著麼應即應
 了也且道落在什麼處喝一喝下座 上堂云
 道吾打鼓四大部洲同拈拄杖橫去挑括乾坤
 大地鉢盂轉去覆卻河沙世界問爾諸人向什
 麼處安身立命若也知去向俱盧州喫粥喫
 飯若也不知道吾罪過珍重 上堂僧出禮拜
 起便喝 師云作麼生 僧又喝 師云瞎
 僧禮拜 師云三十棒且待別時來與爾喫
 問古人面壁意旨如何 師云有年無德
 上堂云北山南南山北日月雙明天地黑大海
 江河盡放光逢著觀音問彌勒珍重 師住石
 霜開堂日僧問維摩一默未稱師宗捧喝齊施
 中流罔措今日一會請師方便 師云石笋逢
 春長霜華向日開 進云與麼則陽鳥喃喃語
 雨過百華新 師云不因漁父引焉知水淺深
 僧云峻水隨流急雲開照碧天 師云我行荒
 草裏你又入深村 僧唱喏云官不容針更借
 一問師意如何 師云放尔三十棒三十年後

方始知痛痒僧舞袖而退 師云夢見 問方
 木調弦時如何 師云幡竿一尺二 進云恁
 麼則和尚手出今時也 師云脚撥不動
 僧云莫道不知音 師云三十年後悟去不定
 問有理難伸時如何 師云苦 進云恁麼則
 舌柱上齧也 師乃噓噓 僧云將謂胡鬚赤
 師云夢見南源脚跟 問古鏡未磨時如何
 師云新羅打鼓 進云磨後如何 師云西天
 作舞 上堂云青蓮視瞬以多繁迦葉微笑
 自謾少室坐著癡截臂黃梅呈解頌多般入門
 棒喝重重錯向上宗乘肉自剌公按見成誰憐
 懶鑿啖啐啜啞旁觀一宿覺來知是誤不言師
 軌更無端丈夫皆有衝天志北斗南星背面看
 偈頌 因僧請益三玄三要頌
 第一玄三世諸佛擬何宜垂慈夢裏生輕薄端
 坐還成落斷邊
 第二玄剎利衲僧眼未明石火電光知是鈍揚
 眉瞬目涉關山
 第三玄萬象森羅宇宙寬雲散洞空山嶽靜落
 華流水滿長川
 第一要豈話聖凡妙擬議涉長途擡眸七顛倒
 第二要峯頂敲捷召神通自在來多聞門外叫
 第三要起倒令人笑掌內握乾坤千差都一照

天聖廣燈錄第十八

第十五張

卍

報汝通玄士棒喝要臨時若明親的旨半夜太陽輝

因僧請益臨濟兩堂首座齊下喝頌

啐啄之機箭拄鋒管然賓主當時分宗師慈物垂緇素北地黃河徹底輝

因人請益慧超佛話有頌

僧問如何是佛師云汝是慧超禮拜進前叉手思量十萬迢迢

因僧請益雲門超佛越祖之談

超佛越祖若何宜充齋餠餅恣情餐湖南展鉢新羅咬大石波斯索渡船

因僧請益乃述三訣頌

第一訣大地山河泄維摩纒默然文殊便鏡舌
第二訣展拓看時節語默豈相干夜半秋天月
第三訣遠路難登涉陸地弄舟船眼中藏日月

三句頌

第一句天上作方皆罔措俱輪顛倒論多端
第二句臨濟德山涉路布未過新羅棒便揮
第三句維摩示疾文殊去對談一默震乾坤
至如今作笑具

因僧請益五位有頌

正中偏半夜鳥雞室裏鳴海底然燈光世界石
上栽華長枝靈
偏中正日落西山觀異影分明景像顯宗乘休
把迷頭窺月井
正中來木馬生兒徧九坡進退任行通鳥道豈
並巢居界內隈
兼中至彼彼丈夫全意氣矛頭交互不傷鋒展
拓縱橫不相離
兼中到黑白已前休作造須明露柱未生見莫
認狂辭途路走

又

正中偏半夜鳥雞室裏鳴海底然燈光世界石
上栽華長枝靈

偏中正日落西山觀異影分明景像顯宗乘休

把迷頭窺月井

正中來木馬生兒徧九坡進退任行通鳥道豈

並巢居界內隈

兼中至彼彼丈夫全意氣矛頭交互不傷鋒展

拓縱橫不相離

兼中到黑白已前休作造須明露柱未生見莫

認狂辭途路走

都一頌

偏中歸正極幽玄正去偏來理事全須知正位

非言說朕北依佛屬有緣兼至去來興妙用到

兼何更逐言詮出沒豈能該世界蕩蕩無依鳥

道玄

因僧請益風穴佛話

杖林山下竹筋鞭南北禪人萬萬千其怪相逢
不下馬東西各自有前程

寄李駙馬

分身千百億悲智願難窮在俗還隨俗居官即
順官頭頭皆巨護處處現神通珍重吾宗幸多
能立古風

又

仰觀天畔一輪日幾度清光西上出大士蓬頭
問志公摩訶般若波羅蜜

注杜順和尚頌

覆州牛喫禾河沙世界 益州馬腹脹噴街蛇走

天下召醫人騎頭馬角 灸猪左膊上畫虎成狸

牧童

牧牛童實快活蹄足披蓑雙角撮橫眠牛上向
天歌人問如何牛未渴回面觀平田闊四方放
去休攔過八面無拘任意游要收秣向鼻頭捏
小牛兒順毛捋角力未充難提撥且從放在小
平坡處上孤峯四脚脫日已高休喫草拈起索

頭無老小一齊牽向園中眠和泥看伊東西倒

笑呵呵好不好又將橫笛順風吹震動五湖山

岳島倒騎牛脫破襖知音休向途中討若問牧

童何處居鞭指東西無一寶

冬不人事

東山林木高幾歲幾週雨南嶺松枝瘦石生石
碎土金色見瞿曇三三七八五

因僧請益古人十二時壽乃頌之

雞鳴丑夢裏逢人莽莽肉 平旦覺來路上弄精鬼
日出卯赫赫光明影裏坐 食時辰食飽還知是病因
禺中已買賣論量入市肆 日南午萬像分明作笑具
日昧未張公喫酒李公醉 晡時申省來端坐醉醺醺

日入西扉蓬朽戶硬撐柱 黃昏日落西山狐魅出人定豕老鼠牀頭作隊隊 夜半子一輪明月蘇嚙哩
 滁州瑯琊山慧覺禪師初開堂升座拈香畢有僧問師唱誰家曲宗風嗣阿誰 師云一任你鑽龜打瓦 進云恁麼即汾陽一箭直射瑯琊師云了 問如何是祖師西來意 師云庭前殘燭謝 問如何是佛 師云黃面比丘 進云莫便是也無 師云智無鉢兩 蘄州黃梅龍華寺曉愚禪師行脚時參五祖戒禪師乃問不落唇吻一句作麼生道 師云老大大話頭也不照管 戒便喝 師亦喝 戒拈棒 師便拍手下去 戒召云闍梨且住話在 師將坐具搭在肩上更不迴首而去 唐州龍潭智圓禪師初開堂有僧問師唱誰家曲宗風嗣阿誰 師云汾陽水急白浪滔天 進云還許學人措足也無 師云報 問承教有言是真精進是名真法供養如何是真法 師云夜聚曉散 問如何是龍潭劍 師云觸不得 進云用者如何 師云白骨連山 問久響龍潭到來爲什麼龍不現 師云水深不見底 進云現後如何 師云特地一場愁 果州永慶院光普禪師在石門慈照聰禪師會下早參師問承古有言大悲院裏有齋意旨如何

石門云日出隈陽坐天寒不舉頭下堂後師續後入室石門問適來因緣作麼生會 師云會即途中受用不會即世諦流傳 石門云未在此道 師拂袖而去 師開堂日僧問如何是佛法大意 師云蜀地南鎮鐵 柱州壽寧院慧靈禪師僧問光境俱亡道歸何處 師云街頭市尾 進云即今事又怎麼生 師云拖泥帶水 問如何是和尚家風 師云有少無多 進云未審客來將何祇待 師云長連牀上蘼羹淡飯 襄州石門山第六世了同禪師云適來堂上鍾子未鳴時諸上座便合知時何用上來握節常骨實爲屈沈諸仁者然即如是撒沙向諸上座眼裏去也三世諸佛在諸人鼻孔上轉大法輪看看良久云冬行春令珍重 問如何是鳳皇機 師云分明舉似闍梨 進云忽遇遊子相投又若何 師云且領話 僧問如何是透法身句 師乃拈淨鉢便作傾水勢 進云未審此意如何 師云箭過新羅 問如何是祖師西來意 師云獨步離天竺 荆南府竹園山法顯禪師開堂日僧問師登寶座當說何法 師云香煙起處衆雲集 學云恁麼則紅焰光中不見蹤也 師云乾坤無透路

問如何是佛 師云好手畫不成 問如何是道 師云交橫十字 進云如何是道中人 師云往往不相識 問如何是奇特之事 師以拄杖劃一劃 僧便喝 師拍繩牀一下 僧禮拜 師便打 問承教有言止止不須說我法妙難思如何是止止不須說 師云太多也 學云如何是我法妙難思 師云不如速禮三拜 彭州永福院延照禪師上堂僧問師登寶座朝騎降臨向上機鋒請師舉唱 師云月輪輾破瑞瑤轂海內龍王笑點頭 進云恁麼即迷悟不從師也 師云豈逢穿耳客頻遇守株人 問如何是彭州境 師云人馬合雜 進云如何是境中人 師便喝 僧以手作拽弓勢 師便拈棒 僧擬議 師便打 問古德有言白體汗流山鬼窟架裳遮面鬼神村意旨如何 師云青城大面出賢人 僧擬議 師便喝 唐州大乘山德遵禪師初開堂日僧問西天一佛出世地布黃金今日出世有何祥瑞 師云破布裏真珠 進云恁麼即圓融十號光透娑婆 師云驢馳青布袋 問世界圓融一句請師道 師云團圓七尺餘 問如何是大乘山 師云澗水向東流 進云如何是山中人 師云眉纈眼白 問如何是臨濟一喝下事 師云山

天聖廣濟錄卷八

第三

十一

僧卻道不得 僧便喝 師云好喝 僧又喝

師云未信你在 僧云瞎 師拈棒便打

師上堂云古佛傳心印常然般若燈曹谿玄妙

旨馬祖至今弘踏破波中月其間幾箇能吾宗

高格外來往自騰騰時有僧問承師有言如何

是吾宗高格外師 云笑指斜陽投暗室踏轉

毗盧海嶽傾 進云如何是來往自騰騰

師云韓盧咬骨空甜背腹內懸懸背合塵

湖州景清禪院居素禪師初升座維那白搥云

法蓮龍象衆當觀第一義 師云第一義中明

會猶是掩耳偷鈴不動位中紹得未免遭人貶

判設使高超象外靜離言鋒未忘取捨之情豈

敵有無之患如斯見解笑殺他人然雖如此官

不容針私通車馬有疑請問僧問祖相傳傳

祖印師今得法嗣何人 師云鑿齒池邊曾闢

勝道安巖畔任經行 進云恁麼則昔日虎谿

華重秀今朝雪水月方新 師云綠竹千竿老

松蘿一徑深 問如何是景清境 師云雨過

谿橋人懶度 進云如何是境中人 師云蟾

蜍光冷豈堪觀 問遠遠投師乞師一接

師云新羅人打鼓 學云如何領會 師云舶主

未曾逢 僧問承和尚有言案中天子勅塞外

將軍令如何是塞外將軍令 師云揭 學云

天聖廣濟錄卷八

第三

十一

其中事如何 師云蹴 學云莫便是和尚為

人處也無 師彈指一下 問如何是末上一句

師云金剛樹下 學云如何是末後一句

師云拘尸城邊 學云向上還更有事也無

師云有 學云如何是向上事 師云波旬撫

掌呵呵笑如葉擡頭不識人

鎮國軍節度使駙馬都尉李遵勗所有語句別從編錄

蘇州洞庭山翠峯禪院慧月禪師升座云若論

祖師心印豈於第一義諦中收得非但第一義

三要收不盡四句豈能該假使言前明得猶在

半途直饒言詮俱忘未免拖泥帶水然雖如是

事不一向或有疑情便請出衆商量時有僧問

師唱誰家曲宗風嗣阿誰 師云太子谷中垂

鞭并鳳林關上羊祜碑 進云恁麼則昔時谷

隱今日當堂也 師云楚山突岬三冬秀漢水瀟

環四季清 問一華開五葉結果自然成時如何

師云脫卻籠頭却卸角獸 進云拶出虛空去

處處盡聞香 師云雲愁聞鬼哭雪壓弱巖吟

問和尚未見谷隱時一句作麼生道 師云步

步登山遠 進云見後如何 師云驅驅信馬蹄

覺圓上座師杭州人也廣嚴禪院受業初叅谷

隱上堂次便出問云學人開旗請師展陣

隱云你試呈者醜拙看 圓擬議 隱便喝

天聖廣濟錄卷八

第三

十一

圓喚侍者 隱云瞎 圓禮拜 隱云大眾旌

又開了陣又展了爭奈地上七縱八橫便下座

歸方丈 圓與谷隱山持書到李駙馬宅將堂

頭書與都尉 尉接得書收在懷中卻展兩手

圓亦展兩手 尉云碎 尉因齋次問云今日

盛陳香供蓋為生辰大士享齋諸佛同祐且道

有利益也無 圓云明年更有新條在 尉云

雪峯道底 圓云惱亂春風卒未休 尉云一

任踈跳 圓臨示寂有頌曰 住亦何依去亦

何往三界十方如觀指掌不上中天匪乘白象

珍重同人青煙直上言訖端坐而化焚燒之後

五色舍利無數

翰林學士工部侍郎贈禮部尚書文公楊億任

秘書監知汝州日嘗有書寄李維內翰敘其始

末師承書云病夫夙以頑蠢獲受獎顧預聞南

宗之旨久陪上國之游動靜咨詢周旋策發俾

其剗心之有詣牆面之無慙者誠出於席間林

下矣矧又故安公大師每垂誘導自雙林滅影

隻復弗歸中心浩然固知所止仍歲沈痼神慮

迷恍殆及小閒再辨方位又得雲門諒公大士

見顧善為蓬諒之旨趣正與安公同轍並自廬山

歸宗雲居而來皆是法眼之流裔去年假守茲

郡適會廣惠禪伯實承嗣南院念念嗣風穴風

穴嗣先南院南院嗣興化興化嗣臨濟臨濟嗣黃檗黃檗嗣先百丈海海嗣馬祖馬祖出讓和尚讓即曹谿之長嫡也齋中務簡退食多暇或坐邀而至或命駕從之請叩無方蒙滯頓釋半歲之後曠然弗疑如忘忽記如睡忽覺平昔磁膺之物曝然自落積劫未明之事燿爾現前固亦決擇之洞分應接之無蹇矣重念先德率多參尋如雪峯九度上洞山三度上投子遂嗣德山臨濟得法於大愚終承黃檗雲岳多蒙道吾訓誘乃為藥山之子丹霞親承馬祖印可而作石頭之裔在古多有於理無嫌病夫今繼紹之緣實屬於廣惠而提激之自良出於鼇峯也忻幸忻幸 侍郎問廣惠和尚尋常承和尚有言一切罪業皆因財寶所生勸人疎於財利況南閻衆生以財為命邦國以財聚人教中有財法二施何得勸人疎財 廣云幡竿尖上鐵龍頭侍云海壇馬子似驢大 廣云楚雞不是丹山鳳侍云佛滅二千歲比丘少慚愧 問門僧表澄承古有言天上無彌勒地上無彌勒未審彌勒在什麼處 澄云手上木 侍云罪有所歸 澄云知過人難得 侍云喫取拄杖 澄喝侍云且放過即不可 侍郎問李駙馬釋迦六年苦行成得甚麼事 尉云擔折知柴重 問一

盲引衆盲時如何 尉云盲 侍云灼然 尉便休 同光帝問興化和尚云朕收得中原之寶紙是無人酬價興化云略借陛下寶看帝以手舒幪頭脚興化云君王之寶誰敢酬價玄覺云紙如興化眼在什麼處若不肯過在什麼處 興化怎麼祇對是肯莊宗不肯莊宗試辨看 論詰

因僧談道侍郎遂云道不離人人能弘道大凡參學之人十二時中長須照顧不見南泉道三十年看一頭水牯牛若犯佗人苗稼搥鼻拽迴如今變成露地白牛裸體地放佗不肯去諸人長須著些精彩不可說禪道之時便有箇照帶底道理擇菜作務之時不可便無去也如雞抱卵若是拋離起去暖氣不接便不成種子如今萬境森羅六根煩動略失照管便喪身命不是小事今來受此緣生被生死繫縛蓋為塵劫已來順生滅心隨佗流轉以至如今諸人等且道若曾喪失何以得至如今要識露地白牛麼試把鼻孔拽看 侍郎云玄沙和尚道大唐國內宗門中事未嘗有人舉唱或有人舉唱盡大地人總矢卻性命無孔鐵錘相似一時亡鋒結舌去且道是甚道理如今假立箇賓主動者兩片皮豎起指頭拈起拂子總成顛倒知見順汝狂意

汝汝有箇申問處若是明眼人前怎生拈撥得出秋如魯祖和尚見僧來便面壁長慶道恁麼地接人驢年得一箇去我道魯祖也秋是不識著是佗明眼人又爭肯你今來事不獲已與汝諸人作顛倒知見一似結巾為馬捏目生華上祖道箇開佛知見示佛知見悟佛知見入佛知見教佗恁道抑下多少威光且道諸人分上少箇什麼雖然如此我若不恁麼與汝知問你又什麼處得見我古人道知恩者少且道承箇其人恩於此不明問取露柱去 侍云此事大難釋迦老子三七日中思惟便欲入涅槃被帝釋梵王懇勸三請不得已而許之始自鹿苑終於俱尸羅城中間四十九年大作佛事說五乘十二分教如餅注水後來於靈山會上目現迦葉謂大衆云吾正法眼已付摩訶大迦葉又云我於四十九年中不曾說一字此是什麼道理若於諸人分上著一字脚不得為諸人各各有奇特事在喚作奇特早是不中也我道釋迦是敗軍之將迦葉是喪身失命底人汝等諸人且怎生會不見道涅槃生死俱是夢言佛與衆生並為增語直須恁麼會取不要向外馳求若也於此未明敢道乖張不少 侍舉摩論云會萬物為己者其唯聖人乎如今山河大地樹木人

天聖廣燈錄第十八卷

第七十七條

*

物攢攢地是同是別若道同去是佗頭頭物物

各各不同若道別去佗古人又道會萬物為已

且怎生會祇如教中說若有一人發真歸源十

方虛空一時銷隕古德亦云若人識得心大地

無寸土此是甚道理直下盡十方世界是汝一

隻眼一切諸佛天人羣生類盡承汝威光建立

須是信得及方得 侍郎臨終前一日親寫一

偈與家人令來日送達李駙馬處偈曰

濕生與濕滅 二法本來齊 欲識真歸處 趙州東院西

討接得偈云泰山廟裏賣紙錢

普照禪師修戒有僧問如何是佛 師云千葉

碧蓮雲裏現萬重山水異聞香 問如何是祖師

西來意 師云猴猢猻摘山果野鹿下田中

問如何是學人自己 師云煙霞起處和雲白

鶴飛霄漢出銀籠 問不施寸刃便登九五時

如何 師云書落張良錦帳西 問如何是祖

師西來意 師云朝見八關開石室暮看金鳥

送枕頭

拄杖歌

千峯間出虬形樣碧眼胡僧怎生向有時擺撼

動滄波莫把乾坤為比量放橫時奔掣電握坐

金毛爭敢現拈來掌上震機鋒燦迦羅眼何曾

見擬商量昏色暗撥破雲霞光璨爛攜行空裏

天聖廣燈錄第十八卷

第七十八條

*

既秋天攪海魚龍皆膽戰悅人心逢快便縱使

塵沙歸下畔崢嶸獨立在虛堂任你神通作

麼變 喝

雪頌

冷氣疑空墜 銀華匝地生 苔痕無覓處 山嶮絕人行

西來意頌

問我西來意 西來意甚深 真箇未曾得 眼裏下金針

都旨

薄伽演說五天雲 落處須教皂白分

進退互為通鳥道 森羅萬象定乾坤

天聖廣燈錄卷第十八



天聖廣燈錄卷第十九

吉州清源山行思禪師法嗣第七世

韶州雲門山文偃禪師法嗣一十四人見錄

韶州雲門山法球禪師 韶州廣悟禪師

韶州長樂山政禪師 韶州佛陀山遠禪師

韶州鷲峯山韶禪師 韶州淨源山真禪師

韶州披雲山禪師 韶州月華山禪師

韶州雙峯山真禪師 隨州雙泉山郁禪師

連州慈雲山深禪師 廬州化城鑿禪師

廬山護國禪師 廬山慶雲禪師

韶州雲門山法球禪師奉廣主召入宮外座云

一言纔剖該括微塵萬劫歸源截流泉壑吾皇

登殿野老謳謔師子當門羣魔屏跡西來大道

若為傳持古佛家風如何指示幸逢聖代偶值

明時可謂皇風蕩蕩佛日高舒但某若論佛法

直下難言唱道之機強名施設三乘分教各有

指歸五部律文但明持犯如來法眼未後相傳

麟次契心教外別演此猶是化門之說若是衲

僧門下句裏呈機徒勞佇思若是叢林久浸飽

關作家格外玄談對眾證據時有僧禮拜

師云對目千差路迴眸十萬餘 問梵玉親請

佛國主此延師昔日靈山會密記乞師宣

師云一音剖出河沙界萬法齊生舜日新

進云恁麼則四海晏清八方肅靜也 師云木

人歌有道野老感無私 問靈山密記蒙師指

未審得法繼何人 師云九重城裏君王令萬

里風清罷戰征 學人未委乞師的旨 師云

裂腹剌心猶未報何勞測意起多端 問如何

是西來大道 師云當時妄想至今不絕

問如何是古佛家風 師云一輪千象月無處

不晶輝 師又云問也問不盡答也答無窮蓋

量昔以來根塵濃厚便有多途佛法顯然何須

自昧捨彼取此背覺合塵不能休歇速須了卻

莫更苦求可惜時光逸巡又過斯日開關不盡

稱提恭願皇風永扇慧炬長然萬彙滋榮千祥

並集以某祇園片葉謀對威顏無任戰灼王令

稍嚴伏惟珍重 師歸院外堂示眾云言前薦

得辜負平生句後呈機空華亂墜且據衲僧眼

目作麼生辨明若向者裏辨明得去似有出身

之分不昧平生若向者裏辨明不得墮阮落壑

淪沒蹤由如何出得有出得者試對眾道看有

僧出來便問西天與東土諸佛亦復然師登師

子座一句為誰宣 師云金輪不隱的木馬正

當軒 進云恁麼則人天皆有慶樵子處處歌

也 師云鳥道無迂曲行人有短長 問師唱誰

家曲宗風嗣阿誰 師云韶石巖前曾得侍曹

天聖廣燈錄第十九

第三張

州

谿鋒不二三擔 進云恁麼則雲門嫡子雪嶺玄孫也 師云劍利不從人薦得先陀由恨母生遲 問如何是雲門劍 師云長空不匣鋒鎚色 進云用者又如何 師云四塞唯清日月明 問如何是禪 師云秋來樹頭鳴 問如何是道 師云頭上腳下 進云如何是道中人 師云一任東西 問如何是世尊不說說 師云對目不見耳 問如何是迦葉不聞聞 師云閉門哭蒼天 問如何是佛 師云鼻高眼大 問如何是隨色摩尼珠 師云色即不無怎麼生是珠 學云不會特伸請益 師云雲有出山勢水無投澗聲 問牛頭未見四祖時如何 師云香風吹萎華 進云見後如何 師云更雨新好者 師上堂云一法如是諸法亦然萬別千差不離方寸諸禪德若得如是盡十方世界一時拈來向諸人眼睫上百千諸佛向眼睫上轉大法輪各各踊身向虛空裏現一十八變為三世諸佛說法諸人還見麼若道不見可惜父母所生眼若道見且作麼面目試對衆道看良久云買賣不當價撫掌一下久立珍重

韶州廣悟禪師上堂云諸佛出世早是多端達磨西來更傳心印大似欺我兒孫壓良為賤三

大聖廣燈錄第十九

第四張

州

乘十二分教不別時宜若是格外道人不用取佗為則直須孤明自己省悟前塵大用現前臨機施設縱橫踴蕩方有少分出家如今還有麼不用如何若何應須直入有僧出來禮拜 師便打 學云正遇作家 師云罪不重科 問人人盡唱曹谿曲和尚繼嗣在何人 師云分明記取 問十方國土中唯有一乘法如何是一乘法 師云日月自分明 問如何是和尚為人一句 師云因風吹火 問如何是正法眼 師云山河大地 問如何是覲面事 師云赤水遠來 問久雨不晴時如何 師云追風由恨遲 問如何是佛 師云清原好山水 問如何是佛向上事 師云金烏晝夜催韶州長樂政禪師上堂云祖師心印壁立難提直下精明猶是鈍漢作麼得箇恰好去時有僧便問祖師心印何人提撥 師云石人妙在手進云未審學人還有分也無 師云木女整不齊 問如何是長樂境 師云青松長鬣密鸚鵡 鶴每來翹 進云如何是境中人 師云撥見并麋鹿盡日自成羣 問北斗藏身意旨如何 師云青山常在日月何虧 問如何是法身 師云山河無障礙 廣主召師入官外座有僧問驚峯演唱迦葉低眉今日玉宮請師垂示

天聖廣燈錄第十九

第五張

州

師云一句分明無異跡八方咸共賀升平 進云恁麼則三界外人去也 師云萬歲萬歲 問人王與法王相見時如何 師云月明三島靜樵子太平歌 問文殊與維摩對談何事 師默然 進云恁麼則無說無聽也 師云毗邪離城事又作麼生 師又云言無展事語不投機承言者喪滯句者迷不說不默又成惑亂且作麼生辨得邪正去若是同道可希洞鑒然雖如是風不來樹不動久立珍重 韶州佛陀山遠禪師在廣主宮中上堂有僧問如何是第一句 師云天賜六銖皆挂體臣僧百衲對宣揚 問如何是法身佛 師云木馬嘶時華地錦泥牛行處海雲凝 問今日一筵何異靈山 師云四海波濤靜一輪天地明 問如何是佛 師云銅頭鐵額 學人未會此意如何 師云歎土颯塵 問寶鑑當軒時如何 師云誰敢覲著 問如何是祖師西來意 師云眼中不著塵 師云若也一向問答盡未來際也無窮盡所以教云諸法寂滅相不可以言宣教山僧道什麼即得如今事不獲已且與諸人葛藤即不可若是正定道流覩見一場笑具且道笑我者是什麼人直饒你笑得祥雲現足下好與三千棒久立珍重

韶州鷲峯山韶禪師上堂僧問正法無言時如何 師云言 進云學人不會乞師端的

師云兩重公案 進云和尚豈無方便 師云無禮難容 問學人有口道不得請和尚道

師云正當今日 進云莫便是和尚爲人也無 師云下坡不走 問如何是鷲峯境 師云青

山涿水 進云如何是境中人 師云五湖四海賓 問祖意教意是同是別 師云日出東

月日落西 韶州淨源山真禪師上堂僧問法網無遮如何 博詰 師云浩然無間斷觸處有光綵 問如

何是本來身 師云風吹滿面塵 問如何是無縫塔 師云山深人難見 進云如何是塔

中人 師云路僻更無隣 問月未生時如何 師云大地人盡望 進云生後如何 師云照

破髑髏寒 問如何是一時教 師云匿不得 問達磨未來時如何 師云三家村裏兩兩三

進云來後如何 師云千邪不如一直 問諸法寂滅相如何是世間相 師云真不掩假

韶州披雲山禪師上堂僧問三千里外久響師 顏一句當軒請師言薦 師云斷頭船子

問師演靈山句何人合得知 師云剎利祇因 生趣早頑癡多弄世情非 問如何是色空

師云拾取落華生舊枝 問如何是一塵 師云滿目是青山 問如何是毗盧藏中有大

經卷 師云拈不得 進云爲甚拈不得 師云特地卻成愁 問如何是不遷義 師云

山高不礙白雲飛 韶州月華山禪師上堂云舉一句語徧大千界 還有人會得者箇時節麼試出來道看要知親

切良久云不出頭是好手久立珍重 僧問如何是月華境 師云青蒼無異色 進云如何

是境中人 師云日月豈別論 問如何是三乘十二分教 師云黃卷赤軸 進云畢竟成

得什麼邊事 師云如是我聞 問如何是對機說 師云鐵門山難過 進云學人不會乞

師再指 師云愁顏不展眉 問如何是祖師西來意 師云梁王不識 進云未審如何

師云隻履西歸 韶州雙峯山真禪師上堂僧問如何是雙峯境 師云何處不分明 進云如何是境中人

師云入門先問諱 問如何是大用現前 師云一刀兩段 學云了 師云蒼天蒼天

問佛法究竟成得什麼邊事 師云十方薄伽梵一路涅槃門 問四海晏清未審王居何位

師云寶殿苔生時人因措 問寶劍未磨時如

何 師云黑 進云磨後如何 師云四海晏清 問一切諸佛及諸佛阿耨多羅三藐三菩

提法皆從此經出未審此經從何而出 師云速禮三拜 問從上諸聖以心傳心未審何人

傳師心 師云答即易問即難 問離四句絕百非時如何 師云莫教失卻問 進云怎麼

則學人罪過 師云再犯不容 問如何是和尚非時爲人一句 師云喫棒得也未 學人

禮拜 師便打 隨州雙泉山郁禪師住舒州海會上堂僧問如何是舒州境 師云魄水逆流山露骨 進云

如何是境中人 師云地有毒蛇砂有虱 問佛未出世時如何 師云棲岳道壑 進云

出世後如何 師云誑說間間 問如何是祖師西來意 師云仙陀不剎利 學云再希三言

師云瞌睡作什麼 問達磨未來時如何 師云多少猜疑者 進云達磨來後如何

師云也尋常 問古佛家風乞師一言 師云領 學云領後如何 師云不用別人 問如

何是大道之源 師云深深無間斷 進云究竟事如何 師云剎利不從佗 師上堂云佛

法不用學寒山子欺你作麼生得不欺你去有人識得時與山僧把將出來汝若不識看看燈

天聖廣燈錄卷十九 第九 州字

籠露柱癭作寒山子與釋迦老子說法了卻從
 汝腳跟下走過汝不見卻歸西天去也有事近
 前時有僧問如何是毗盧師 師云風吹滿面
 塵 進云爲什麼卻如此 師云特地令人愁
 問如何是和尚家風 師云黃陳倉米飯
 進云忽遇客來將何祗待 師云齋後建路茶
 問諸佛出世當爲何事 師云不爲闍梨
 進云怎麼則學人無依倚也 師云路逢劍客
 須呈劍不是詩人莫獻詩 問聖諦義中還有
 俗諦也無 師云語不虛施 師上堂示衆云
 春陽發枯枿秋氣殺羣芳物理皆如此祖令若
 爲當良久云諸上座若能於此薦得不方省力若
 薦不得虛負平生有商量者近前時有僧問寶
 劍未出匣時如何 師云誰敢觀著 進云出匣
 後如何 師云萬里煙收道太平 問如何是第一句
 師云迴頭終不顧 進云如何是第二句 師云未語
 先分付 進云如何是第三句 師云連根由
 蒂苦 問不涉塵纖請師便道 師云啞得老
 僧口 進云怎麼則學人罪過 師云後犯難
 容 問遠遠投師未審師還接也無 師云下
 坡不走 進云怎麼則得遇師顏也 師云心
 不負人面無慙色 問如何是隨色摩尼珠
 師云到處呈似人 師上堂云諸佛出世已涉

天聖廣燈錄卷十九 第十 州字

繫辭達磨西來摩良爲賤一言相契埋沒宗風
 豎拂敲床那堪更用圓相鏡智亂捨焚燒洞上
 五位君臣不勞拈出臨濟入門便喝似齋後之
 鐘德山入門便捧猶是平地陷人若是單明自
 已泥猪疥狗省悟法空見解未出常流俱臆一
 指溝壑自沈五洩香嚴不能自救丹霞石鞏正
 在半途肇會不遷如何敵他生死淨名杜口猶
 涉多途六代宗師多虛少實文殊說法未稱袖
 僧迦葉傳衣遭人怪笑獨指稱尊猶不丈夫大
 藏經文殘義餽飯大瀉和尚因別是非本淨龍
 牙見處孤僻玄沙促指大徹末後羞慙一宿覺
 知特地方成憐憫馬大師即心即佛喪我兒孫
 盤山非心非佛其言極謬此二尊宿猶是度脚
 買靴看風使帆袖僧門下爭敢效顰若將意解
 度量迢迢十萬八千更乃息念觀空大似水中捉
 月語上覓會永劫沈淪寂照觀空編爲外道中
 下間說罔措是非達士同人方可明鑒也擬絨
 言不說恐邪正不分及至定奪雌黃大似能所
 分別如斯剖拊各要知之免被人謾塗糊指注
 更有參玄上士須知有向上關捩四海方袍莫
 向死水裏吐氣道人相見燂電猶遲豈況切切
 有何利益叢林後代謬說多途奔卻本師不能
 擇其法眼或呈現前三昧或誇一句之淵或呈

天聖廣燈錄卷十九 第十一 州字

衆請益或無說而言宗或不問而自說或主家
 貪明話頭學家不待結絕或勝負爭強驢年未
 徹見處不諦指月話月未證言證未得言得將
 識情而下度聖意用妄心而剖判諸方盡是傍
 生異見依草附木見處偏枯陰界分別多將記
 持憶想便當自己家風貯在肯綮將作平生眼
 目如斯之輩河沙相似說則過頭十尺行則全
 無分寸口似懸河是非長短達磨門人豈可皮
 下無血不是提綱出手都緣法爾如然饒你會
 盡千般爭奈當門按劍直下明得由是相違子
 父商量是何言也一刀兩段猶未分明師子翻
 身直須努眼坐斷十方不通凡聖若能如是方
 稱出家又立大衆伏惟珍重
 連州慈雲山深禪師初開堂纔外座便有僧問
 靈山曾授記師唱是誰詩 師云分明記取舉
 似人 問十方國土中唯有一乘法和尚如何
 舉唱 師云雪嶺好翻身 問寶鏡當軒時如
 何 師云天地皆失色 問如何是教外別傳
 一句 師云扣牙恐驚齒 問慧日騰空人皆
 仰此夕開筵事若何 師云皇風一扇宇宙廓然
 廬山化城鑒禪師上堂有僧問如何是一大事
 師云射紅出 問遠遠投師乞師指示 師云
 漢東米作麼價 問露地白牛隨處現嘶風木

馬事如何 師云何不現 學云嫌箇什麼
 師云將謂海東舶主祇是此土商人 進云若不張帆馬知海闊 師云放汝三十棒 問如何是和尚正法眼 師云新羅人迷路 師上堂示衆云十方薄伽梵一路涅槃門諸禪德且作麼是涅槃門莫是山僧者裏聚會少時便爲涅槃門麼莫是僧堂裏衣鉢下坐寂默觀空便爲涅槃門麼莫是會好諸禪德總不恁麼會莫別有商量底麼山僧者裏早是事不獲已向諸人恁麼道已是相鈍致了也更擬踏步向前有何所益諸禪德但自無事自然安樂任運天真隨緣自在莫用巡佗門戶求覓解會記憶在心被他繫縛不得自在便被生死之所拘何時得出頭可惜光陰倏忽便是來生速須努力努力時有僧問生死到來如何免得 師云柴鳴竹爆驚人耳 學人不會請師直指 師云家犬聲聲夜不休 問如何是菩提路 師云月照舊房深 問寶鏡當軒時如何 師云照破萬家門 問如何是和尚家風 師云不欲說似人 進云爲什麼卻如此 師云家醜不外揚 問如何是和尚尋常爲人底句 師云量才補職 進云恁麼則學人無分也 師云心不負人 問如何是真空 師云天河岸上星分異

問如何是學人自己 師云何得問別人
 進云問又何妨 師云爭怪山僧 問北斗截身意旨如何 師云青山無異的常伴白雲 問如何是學人行履處 師云三門前松徑裏 進云究竟又如何 師云朝看羣峯夜窺星斗 問佛法畢竟成得什麼邊事 師云好箇問頭 無人答得 進云和尚豈無方便 師云雲有出山勢水無投澗聲 問如何是向上關捩子 師云披劍攬龍門 問臨濟入門便喝德山入門便棒未審意旨如何 師云汝試舉臨濟德山看 學人便喝 師云放過一著 學人無語 師便打 問僧什麼處來 僧便喝 師云何得容易 僧擬議 師便打 問新到僧近離什麼處 進云江州 師云來時主人萬福也無 僧云道什麼 師云耳聾那 僧云是何言歎 師云近前來向汝道 僧近前 師云打底不過作家參堂去 廬山護國禪師上堂云有解問話者出來有僧便出來禮拜 師云來朝更獻楚王看 問久時不聞龍虎嘯師登法座意如何 師云月照寒潭影白雲翳石稜 問如何是和尚家風 師云到處舉似人 問如何是性中相見底事 師云過者邊來 問祖祖相傳未審傳箇什

麼 師云說得麼 學云和尚從何而得
 師云速禮三拜 問有問有答捏目生華不問不答時如何 師云普天匝地 進云畢竟事如何 師云兩重公案 問萬法歸一未審一歸何所 師云陽氣發來無硬地春晴鷺谷正芬芳 師上堂云實際理地不受一塵佛事門中不捨一法又云一法若有毗盧墮在凡夫萬法若無普賢失其境界諸上座作麼生理論朝夕恁麼上來向諸上座說箇什麼則得若說三乘十二分教自有座主律師若說世諦因緣又非僧家之所議若論佛法從上祖宗多少佛法可與評量總不如是須知各各當人分上事作麼生是諸上座分上事知有者對衆吐露一箇消息以表平生行腳善知識具燦迦羅目不被人謾豈不使哉還有麼良久云若無人出頭買賣不當價徒勞更商量伏惟珍重 師上堂有僧問如來爲一大事因緣故出現於世和尚出世以何法指示於人 師云太陽門下威音的 進云恁麼則和尚不虛出世也 師云當宵不握節語氣不慚惶 問如何是世尊不說說 師云言中須辨響 問如何是和尚尋常說法底口 師云舌拄上齶 進云恁麼則不從人得也 師云即今事又作麼生 學人無

天聖廣燈錄第十八 第十五張

報汝通玄士棒喝要臨時若明親的首半夜太陽輝

因僧請益臨濟兩堂首座齊下喝頌

啐啄之機箭拄鋒瞥然真主當時分宗師懸物垂緇素北地黃河徹底潭

因人請益慧超佛話有頌

僧問如何是佛師云汝是慧超禮拜進前叉手思量十萬迢迢

因僧請益雲雨超佛越祖之談

超佛越祖若何宜充齋餽餅恣情餐湖南展鉢新羅咬大石波斯索渡船

因僧請益乃迷三訣頌

第一訣大地山河泄維摩纒默然文殊便饒舌
第二訣展拓看時節語默豈相干夜半秋天月
第三訣遠路難登涉陸地弄舟船眼中藏日月

三句頌

第一句天上作方皆罔措俱輪顛倒論多端魏魏未到尼俱樹

第二句臨濟德山涉路布未過新羅棒便揮達者途中亂指注

第三句維摩示疾文殊去對談一默震乾坤直至如今作笑具

因僧請益五位有頌

正中偏半夜烏雞室裏鳴海底然燈光世界石上栽華長枝靈

偏中正日落西山觀異影分明景像顯宗乘休

把迷頭窺月井

正中來木馬生兒徧九坡進退任行通鳥道豈

並巢居界內隈

兼中至彼彼丈夫全意氣矛頭交互不傷鋒展

拓縱橫不相離

兼中到黑白已前休作造須明露柱未生兒莫

認狂辭途路走

都一頌

偏中歸正極幽玄正去偏來理事全須知正位

非言說朕兆依佛屬有緣兼至去來興妙用到

兼何更逐言詮出沒豈能該世界蕩蕩無依鳥

道玄

因僧請益風穴佛話

杖林山下竹節鞭南北禪人萬萬千莫怪相逢不下馬東西各自有前程

寄李駙馬

分身千百億悲智願難窮在俗還隨俗居宮即順宮頭頭皆巨護處處現神通珍重吾宗幸多能立古風

又

天聖廣燈錄第十八 第十五張

仰觀天畔一輪日幾度清光西上出大士蓬頭問志公摩訶般若波羅蜜

注杜順和尚頌

覆州牛喫禾

河沙世界

益州馬腹脹

蟻銜旆走

天下召醫人

騎頭馬角

灸猪左膊上

黃虎成程

牧童

牧牛童實快活蹄足披蓑雙角撮橫眠牛上向天歌人問如何牛未渴回面觀平田闊四方放去休攔過八面無拘任意游要收秣向鼻頭捏小牛兒順毛捋角力未充難提撥且從放在小平坡慮上孤峯四脚脫日已高休喫草拈起索頭無老小一齊牽向園中眠和泥看伊東西倒笑呵呵好不好又將橫笛順風吹震動五湖山岳鳥倒騎牛脫破襖知音休向途中討若問牧童何處居鞭指東西無一寶

冬不人事

東山林木高幾歲幾週雨南嶺松枝瘦石生石碎土金色見瞿曇二三八五

因僧請益古人十二時詩乃頌之

雞鳴丑夢裏逢人莽莽肉 平旦寅覺來路上弄精鬼
日出卯赫赫光明影裏坐 食時辰食飽還知是病囚
禺中巳買賣論量入市肆 日南午萬像分明作笑具
日昃未張公喫酒李公醉 晡時申省來端坐醉醺醺

天聖廣燈錄第十九

第十八

州

進云爲甚或進或退 師云眼不見鼻 問諸
法實相義和尚如何說 師云口挂東壁上

天聖廣燈錄卷第十九

天聖廣燈錄卷第二十

〔宋勣〕

岳州永福院朗禪師上堂云妙用無差人心各異諸法同體情見有殊欲得親切但離妄念一毫盡除衆累自圓何須晝夜妄求諸趣如今向諸禪德道直下無事早相埋沒何況多途卻成增疾若是衲僧門下如何湊泊還有會者麼出來對衆說看時有僧出禮拜師云山僧失利問師唱宗風事演法嗣何人師云靈山親受記迦葉最為初進云恁麼則雲門親嫡子雪嶺正玄孫師云饒僞強記得朱必便為親學云爭奈大衆何師云祇見錐頭利那知鑿頭方問如何是新開境師云洞庭湖里看金鷄進云如何是境中人師云岳陽城畔雙把手問一佛出世時如何師云合掌念觀音進云出世後如何師云頂上挂數珠問如何是祖師西來意師云瀟湘岸上雪蹄蹤問佛魔不到處如何辨來機師云望月摘乾宿失腳到楊州問牛頭未見四祖時如何師云頭戴朝天帽身披四禮衣進云見後如何師云手把虬龍杖點出異人機問三乘十二分教即不問如何是和尚一句師以拄杖面前劃一劃學人擬議師云還

我一句來師問僧什麼處來僧云南嶽來師云還見五百羅漢麼僧云用見作什麼師云石橋成兩段汝又作麼生僧無語師云參衆去問僧什麼處來僧云德山來師云德山老人道什麼僧云和尚道什麼師云汝且道洞庭水深多少僧無語師便打又云汝還知落處也無僧云不知師云一不成兩不是參衆去師問僧汝是什麼處人事僧云荆南人師云過公安渡也無僧云過公安渡師云汝何不判公驗僧云和尚何得特地師云爭奈岳陽關頭何僧無語師便打問僧近離什麼處僧云德山師云將得什麼來僧近前不審師云踏破草鞋參堂去

鄧州芭蕉山弘義禪師上堂有僧問如何是佛師云山青水綠問如何是色心不二師云來言深辨問如何是最初一句師云舉起分明進云如何領會師云蘇嚕噠哩問學人非時上來請師一接師云汝是什麼處人學云河北人師云不易過黃河鄧州趙橫山禪師上堂有僧問先師道日裏看山意旨如何師云老僧今日困問十二時中如何用心師云長連床上喫粥喫飯問古人說不到處請師道師云道什麼僧又再問師云賺殺人問如何是諸佛師師云平地看高原

鄧州纂子山庵主師見僧問什麼處來僧云復州來師云還逢見達磨麼僧云達磨即不見卻見個庵主師云爾向他道什麼僧云今年好春雨師云爾為什麼腦後出僧云恰是師云更踈跳問如何是透法身句師云朝看東南暮看西北問如何是和尚接人一句師云下坡不走僧云莫便是接人句也無師云後度難逢

信州西禪欽禪師上堂有僧問如何是透法身句師云青山不挂劍問法雨普霑於此日向宗風又若何師云太陽看古碑問古殿興時如何師云一回春到一回新問如何是函蓋乾坤句師云天上有星皆拱北問如何是截斷衆流句師云大地坦然平問如何是隨波逐浪句師云春生夏長

廬州東天王廣慈禪師有僧問向上宗乘請師舉唱師云止止不須說進云學人未曉乞師再指師云雲有出山勢水無投澗聲問如何是祖師西來意師云普天匝地

問如何是迦葉心燈師云月似羅中鏡問如何是迦葉手傳衣師云黃河三千年一度清廬州南天王海禪師有僧問如何是吹毛劍師云瓦解冰消進云用者如何師云拽問如何是一體真如師云五郎手裏鐵彈子問如何是西來意師云驚天動地問十度發言九度休時如何師云口邊生荆棘進云如何免得此過師云半路好抽身廬州北天王微禪師僧問如何是佛法大意師云特地使人愁進云為什麼卻如此師便打問如何是東西密相付師云古今人罔措問文殊與維摩對談何事師云聽學云未曉如何得親切去師云響問如何是一大藏教師云高座不曾登進云登後如何師云三段不同筠州黃檗山禪師僧問如何是和尚家風師云與天下人作榜樣問如何是佛師云眉麤眼大問如何是本來身師云卧棘不由人問如何是第一句師云打破大散關赤脚倒迴步桂州覺華普照禪師上堂示眾云一言截斷剖盡乾坤百千妙門同時會合諸禪德

不用思而知不用慮而解更擬踏步向前轉沒交涉然雖如是風不來樹不動如今眾中還有久參作者對眾商量看時有僧問如來以一音演說法未審和尚何法示人師云白雲無定止出沒太虛中進云恁麼則善法堂前師子吼也師云退後妨他別人問問數日不聞師子吼奮迅聲雄事若何師云幽洞龍吟天地靜巖前虎嘯瑞雲生問尋常之機人已曉向上言鋒意如何師云直下看學云是什麼師便打師乃云問答有什麼了期若以唇吻聲色以為自己有什麼交涉設使百千問難祇益自勞若是衲僧門下一言相契萬別千差徒爾自為從上來事合作麼生若向者裏薦得早是二頭三首更擬多途去道轉遠如今清平世界王法稍嚴久立珍重師上堂云金烏啼未歇玉兔再揭眉若是仙陀客休勞更泄機久立珍重僧問殺父殺母佛前懺悔殺佛殺祖向什麼處懺悔師云曙色未分人盡望及乎天曉也尋常問承古有言今古應無墜分明在目前未審是什麼物師云景色浩然千點異江聲還與四時同問大千世界為什麼轉身不得師云

誰礙閑梨進云爭奈轉不得何師云無用處問聲色二字如何透得師云虛空無變易日月自分拏問如何是真如涅槃師云秋風聲颯颯潤水響潺潺問盡大地人不得請師道師云啞卻天下人口進云恁麼則謝師慈悲師云山僧罪過問一念未生如何分者邊那邊師云滿眼皆岐路終身無往來師上堂云總似今日老胡有望然燈佛不如閑梨又云若似今日老胡絕望閑梨不如然燈佛於此明得大地微塵諸佛西天二十八祖唐土六祖天下老宿一時拈來山僧拄杖頭上轉妙法輪汝若於此明不得百千諸佛穿鼻孔西天二十八祖透過你觸髅還知麼若不知上僧與汝指出良久云山河大地有什麼過久立珍重僧問久居韶石何以灘水芬芳師云一輪千家月無處不光輝僧禮拜師便拈問少林面壁坐誰是立雪人師云鋒前一句超調御更嫌何處不尖新問承教有言香風吹萎華更雨新好者時如何師云向閻梨道得麼進云恁麼則謝師指示師云山僧罪過問如何是佛法大意師云松高人悞小路遠馬嫌遙師問僧杖錫雲騰

朝離何處僧云近離東院師云來時還見古釋迦也無僧云不會師云且坐喫茶師問新到入門便有師子吼一句當鋒作麼生僧云金剛壁上畫師云由是當地土儀僧云和尚何不領話師云射虎不逢人鈍致千鈞弩參堂去

益州鐵幢覺禪師上堂云正法無言何勞名貌若論即心即佛大似不知時更道非心非佛恰是斬頭覓活諸上座攜囊挈鉢南北雲游意在於何莫見他諸方老宿向曲木上坐開兩片皮阿鞞鞞地汝便道是禪是道是真如解脫莫錯會好山僧如今事不獲已向汝恁麼道早是相埋沒然雖如是須是個人始得祇如今有什麼事出來商量看時有僧問從上古德以心傳心和尚得法在於何人師云一音纜剖無邊際果日騰輝天地間進云恁麼則今日親承師顏去也師云華向三春秀鳥啼四季聲問道絕有無之說法無去住之談先祖家風如何舉唱師云一輪印出寒潭影萬象齊分祖道輝問如何是和尚出身處師云天堂不厭地獄寧疲問十二時日如何履踐師云光剃頭淨洗鉢近云恁麼則謝

師指示師云祇見錐頭利

師上堂云真不掩偽曲不藏直又道祖師遺下一隻履直至如今鬧啾啾諸上座且作麼生會有人會得者個時節不妨省力不被人謾隨緣過日任性度時不用苦苦勞心強生頭角十二時中著衣喫飯自無罣礙若得如是可謂格外道人諸上座盡是恁麼人格外一句作麼生道有道得底出來道看與你證據若無人道得天色稍寒霜風削骨伏惟珍重僧問凝然湛寂時如何師云骨崙入水窮深底海外保誇掌上珠進云恁麼則省力也師云早晚不知何處著來朝更獻楚王看問和尚是大善知識為什麼無目師云瞎問將此深心奉塵刹是即名為報佛恩如何是奉塵刹底心師云舉得甚分明進云恁麼則此恩難報也師云山僧罪過問如何是佛師云天上天下進云莫便是也無師云莫錯認定盤星問如何是祖師西來意師云夜聞犬吠進云未審意旨如何師云曉不知音問如何是道師云躡著進云如何是道中人師云退後三步問如何是北斗裏藏身師云沙囊裏堰水問牛頭橫說豎說未知有

向上關捩子如何是向上關捩子師云裂卻彌鼻孔穿過彌

彌學云過在什麼處師云教休不肯休問蓮華未出水時如何師云深隱未萌連根蒂進云出水後如何師云連夜不用曉風吹問臨濟入門便喝德山入門便棒未審意旨如何師云我者裏不著閑人進云學人不會乞師方便師便打問諸佛出世當為何事師云截耳卧街

新州延長山禪師後住龍景山真身見在上堂云一塵纜

舉洞攝大千萬派齊歸衆流截斷文殊措之失利普賢因而何依古聖直須結舌無言維摩謬為杜默若是祖師門下誰敢言論擬議千差徒勞佇思離此之外合作麼生若見得去許汝一隻眼若不見隨坑落塹久立珍重僧問如何是和尚家風師云醜拙不可當進云客來如何祇待師云瓦椀竹筴問如何是延長水師云腥臊臭穢進云飲者如何師云蘇嚕蘇嚕問從上古聖向什麼處去師云不在山間即居樹下進云未審畢竟成得個什麼師云汝還知落處麼僧無語師便打問如何是向上一路師以拄杖當面劃僧禮拜師便打師問

僧什麼處來僧云羅浮來師云山中事作麼生僧云對和尚面前爭敢容易師云且坐喫茶問僧什麼處來僧云曹谿來師云曹谿一句作麼生道僧云兩重公案師云爾為什麼在我手裡僧無語師便打眉州福化充禪師有僧問從上古聖以心傳心未審和尚如何師云千年松竹翠一徑引清風問如何是大人相師云山僧者裏不曾容易對開梨進云如何得相承去師云白雲雖有影綠竹且無陰問如何是佛師云大有問了進云莫便是也無師云汝見個什麼道理僧擬議師云祇有照壁月更無吹葉風問天皇也恁麼道龍潭也恁麼道未審和尚作麼生道師云汝試道看僧云比來請益和尚豈無方便師云將謂是海東舶主元來是此地番人問天上天下獨指稱尊未委是何人師云非汝境界問如何是祖師西來意師云少林九年坐多少亂猜疑進云四海參尋當求何事師云五度遭他藥終不泄天機問如何是和尚非時為人一句師云不為人進云為什麼不為人師云教汝墮深坑

寶位時如何師云四海晏清進云恁麼則王道坦然也師三禮拜著問北斗藏身意旨如何師云千鈞之弩門如何是佛法大意師云十字路頭華表柱學人不會乞師再指師云君自行東我過西問祖意與教意是同是別師云拾得寒山子相招上石橋問諸佛未出世時如何師云畢鉢巖前曾宴處一千年後不知音進云出世後如何師云白日無藏住青山任度時問三乘十二分教即不問直截一句請師道師云西天東土由可易新羅渤海是為難問一句了然時如何師云到處問人看問如何是眉陽境師云地接蜀江流山連勝峰翠問如何是和尚家風師云客是主人相師進云忽過客來時如何師云且坐喫茶問雲門的旨請師舉唱師云大眾證明進云恁麼則領此一言也師云鈍置殺人

如何師云汝試進前看僧便喝師便打師問僧近離什麼處僧云香林師云在香林多少時僧云六年師云世尊在雪山上六年證無上菩提汝在香林六年成得個什麼僧無語師云祇是個移廚喫飯參堂去三僧新到師問三人同行必有我師阿那個是汝師一僧云今日得禮拜和尚師云第二個道第二僧無語師云第三底道僧亦無語師云將頭不猛帶類三軍參眾去師問僧步步躡雲騰朝離何處巢僧云近離峨嵋師云還見普賢麼僧云和尚慣得其便師云捧上不成龍僧云更跣跳師便打

蘄州北禪悟同禪師上堂拈起拄杖云過去未來現在三世諸佛微塵菩薩一時在拄杖頭上轉大法輪畫向爾諸人鼻孔過還見麼若見與我拈將出來看若不見大似立地死人良久云風恬浪靜不如歸堂珍重僧問如何是北禪境師云白雲峰前令進云如何是境中人師云迦葉臺上勅問如何是和尚家風師云時挑野菜和根煮旋斫青柴帶葉燒進云忽遇上上之賓又如何祇待師云家蔬三五釘山茗一兩

甌問如何是和尚深深處師云淨掃眼前地相伴白雲閑問如何是佛師云對面如千里師問僧什麼處來僧云黃州來師云夏在什麼處僧云資福師云福將何資僧云兩重公案師云爭奈在北禪手裏僧云在手裏即收取師便打師問僧離什麼處僧云江南師云還見歸宗和尚麼僧云草賊自敗師云汝為什麼抱賊叫屈僧云恰是師便打

衡州大聖院守賢禪師上堂僧問靈山一會迦葉親聞未審和尚一會什麼人得聞師云剎利不從師贖人徒側耳學云和尚慈悲何在師云放汝一頓學人掩耳出去師云雖得一場贏未免拄杖走問如何是佛道場師云五通廟裏勿香爐問如何是佛法大意師云南斗七北斗八問如何是祖師西來意師云鑽龜打瓦問如何是衲衣下事師云千山萬水問齧鏃當鋒時如何師云穿過骨嶺背吡呀萬仞頭

舒州天柱山禪師上堂云莫有作家戰將麼試出來與山僧相見時有僧出來禮拜師云山僧打退鼓僧云和尚是什麼心行師云敗將不戰問北斗藏身意旨如何師

云閉梨豈不是荆南府人僧云是師云祇見波瀾起不測洞庭深問如何是函蓋乾坤句師云祇聞風擊響知是幾千竿問如何是截斷衆流句師云昨夜寒風起今朝刮地霜問如何是隨波逐浪句師云春煦陽和華織地滿林初轉野鶯聲問牛頭未見四祖時如何師云路僻人稀到山深客少行進云見後如何師云滿徑松風秋颯颯盡堂明月夜依依問蓮華未出水時如何師云根深連蒂經殘雨進云出水後如何師云水仙頭捧寶希奇問寶劍未出匣時如何師云如今昭代無人問進云出匣後如何師云萬里山河道太平問如何是佛向上人師云寒山不知何處去拾得至今笑不休問如何是大人相師云相識滿天下知心有幾人

韶州龍光禪師上堂僧問從上古人拈槌豎拂盡是捏目生華學人上來離卻是非請師別道師云罕遇作家進云祇恁麼還當得也無師豎拂子學云何異前非師便打問佛病祖病如何醫師云世醫拱手問師子窟中無異獸當軒哮吼事如何師云汝試哮吼看學人禮拜師云疑殺人問如

何是祖師西來意師云路逢穿耳客問如何是佛法大意師云山高月上遲問如何是龍光境師云白雲長覆青松頂進云如何是境中人師云名利客來難過日水雲僧到易經年問如何是教意師云卷不釋手進云久久成得個什麼邊事師云信受奉行

觀州水精院宮禪師上堂僧問師今登寶座未審嗣何人師云威音不話的翹足護勞形進云恁麼則韶陽嬖嗣也師云移船諳水勢舉棹別波瀾問不壞假名而談實相時如何師云青山不動足日月任分拏問如何是佛師云和泥合水進云畢竟如何師云拈把生雷問美味醍醐為什麼變成毒藥師云道江紙貴問見色便見心時如何師云南來底什麼處去進云心境俱亡時如何師云坐地開眼睡問不犯目前事來機何辨的師云白雲生太華日月遶須彌問如何是和尚日用事師云勝業門擊鼓進云未曉之從如何湊泊師云朝打三千暮打八百問學人未登寶山如何辨別師云骨嶺水底牽大象

潁州羅漢匡果禪師上堂云盡令提綱十

方坐斷千差同轍萬里風清此猶是化門
之說作麼生是衲僧門下事若是作者不
顧危亡便請單刀相見對眾證據時有僧
問沙場獨戰時如何師云秦王不作家進
云恁麼則今日得遇奇人師云受際城外
鬪髑深問如何是吹毛劍師便棒問和尚
百年後有人問和尚向什麼處去如何酬
對師云分明舉進云誰是知音者師云知
音即不問問鑿壁偷光時如何師云錯學
云爭奈苦志專心師云錯問學人上來請
師一接師云汝是什麼處人進云恁麼則
得遇於師也師云賺殺一船人

隋州智門山法親上座師到智門山三十
餘年每有學者請益不倦提撕時有僧問
如何是佛師云襦衫新翦無衣襪進云未
審意旨如何師云手把湘南竹逢春點遠
峰問古鏡未磨時如何師云暗進云磨後
如何師云照破鬪髑寒問如何是三乘教
外別傳一句師云石人齊拍手玉女夜挑
燈問如何是和尚出身處師云寒巖無宿
客常與白雲閑有僧入室請益宗風事師
有頌示之
從上綱宗事最奇 卷舒生殺切須知

臨機便有威雄勢 賓主相呈縱奪時
不若食龍金翅鳥 當鋒一撮更難支
現成公案睦州斷 四門有路趙州機
仰山插鋸猶因地 雲門關捩幾人知
鏡清失利多風措 高亭送客看臨岐
本分家風依時節 夾山典座得便宜
唯有龍潭吹滅燭 德山諦實更無疑
不是等閑虛妄說 呵佛罵祖天下知
自古綱宗難隱跡 如今著眼直須窺
祇道尋常記得徹 洎乎把住眼如睡
敵磕便須大哮吼 莫作狴犴狐兔兒
斯吒落水休吐氣 密喋智深誰瞻伊
提綱盡有同風事 好看雲門顧鑿嘆
韶州雲門山朗上座師自幼歲常遊
講肆時雲門禪師出世僧問如何是透法
身句雲云北斗裏藏身師聞斯語罔測微
旨遂造之雲門一見把住云道道師擬議
雲門拓開乃有頌
雲門聲揚白雲低 水急游魚不敢棲
入戶已知來見解 何勞再舉纏中泥
師因斯大悟自此依棲雲門為上座廣主
三召不赴師一日偶述葛藤歌一首
阿呵呵是什麼 聽向精靈窟裡坐

朕兆生兮與未生 蒿口擱弓無罪過
如今口使誰人擱 縱使擱弓復何責
除是知音同道流 未言已過新羅國
乾坤大地本來虛 靡用觀空作意除
作意除兮終不了 還似霜鈞釣火魚
恨余數載勤勞苦 為剖玄中一玄語
明明玄自不玄玄 更尚玄中求玄悟
無法迷人及悟人 忽於平地致難辛
丈夫須稟天生格 蹋破虛空莫問津
單刀秀句狂施設 剜肉成瘡向誰說
直鏡講得石點頭 終歸不離水中月
更言者個是如來 誰他自誑苦哀哉
若也不信萬藤語 一任青天掣電雷
余家一任青天笑 碧落浮雲徒浩浩
解說刀兮口不傷 今古豈無言語道
閑來把筆動毫銚 不欲顧然佇寂鄉
無事強生多種解 爭如無事且尋常
且尋常 猶被虛直笑一場
可憐好個完全子 喚作完全早厭良
默不是語乘張 到此分明總是狂
為報諸方叢侶道 最好波斯入大唐
有僧問如何是佛師云鐵牛頭上角學人
不曉意旨如何師云石人腰下帶問如何

是西來祖師大道師云七顛八倒問如何
是菩提師云腳不履泥問如何是解脫師
云穿靴水上行問如何是透脫一路師云
南瞻部州北鬱單越學人不會意旨如何
師云朝游羅浮暮歸檀特問諸佛未出世
還有衆生可度也無師云騎牛登雪刃不
見後園華進云諸佛出世後還無衆生可
度也無師云三更不入市未委弔塵人問
師得個什麼便祇棲雲門山師云任爾浮
雲綻皓月何會虧問如何是三乘教外別
傳一句師云浩然無間斷何不自新鮮

天聖廣燈錄卷第二十



天聖廣燈錄卷第二十一
吉州清源山行思禪師第八世

鼎州德山圓明密禪師法嗣一十四人見錄

南嶽山南臺寺勲禪師 鼎州文殊山應真禪師

鼎州德山柔禪師 鼎州德山紹晏禪師

鼎州文殊山寬禪師 鼎州普安山道禪師

巴陵乾明普禪師 郴州乾明白興禪師

渝州進雲山禪師 岳州乾明普禪師

興元府中梁山崇禪師 鄂州黃龍志願禪師

峨嵋山黑水寺承琳禪師 益州東禪秀禪師

隋州龍居山明教寬禪師法嗣一十三人見錄

蘄州五祖山師戒禪師 蘄州四祖山志謹禪師

蘄州廣教懷志禪師 襄州興化奉能禪師

唐州天睦山慧滿禪師 鄂州建福智同禪師

江陵府福昌重善禪師 舒州龍門山仁永禪師

襄州延慶本禪師 唐州福安山惠珣禪師

鼎州大龍山炳賢禪師 隋州雙泉山瓊禪師

自巖上座

南嶽山南臺勲禪師初開堂日僧問法廷龍象衆

當觀第一義如何是第一義 師云而地香煙秀

雲開日色新問師唱誰家曲宗風嗣阿誰 師云日

下飛雲雨桃川涿水香 問慈雲已布千華秀今日

宣揚事若何 師云四海波濤靜八輪天地明問今日

會未審為何人 師云真珠箱裏感官詰月桂抽條

萬代枝 問如何是南臺境 師云掌中觀世界日

月滿懷流 進云如何是境中人 師云走殺多少

人 問如何是禪 師云石人拋玉彈跣足履

春冰 問如何是祖師西來的的意 師云一

寸龜毛重九斤 師上堂僧問法廷再啓大衆

雲臻祖意西來乞師舉唱 師云天上泥牛吼

空中木馬嘶 問如何是南臺家風 師云烟

黃黃薑菜長燒般若柴 問如何是衡山境

師云四時華爛漫寒松貫嶽心 進云如何是

境中人 師云執政每依天子令牛刀舉處六

鄉寧 師上堂云南嶽山裏寒不似別處寒寒

即樹結銀條草鋪碎玉江河凍定四海成冰虛

空結合鳥道不通雪布長郊魚龍鎖戶當恁麼

時命若懸絲作麼生道若道得即紅日連天若

道不得即冥冥長夜又云紅日團圓白月彎曲

去天遠去地近久立珍重

鼎州文殊應真禪師上堂云直鉤釣躍龍曲鈞

釣蝦蟇蚯蚓還有龍麼良久云勞而無功久立珍重

僧問圓明三句師親唱截斷衆流事若何 師云入

水見長人 問寶劍未出匣時如何 師云在什麼處

進云出匣後如何 師云臂長衫袖短 問師唱誰家曲

宗風嗣阿誰 師云你祇欲得我答話 師上堂云古人

天聖廣燈錄卷第二十一

第四張

馬字

馬字

道盡大地未曾有人舉揚我道盡大地人舉揚又作麼生不可一向誰是舉揚者試道看珍重

白雲亭

鼎州文殊寬禪師上堂云直教你聞一句一時決了已是不著便遭佗點污合作麼生 僧問牛頭未見四祖時如何 師云牛頭 進云見後如何 師云妄想至今 問如何是文殊為人底句 師云粗識好惡 問古人捲席意旨如何 師云你自不知時 問如何是雲門透法身句 師云惜取眉毛 進云爲什麼如此 師云非汝境界

鼎州普安道禪師自住後不收語錄但存偈頌

函蓋乾坤句

截斷衆流句

隨波逐浪句

三句外別頌

寢貶句

親疎句

辨邪正句

黑豆未生前商量已成頭若尋言句會特地隔西天

辨邪正句

天聖廣燈錄卷第二十一

第五張

馬字

罔象談真目都緣未辨明守佗山鬼窟不免是精靈

通真主句

自遠趨風問分明向道休再三如未曉消得更搖頭

擡薦商量

相見不揚眉君東我亦西紅霞穿碧海日照須彌

提綱商量

若欲正提綱直須大地荒欲來衝雪刃不免碎鋒鏖

據實話會

睡來合眼飯來餐起坐終諸無兩般同道盡知言不惑十方刹土目前看

迂曲商量

得用由來處處通應機施設認家風揚眉瞬目

開一眼豎拂敵林爲耳聽耳

巴陵乾明院普禪師僧問世尊不說說迦葉不聞聞如何是親聞底事 師云不聞 進云爲什麼如此 師云說話與聾人 問萬行齊修古人不許不落功勳還許也無 師云一

學人未曉乞師再指 師云三十年後 問如何是嶽州境 師云氣蒸雲夢澤波撼嶽陽城

進云如何是境中人 師云知州新掌事僧行宜低舉

郴州乾明興禪師上堂云充滿十方界誰是當頭者若不如是能得幾箇長安路上有甚限數

師云夜靜不聞山獸語朝聽漁父太平詞 鼎州德山紹晏禪師上堂云一塵纔舉大地全收一毛頭上師子全身且道一塵纔舉大地全收須彌山重多少一毛頭上師子全身海水有幾滴有人道得與你拄杖天下橫行若道不得須彌山蓋卻汝頭大海水溺卻汝身久立珍重 僧問宗乘今日師親舉未審演法爲何人 師云去去西天路迢迢十萬餘 問如何是德山家風 師云千年松樹子 進云忽遇上上之賓如何祇待 師云上座即今是上上是下下 問如何是祖師西來意 師云桃源水遶

便下堂 僧問師子返躡時如何 師云不待
 冰消直須瓦解 問一物不持如何得親切
 師云徧天徧地 問路逢猛虎時如何 師云
 心驚膽裂 問如何是佛法大意 師云林木
 最幽奇
 渝州進雲山禪師僧問摩騰入漢已涉繁詞達
 磨西來請師直指 師云南天竺國人多慧東
 震支那事少同 問十二時中如何得不昧於
 師宗 師云身如大地心似長空 問如何是
 佛 師云巍巍長丈六紫磨黃金相 問如何
 是透法身句 師云水出進雲脚 問如何是
 臨機下口難 師云開不得 進云如何進向
 師云近不得
 岳州乾明禪院普禪師僧問鼓聲繞罷大眾重
 臻師登寶座合談何事 師云聽 進云怎麼
 即人天有仰大眾側聆 師云黃河水又清
 問三乘教外別傳底事請師舉唱 師云一二
 三四五 進云便怎麼領會時如何 師云通
 霄徹底明 問雖披入眾衣未曉出塵事如何
 是出塵事 師云三拜不虛施 進云怎麼即
 起動和尚 師云放你一頓 學人禮拜
 師云恕與後犯 問如何是祖師西來意
 師云鳥道迷來跡

興元府中梁山崇禪師上堂云巍巍堂堂衝天
 塞地你作麼生折伏良久云王法無親理能縛
 豹 問絲毫不得要且不通時如何 師云恰
 捉著 問執即失一時放下時如何 師云爭
 奈太陽門下雪有蹄蹤 問垂絲千尺意在深
 潭時如何 師云紅鱗掌上躍 問如何是大
 善知識 師云翻著欄衫倒裹帽 問祖師無
 心皆合道爲什麼卻言以心傳心 師云心
 問久親師丈室如何得了時 師云展手不違
 人是非難隱節 問解脫有何所據便打文殊
 師云更與一頓 學云有過邪 師云罪不重
 科 問蓮華未出水時如何 師云時未至
 進云出水後如何 師云聞國人盡知 問久
 負勿弦琴請師彈一曲 師云不是鍾子期焉
 能辨此音 進云忽遇知音者又如何 師云
 是官商是角徵 學云今日小敗 師云放你
 二十棒
 鄂州黃龍愿禪師僧問祖師心印傳嗣何人
 師云龍門無宿客鳥道勿玄人 問迦葉上行
 衣何人合得披 師云一片燒痕地春入又逢
 青 問情盡思絕表裏雙融猶是佛邊事如
 何是向上事 師云朝遊西天暮歸東土
 問如何是佛 師云少年亦曾問 問如何是

祖師西來意 師云山水甚分明 問如何是
 學人著力處 師云當時妄想至今猶然
 峨嵋山黑水寺承璟禪師上堂示眾云法洞太
 虛能該萬象心包滄海寧測淺深是以理出有
 無旨超隱顯不落斷常之見妙逾生滅之端可
 爲明鑑當臺顯物象而色塵非染皎月輝世照
 清濁而淨穢何閑莫不喧寂無妨褒毀弗礙雖
 言筌非及語默猶彰於是順物應機隨緣唱道
 時有僧問昔日梵王請佛當爲有情今日朝賢
 請師爲同爲別 師云法雷一震三千界萬國
 千邦咸總聞 進云今日一會不異靈山也
 師云大衆儼然更無別理 問如何是祖師西
 來意 師云廓然坦蕩周沙界濁霧潛融佛日
 輝 進云如何作用 師云大地藏不得今日
 出身來 問如何是無縫塔 師云祥生禪苑
 千峯翠瑞繞嘉川萬壑新 進云如何是塔中
 人 師云速禮三拜 師云如來以正法眼藏
 付大迦葉尔後法法相傳心心相印至於今日
 三昧鱗次不絕應用未少相違自是背覺合塵
 蓋纏心地若能言下相應盡然洞明心境更欲
 多演恐墜宗風久立眾賢伏惟珍重 有居士
 問西天二十八祖唐來六箇老人未委和尚是
 第幾人 師舉起拂子云識麼 居士又再問

大聖廣燈錄第二十一

第九

西

阿育王造八萬四千寶塔佛向阿那塔中受供養 師云速禮拜 師又云祇如世尊勅羅睺羅擊鐘世尊問阿難汝還聞鐘聲否阿難云聞鐘聲絕後世尊又問阿難汝聞鐘聲否阿難云不聞世尊呵阿難聲生聲滅自是聲塵汝本聞之性豈逐生滅當時阿難悟解本聞之性適來舉拂與鼓聲大衆各具見聞還欠少否既欠少何勞久立伏惟珍重

益州東禪秀禪師僧問古鏡未磨時如何

師云磨 進云磨後如何 師云誰敢觀者

問如何是祖師西來意 師云三十年前塵埃裏 問如何是三乘十二分教 師云老來無力到西天 問既是善神爲什麼卻被雷打

師云世亂奴欺主年衰鬼弄人 問祖意教意是同是別 師云清風明月 問如何是一代時教 師云多年故紙 問十方薄伽梵一路

涅槃門如何是涅槃門 師云天下已歸漢 師行脚時白北楚和尚問近離什麼處 師云

興陽 楚云迤邐亦 師云和尚試道看 楚云噯 師打一坐具 楚擬議 師又打便

參堂

新州五祖戒禪師初開堂示衆云大迦葉擊金錘於須彌頂上普震大千阿難集總持於畢鉢

大聖廣燈錄第二十一

第十

西

巖前曲垂奧旨今則大教東流法傳西祖觀機應響接物隨緣有解設問者一任施呈時有僧出禮拜 師云切忌龍門點破額 僧擬議 師云特地迢迢十萬餘 問法會光揚於此日 師今演法嗣何人 師云迦葉臺上仙華秀澗水河邊瑞氣生 進云恁麼即獨松迴秀澗水重清 師云依稀越國騷揚揚州 問如何是祖師西來意 師云南斗七北斗八 進云恁麼即大衆證明 師云七棒對十三 師云千聖垂慈施方便而普應羣機萬法一源顯多門而利物窮斯秘旨難遇作者之鋒若也舉唱宗乘千聖也須失利維摩詰呵呵大笑普賢措之何義吾門一道真筌歌偈臨機敲起莫學聽響之流古者從來有例駐斯旨息前詮吾門有幸

真察先賢須菩提避跡巖中天兩寶華但某韶事荒虛智非天產賴諸聖之慈光續千燈而不斷久立珍重 師上堂良久有僧問如何是和

尚爲人處 師云四濤江波靜一輪天地明 進云莫便是和尚爲人處也無 師云寒山撫

掌誰人會捨得忻忻特地迷 問寶劍未出匣時如何 師云看 進云出匣後如何 師云

收 問如何是和尚家風 師云韶陽一點異清虛盡智門 進云莫便是和尚家風也無

大聖廣燈錄第二十一

第十一

西

師云金州路上兩兩三三 問如何是佛 師云鼻孔長三尺 進云不會 師云真不掩偽曲不藏直 問如何是古佛心 師云少人買 學云買後如何 師云學語之流 問如何是道 師云點 進云點後如何 師云荆三汴四 師上堂云智門今日開卻布袋有買賣出來對衆商量若無還我布袋錢來便下座 僧問如何是隨色摩尼珠 師云隨學云隨後如何 師云一箇婆婆兩箇癡

問如何是智門境 師云迦葉臺上雲白雲亭下水 進云如何是境中人 師云塞北穿耳

客南地念經僧 問蓮華未出水時如何 師云野老謳歌 進云出水後如何 師云謳

歌野老 問得船便度時如何 師云擢在誰人手 僧擬議 師云雲有出山勢水無投澗

聲 問如何是迦葉不聞聞 師云文殊有勅 進云如何是世尊不說說 師云維摩令行

師上堂云佛病祖病一時與諸禪德拈向三門外諸德還拈得山僧病也無若拈得山僧病不

妨見得佛病祖病珍重 僧問稀逢難遇請師指示 師云量天大監 問佛未出世時如何

師云山僧無面見闍梨 進云出世後如何 師云迦葉臺前勅白雲亭上令 問如何是祖

師西來意 師云擔不起 進云爲什麼擔不起 師云祖師西來意 問牛頭未見四祖時如何 師云高問低對 進云見後如何 師云風蕭蕭雨颼颼 師上堂有僧問雲門一曲師親唱北斗藏身事若何 師云從苗辨地 學云不會特伸請益 師云是誰罪過 師乃云好諸上座攜囊挈鉢東西南北行脚當爲何事山僧如今大開門戶不怕你諸人出來拗折拄杖推倒禪牀猶未是作家在又云君子務本本立而道生師拈起拄杖云如今立也本在什麼處莫在拄杖頭上麼莫在你諸人眉毛眼睫上麼以拄杖擊禪牀一下珍重 僧問臨濟入門便喝德山入門便棒和尚此間如何爲人 師云不當 學云爲什麼不當 師便打 師上堂云古人道涅槃舍四德唯我契真常師拈起拄杖云豈不是四德作麼生是真常你諸人還會麼你若不會祖峯布施你諸人乃云拄杖穿過真常真常穿過四德會麼祖峯解開布袋一時傾出了也你諸人有會底也無出來說若你若說得祖峯與你證明你若說不得敲落你鼻孔拽脫你眉毛以拄杖擊香臺便下座 師上堂云看看須彌燈王如來向按山上轉大法輪了卻入諸上座眉間還見麼若不見眼在什麼處以

拄杖打禪牀便下座 僧問截鐵鎖鉗猶是銚嚙鐵當鋒事若何 師云汝試用看 進云恁麼即獻上漢高王也 師云你見箇什麼道理 進云苦痛深 師云頭在我手裏一任跣跳 師上堂云朝朝相聚時序一般雖然如是當爲何事不見教中道一切諸佛及諸佛皆從此經出師拈起拄杖云豈不是經阿那箇是佛你若見出來與祖峯說看若不見此義文長付在來日珍重 師上堂僧問名喧宇宙知師久雲嶺家風略借看 師云更道 僧展手 師便打 師又豎起拄杖云大衆會麼言不再舉令不重行便下座 師上堂拈起拄杖云彌勒先鋒釋迦殿後總在祖峯拄杖頭上你諸人還見麼又這我觀法王法法王法如是會麼會即出來道看若不會伏惟尚饗以拄杖擊香臺便下座 師上堂大衆纔集師云鐘鼓相催當爲何事先德如是後進如何委悉遂拈起拄杖云先大師云根實枝異久倚寒巖攬大海擊龍宮山僧也不攬大海擊龍宮祇擊諸上座眉毛眼睫以拄杖打香臺一下便下座 僧問師子窟中無異獸即今便請振全威 師云汝試振看 進云恁麼即天龍恭敬去也 師便打 師上堂舉雲門大師云法身有三種病二種光出得荆棘叢林淨地上死人無數還

有道得底麼出來與祖峯道看若道不得分付與德山臨濟以拄杖擊香臺一下便下座 師上堂拈起拄杖云一切諸佛及諸佛阿耨菩提皆從此經出拄杖子豈不是經你諸人作麼生會釋迦老子從拄杖頭上出來爲你諸人說佛說法得微困見你不會卻從拄杖頭上入去也出去即且從作麼生說箇入來底道理以拄杖擊香臺一下便下座 師上堂云佛真法身由若虛空應物現形如水中月師拈起拄杖云此是拄杖子在什麼處師遠云三歲孩兒皆道得百歲翁翁行不得以拄杖擊香臺一下便下座 師上堂云古人道四執既無百非俱遣你諸人作麼生會四執如普賢在佛會上入定觀微塵刹土不能得見普賢乃白世尊言我於微塵刹土徧覓普賢不能得見世尊曰汝但於淨三昧中起一念便見普賢時普賢乃於淨三昧中忽起一念便見普賢向空中乘六牙白象師云衆中盡皆舉也普賢我即不問你你且道普賢眼向什麼處著珍重

頌雲門法身
雲門透法身劃斷釋迦音文殊休悵普賢謔沈吟
藥忌由來鑿作家示徒親切病如麻十方三世

諸知識赫日光中雷電車

歲且上堂有頌

今日正月一過去未來總露出天下知識笑呵
呵大講家風誰相悉誰相悉正月一觀音殿裏
禮彌勒文殊手裏普賢筆

因僧問雲門抽顧頌

雲門抽顧頌衲僧眼皮重眼皮重七八量雷車
打不動打不動抽顧頌時念彌陀三五聲並薦
東村李胡子生天西山裏孟八郎強健福田院
裏貧兒叫喚乞與我一文大光錢

僧問趙州栢樹子師乃有頌

天下禪翁咬少林趙州有語庭前栢庭前栢老
倒禪翁眼赫赤不善東西失本源屈我觀音
作胡客

蘄州四祖山誦禪師上堂云盡乾坤大地三世
諸佛天下老和尚被山僧今日坐斷無你出頭
處設有出頭得時也祇是一箇竹木精靈雖然
如是也未免擔枷判事久立珍重 僧問如何
是四祖境 師云千年松杉檜四季鎮長青
進云如何是境中人 師云祖師真影長年在
來往遊人誓首瞻 問如何是佛 師云大殿
裏是釋迦 進云莫便是也無 師云莫錯認
定盤星 問如何是和尚家風 師云厨無過

天聖廣德錄第二十一

第十四

高字五

客餐 進云客來將何祇待 師云客來須看
問如何是透法身句 師云多年松樹老輪斲
問尋枝摘葉即不問如何是直截根源 師云
佛頭衝不遠 問迦葉上行衣何人合得披
師云大庾嶺頭提不起方知不是我同人

問如何是祖師西來意 師云一人傳虛萬人
傳實 問葉落歸根時如何 師云一歲一枯榮
蘄州廣教懷志禪師上堂云舉今提綱羣魔併
蹟全提祖印坐斷十方正當恁麼時老胡出來
也須乞命衆中若是作家略希英鑿時有僧問
從上相傳合談何事 師云令 進云恁麼即
學人退步去也 師云吁吁 問如何是佛法
大意 師云記來多少時 進云學人不會如
何得受用去 師云言猶在耳 問如何是祖
宗下事 師云舉得甚分明 進云恁麼即學
人禮拜 師云將為是真箇 問是什麼物學
人為什麼不會 師云生在冥州 僧問如何
是透法身句 師有頌答 北斗藏身句當鋒
指者稀投機猶未諸玄會太無知獲聲青嶂外
虎嘯透山谿洪鐘來報曉雞向五更啼
襄州興化奉能禪師上堂云一言纔舉千差同
轍此是化身說法報身不說法又云報身為什
麼不說法他自有廊幕在 僧問如何是鷲嶺壇

天聖廣德錄第二十二卷

第十七

進

師云風吹兩岸柳浪動一池蓮 問如何是培
中人 師云大殿毗盧佛堂中雲水僧 問師
唱誰家曲宗風嗣阿誰 師云迦葉臺前雲水塔
問如何是鷲嶺關捩子 師云莫動著
僧便喝 師云向你道莫動著喝箇什麼
僧又喝 師便打 問如何是佛 師云駭長
僧負醜 問棒喝臨機權且止如何是鷲嶺關
捩子 師云鷲嶺關捩且置是你自己事作
麼生 學云不會 師云還我關捩子 師上
堂以頌示衆云 問你十方雲水和南來北往
意如何觸目千差無異路石人彈舌念彌陀

綱宗頌

最險無近劍刃鋒祖師將此定綱宗顧鑒不知
何處去千株松下白頭翁
唐州天睦山契滿禪師上堂示衆云迦葉親傳
如來密印達磨西來多虛少實若論此事且權
認奴作耶說佛說祖剗肉成瘡直下單明未是
衲僧活計作麼生是衲僧活計何不對衆證據
看時有僧出禮拜 師云若是先陀客更不待
揚眉 僧云喏 師云金州路上兩兩三三
問師登師子座奮迅振全威迦葉峯前令師今
為阿誰 師云昨夜風霜緊今朝刮骨寒
進云恁麼即隨陽一箭師當的去也 師云禍

不單行 問魚透龍門浪全身踊躍飛時如何

師云三月雷雨動霹靂震全威 問如何是佛

師云多年桃核 進云未審意旨如何 師云

打破裏頭人 問諸聖三昧何人合得知

師云祇如今 進云莫便是也無 師云南山

起雲北山下雨 問如何是祖師西來意

師云三年逢一閏 進云合談何事 師云九

月是重陽

鄂州建福智同禪師上堂云直饒你一句踢蕩

分明去早是不著便遭他點污了也你合作麼

生久立珍重 僧問祖意教意是同是別

師云崇山嶺峻 進云怎麼即不別 師云夢

澤波清 問如何是和尚為人一句 師云粗

識好惡 問如何是文殊直截一句 師云彈

指到清涼 問法無二法心無二心如何是心

師云千差萬別 問夜外兜率晝降閻浮未審

是什麼人境界 師云不是別人問如何是佛

師云鼻如截筒 問北斗藏身意旨如何

師云鸞鷲慕西秦乃有頌 雲門透法身法身

何許人鷹迴沙塞去鸞鷲慕西秦

江陵府福昌禪院重善禪師上堂僧問如何是

正法眼 師云夜觀乾象 學人不合意旨如何

師云日裏看山 問如何是福昌境 師云松

峯亭眺望不與白雲齊 進云如何是境中人

師云朝見金鱗躍暮聽子規啼 問祖意與教

意是同是別 師云巢知風穴知雨 問如何

是佛法的大意 師云東方甲乙木 進云

怎麼即粉骨碎身也 師云易開終始口難保

歲寒心 問如何是福昌山 師云鳥飛不度

進云如何是山中人 師云四海五湖 問浩浩

之中如何辨主 師云長安天子塞外將軍

進云怎麼即權握在手 師云不斬無罪之人

問如何是不遷底法 師云死人不坐禪

進云學人不合意旨如何 師云那伽常在定

問離卻咽喉唇吻請師速道 師云福昌口門窄

進云和尚為什麼口門窄 師云還我話來

問如何是離筌蹄底句 師云頭大帽子小

學人不合意旨如何 師云側脚反穿靴

問金烏東涌玉兔西沈時如何 師云措大不

騎驢 進云怎麼即謝師指南 師云更須子細

問牛頭未見四祖時如何 師云棗子數珠

進云見後如何 師云鐵磬行者 問未施武

藝便入戰場時如何 師云老僧打退鼓

學云怎麼展陣開旗去也 師云伏惟尚嚮

師上堂云盡乾坤大地微塵諸佛總在福昌者

裏拈拄杖劃地一下云說佛法禪德若也會

得出來與你證據若也不會華須連夜發莫待

曉風吹久立珍重

舒州龍門山永禪師上堂云諸佛言詮止啼為

義祖師心印莫可論之向上一路誰敢措足直

下會得早不著便久立珍重 問祖祖相傳未

審傳箇什麼 師云德山拄杖 進云怎麼即

得其妙也 師便打 問如何是龍門路

師云險 進云為什麼如此 師云點額卻迴來

問如何是龍門山裏龍 師云雷震青霄

進云忽遇金翅來時如何 師云傾湫倒嶽

問如何是祖師衣 師云大庾嶺頭提不起

問如何是佛法大意 師云罕逢此問

襄州延慶宗本禪師初開堂示眾云山鋪碎玉

樹挂銀條造安巖畔舉唱宗乘如葉門風有疑

請問時有僧問正法無言請師舉唱 師云正

當今日 進云怎麼即得過於師也 師云一

場懺懺 學云灼然 師云放你二十棒

問魚未跳龍門時如何 師云擺手入長安

進云跳過後如何 師云長安雖樂 問如何

是鳳山 師云天生標格 進云如何是山中人

師云自古無人識 問如何是和尚為人一句

師云截斷鳳林關 進云怎麼則展手不逢人也

師便打

天聖廣燈錄第二十一 第二十一

唐州福安山珣禪師初開堂升座有僧問師唱誰家曲宗風嗣阿誰 師云古殿連雲水

進云怎麼即韶陽玄孫龍居嫡子也 師云重

言不當吃 問我佛出世振動魔宮和尚出世

有何祥瑞 師云沁水正南流 師初受唐州

請便有僧問若到沁陽忽有人若官若私是男

是女人人各致一問問各別如何極對

師云春後一陽生 進云怎麼即今日小出大過

師拈坐具當面擺 問祖師來此土意旨如何

師云端 問人王與法王相見時如何 師云割

問未離兜率已降王宮未出母胎度人已畢時

如何 師云好事不如無

鼎州大龍山炳賢禪師上堂有僧問如何是大

龍境 師云堂前一堆土巍峩倚半空 進云

如何是境中人 師云淨掃門前地迎待五湖賓

問如何是佛 師云穿雲不度水躡足降閻浮

問昔日先師語如何透法身 師云萬仞鋒前

句不與白雲齊 問如何是動乾坤句 師云

透出龍宮翻大海掌開日月倒須彌 問如何

是出家人 師云深 進云如何是出家法

師云苦

隋州雙泉山瓊禪師不收語錄祇有偈頌

色空頌

天聖廣燈錄第二十一 第二十一

靈光滿目族山河幻境之中物像多體妙已知
緣不礙執情還被境消磨青黃靡實無妨用影
響皆真覓即訛是色是空重疊夢夢中華藏現
森羅

頌靈雲見挑華得悟

學劍難提鋒刃頭豔光華發便心休不疑句播
乾坤內得旨唯憑月滿秋

又頌玄沙拈

玄沙聞舉悟中知當下云言未保伊一擊海濤
皆涌沸天光迴燦眼眩眩

魚鼓頌

玉璣金鱗光閃爍連浪衝波形勢惡叢林擊鼓
震山雷顧網遊魚皆省覺

常用不空頌

舉足下足步步相逐運用去來靈光不著釋迦
真風商那種族的的斯言斯言為酪

冬月雪下夜坐思智門和尚有頌

嚴風刮地天降雪夜久更深凍雲結虛堂獨坐
驀思量卻憶龍居舊巢穴明教先師雲裏言火
發新羅燒脚熱東嶺鷹飛禪客尋南山蛇出人
行絕象骨鞭趁熟瞻機師宗拽石底時節如斯
綱要最希奇唯有吾師應可別別得龍居牙爪
生不貴真如玄妙訣余受韶陽新定機一生塵

天聖廣燈錄第二十一 第二十一

人扶釘楔何日春風一陣來吹散寒雲掃霜雪
共師同賀太平年赫日光中雷電掣

自巖上座有僧問如何是吹毛劍 答云龍唇

鳳嘴 問如何是無縫塔 答云墻瓦泥土

進云如何是塔中人 答云含齒戴髮 問寶

劍未出匣時如何 答云龍藏海底 進云出

匣後如何 師云海上橫行 問如何是大人相

答云不曾作模樣 問如何是老人相 答云

無力把拄杖 因與數僧遊山迴僧問云盡日

遊山成得什麼邊事 答云困即喫茶 僧問

洞山麻三斤意旨如何 答云八十婆婆不搥梳

頌雲門透法身

先祖透法身仰面看日輪赤脚倒上樹不會更愁人

天聖廣燈錄卷第二十一

天聖廣燈錄卷第二十二 [宋碑]

韶州白雲山福禪師上堂云一塵纒舉大地全該諸上座恁麼來早是不着便也且作麼生得箇安身立命處然雖如是官不容針私通車馬還有作者便請施呈對衆證據時有僧問得失是非一時放劫時如何師云白雲生谷口進云恁麼則緣不計身也師云細看問端問如何是正法眼師云隨坑落漸問如何是佛師云四八希奇相進云莫便是也無師云十號已彰名問如何是印仝相契底事師云令古少人知進云知底事如何師云隱顯未嘗聞問如何是佛法的全大意師云直進云學人不會此意如何師云崖州路上問知音問如何是朕兆未分時事師云大衆難隱匿進云恁麼則分去也師云笑殺寒山子磁州桃園山曦朗禪師全在安州法雲院爲上座受桃園山請開堂示衆云若是唱道門風權且強名若論祖宗提綱直下難爲開口所以先聖道向上一路千聖不傳學者勞形如援捉影禪德旦作麼生商量與先聖齊去衆中莫有作者離劫前非單刀直入對衆商

量時有僧出禮拜師云真師子兒問靈山一會何異今日師云當時妄想此日猶存問師唱誰家曲宗風嗣阿誰師云龍吟霧起虎嘯風生學云未審是誰家之嫡師云移船諸水勢舉棹別波瀾問師棲芭嶠年已久未審宗風爲誰宣師云靈山會上迦葉侍尊學云畢竟是誰宗旨師云一朝分此座看取令行時問如何是安州境師云紫金山畔千華秀白兆峯前萬戶觀進云如何是境中人師云知州通判問如何是佛師云闍梨還肯也無僧云和尚尊言爭敢不肯師云闍梨若肯時說甚佛不佛問如何是祖師西來意師云西來若有意軒下老僧頭學云爲甚却如此師云不見道爲法喪軀問寶劍未磨時如何師云錯落難改節進云磨後如何師云黑問牛頭未見四祖時如何師云八方魔競起進云見後如何師云四塞罷干戈

山記嫡嗣在何人師云韶石曾棲處不見箇同參問如何是和尚家風師云隨家豐儉進云客未如何祇待師云看棲打樓問如何是透法身向師云易開終始口難保歲寒心問如何是和尚關棧子師云少人知學云太深密生師便打問如何是古佛道場師云山青水綠問如何是古佛家風師云相栢磨裏杯校子問如何是法雲境師云安陸城裏千杏秀指師巖畔百華鮮進云如何是境中人師云景福寺裏僧問如何是和尚爲人一句師云來風深領進云莫便是和尚爲人也無師云七棒對十三韶州鄧林山善志禪師有僧問如何是佛師云山河大地問如何是向上關捩子師云東家喫飯西家飽問如何是透法身句師云日上東方月落西問如何是衲衣下事師云舉意卽乖問學人上來請師一接師云不接學云爲什麼不接師云布袋裏作聲問如何是露地白牛師云待備悟始得問如何是祖師西來意師云庭前華發映天紅問入室投機時如何師云好事不如無進云和尚豈無

方便 師云惜取口喫飯 韶州大歷山志聰
禪師上堂僧問日久不聞師子吼今日聞機
事事若何 師云白雲覆山頂 學云恁麼
則謝師指示 師云綠水瀉巖間 問如何
是一代時教 師云黃葉止嬰兒 問如何
是和尚家風 師云入門便見 進云客來
如何祇待 師云客是主人相師 問不起
一念如何與聖同 師云昔天人盡見何處
不尖新 問如何是密室中事 師云團圓
不可視 進云如何是密室中人 師云對
面難改 問如何是向上一路 師云盲人
登不狀 問如何是毗盧師 師云醜拙形
容 進云爲什麼却如此 師云特地愁見
人
復州崇勝院光祚禪師先住隋州雙泉復徙
智門次居崇勝師開堂日未陞座乃示一頌
此座雖高廣 四面無比況 大尉衆心請
今日難推讓

道是什麼佛法事今日大尉請命山僧出世
若是建化門庭一任出來對衆決擇看 時
有僧問一音纜舉四衆雲臻從上宗乘請師
演唱 師云還向備道得麼 進云恁麼則
人天有賴也 師云莫亂道 問覺花開處
真如秀蕊菖芬芳事若何 師云不可更向
備道得 進云恁麼則市地香風起彌天祖
日新 師云也是椀鳴聲 問師唱誰家曲
宗風嗣阿誰 師云青城千丈雪雲外萬重
山 進云恁麼則錦水列派香林分枝 師
云相識滿天下知心有幾人 問祖燈續燄
太尉臨筵向上之機請師垂示 師云大衆
總見 進云恁麼則雲散水流也 師云速
禮三拜 問三乘十二分教曲爲今時向上
宗乘乞師指教 師云也知道者飽叢林
進云恁麼則絕相續也 師云快禮拜着
師上堂顧視左右云莫有作家出來對衆決
擇良久云雖然如此風不來樹不動下座
僧問三乘十二分教止啼顯理離却咽喉唇
吻請師道 師云大衆總見備問 進云恁
麼則養病喪軀 師云恰是 問十地菩薩
見性如隔羅縠祇如初地菩薩又隔箇什麼
師云須彌山 進云如何透得 師云三

生六十劫 問如何是古佛心 師云上座
欠少箇什麼 進云畢竟又如何 師云好
事不如無 問一機未發如何辨其語脉
師云大衆可驗 學云畢竟如何進向 師
云退後三步 問格外稱提請師舉唱 師
云備合作麼生 進云恁麼則承師指示
師云莫妄想
師上堂云日日頭從東出日日頭從西沒
一年三百六十日何曾與備爲幻執冬已過
夏又臨備諸人每日還承當得箇什麼今日
是四月一也還聞僧堂裏聖僧爲諸上座親
切剖折麼若薦得何用上來者裏若薦不得
且向衣鉢下體取自已又云鉢盂無底尋常
用莫教手裏失匙筯 僧問如何是本來種
師云不合將問人 遙云問又何妨 師
云失却本來種 問如何是祖師西來意
師云眼不見鼻 進云便恁麼領會時如何
師云鼻孔裏呷羹 問曹谿路上還有俗
談也無 師云六祖是盧行者 問一切智
智清淨還有地獄也無 師云閻羅王 問
如何是佛 師云蹋破草鞋赤脚走 進云
如何是佛向上事 師云拄杖頭上挑日月
師上堂乃示一頌云

東家李四婆 西家來乞火 門外立少時
瞋他停滯我 惡發走歸家 虛心屋裏座
可憐群小兒 終日受飢餓 有眼不點睛
家鑽罅破

又云一法若有毗盧隨在凡夫薦法若無普
賢失其境界正當恁麼時文殊向什麼處出
頭若也出頭不得金毛師子晋折幸好一盤
飯莫待糝椒薑珍重 僧問得失是非一時
放却時如何 師云放在什麼處 進云恁
麼則進前三步 師云果然教不下 問蓮
華未出水時如何 師云也尋常 進云出
水後如何 師云合知特 問不學佛法底
人如何成辨 師云截耳卧街 問如何是
大乘修行 師云檐枷帶鎖 僧問如何是
衲衣下事 師云頭腦相似 進云如何則
是 師云縱橫十字 進云如何是函蓋乾
坤句 師云天光迴照 問如何是截斷衆
流句 師云伏惟尚饗 問如何是隨波逐
浪句 師云放備一線道
師上堂以頌示衆云
龍種龍兒爲上尊 放身前去衆威存
東海亦非君住處 百千沙界有心吞
箇中若是吾真子 解將一劔報師恩

又云還報得也無所以道知恩方解報恩昔
日文殊伏劔殺佛且道文殊見有佛可殺不
見若見有文殊劔作兩截若不見文殊又虛
勞心力且作麼生商量若商量不得便被釋
迦老子坐斷毗盧頂達磨西來欺爾唐土人
是爾諸人什麼處出氣若出氣不得且歸僧
堂裏向火珍重
藥忌頌

藥病相治事可嗟 如何於此隨群邪
未語已前誰辨示 泊乎開口見萌芽
不在思量體卜度 徒勞管見彊分拏
世上多有如斯者 不知着恥數如麻
綱宗頌

盡令提綱爲阿誰 門庭施設在臨時
直饒祖師門下客 舉頭早落二三機
不在進前休退後 把住教渠失却眉
爲報諸方拈提者 總是秦時鐸落錘
法身頌

法身之理編河沙 觀面相呈未作家
光境俱七猶是病 何勞更在若周遮
偶頌
直下有何之 當陽薦者稀 杏仁桃核氣
祇爲小兒機 黃葉休指喻 莫把作金施

祇見錐頭事 那知落鑿嘆
綱宗謔

混明池裏失却劔 曲江池裏撈得鋸
齧齧齧且過時 莽莽鹵鹵河沙數
糲竭節 拽路布 劔利衲僧通一路
師子不捉麒麟兒 猛獸那堪牀下顧
魔斯吒 入水去 者迴休吐黑雲霧
俊鷹俊鷄溥天飛 鈍鳥籬根脛不去
佛祖言 休更舉 直饒格外猶未許
見成公案早多端 那堪更涉他門戶
夜烏雞 誰提去 天明戴雪遭指注
胡蜂不戀舊時窠 猛將那肯家中死
觀州青城香林信禪師上堂云今特參學人
須具出格透乾坤底眼直得無纖毫隔礙方
可觸處無滯然後更須明取衲僧也鼻方得
自在衆中還有麼出來對衆證據 時有僧
出來禮拜 師云好箇衲僧 問信息不通
如何得隨緣去 師云曾憶南泉語 學
云如何領會 師云信者事還稀 問魚未
透龍門時如何 師云大道坦然平 進云
透過後如何 師云爭那頂穿額裂 問如
何是佛 師云圓頂方袍 進云未審日用
事如何 師云不用問別人 問三界之中

何人爲主 師云虛空裏合掌 學人未明如何辨的 師云格外理堪觀 問如何是佛法大意 師云青城山水甚分明 問一等爲人爲什麼見有淺深 師云淨雲空聚散來往不知休 問覲面相呈特如何 師云築着鼻孔

鼎州德山惠遠禪師上堂云佛法見成莫作計校若更彊名盡落魔界所以古者云將心止動轉止轉奔如或更於五蘊趣中計較測度機巧方便多遏禁令心澹薄到者裏祇是箇散不盡底粥飯氣如或更言此合如是此合不如此相應此不相應如此種種情計皆悉徒爲盡是狂勞華相祇益自疲諸上座若能了知念念攀緣心心永寂到者裏喚作什麼然則如是也須子細有事商量 時有僧問師唱誰家曲宗風嗣阿誰 師云今後記取 問如何是祖師西來意 師云鐵門路嶮 問祖室貌臺師已踞宗乘舉唱事如何 師云他後莫錯舉 進云大眾如何委悉 師云不得以已方人 問四方天王爲什麼劫在地上 師云白雲無定止皓月落千波 問如何是德山境 師云武陵谿木三春秀單卷壇雲一帶橫 問亡僧遷化向

什麼處去 師云烏龜鑽破壁 師解夏日上堂僧問九旬禁足令已滿自恣之儀事若何 師云糊糝趁蛺蝶九步作一歇 進云未審意旨如何 師有頌

兩箇童兒舁木鼓 左邊打了右邊舞 剎那變現百千般 分明示君君記取

師上堂云枕石漱流住緣天真不見古者道撥霞掃雪和雲母掘石移松得茯苓正當恁麼時復何言哉諸德要會麼師有頌

雪霽長空 迥野飛鴻 段雲片片 向西向東 珍重

襄州含珠彬禪師上堂云言盡理極情亡杜旨方法泯然千差絕跡又道法門無際無以智知不可以識識禪德要會麼一切法無盡普會於此道場中若能如何是用東西如今試出來對衆商量看 時有僧問靈山一會何異今朝 師云皓月挂天涯分影落千谿 進云恁麼則今日得親於寶座大法敷揚顯聖明 師云木馬嘶時天地靜泥牛行處吉祥榮 問如何是佛法的大意 師云古木未凋猶鴈叫妙峯明月又晶輝 問如何是佛 師云五彩不粧容自異千光長艷月分明 問如何是祖師西來意 師云古

今人渴望 進云未委畢竟如何 師云隻履却西歸 問如何是三乘教 師云上大人 進云意旨如何 師云化三千 問如何是和尚家風 師云白雲常澹佇碧落住清虛 進云客來以何祇待 師云蓬島有時窺鶴舞蠻天多是見雲飛 問急切相投時如何 師云速 學云如何則是 師云不用苦咨嗟 問學人上來請師一句 師云得 進云未審得箇什麼 師云德山拄杖天台柳標 問如何是和尚正法眼 師云瞎 問如何是和尚關捩子 師豎起拂子 學人便喝 師便打 問向上一言請師便道 師云金鞭敲玉鐙樵子不高歌 南嶽山福嚴寺雅禪師開堂日諸官同降大眾雲臻師陞座 有僧問朝騎既臨於法會請師方便演宗乘 師云三人杖子攪黃河 進云宗乘已蒙師垂示俗諦門中又若何 師云他後會去在 問師唱誰家曲宗風嗣何人 師云昔年漢水親承處此日衡陽祝聖明 進云恁麼則洞山嫡子雲門玄孫也 師云禮拜了退 問如何是和尚家風 師云入門便見 問如何是佛 師云臂長衫袖短 問如何是吹毛劍 師云闍梨

選用得麼 進云莫便是道尚慈悲也無

師云蘇嚕悉哩 問如何是道 師云四十

五里長松徑南北遊人不厭頻 進云如何

是道中人 師云兩兩三三 師在洞山會

裏有僧問洞山如何是佛 洞山云麻三斤

爾後衆皆下語不契洞山師乃有頌

七寶盡牛頭 黃金爲點額 春晴二月初

農人皆取則 寒食賀新正 鐵錢三五百

洞山深肯之

岳州乾明普禪師師參洞山問云停機罷賞

時如何 山云水底弄傀儡 師云誰是看

翫者 山云停機罷賞者 師云恁麼則知

音不和也 山云知音底事又作麼生 師

云大盡三十日小盡二十九 山云未

師云合喫和尚手裏痛杖

師開堂陞座僧問昔日靈山記今朝嗣阿誰

師云楚山突岬漢水東流 進云恁麼則

石門嫡子也 師云聽事不真喚鍾作甕

問如何是乾明境 師云幽洞木龍吟天邊

石虎嘯 進云如何是境中人 師云速禮

三拜 問法鼓無槌時還響也無 師云響

進云未審聲後何而出 師云不鼓自鳴

天地異木人側耳甚分明

師上堂有頌

曙色纔分天已曉 轟然薦象明皎皎

禪流到此善知時 不覺尋思便成道

又云直下省力禪德便恁麼承當得也是不

啣溜漢久立珍重

鄧州廣濟院同禪師上堂云諸法寂滅相不

可以言宣又道一切法門無盡海普會同歸

於毗盧華藏若能如是會無邊刹境不隔於

毫端如何却言各自門風別呈施設如斯之

見不出常流禪德且作麼休歇根門罷持管

解若有商量者對衆且陳 時有僧問如何

是佛法的的大意 師云黑漆骨輪牽白象

學云老和尚欺謾他後學 師云好心不

得好報 問薦緣息盡時如何 祖云三脚

蝦 墓飛上天 問如何是祖師西來意

師云白雲飛片片 問離四句絕百非時如

何 師云疑而不進 進云如何得一如去

師云鑽龜打瓦 問如何是透法身句

師云華嶽三峯小 進云未審此意如何

師云黃河鞆底流 問如何是佛 師云鼻

如截筒

韶州東平山洪教禪師上堂云若論佛法兩

字畢竟是有是無若言無者有屈於高德上

來若言有者沉埋於先祖門風且作麼生得

箇恰好去諸禪德切須子細莫用掠虛時不

待人須臾便是來生三界無安猶如火宅如

今諸方善知識出世便好進步向前決擇生

死去却灸脂帽子拈却鶻鼻布衫作一箇無

事人豈不是好事 時有僧問寶劔擊禪門

時如何 師云麗水多倒擲 問師子是獸

中王爲什麼却被六塵吞 師云年衰鬼弄

人 問語默涉釐微請師通不犯 師云涇

州泊棹唱巴歌 問西天優鉢羅華開一佛

出世此土華開未審什麼佛出世 師云我

不捏目 問萬法歸一未審一歸何所 師

云山河大地 問如何是向上機關 師豎

起拂子學人未曉乞師再指 師云非公境

界 進云和尚豈無方便 師云再犯不容

安州延福院處瓊禪師開堂日未陞堂云寶

座高廣無人能陞還有人陞得出來不讓於

燈明王所以道佛佛道同聖聖相躅良久若

無人出山僧陞座也遂陞座 拈香示衆云

此香不是栴檀沉水不是海岸牛頭昔日遊

方徧參知識本欲永藏囊篋跡叢林不謂

衆推難藏鄙陋今日對人天大衆燕此香供

養我襄陽老人 時有僧問釋迦昔受然燈

記師今得法嗣何人 師云重言不當吃

進云恁麼則洞山一箭師當的也 師云莫

亂道 問覺華初綻祥雲現此日筵開事若

何 師云分明記取 進云學人未委如何

領會 師云三十年後 問教云以音聲求

我是人行邪道即今和尚開堂是邪是正

師云語裏明人 進云恁麼則 學人禮拜

去也 師云兩重公案 問朝騎已臨於法

會師將何物報君恩 師云頭戴天脚踏地

進云恁麼則市地香風起普天瑞氣生

師云惱亂春風卒未休 問北斗藏身意旨

如何 師云黃河倒逆崑崙崙 問如何是

延福境 師云不逐四時凋 進云如何是

境中人 師云滿堂雲水客四海問禪賓

問牛頭未見四祖時如何 師云天下太平

進云見後如何 師云一場懺懺 問蓮

華不出水時如何 師云朕兆未分人盡望

進云出水後如何 師云及乎天曉也尋常

襄州興化院順禪師上堂有僧問如何是和

尚深深處 師云舉即易答即難 進云為

計麼如此 師云過去 問如何是和尚劍

師云老來無力上高峰 問如何是興化

境 師云松有迎風勢 進云如何是境中

人 師云泥多得佛大 問如何是直截本

源 師云無備等程處 問生死到來如何

免得 師云關處看駱駝 問如何是百千

妙門同歸方寸 師云水底看夜市 問如

何是佛向上事 師云楚山頭指天 問凡

聖二途如何進步 師云夜聞風撼竹却憶

珊瑚枝 師上堂云山僧今日且與諸上座

評論實事教省力去一切諸法山河大地與

山僧拈向拂子頭上子細看是什麼道理若

看得出自得省力更莫多途作一箇出塵高

士豈不是好事久立珍重

靈澄上座師參鑿師一言相契乃息遊心師

在衆多迷偈頌示於後人

西來意

汝問西來意 看余辨正邪 入門贖物露

開口擬心差 明空落鬼趣 執見眼成華

離此憑何指 齊僧怕夜茶

其二

莫問西來旨 休尋栢樹窠 商量人不少

錯會衲僧多 有念令他叱 無言亦被呵

瞥然恁麼會 鷄子過新羅

其三

休問西來意 常徒豈可料 不道他無分

都緣為有心 情看終未徹 絕慮坐昏沉

生死如何渡 寒衣昨晚碓

其四

見話西來旨 微僧祇欲瞋 中流不易湊

須是上根人 明月三秋白 崖松一樣新

除却寒山後 屈指共誰陳

其五

徒問西來意 情知看者癡 不善家中寶

論劫受驅馳 道本非如此 人心莫強為

因斯便曉了 已是落便宜

其六

若問庭前栢 受屈向諸方 可憐男子漢

開眼尿他牀 大疑相敲點 又恐怕參商

未知關捩子 把甚作津梁

其七

借問西來意 何得罵儂家 此門無鎖鑰

晝夜不曾遮 達者如麟角 長短似鋪沙

看渠歡喜處 黑豎未生芽

其八

休覓西來意 堂堂自入抗 還如不了處

祇為食殘羹 見佛急走過 切忌強修行

憑何作準的 擬問隔千生

其九

校記

- 一 三五頁上三行「早是不着便也」之「着」，原為「暑」。
- 一 三五頁中一行「闍梨還肯也無」之「闍」，原為「間」。
- 一 三五二頁下八行「日日日頭從西沒」之「日日」下，原脫一「日」字。
- 一 三五三頁中一行「直饒祖師門下客」之「客」，原為「容」。
- 一 三五六頁中三行「駱馳」，原為「駱馳」。
- 一 三五六頁下一八行「黑荳未生芽」之「芽」，原為「茅」。

欲委西來意 呆日正當軒 水邊閑策杖
林下看啼猿 若問無生義 講唱有開元
衲僧見處□ 借問是何言

其十
誰問西來意 多言道轉殊 明明三際顯
皎皎一輪孤 風吹蓮蕊舊 葉貯水成珠
時人未到此 有眼不如無
桃華頌

靈雲閑步看桃華 慶快平生卒莫加
敢保老兄猶未徹 誰人端的鑿玄沙
得失是非俱放却 如冰長坐亦周遮
要尋義理龍興去 若據宗門璫甚邪
又頌

靈雲一種見桃花 曉了分明定不差
敢保老兄猶未徹 幾人具眼鑿玄沙
大丈夫兒須與奪 莫交辜負法王家
若是祖宗門下客 倒騎牛坐看煙霞
布袋頌

彌勒鞋雖一隻 非是絲麻針刺
剛被西土胡僧 葱嶺更留蹤跡
相傳盡誇奇特 若約余觀費力
後人不紹家門 直至如今分析
天聖廣燈錄卷第二十二



趙城縣廣勝寺

大聖廣燈錄卷第二十三

吉州清源山行思禪師法嗣第九世

鼎州文殊山應真禪師法嗣一人

筠州洞山曉聰禪師

南嶽山南臺勲禪師法嗣二人

汝州高陽山法廣禪師 潭州石霜山節誠禪師

蘄州五祖山師戒禪師法嗣六人

蘄州三角山懷澄禪師 筠州洞山自賢禪師

蘄州十王懷楚禪師 蘄州義寧寺祥禪師

舒州海會顯同禪師 廬江西禪文岫禪師

已上四人機緣語句不收

蘄州廣教懷志禪師法嗣一人

蘄州興化友清禪師詳如

復州崇勝光祚禪師法嗣三人

襄州延慶山子榮禪師 蘇州洞庭翠峯沖顯禪師

黃州護國崇壽禪師詳如

峨嵋山黑水寺承環禪師法嗣一人

峨嵋山黑水寺義欽禪師

鼎州德山紹晏禪師法嗣一人

鼎州德山志先禪師

筠州洞山曉聰禪師初開堂示眾云舉揚宗旨意密難明心地法門豈從語路秋為衆生日用而不知背覺合塵狂迷諸趣遂有諸佛出現於

大聖廣燈錄卷第二十三

世轉大法輪隨根引逗若也全提舉唱曹經一路平沈更乃坐斷十方忙忙者市地普天咸皆罔措故經云若但讚佛乘衆生沒在苦如今可謂不以為有屈祖風曲為初機開一線道上上高士父參先德相共證明中下之機又遊亦水風在荆山有何異珍對衆剖露看時有僧出禮拜 師云南海土番應不識碧眼波斯笑點頭問新院新年新出世今日當人事若何 師云速禮三拜 進云恁麼則大眾證明去也 師云退後三步 問大眾雲集師登寶座上 宗乘請師舉唱 師云下坡不走快便難逢 師又云問話且置問答也無了期古人云問在答處答在問處言多去道轉遠祇可以言語道斷心行處滅若也葛藤去舉足下足皆是道場動靜去來無非佛事若於衲僧門下一言相契天地懸殊豈況切切轉無所益又立伏惟珍重 僧問師唱誰家曲宗風嗣阿誰 師云竹錫挑 薛千界月鉢囊威貯五天雲 問欲求真先去塵塵即不問如何是真 師云去年共汝栽 杉樹今歲宛爾種松根 問古聖說不到處請 師舉 師云寒星明月夜寂寂萬家門 進云 恁麼則親到洞山也 師云汝為藏主來多少 時也 師在衆時因僧在揚州來舉泗州大聖在

彼出現便有僧問師既是泗州大聖爲什麼卻在揚州出現 師云君子愛財取之有道

師上堂云聞鼓聲來到法堂上佛法向什麼處去也還有人道得麼莫是去來又手當背唱一聲若東邊卻過西邊是麼又云莫無言無說是麼良久云有人道得試出來對衆道看若道不得晨朝有粥齋時有飯 時有僧問無根樹子向什麼處栽 師云千年常住一朝僧 問如何是離聲色句 師云南瞻部洲北鬱單越 進云恁則學人知恩不昧也 師云四海深多少 問古語未磨時如何 師云此去漢陽不遠 學云磨後如何 師云黃鶴樓前鸚鵡洲 問如何是佛 師云理長即就 師上堂云相見不揚眉君東我亦西紅霞穿碧海白日照須彌久立 冬日師上堂有僧問即心即佛埋沒宗風絕境沈機全乖道體去此二途請師別道 師云正當一陽景瑞雪落霏霏 進云恁麼則東西不辨南北不分也 師云大國同忻慶共賀聖明君 學云未審向上還更有事也無 師云長因送人處憶得別家時 師又云也好東問西問暖熱道場一言相契萬別千差久立 師上堂云教山僧道什麼即得古即是今今即是古所以楞嚴經道松直棘曲鶴白鳥玄還知得麼雖然如此未必是

松一向直棘一向曲鶴便白鳥便玄洞山道者裏也有曲底松也有直底棘也有玄底鶴也有白底鳥久立 師上堂僧問學人進又不得退又不得時如何 師云抱頭哭蒼天 學人無語 師又云汝還知鉢盂鑽子落處麼汝若知得落處也從汝問三十年後驀然問著也不定久立 師上堂云同生像季去聖遙遠佛法稀疎人心淡薄衲僧面前恁麼說話卻成造次各各彼彼氣宇如玉且道師子身者是第幾祖久立 師上堂舉寒山云井底生紅塵高峯起波浪石女生石兒龜毛寸寸長若欲學菩提但看此際樣良久云還知落處也無若也不知落處看看菩提入僧堂裏去也久立 師上堂云春寒凝沍夜來好雪還見麼大地雪漫漫春風依舊寒說禪說道易成佛成祖難珍重 師上堂有僧問如何是祖師西來意 師云燈籠挂露柱 問達磨未傳心地印釋迦未解髻中珠此時若問西來意還有西來意也無 師云六月雨霖霖寬其萬姓心 進云恁麼則雲散家家月春來處處華 師云腳跟下到金剛水際是少僧無語 師云祖師西來特唱此事自是上座不薦所以從門入者不是家珍認影爲頭豈非大錯既是祖師西來特唱此事又何更對衆切

切珍重 師上堂舉佛奧和尚上堂拈起拄杖云過去也恁麼未來也恁麼現在也恁麼歸宗誠禪師云過去也不恁麼未來也不恁麼現在也不恁麼師云洞山道一任你兩箇老和尚七頭八倒久立珍重 師上堂云晨雞報曉靈粥後便天明燈籠猶瞌睡露柱卻惺惺又云惺惺直言惺惺歷歷直言歷歷明朝後日莫認奴作郎珍重 僧問承古有言色心不二彼我無差如何是色心不二 師云雨下大地濕天晴道路乾 進云如何是彼我無差 師云速禮三拜更莫切切知汝從湖南來 師又云汝每日上堂喫粥飯左手捧鉢孟右手把匙筋是彼我是無差阿那箇是色心不二試更道看若道不得各自歸堂久立珍重 師上堂舉傅大士頌夜夜抱佛眠朝朝還共起起坐鎮相隨如形影相似欲識佛去處祇者語聲是玄沙道大小傅大士祇認得箇昭昭靈靈九峯禪師道大小傅大士於一法中而無異見九峯即不然夜夜因即睡朝朝覺即起洞山道九峯禪師是大人言不虛設語不浪施師云洞山道困來即便眠覺來即便起不可須待夜便眠早起祇如你衲僧分上白日還睡麼雖然如此三十年後也莫和泥合水珍重

一六七三 天聖廣燈錄 卷三三

夏日早參頌

晨參暮請無別事 古代相傳直至今 折旋俯仰全體是 莫累曹谿與少林 三月鷲帝春樹老 旬時雨日霖霖滴滴不離毗盧界 海上蕃人筆夜深

閑坐頌

太平時代不思議 佛法無悟亦無疑 困來打睡飯來喫 學禪學道大愚癡

早參頌

曙色纔分便即參 九年面壁過多談 俱厭一指虛勞力 禪客豈待口喃喃

因事有頌

天晴蓋卻屋承乾 刈卻禾早輸皇稅 了鼓腹唱巴謠

浴佛有頌

四月八佛降生日 指天指地稱第一 九龍噴水沫金體 摩訶般若波羅蜜

頌秘魔巖和尚持杖

藜荒老倒眼彌麻 自救無療更持杖 嶺南獨務當時見一棒 打殺者魔家

師一日不安上堂辭眾至七日早示寂至齋時卻來透法身頌示眾 參禪學道莫忙忙 問透法身北斗藏 余今老倒危巖甚 見人無力得

高量唯有饅頭知 我道種松同步上 金剛師言訖 跏趺而寂 建塔于金剛嶺

汝州高陽山法廣禪師上堂有僧問 三身中那箇身為正 師云 鳥道幽玄 無障礙 石人眼裏不栽華 進云 恁麼則觸處皆真 迹通幽不繼

塵也 師云 橫身三界外 徧處不曾藏 問牛頭未見四祖時 為什麼百獸銜華獻 師云 春煦發生 應無滯 豁達靈源 眾類欽 進云 見後為甚 不銜華獻 師云 人事秬因貧 處斷世情偏

向富門家 問如何是佛 師云 騎牛不入草 問如何是祖師西來意 師云 九年面壁人難別 一句澄流事莫窺 問大衆齊臨請師舉唱 師云 一音剖出河沙句 廓落靈源應萬機

問如何是大悲千手眼 師云 墮阮落壑 問如何是和尚家風 師云 一句無私語 祇待五湖賓 問如何是道 師云 此去襄縣不遠

進云 如何是道中人 師云 南來北往 潭州石霜山節誠禪師上堂有僧問 承古有言 滿眼青山無寸樹 極目淥水絕波瀾 未審佛殿與僧堂又如何 師云 風擊樹頭波浪起 石人

夜半棹船歸 問佛未出世時如何 師云 逢人不見面 進云 出世後如何 師云 極目指

青山 問如何是石霜境 師云 四時一木秀

進云 如何是境中人 師云 老對白雲根 問承古有言 捲簾當白晝 移榻對青山 如何是

捲簾當白晝 師云 過淨瓶來 學云 如何是移榻對青山 師云 卻安舊處著 問如何是

祖師西來意 師云 青山無異色 鳥道有玄關 師上堂示眾云 心外無法 法外無心 隨緣蕩蕩 更莫沈吟 你等諸人 纔上階道 便好迴去 更待要第二杓惡水 潑作什麼珍重

蕪州三角山懷澄禪師上堂僧問 如何是佛 師云 文不加點 問如何是佛法大意 師云 文殊自文殊 解脫自解脫 問如何是三角境

師云 長官姓張 進云 如何是境中人 師云 學廣語聲低 問見者是色 聞者是聲 去此二途 請師別道 師云 古寺新牌額 問不與

萬法為侶者 是什麼人 師云 觀世音菩薩 師勤新到僧云 近離什麼處 僧云 離斬水 師云 可憐泥水 僧云 一切尋常 師云 恁麼

則拖泥拽水也 僧云 恰是 師云 一日見僧披衲 師云 得恁麼好針線 僧云 祇要牢固

師云 打草蛇驚 作什麼 僧云 客來須看 師云 祇有者箇更別有 僧云 雲生嶺上 師云 未更道 僧云 滴水巖間 筠州洞山自寶禪師上堂云 諸人盡到者裏 且

教新豐道箇什麼即得不見道上頭是天下頭
 是地日月星辰森羅萬象總在者裏拈起拄杖
 云且道者箇是什麼利利衲僧出來說看說得
 出有衲僧鼻孔說不出衲僧鼻孔在什麼處唱
 云八千猶是近十萬更愁人打禪牀便下座
 師上堂僧問如何是佛 師云腰長肚短
 問聲聞悟道見色明心學人到者裏為什麼不會
 師云是什麼閑家具 僧拍手一下 師喝云
 話頭也不識速道速道 僧無語 師便打
 襄州延慶山子榮禪師初開堂日纔外座宣疏
 了維那白搥師示眾云者箇古錫自靈山會上
 相承露布葛藤直至于今未曾間歇若論舉唱
 宗乘千聖也須失利莫怪恁麼道不惜眉毛避
 之不及 時有僧問龍居一曲師親唱鳳嶺當
 廷事若何 師云巖前露滴 學云寒松有韻
 澗上清風也 師云終朝弄影 問萬法無言
 猶是託更待無言師託箇什麼 師云放你三
 十棒 學云今聲言古韻為眾出 塵 師云
 自領 問如何是隨色摩尼珠 師云三箇童
 兒弄華毬 進云恁麼則終朝盡日也 師云
 頭白齒落 師上堂僧問靈光隱隱月照寒空
 善法堂前請師舉唱 師云聽 學云此猶是
 者邊事那邊事作麼生 師云脚下毛生

問如何是延慶境 師云陽廣洞居方丈北道
 安巖向食厨東 進云如何是境中人 師云
 鳳林關下往來者峴山亭上任看碑 問須菩
 提巖間宴坐為什麼天雨寶華 師云好事不
 如無 進云恁麼則今日親承方便也 師云
 方便事又作麼生 學人擬議 師便打
 師夏滿日上堂僧問夏終今日畢竟如何
 師云天晴道路乾 進云便恁麼去時如何
 師云直徹海涯邊 問如何是佛 師云橫身
 彰十號入擲示雙趺 學云將何供養 師云
 合掌當肖 問如何是道 師云山間唯淡薄
 進云如何是道中人 師云林下任淒涼
 問如何是祖師西來意 師云穿耳胡僧不著鞋
 師上堂示眾云延慶有一訣隨機便施設擬議
 進前來拄杖驀頭楔當下便成褫敢保猶未徹
 脫卻貼體衫挑出眼中眉灑灑箇衲僧狐疑永
 消滅直饒千聖現早箇勿交涉久立珍重
 蘇州洞庭翠峯冲顯禪師初開堂日纔外座宣
 疏了維那白搥云法筵龍象眾當觀第一義
 師云宗乘一唱三藏絕詮祖令當行十方坐斷
 其唯達士不避死生脫上眉毛出眾相見
 時有僧問天人普集竝聽雷音學人上來請
 師垂示 師云十萬八千不是遠 學云大眾

今日露恩去也 師云後五日看 問如何是
 諸佛本源 師云千峯寒色 進云未委向上
 更有也無 師云雨滴巖華 問如何是和尚
 為人一句 師云量才補職 進云恁麼則謝
 師方便 師云自領去 問像季檀那請人天
 大導師為祝當今壽無格說真如 師云道泰
 不傳天子令 進云恁麼則永揚西祖之風也
 師云教休不肯休 問還丹一顆點鐵成金至
 理一言點凡成聖學人上來請師一點 師云
 風清月白 學云更有尖新也無 師云僻地
 生雷 問師唱誰家曲宗風嗣阿誰 師云分
 明記取 進云恁麼則昔日智門今朝和尚
 師云有什麼交涉 問如何是佛 師云足躡
 千輪 進云恁麼則今古應無墜也 師云捧
 上不成龍 問色心不二彼我無差學人總不
 恁麼會乞師再垂方便 師云放你二十棒
 進云恁麼則天上天下唯我獨尊 師云拖出
 問朝蓋親臨於法會師將何物答君恩 師云
 也須是汝證明 學云君恩既如是祖道又如何
 師云知恩事又作麼生 學云懷抱自分明
 師云禮拜了退 師又云一問一答總未了直
 饒乾坤大地樹木叢林盡為衲僧異口同聲各
 敘百千問難不消山僧彈指一下並乃高低普

天聖廣德錄卷之三

第十三章

應前後無差曠祖佛之妙靈廓人天之幽跡故
乃高登象表復出寰中勝量猶是香忘大用因茲
灑落如是則何假覺城東際五衆咸居古佛廟
前此時參畢不勞又立伏惟珍重

峨嵋山黑水寺義欽禪師初開堂僧問昔日靈
山會上一佛出世諸聖證明今日和尚出世什
麼人證明 師云謝上座證明 進云恁麼則
大衆蒙師恩去也 師云速禮三拜退後退後

問已知靈山親授記未審演法嗣何人 師云
畢鉢巖前曾侍處今朝足下瑞雲生 問昔日
龍女獻珠身成正覺學人無珠可獻還得成佛否

師云莫妄想 問如何是和尚親切爲人一句
師云大衆總見闍梨此一問 進云莫便是和
尚爲人處也無 師云且領前語 問如何是
不動尊 師云足下三千里 學人不曾乞師
再指 師云十里較一程 問如何是佛

師云曾問幾人來 學人未曉特伸請益
師云莫妄想 進云恁麼則依而行之 師云
你見箇什麼道理 學人無語 師云學語之流
問如何是諸佛出身處 師云崖嶮難駐足

進云未審此意如何 師云澗曲更無蹤
問如何是超佛越祖之談 師云重言不當吃
問牛頭未見四祖爲什麼百鳥銜華獻 師云

天聖廣德錄卷之三

第十三章

陽氣發來無硬地 進云見後爲什麼百鳥不
銜華獻 師云春殘華落類無羣 師上堂
便有僧出禮拜 師云大地百雜碎便下堂

鼎州德山志先禪師上堂云諸禪德若論此事
莫不人人具足物物皆齊並不欠少佛祖不剩
一絲不欠一毫起即顯塞虛空坐即坐斷法界
何處更有纖毫許佛法教汝作解會豈不見臨

濟入門便喝德山入門便棒到者裏合作麼生
不見道向上一路十聖不傳學者勞形如獲捉
影有出格作家試對衆商量 時有僧問如何
是和尚家風 師云十方無異路切忌卻難尋

進云忽遇客來如何祇待 師云客來須看賊
來須打 問如何是租師西來意 師云門外
千竿竹佛前一炷香 問如何是佛 師云不
具三十二那分百億身 問如何是道 師云

蕩蕩無邊表縱橫任意看 問如何是佛法大意
師云密竹長松青山秀色 學云如何領會
師云龍吟霧起虎嘯風生 問如何是一稱南
無佛 師云皆以成佛道 問見色便見心時

如何 師云角弓彎似月寶劍利如霜 學云
如何領會 師云金甲以魚鱗朱旗如火焰
問寸草不生時如何 師云大地火起紅焰連天
學云生後如何 師云昨夜風霜甚今朝野火燒

天聖廣德錄卷之三

第十三章

師上堂云諸禪德若論舉唱宗風即便坐斷凡
聖盡乾坤大地一時黥黑正當恁麼時誰敢出
頭來所以凡來也打聖來也打總恁麼來也打

總不恁麼來也打諸禪德正當恁麼時合作麼
生來 時有僧問如何是真如體 師云鎮地
人不識 進云如何是真如用 師云大地山
河無透路十方世界一時容 問如何是清淨

法身 師云番人皮袋盛 學云如何領會
師云供養不堪論 問如何是古人切忌處
師云布髮淹泥苦庭中淚下時 進云時中如
何保任 師云保任即錯 問根境同源時如何

師云伐倒崖陰無影樹碧潭深處不逢魚
問如何是學人自己 師云是汝自己 學人
便喝 師云亂喝作什麼 學人禮拜 師便打
問遠遠投師乞師一接 師云不接 學云恁

麼則虛伸一問 師云少逢穿耳客多遇刻舟人
問大通智勝佛十劫坐道場爲什麼不得成佛道
師云貪觀天上月失卻掌中珠 問靈山畫月
意旨如何 師云水底撈不得地下任埋藏

問軍期急速時如何 師云十字街頭滿面塵
學云爲什麼如此 師云知而故犯 問古鏡
未磨時如何 師云照破天地 進云磨後如何
師云絲髮不存 問如何是無爲之談 師云

石羊石虎喃喃語 學云是何言教 師云長
 行書不盡短偈絕人聞 問如何是大用一句
 師云天地點黑 學云不用時如何 師云法
 界洞明 問寶劍未磨時如何 師云光明衝
 北斗 進云磨後時如何 師云入水寂無聲
 問未明差別智如何得不疑 師云自作風塵
 為下客真金不識謾勞形 問十二時中如何
 修進 師云水裏休尋月一輪觸目光 學人
 爭奈不見何 師云衝破你關牒 問文殊與
 維摩對談何事 師云無甘雲雨夜石女夜挑燈
 問將心用心時如何 師云北邙山上幾迴客
 南海船中不計年 師上堂云諸禪德衆學人
 須具衲僧眼始得若具衲僧眼不被佛障祖障
 菩提涅槃障便得隨處自在入水不溺入火不
 燒履地如水履水如地良久云作麼生是衲僧
 眼有者出來對衆呈看許汝衆學事畢若無誠
 佛祖菩提涅槃熱護卻師拍禪床一下下座
 僧問如何是臨機一句 師云箭發離弦無首
 處穿靴戴帽海中遊 問如何是觸目菩提
 師云寒風吹面裂雪上更加霜 問如何是不
 動尊 師云明明人不識供養絕知音 問萬
 法歸一一歸何所 師云五鳳樓前呈百戲千
 株松下鳥歌聲 問供養百千諸佛不如供養

一無心道人百千諸佛有何過無心道人有何德
 師云陽氣發來無硬地冰消雪盡一時休
 問句絕明中現名言觸處通時如何 師云全
 身細不出入水寂無聲 問一具合法界時如何
 師云一點無爲水千江日夜流 問如何是道
 場中師子 師云哮吼一聲天地合十方世界
 絕知音 問兩刃交鋒時如何 師云夜半子
 時親下手 學云天曉事又如何 師云一任
 你才度 問如何是文殊劍 師云三尺雪光
 青霄外四郊塵影罷來戈 問華藏海中獨游
 時如何 師云海岸孤絕處堂堂人不知
 學云知後時如何 師云方見本來身 問王
 道與法道相去幾何 師云雲行雨密水急波生
 學人不會未審如何 師云水流歸海人卧千峯
 問如何是般若用 師云天魔膽裂外道心摧
 問如何是學人立身處 師云十字街頭人不
 顧千株松下任風吹 問不與萬法爲侶復是
 何人 師云我擬向汝道祇恐人不信 學云
 便請 師便喝 學人禮拜 師便打 問如
 何是密室中事 師云分明記取舉似後人
 問如何是鑊錐劍 師云七星光彩轉天河截
 斷毗盧海印波 學云莫便是也無 師云目
 瞽瞳人不可知 學人禮拜 師吁吁 問如

何是截人之機 師云十字路頭明顯示一心
 無異更無差 學云莫便是也無 師云切須
 子細不得錯會 問直截一路請師連道
 師云擬心隔千里玄玄任意看 學云恁麼則
 親切去也 師云每年逢一度萬代盡傳名
 師纔見僧來豎起拂子 僧便喝 師云瞎
 僧又喝 師便打 師又見一僧豎起拂子
 僧不顧 師便打 師又云總似今日曹路一
 路平沈便下堂 師上堂云本來無事不得生
 事行爲道場立爲佛事坐爲禪定時有僧問如
 何是佛 師便打 又有僧問如何是佛法大意
 師亦打 又有僧問如何是祖師西來意
 師亦打 師又云大衆者箇僧有過無過若道
 有過過在什麼處若道無過爲什麼打他且作
 麼生商量知有者出來對衆道看要知親切若
 道不得虛過平生良久打禪床一下便下座

天聖廣燈錄卷第二十三



越城縣廣勝寺

天聖廣燈錄卷第二十四

吉州清源山行思禪師第七世

洛京靈泉院歸仁禪師法嗣二人見錄

郢州大陽山堅禪師 襄州石門山遵禪師

行思禪師第八世

襄州廣德山第二世延禪師法嗣一人見錄

荆門軍上泉院吉禪師

鼎州梁山綠觀禪師法嗣六人見錄

鼎州梁山第三世巖禪師 潭州雲巖山清眺禪師

澧州藥山利昱禪師 鼎州羅紋得珍山主

夾山大哥和尚 襄州石門山慧徹禪師

襄州石門山慧徹禪師法嗣一十二人見錄

襄州廣德山智端禪師 潭州北禪寺顯禪師

礪州桃園山雲嶠禪師 潭州北禪寺懷感禪師

舒州四面山寶津禪師 襄州廣德山重智禪師

鳳翔府青峯山義誠禪師 永康軍景德院真禪師

興元府廣教院紹覺禪師 嘉州承天院義勤禪師

同州饒益寺法華禪師 襄州石門山師筠首座

郢州大陽山堅禪師法嗣一人見錄

潭州北禪寺契念禪師

行思禪師第九世

鼎州梁山巖禪師法嗣一人見錄

鼎州梁山第三世善慧禪師

天聖廣燈錄卷第二十四

第二張

襄州谷隱山知儼禪師法嗣五人四人見錄

襄州谷隱山契崇禪師 襄州谷隱山法誨禪師

襄州開解山重慈禪師 襄州鷲嶺院懷堅禪師

鄆州懷令禪師語可

襄州谷隱山紹遠禪師法嗣六人見錄

鄆州廣濟院守方禪師 隨州護國院崇實禪師

懷安軍雲頂整禪師 潭州道吾山契詮禪師

襄州廣德山慧遠禪師 澧州層山善來禪師

郢州大陽山堅禪師在靈泉入室靈泉問云你

從什麼處來 師云僧堂裏來泉云你為什麼

不築著露柱師於言下省悟有僧問如何是玄旨

師云壁上挂錢財 問如何是無相道場

師云佛殿裏懸幡 問不借時機用如何話祖宗

師云老鼠咬腰帶 問如何是真中真 師云

十字街頭泥佛子 因僧請益法身師有頌

抹柔出日頭黃河輾底流六六三六陝府出鐵牛

襄州石門山遵禪師上堂僧問古人道大悲院

裏有齋意旨如何 師云石人滿面血山草運

無根 問如何是石門境 師云石朶山背無

異路清涼河深徹底看 進云如何是境中人

師云樂界鼓聲連夜響牧牛童子唱巴詞

問如何是佛 師云王宮降誕人皆仰四八端

嚴為後時 進云怎麼則靈山非的意雪嶺有

知音 師云鳥道玄玄無障礙一輪明月正當軒
荆門軍上泉院吉禪師因看華嚴經一日擲卷
在地云黃面老漢得恁麼多口從茲曉悟後參
廣德乃為耶可 師開堂日有僧問云師唱誰
家曲宗風嗣阿誰 師云萬同一點子普潤徧
婆娑 問如何是大道之源 師云簾內有君
當正位殿前四相盡朝儀 進云恁麼即一滴
不離毗盧界萬派朝宗不二門 師云四塞罷
戈齊拱手十方共賀太平年 問如何是祖師
西來意 師云梁王殿上不來往魏國落歸隼
履西

鼎州梁山巖禪師上堂僧問師今出世有何祥瑞
師云家山無異草靈苗徧地生 進云恁麼則
法界蒙恩人天有賴 師云言不干典非君子
所談 問如何是梁山境 師云雲峯千載秀
華木四時春 進云如何是境中人 師云巖
前樵父頻招手大家齊和太平歌 問如何是佛
師云巍巍不顯三身相超然豈與見聞同
問如何是祖師西來意 師云新羅附子蜀地
當歸
潭州雲巖山清眺禪師上堂僧問四眾齊臨於
寶座請師方便為提撕 師云巴歌雖有韻紙
恐和人稀 進云為什麼如此 師云宮商不

入異人耳從來妙旨少知音 問如何是和尚
家風 師云千年冰雪上靈枝萬古春 進云
未審客來將何祇待 師云瑠璃鉢盛無米飯
雲字大會不來人 問如何是恁麼去底人
師云登玄無異路終不暫迴頭 進云如何是
恁麼來底人 師云金鳳銜華離玉洞木馬含
胎半夜歸 進云如何是不來不去底人
師云白雲橫谷口樵子夜忘家
澧州藥山第十二世利昱禪師開堂日拈香示
眾云此一瓣香不從天得不從地來不從十方
而至大眾且道從什麼處來三十年後不得錯
舉便燒香升座 時有僧問師唱誰家曲宗風
嗣阿誰 師云幸自不曾翹足讚時人剛道見
底沙 進云恁麼上來乞師端的 師云靈光
迥透青霄外人天徒自見分拳 問外無所求
內無所依時如何 師云青天白日 進云知
者已知未知者如何領解 師云三十年後
問如何是祖師西來意 師云何不問自己意
學云如何是自己意 師云剩著茶少著水
師上堂云山河大地日月星辰與諸上座同生
三世諸佛與諸上座同奈三藏聖教與諸上座
同時還信得及麼若也信得及陝府鐵牛吞卻
乾坤雖然如是被法身礙卻轉身不得須知有

出身之路作麼生是諸上座出身之路道道良
久云若道不得永沈苦海珍重 僧問格外之
談乞師垂示 師云要道也不難 學云恁麼
則萬仞碧潭許垂一線也 師云大眾笑你
澧州於衙內白蓮亭上會諸尊宿折華供養
請師說法時有俗官問如何是瀾浦境 師云
此是白蓮亭 進云如何是境中人 師云牧
牛童子橫吹笛野老谿邊和不齊 師乃云昔
日須菩提巖中宴坐梵天雨華讚歎須菩提問
空中讚歎復是何人梵天云我是梵天提云云
何讚歎梵云我見尊者善說般若提云我於般
若未曾說著一字梵云尊者無說我乃無聞無
說無聞是具說般若師云梵天恁麼道還稱得須
菩提意也無直然無言無說不涉視聽猶是涅
槃高壑解脫深院若是藥山又且不然文殊按
劍石人膽戰木女心驚久滯諸官尊宿和尙伏
惟珍重 師上堂云古人道上來時薦取下去
時薦取僧堂茶堂裏時薦取藥山即不然上來
也不用薦下去也不用薦僧堂茶堂裏也不用
薦為甚如此本自無瘡勿傷之也珍重 師因
僧入室請益南泉問僧從什麼處來云曾祖來
泉云曾祖有何言句接人云纔見僧來便面壁
泉云我尋常向僧道佛未出世時會取黑豆未

天聖廣燈錄第二十四 第六

生芽時會取尚自不得一人半人你怎麼驢年
去師乃與頌曰 魯祖面壁如何世上仙陀幾
箇不因禪子跨戶大似因風吹火 南泉黑豆
未生時喃喃終是洩天機休向未生全曉悟日
出東方月落西

鼎州羅紋得珍山主師受梁山密旨梁山嘗謂
日子今生緣薄不得出世師後遁跡常好坐禪
四季剃頭一食而已 有僧問十二時中以何
為坐 師云你什麼處見他 問梁山先師遷
化往什麼處 師云撲破鈍雞子飛卻鳳皇兒
進云畢竟歸何處 師云青山常岌岌流水自
茫茫 問親切處乞師指示 師云老僧元是
廣南人 師一日乃述頌一首貼在法堂壁上
老病龍鍾起坐難一條杖子不曾開幾年空欲
歸鄉去祇待臨時摘脫閒 師至來春端然而
化焉

夾山大哥和尚師初參青林問從上諸聖學人
還有分也無 青林據坐 師良久 青林云
會麼 師云不會；青林云無子用心處
師於言下大悟 上堂僧問如何是佛 師云
涼風颭颭吹人冷水上浮漚能幾時 問如何
是道 師云好大哥物外獨騎千里象萬年松
下擊金鐘 問如何是夾山正主 師云好大哥

天聖廣燈錄第二十四卷 第七張 馬守

好手須還藥布作韓光虛望立功勳 僧無語
師云單雄信解弄棗子木稍尉遲公隨後唱番語
問如何是和尚家風 師云好大哥騎駿馬驟
高樓鐵鞭指盡胡人路馬大王從青林請師過
夾山王出遠迎 問如何是祖師西來意

師云好大哥御駕六龍千古秀玉階排仗出金門
問月生雲際時如何 師云三箇童兒抱華鼓
好大哥莫礙我毬門路 問如何是祖師西來意
師云好大哥玉印不離天子手金箱豈可庶人知
師問僧頭上金光現脚下火雲生巍巍大丈夫
復來有何事 僧云特來禮拜和尚 師云射
虎不逢人鈍置千鈞弩參堂去

襄州石門山慧徹禪師初開堂日有僧問師唱
誰家曲宗風嗣阿誰 師云片雲生鳳嶺推子
處處明 問如何是和尚家風 師云解接無
根樹能挑海底燈 學云學人不會挑燈意請師
方便接無根 師云買鳥筆頭挑古韻下手之時誰為
分問如何是石門境 師云後啼山谷韻木馬正
當軒 問如何是境中人 師云通身非影像
常日關喧喧 問一毫未發時如何 師云弄
善不調弓箭透三江口 問如何是佛法大意
師云三門前松樹見生見長 問正當恁麼時
還有師也無 師云草青青時入洞華嶺覆時

天聖廣燈錄第二十四卷 第八張 馬守

迴車 問祖師九年面壁意旨如何 師云三
山鎖夜月照破萬家門 問從上諸聖得箇什
麼便休歇去 師云見諦無生路通身舉妙靈
問至寶無形如何得用 師云素手剔金燈類
顯長天月 問遠遠投師請師便道 師云獲

啼山谷韻虎嘯野僧吟 問如何是和尚深深處
師云龍巢生鳳卵端的勿人知 進云如何是龍
巢生鳳卵 師云帝里穿靴異 進云如何是
端的勿人知 師云千聖不能測 問承教有
言不在內不在外不在中間未審在什麼處
師云三年一閏九月重陽 問和尚燒田還有
過也無 師云龍吟霧起江河靜虎嘯風生萬
里閉 問路逢達道人將語默對將什麼對
師云斫額無觀日沈吟理趣圓 如何是沈吟
理趣圓 師云被閣黎致此一問直得露汗流
問多子塔前是有言說是無言說 師云無言

本自異滔滔天下傳 問如何是鳳皇山 師云
突岫侵天際龍盤鳳舞城 學云如何是山中人
師云朝看雲霧起暮聽子規啼 問如何是有
語中無語 師云滿口道不著 學云如何是
無語中有語 師云寂然機不停 問不起思
念如何請益 師云木人登機織石女夜拋梭
問如何是三乘教外別傳一句 師云東村王

老夜燒錢 問如何是禪非意想 師云要道便道 問如何是道絕功勳 師云浩然不隱的橫身物外閑 問學人貧虛請師濟贍 師云開門無一物到者不空迴 問如何是無上性海 師云竟日雨霏霏江河流不盡 問的玄微如何得用 師云激水浪頭金浴潭波裏月 問如何是無縫塔 師云龍渡碧潭含朗月今來一句對機公 又云龍樓無宿客御輦百華新 問如何是學人本分事 師云戴持不覺重舉步鎮相隨 問如何是和尚一通之啓 師云素幅非文喃喃異說 問如何是最初一步 師云反繫勿底鞋善行雲水路識者善知時不識地獄祖 問不求佛祖底祖底人來時向佗道什麼 師云不求佛祖底人不來問石門 學云與麼即求佛祖也 師云誰是求佛祖者 學云某甲更致一問 師云寶座方高四尺八 問如何是三世諸佛出身處 師云石火夜流光樵人首戴雪 師示衆云道不自名假名唱道 有僧問盧行者爲什麼會得 師云會處不是盧家境 學云如何是盧家境 師云明星背後倒騎生 師示衆云臨濟入門便喝德山入門便捧僧問一棒一喝是古人作用如何是和尚作用 師便打

學云謝師方便 師云知恩者少負恩者多 問文殊仗劍欲殺何人 師云失念者 學云如何下手 師云全用不傷罪當即今 問如何是道 師云目前者是 學云目前何者是 師云行者是 問盡大地是一箇死屍向什麼處埋 師云眼耳鼻舌身 問三身共一體那箇爲正 師云報化路前橫鳥道石人眼裏不栽華 問徧地荆榛如何辨主 師云滴水巖在按山前 問實際理地如何運步 師云幽谷白雲藏日雀擬心棲處隔山迷 問白雲巖畔無人到幽谷深關事若何 師云兔走鳥飛急龍銜海月圓 問如何是祖師西來意 師云少林澄九鼎動浪百華新 問大衆雲臻請師舉唱 師云一句無私語常待五湖僧 問萬法歸宗宗歸何所 師云日裏挑金線全身轉起空 問妙用機關如何通信 師云木馬頻頻叫報道人安 問截鐵之言請師便道 師云日出東方光臨北戶 問古今並是文言秀句如何是和尚奇特一句 師云無鬚鎖子晝夜開 學云如何是和尚之用 師云自來提綱罕遇知音 問如何是佛 師云樵子度荒郊騎牛草不露 問如何是有力底人 師云瞥瞥流光異山嶽豈能遮 問大悲千手

什麼處去 師云烏龜鑽破壁 師解夏日上堂 僧問九旬禁足今已滿自恣之儀事若何 師云糊餅趁蝶九步作一歇 進云未審意旨如何 師有頌兩箇童兒昇木鼓左邊打了右邊舞剎那發現百千般分明示君君記取 師上堂云枕石漱流任緣天真不見古者道撥霞掃雪和雲母掘石移松得茯苓正當恁麼時復何言哉諸德要會慶師有頌 雪霽長空迴野飛鴻段雲片片向西向東珍重 襄州含珠彬禪師上堂云言盡理極情亡杜旨萬法泯然千差絕踏又道法門無際無以智知不可以識識禪德要會慶一切法無盡普會於此道場中若能如是何用東西如今試出來對衆商量看 時有僧問靈山一會何異今朝 師云皓月挂天涯分影落千谿 進云恁麼則今日得親於寶座大法敷揚顯聖明 師云木馬嘶時天地靜泥牛行處吉祥榮 問如何是佛法的大意 師云古木未凋猶腐叫妙峯明月又晶輝 問如何是佛 師云五彩不莊容自異千光長豔目分明 問如何是祖師西來意 師云古今人渴望 進云未委畢竟如何 師云隻履卻西歸 問如何是三乘教 師云上大人 進云意旨如何 師云化三千 問如

大聖廣燈錄 第十四 第十二

何是和尚家風 師云白雲常澹佇碧落任清虛
進云客來以何祕待 師云蓬島有時窺鶴舞
蠻天多是見雲飛 問急切相投時如何

師云速 學云如何則是 師云不用苦咨嗟
問學人上來請師一句 師云得 進云未審

得箇什麼 師云德山拄杖天台柳栗 問如
何是和尚正法眼 師云瞎 問如何是和尚

開換子 師豎起拂子 學人便喝 師便打
問向上一言請師便道 師云金鞭敲玉鐙

于不高歌
兩嶽山福嚴寺雅禪師開堂日諸官同降大衆
雲集師外座有僧問朝騎既臨於法會請師方

便演宗乘 師云三尺杖子攬黃河 進云宗
乘已蒙師垂示俗諦門中又若何 師云佗後

會去在 問師唱誰家曲宗風嗣何人 師云
昔年漢水親承處此日衡陽祝聖明 進云恁

麼即洞山嫡子雲門玄孫也 師云禮拜了退
問如何是和尚家風 師云入門便見 問如

何是佛 師云臂長衣袖短 問如何是吹毛劍
師云闍梨還用得麼 進云莫便是和尚慈悲

也無 師云蘇嚕悉哩 問如何是道 師云
四十五里長松徑南北遊人不厭頻 進云如

何是道中人 師云兩兩三三 師在洞山會

大聖廣燈錄 第十五 第十三

先師時如何 師云石上東流水 進云見後
如何 師云無雲雨露施 問威音王佛已前

和尚在什麼處 師云虛空無障跡常日面前輝
學云如何領會 師云退身三步即見宗親

進云便恁麼領會時如何 師云是箇什麼
問月暗星昏時如何 師云山深雲霧霧虎戴

雪霜眉 問如何是玄中玄妙中妙 師云搔
首捫虛空無絲牽大象 問如何是無言之說

師云萬里無雲雨青天海晏雷 問如何是般若
師云瑞草透山秀言中歷歷明 問如何是山

中寶 師云空華從地發蓋國買無門 問如
何是佛法至理 師云旨妙塵機異通身覺路主

問學人欲求一物時如何 師云汝擬求箇什麼
學云和尚還容許也無 師云廓落長安道不

見往來人 學云請師指示 師云展手不開
拳分明善看取 問寶物不現時如何 師云

夜月透紗窻身不現影 問東方纔動猶未
曉三更已前事若何 師云絲芒不隔毫端事

滿目崢嶸不醫塵 問一無所有如何進步
師云無油不點燭明曜阿誰當 問如何是石門境

師云碧蘿常鬱翠不礙一輪輝 問如何是和
尚接人一路 師云挑燈不隔手明明會也無

問如何是沙門行履處 師云三更不點燭午

大聖廣燈錄 第十六 第十四

後不然燈 問一燈然百千燈如何是一燈
師云威音室裏元無燭三更不借夜明簾

問如何是一句下事 師云靈源一派異流注
百川中 問如何是透法身一句 師云海底

浮漚發須彌頂上攢 問便恁麼時如何
師云運步人先覺迴來絕點痕 問此箇門中

還有知音也無 師云有 如何是知音者
師云堅水消散後游魚處處通 問知君巧妙

能針線石人衣破怎生縫 師云穿山有路下
句當機 進云恁麼則師好手也 師云汝得

箇什麼氣力 問如何是庵中主 師云鶴息
瑞雲飛巢中無破卵 問雲光作牛意旨如何

師云陋巷不騎金色馬迴來卻著破欄衫
問亡僧遷化向什麼處去也 師云露柱挂燈籠

問如何是沙門上上不及處 師云孤月海底
圓不見浮漚過 問如何得便休歇去 師云

截斷萬重關井底然燈坐 問師子未出窟時
如何 師云金毛不覆瓜 進云出後如何

師云振地勿遮欄 問如何是究竟身
師云通身非影像常日在人前 問如何是福

慧雙修 師云穿靴當執簡擊磬韻金鐘
問十二分教即不問如何是真經 師云諦聽

帝聽 問祇如龐居士問馬大師意旨如何

師云待虛空撲落地即向汝道 問三際不生
 是何境界 師云三公九卿排班位真珠簾下
 鼻撩天 問含胎久矣啐啄同時如何 師云
 大洋海底攢燈坐從頭第二噴毛斑 問文不
 加點時如何 師云正當恁麼時 學云正當
 恁麼時如何 師云瑠璃殿上尾吐沙 問佛
 究竟如何 師云乘船頻舉棹萬里望船翁
 進云便恁麼去時如何 師云誰是掉船人
 問如何是一色 師云金湯鍍瓦礫 進云一
 色後如何 師云燈背夜明簾不照齊身草
 問響板未鳴時如何 師云汝猶不覺在
 進云鳴後如何 師云聲在什麼處 問如何
 是無相道場 師云月照水澄澄青山無異路
 進云如何是道場中人 師云我今向汝說汝
 還會也麼 問如何是和尚活計 師云拈空
 拄空 問如何是學人著力處 師云暗室夜
 明燈晝夜無停止 問不落諸緣請師道 師云
 無因不出戶 進云恁麼則虎不呈威龍吟在寢
 師云嶽脊路崔嵬大地平如掌 問燈未點時
 明在什麼處 師云秋如關梨未問時問在什
 麼處 問如何是山中人 師云遙望江山萬
 里青 學云此猶未是山中人 師云今日遇著
 明眼者 問一物不將來時如何 師云放下著

學云一物不將來放下箇什麼 師云猶自擔
 板在 問金鳳透白雲時如何 師云海州圓
 月現赫赤滿天涯 問進前無路退後無門時
 如何 師云兩腳林子莫偏坐 問頓脫羈塵
 時如何 師云十八擔子一人擎 問如何是
 般若 師云開合演若多未輝圓妙的 問枯
 木倚寒巖時如何 師云莫作者活計 學云
 作什麼活計即得 師云活計家山實縱橫處
 處通 問如何是真色 師云龍非海客嶽對
 千山 問如何是塵中主 師云銅鈔鐸裏滿
 盛油 學云不會 師云糊糝入道場 問如
 何是轉身前 師云不與白雲連 進云如何
 是轉身後 師云不入威音會 學云如何是
 正轉身 師云朗月玄玄不墜的 問一拳打
 不過意旨如何 師云徧地崢嶸祇是者漢
 問如何是和尚家風 師云龍樓金鳳子根臥
 不栽衣 問遠遠投師請師便接 師云溺水
 河邊待渡人漁翁岸上頻招手 問國土晏清
 誰人為主 師云擺手乾坤動 學云王道又
 如何 師云嘉禾合穗野老謳謠 學云向上
 還更有明會處也無 師云有 進云如何是
 向上事 師云堯舜不持林下詔洗耳江邊飲
 牧牛 問片月落空山隻獲何方去 師云西

山雲霧靄東嶺月明時 進云學人恁麼舉手
 來時如何 師云徧地一輪孤萬象齊來看
 襄州廣德山智端禪師 上堂僧問從上諸聖
 往什麼處去也 師云御輦不遊金色界手攜
 箸笠問田翁 問牛頭未見四祖時如何
 師云著衣喫飯 進云見後如何 師云著衣
 喫飯 問如何是廣德山 師云當陽華易發
 背陰雪難消 進云如何是山中人 師云朝
 霞不出門暮霞行千里
 潭州北禪寺顯禪師有僧問師見石門得箇什麼
 師云金華合玉蕊荒郊帶雪開 問如何是真
 如佛性 師云隨流無罣礙當用處處真
 進云蕩子歸家更無異號 師云頭頭不展手
 物物謾勞工 問如何是和尚家風 師云一
 輪當宇宙處處總光輝 進云忽遇客來將何
 極待 師云物物總是非勞力頭頭不用牧童
 矇州桃園山雲嶼禪師開堂升座云西來妙旨
 覲面難當電發千機無勞佇思有何作者便請
 相見時有僧出禮拜 師云足下過也 僧禮
 拜起擬問 師云駟馬難追 問鳳皇一曲師
 親唱願把玄微示一音 師云洪音不韻人聞
 調直出青霄和得麼 進云恁麼則知音不和
 師云滿口冰霜冷徹骨巖下石人笑點頭

天聖廣燈錄卷第二十四

第五

問如何是佛法大意 師云水流澗下雲吐峯頭

潭州北禪寺懷感禪師有僧問如何是諸聖為

人底句 師云紅輪當萬戶光燭下無私

進云如何是和尚為人底句 師云金鈎混玉

浪游魚焉敢吞 進云恁麼則空手歸家

師云怨佗誰 問如何是佛 師云尺短寸長

舒州四面山寶津禪師有僧問如何是祖師西

來意 師云山寒水冷 師問修造僧本自圓

成何得開山造寺 造云擔枷過狀 師云未

在更道 造云兩重公校 師拈棒 造擬議

師便打 問僧什麼處來 僧云舒州來

師云正落四面手裏 僧無對 師云且坐喫茶

拄杖頌

四面一條杖當機驗龍象頭角稍低昂電光臨背

襄州廣德山重智禪師有僧問師唱誰家曲宗

風嗣阿誰 師云白雲漫風嶺天下太平歌

問廣德此日師親據鳳皇巖下意如何 師云

靈源一派異滔滔應萬機 問如何是及時節

底句 師云寒即向火 學云不會 師云熟

即取涼

鳳翔府青峯山義誠禪師有僧問師唱誰家曲

宗風嗣阿誰 師云十年遊漢水拾得鳳皇毛

問如何是青峯家風 師云向火喫甜瓜

天聖廣燈錄卷第二十四

第六

問三際不生是何境界 師云白雲連雪嶽明

月混魚鈎 進云未審向上更有也無 師云有

進云如何是向上事 師云靈光燦破瑠璃色

大地明來絕點痕 問如何是祖師西來意

師云石牛欄古路木馬驟高樓

永康軍景德院真禪師有僧問師唱誰家曲宗

風嗣阿誰 師云無根樹下親付囑并底挑燈

更是誰 進云宗風雖蒙師指示今日當筵又

若何 師云金龍出洞祥光聚鳳皇翥翼野雲飛

問如何是道 師云千差雖有異一月照無偏

進云如何是道中人 師云行立不舉步鳥道

任來過 問如何是諸佛前 師云片雲鎖寒巖

進云如何是諸佛後 師云滴瀝無相似

興元府廣教院紹榮禪師有僧問如何是佛法

大意 師云斗山糶米讓水蓋子 問如何是

從上來相傳底事 師云片月流暉光含萬象

進云即今事又作麼生 師云擊動乾坤鼓

磬人未驚

嘉州承天院義勳禪師有僧問如何是和尚家風

師云不直半分錢 進云忽遇客來將何祇待

師云滿盤釘不出到者善知時 問如何是諦

實之言 師云措大巾子黑

同州饒益寺法華禪師行脚至襄州石門微禪

天聖廣燈錄卷第二十四

第七

師會下一日早晨上閣評微云數日天陰日往

什麼處去也 師良久云某甲道不得 微云

你問我與汝道 師便問數日天陰日往什處

處去也 微云廚下搨搨聲 師云會也

微云你見箇甚麼道理 師云廚下搨搨聲師

因茲省悟迴本寺雖不出世雲堂法侶常盈日

數師又誓不出寺常誦蓮經因僧辭往石門師

寄一問其僧到石門乃問金鳳透白雲時如何

微云海州圓月現赫奔滿天涯微云且住此間

是自置人教你若是自置你須說來若說不得

與棒出院僧云是同州饒益寺法華教某甲問

微云情知不是你問後微禪師果發人取令住

石門師堅辭之乃寄月頌一首

曠劫碾長天山河景色鮮千家含瑞影萬里一

輪懸有照森羅影無私徧大千太虛留不住豈

受白雲漫 微上堂云滅胡種滅胡種

襄州石門山筠首座師受業於太原金藏院

自入此山三十餘載每中食訖荷鋤披捺手植

梨栗徧于山田是會眾仍露餘利綽有懿行叢

林慕焉緇白凡三請出世不諾一日因僧請喫

茶次僧問如何是首座一著子 師云適來猶

記得 僧云即今又如何 師云好生點茶來

師因擔鋤入園次僧問三身中那一身去作務

師拄鋤而立 僧云莫便當也無 師擔鋤便去
潭州北禪寺契念禪師有僧問如何大道之源
師云衆流混不得 進云獨脫事如何 師云
穿雲透石 問如何是不墜古今底句 師云
十五十六日月相逐

鼎州梁山第三世善冀禪師上堂云日日槌鐘
擊鼓本自不迷何須求悟諸上座未到梁山橋
亭早有三十棒分如今上來覓箇甚麼珍重
僧問撥塵見佛時如何 師云莫眼花 問和
尚幾時成佛 師云直莫壓良為賤 進云和
尚為什麼不肯承當 師云好事不如無

師因舉魯祖和尚見僧來便面壁乃有頌曰
魯祖三昧最省力纔見僧來便面壁若是知心
達道人不在揚眉便相悉

師因僧有煩惱作頌曰
若人心在道煩惱自然無不是無心法本來若太虛

牧牛頌

梁山一頭水牯牛素無鼻孔復何收朝昏擬犯
他苗稼一喝便教却迴頭迴頭照見無一物自
然快樂得無憂從茲會得放牛法不揀荒田得
自由

襄州谷隱山契崇禪師有僧問如何是祖師西
來意 師云番人皮表胡人著 進云不會此

理如何 師云聾人側耳啞人歌
襄州谷隱山法誨禪師有僧問師唱誰家曲宗
風嗣阿誰 師云石笋抽條鵬月春 進云恁
麼即虎窟嫡子也 師云莫亂道 問如何是法
師云山河大地 進云莫便是和尚為人處也無
師云何必

襄州開解山重慧禪師有僧問承教有言不可
以智知不可以識識此意如何 師云龜毛拂
子隨時用兔角分明應萬機 進云學人未曉
乞師方便 師云石人解唱長生曲玉女能分
八字眉 問如何是學人自己 師云到處問人
進云乞師方便 師云爭奈何

襄州鷲嶺院懷堅禪師有僧問最峻無過劒刃
鋒如何是劒刃鋒 師云非君境界 進云進
即是退即是 師云俱錯 進云不進不退時
如何 師喝 夏滿日僧問西天以蠟人為驗
未審此土將何為驗 師云賊人膽底虛

進云恁麼則今日十六來日十七 師云放你
二十棒 問鼓聲纔罷大眾雲臻學人上來師
意如何 師云與棒 進云教學人如何措足
師云罪不重科

鄧州廣濟院守方禪師先住潭州延壽寺開堂
日僧問和尚得箇什麼便休去 師云自從咬

破鐵餞餉直至如今五味全 問如何是延壽境
師云舒湖清似鏡照破萬人心 進云如何是
境中人 師云守方今年四十九 問牛頭未
見四祖時如何 師云失曉烏雞頭帶雪
進云見後如何 師云雪散雞飛影不存
問古鏡未磨時如何 師云光明烜赫 進云
磨後如何 師云黑似漆

隋州護國院崇寶禪師有僧問師唱誰家曲宗風
嗣阿誰 師云打動獨松鼓唱起鳳皇歌
問天人羣生類皆承此思力如何是此思力
師云風高月冷

懷安軍雲頂鑒禪師有僧問師唱誰家曲宗風
嗣阿誰 師云石鼓擊時天地動木人橫笛火
中吹 問如何是雲頂境 師云千年枯木華
重秀萬劫盤陀鎮古峯 進云如何是境中人
師豎起拂子云見麼 學云見 師云見即不
到怎麼田地也

潭州道吾山契詮禪師有僧問師唱誰家曲宗
風嗣阿誰 師云鳳嶺無秋曲如今天下傳
問如何是道吾境 師云谿華含玉露庭果落
金臺 進云如何是境中人 師云擁爐披古
衲曝日枕山根 問牛頭未見四祖時如何
師云玉上青蠅 進云見後如何 師云紅爐

師云玉上青蠅 進云見後如何 師云紅爐

天聖廣燈錄卷第二十四
第四十四
炳裏冰

襄州廣德山慧遠禪師有僧問如何是祖師西來意 師云一枝瑞草流東土六葉芬芳亘古今 問如何是古佛心 師云石人擊缶木人聽 問如何是禪 師云久旱蘆華雪滿天 進云莫祇者箇便是也無 師云是即應大奇 澧州層山善來禪師有僧問如何是道 師云此去石門縣三里 進云如何是道中人 師云張三李四 問布袋裏盛烏龜意旨如何 師云千聖名不出通身豈滯機

天聖廣燈錄卷第二十四



天聖廣燈錄卷第二十五

身

吉州清源山行思禪師第九世

郢州大陽山警延明安禪師法嗣九人見錄

蘄州四祖山慧海禪師 郢州興陽山清剖禪師

復州乾明禪院機聰禪師 襄州白馬山歸喜禪師

衡州崇勝院智聰禪師 南嶽福嚴院審承禪師

南嶽方廣院隆禪師 廣州羅浮山顯如禪師

蘄州靈泉院處仁禪師

清源山行思禪師第十世

南康軍歸宗詮禪師法嗣一人見錄

相州天平山第四代契恩禪師

南嶽山懷讓禪師第七世

郢州芭蕉山慧清禪師法嗣十二人見錄

郢州芭蕉山遇禪師 郢州芭蕉山圓禪師

郢州興陽山法深禪師 郢州子陵行齊禪師

彭州承天院弊確禪師 桂州壽寧院善義禪師

郢州林谿山微禪師 興元府牛頭山精禪師

益州覺城院信禪師 郢州芭蕉山閑禪師

郢州芭蕉山迥通禪師 郢州子陵山超禪師語句不錄

蘄州四祖山慧海禪師上堂云要急相應唯言

不二作麼生說箇不二底道理然即人人盡知

有要且不相續作麼生得相續去良久云但自

心藏異跡語去浮雲珍重 僧問如何是古佛

天聖廣燈錄卷第二十五

第三十

家風 師云密展靈關異千機類不齊 元正日

僧問時遷景運人皆委不落四時事若何

師云歷劫不迷今日事一輪碾破四時機

學云今日事又如何 師云煙嵐霧氣疑蕭索

賞賚無私又一年

郢州興陽山清剖禪師開堂日升座云西來大

道理絕百非向內投機全乖妙旨不已而有

屈祖宗豈況切切有何相益然雖如是事無一

向且於唱道門中通人一線大家近前商量時

有僧問達磨未傳心下印釋迦未解結中珠此

時若問西來意還有西來意也無 師云異草

三冬秀不待五天雷 學云若不上來伸此問

焉能辨得法王機 師云塞北高飛鷹隨翼喪

身軀 問知師妙得空王旨今日當筵事若何

師云浩然非所得廓落迴天涯 進云妙用事

又如何 師云帝網重重無間斷交光旋布目

前機 問婆伽出海乾坤振觀面相呈事若何

師云妙翅展時當宇宙箇中誰是出頭人

進云忽遇出頭時又如何 師云似鶴提鳩猶

未覺御樓前面始知真 進云怎麼即退身三

步也 師云須彌座上烏龜足其待重遭點額痕

復州乾明院機聰禪師上堂云太陽溢目洞鑿無虧

因什麼卻有迷悟祇為情生智隔想變體殊一

天聖廣燈錄卷十五

第三

新

念超越千途路絕且道怎麼上來還隔不隔喫
茶去 問如何是佛法大意 師云此問不虛
學云如何領會 師云言前不薦句後難明
問舉手搥金誰是得者 師云真金不混水展手
即迷源 進云怎麼則不從人得 師云從來
無異色爭肯受提撕

襄州白馬山歸喜禪師上堂僧問師唱誰家曲
宗風嗣阿誰 師云無私一曲誰人和今日分
明舉似君 進云怎麼即梁嶠親孫大陽嫡子也
師云敲空不作響平地有雷生 問如何是白
馬境 師云滿目青山秀不逐四時凋 進云
如何是境中人 師云衲擁雪眉長 問如何
是白馬山 師云鳳林關外虎谿前 問如龜
藏六時如何 師云布袋裏弓箭 問不著佛
未不著法求當於何求 師云村人跪拜石師千
進云意旨如何 師云社樹下設齋 上堂云
急走即蹉過慢行趁不上沒量大衲僧無計奈
何有多口饒舌底出來 時有僧問一句即不
問如何是半句 師云投身擲下 進云者箇
是一句也 師云半句也摸不著 問如何是
闍寂之門 師云莫鬧莫鬧
衡州崇勝院智聰禪師有僧問師唱誰家曲宗
風嗣阿誰 師云不曾登殿剛道獻華來

天聖廣燈錄卷十五

第四

新

問如何是和尚為人底句 師云無弦琴有韻
今古和難齊 進云忽遇知音時如何 師云
知音不歷耳達者豈從聞 問如何是祖師西
來意 師云瑞草連山秀霜華焰裏開
潭州南嶽山福嚴院審承禪師有僧問大陽一
曲師親唱擲鉢峯前事若何 師云猿啼山谷
韻玉女和聲齊 進云怎麼即一句迴超千里
外當陽舉令又如何 師云三年一閨人皆委
九月重陽豈異同 問如何是祖師西來意
師云一條湘水浸衡陽 問如何是衣中寶
師云開拳無一物應用不曾虧

潭州南嶽山方廣寺隆禪師有僧問如何是妙
玄無私句 師云萬仞峯前標不出深深海底
豈能藏 進云怎麼則知音不和 師云荆玉
本無瑕三獻方為寶 問如何是方廣境
師云山寒無異草嶺峻不披雲 進云如何是
境中人 師云林下石人歌一曲谿邊木女盡
知音
廣州羅浮山顯如禪師行脚時大陽上堂師問
如何是無縫塔 大陽良久 師便禮拜
大陽云見什麼道理 師云不辭祇對和尚恐
上紙墨 大陽云官不容針 問如何是大嶽底人
師云不行千聖路迴光燭萬機 學云即今事

天聖廣燈錄卷十五

第五

新

如何 師云紅輪當宇宙剛有不明人
蘄州靈泉山處仁禪師有僧問如何是靈泉一
滴水 師云靈源無滴瀝普潤徧乾坤 問如
何是清淨法身 師云隨流常出沒不滯往來蹤
進云應底事又作麼生 師云千差無異轍萬
像目前分

相州天平山第四代契愚禪師天平山受業後
遊九峯詮禪師移錫歸宗囑師居九峯開堂後
住天平矣 僧問師唱誰家曲宗風嗣阿誰
師云杖鼓兩頭打 問如何是祖師西來意
師云鎮州蘿蔔石合茶 居士問法無動搖時
如何 師云你從潞府來 居士云一步也不曾慕
師云因什麼得到者裏 居士云和尚睡語作
什麼 師云放你二十棒有俗官問無隣可隔
為什麼不相見 師云怨佗誰 師問二人座
主先問第一人講什麼經論 主云百法論
師云百法從幾法生 主云百法從一法生
師云一法從何而生 主無對 師問第二人
講什麼經論 主云唯識論 師云作麼生是
三界唯心萬法唯識 主無對 師一時喝
師廊下行次見僧以拄杖示之 僧便近前拈
師便打
鄂州芭蕉山第二代遇禪師上堂云法法圓明

物物成現更不用拽長就短拽短從長知有者
 實謂省要不知有者徒自疲勞珍重 僧問如何
 是祖師西來意 師云是星皆拱北何水不朝東
 進云爭奈學人未會何 師云逢人但恁麼舉
 問如何是芭蕉境 師云山松鬱鬱澗水潺潺
 進云如何是境中人 師云此去鎮縣不遠開梨莫
 造次問如何是道 師云風鳴雨思 進云便恁
 麼去時如何 師云更須子細
 鄂州芭蕉山第三代圓禪師上堂云三千大千
 世界夜來被老僧都合成一塊輾向須彌頂
 上帝釋大怒拈得撲成粉碎諸上座還覺頭痛
 也無良久云莫不識痛痒好珍重 僧問如何
 是和尚接人一句 師云要頭截取去 進云
 和尚豈無方便 師云心不負人面無慙色
 問如何是芭蕉境 師云石人峯在主人公
 進云如何是境中人 師云丫髻山童少禮儀
 問省要處乞師一言 師云好 進云請師道
 師云千里萬里
 鄂州興陽山法深禪師上堂云道無方所非言
 語之所論法非名相豈意識之度量本自圓成
 何勞名貌蓋是今時學者自昧心源不能洞達
 一向巡佗門戶逐境求真背覺合塵靡省已識
 如今勸你一時放卻但於十二時中不起一念

不昧一塵隨處在起頭頭物物一時成見更不
 著馳求緣諸外境一念相應眾善自然成辦且
 汝等還肯承當得也無若肯承當得者試對眾
 道看與汝證據良久云若無人道得卻成相鈍
 置久立珍重 僧問十二時中以何為的
 師曰戒有明文 進云學人未會乞師端的
 師云信受奉行 問諸法實相如何言論
 師云三更不秉燭 進云學人如何得受用
 師云晝日看星光 問法法道同時如何 師云雲
 騰不致雨進云久久又如何 師云山色有何枯
 問一切諸佛及諸佛阿耨多羅三藐三菩提法皆
 從此經出未審此經從何而出 師云春風常引白
 雲飛 學人未曉乞師再指 師云春水長流無盡
 問如何是大道之源 師云十八頭看塔子 進云未
 委此理又如何 師云千萬人看不知休
 彭州承天院解確禪師開堂日示眾云正令提
 綱猶是捏窠造偽佛法祇對特地謾葛上派問
 著即參差甚著即差互大衆擬向什麼處下口
 然即如是事無一向權柄在手縱奪臨時有疑
 請問 時有僧問如何是第一義 師云羣山
 穿海去滴水下巖來 問師唱誰家曲宗風嗣
 阿誰 師云道頭須會尾舉目便知心 問今
 日一會何異靈山 師云大海藏霞影高峯積

翠微 問如何是禪 師云親切不離家寂寞
 卻歸戶 進云如何是道 師云拍拍是令
 學云禪道相去多少 師云天上人間海中并底
 問法王未登寶座時如何 師云煬帝隋隄柳
 四季色長青 進云登寶座後如何 師云嵩
 山不高南嶽不廣 問佛法付與王臣郡牧在
 此請師付法 師云雲澹秋空裏雪散野田中
 問無縫塔即不問如何是玲瓏塔 師云荆棘
 林中栴檀樹麋鹿羣裏麝香兒 問非取非離
 即不問須彌大海光明普照時如何 師云仙
 樂聲嘹亮凡耳盡得聞 進云莫便是即今事
 也無 師云埽子何厚瓦子何薄 問大衆祇
 看宗師眼未審宗師眼若何 師云月華鋪地
 面雲影落山頭 進云莫便是和尚照底事也無
 師云天王甲金剛掌 問貧子衣中寶輪王頂
 上珠如何是輪王頂上珠 師云羅執不是貴
 布素卻為珍 進云如何是貧子衣中寶
 師云祇看脚前脚後 問又扣靈龜為什麼不
 知音信 師云峻疾三峽水高低五面山
 問也知一塵舍法界大地微塵事若何 師云
 迢迢三徑路落落九疑山 問承教中云聲聞
 人耽三昧酒涅槃盤何處不通津如何是涅槃鄉
 師云隔壁不聽聲出門不見道 問地藏豎兩

天聖廣煥錄第五

第九張

指意旨如何 師云拍手出門日洗脚上船時
 問建八諦之醫王受掌中之妙藥如何是受掌
 中之妙藥 師云西瞿邪尼擊法鼓東弗于逮
 坐道場 問本來無一物將何示於人 師云將
 軍不解戰祇看箭頭端 進云怎麼即有物與
 人也 師云短劍在前長鎗在後 問真金未
 出鑛時如何 師云騎牛戴席帽 進云出鑛
 後如何 師云鬧市不出頭 問心若無事萬
 法不生時如何 師云雨滴苔紋斑點點風吹
 松檜葉零零 進云怎麼即有事去也 師云
 風不來樹不動恰是好休時 問如何是普眼
 師云寂寂更夜長颼颼涼風起 問十二分教
 即不問如何是衲僧分上事 師云牧人愛山
 水釣客戀漁舟 問有問在心出口不得時如何
 師云塞外將軍劍筵中錄事籌 問寒寒永罷
 頓繁語特地尋師願指南 師云海上遊三島
 天邊看七星 問龍女獻珠後為什麼不見龍
 女去 師云帝王垂拱日宰相罷筆時 問代
 代相傳諸祖印未審師還許也無 師云一片
 落長空風栖不擇樹 問是法平等為什麼有
 達不達 師云穿靴登峻嶺騎牛入佛堂
 問一切有為法如夢幻泡影如露亦如電學人總
 不俱時如何 師云亂雲生水上片月落池中

天聖廣煥錄第五

第十張

問不在內不在外不在中間未審在什麼處
 師云十字路閑人過少三家村僻虎行多
 問學人有一隻箭射即是不射即是 師云作
 麼生是闍梨箭 學人下蜀 師云者箇是草
 箭子 進云如何是和尚箭 師云禁忌須屈
 指禱祈便扣牙 問心隨萬境轉阿那箇是轉
 萬境底心 師云嘉州大佛古人鐫 因郡城
 迎舍利僧問云古佛舍利自有神通為什麼卻
 要懺華迎引 師云念佛數珠破來往袈裟穿
 問藏教卷首兩字以八不成是何章句 師云
 棒打阿師頭未曾論實事 進云阿那箇是實
 師云識人者多鑿人者少 問百骸俱潰散一
 物鎮長靈是什麼一物鎮長靈 師云行泥須
 拄杖跨水不須船 問如何是佛法大意
 師云人天會裏大眾不聞 問二祖不往西天
 達磨不來唐土意旨如何 師云佩劍須歸匣
 擊鼓不離棹 問有文不覽時如何 師云簷
 前雨滴滴戶外草萋萋 問不入大海不見寶
 珠寶珠出現時如何 師云日月留不住風雨
 自當時 進云學人未曉乞師方便 師云今
 日來明日去 問承師有言一句道盡如何是
 一句道盡底法 師云要知千年事但問百歲人
 進云學人還道得也無 師云剪截繁辭試道者

天聖廣煥錄第五

第十張

進云闍轉三乘教開吟五字詩 師云者箇是
 教意自己意作麼生 進云水到渠成 師云
 大眾面前連禮三拜 問方寸大家話唯我獨
 不知持如何 師云三思因孟母一孝為曹娥
 進云大眾儼然請師直指 師云迢迢十萬里
 莫嫌脚步多 問江山霧起龍吟響虎嘯風生
 事若何 師云五彩畫不就十指捏便成
 進云怎麼即野鶴來栖泊鳳舞正當軒 師云
 一句若道得萬句也惺惺 進云怎麼即謝師
 證據 師云證據底事又作麼生 學云珍重
 師云速禮三拜 問眾罪如霜露慧日能消除
 時如何 師云亭臺深夜雨樓閣靜時鐘
 進云為什麼因緣會過時果報還自受 師云
 管筆能書片舌解語 問如何是室內一燈
 師云四時無凋變八節鎮長明 進云忽遇大
 風起時如何 師云若人行夜地終是不惺惺
 問打疊撥撥今己了未審前程序若何 師云
 白雲隱隱深山裏淥水淥淥大渡邊 師上堂
 云諸上座若論佛法各各當人分上本來具足
 並不少欠與諸上座增減一毫不得自是不覺
 不知曉夜忙忙尋經討論向者邊那邊馳求覓
 箇會解見佗諸方老宿開口動舌便競頭頭將
 去問道問自己開佛問祖向上向下菩提涅槃

便將爲自己聖在皮袋裏到處便逞驢唇馬背
 要得問難道我儂儂後五日死入地獄鐵牛耕
 你舌頭有日在莫言不向你道如今勸你諸人
 但自迴光返照向自己脚根下子細推尋看是
 箇什麼識取本分道理不用尋佗舌頭露布可
 惜平生爲人丈夫志氣一刀兩段便須徹頭去
 豈不是好事即今有什麼事近前商量時有僧
 問未曉真如將何辨已 師云墮 進云怎麼
 即事理分明 師云著 問善法堂中師子吼
 毗盧心印事如何 師云園中果子堪宜雨架
 上冬瓜最怯風 問如何是進道門 師云信
 脚行千里搭頭坐百年 進云怎麼即是和尚
 照燭世界 師云是照燭底又作麼生 進云
 風雨時時潤 師云念是主事放你三十棒
 問承教云清淨行者不入涅槃破戒比丘不墮
 地獄此理如何 師云但能勘角定不在闍羅窠
 問賓頭盧爲什麼日赴萬家齋 師云路隔千
 條水門對萬重山 進云爲是請來不請而來
 師云隨影看頭不見面 問佛法大意即不問
 有聲無形事如何 師云言談常在口起坐鎮
 隨身 進云怎麼即有聲去也 師云無聲底
 事又作麼生 進云和尚見處 師云瓜州所
 由叅長官 問如何是祖師西來意 師云天

下沒量州陝府出鐵牛 進云怎麼即一二三
 師云今日事作麼生 僧無對 師云一狀領過
 師早參上堂云晨鐘報曉早參期鐘鼓相催衆
 集時眨上眉毛須看取莫教喪卻目前機又云諸
 上座不妨省力直下便怎麼薦得早落第二頭
 珍重
 鄧州子陵山行齊禪師上堂云若論此事直教
 縱橫無滯舉措分明應用現前無勞機杼若能
 如是少分相應未得如是且莫強生節目珍重
 僧問如何是一代時教 師云點劃不到
 進云如何受持 師云蘇盧漢漢 問學人
 乍入叢林乞師指示 師云老僧住來不曾打
 師僧 進云怎麼即學人罪過 師云自領出去
 問如何是學人自己 師云因來打睡渴即飲茶
 進云怎麼則謝師指示 師云鴉王擇乳素非
 鴨類
 鄧州林谿徹禪師開堂日拈香云以此大事奉
 塵刹是則名爲報佛恩便外座云不而以有
 屈祖風今大衆息疑四人同一師共唱靈峯曲
 大衆還聞也無到諸方不用錯舉有事請問
 時有僧問師唱誰家曲宗風嗣阿誰 師云十
 方無異路諸祖共提撕 進云畢竟是誰家曲調
 師云風吹密意至海東 問先師有密旨乞師

重舉揚 師云安岷靈峯秀千山向裏朝
 進云怎麼則不負先師也 師云連禮三拜
 問如何是祖師西來意 師云此問不惡
 問靈山一會迦葉親聞此日臨筵請師舉唱
 師云十方皆杜口三藏豈能詮 進云怎麼則
 大衆有賴 師云莫亂道 師上堂云未得諸
 途絕路且須諸途路絕若得諸途路絕更須外
 進若不外進飽鳥棲蘆因魚上泊作麼生是外
 進底句還有人道得麼若也道得同共證明若
 道不得長安路上鞦韆地 僧問如何是和尚
 一句 師云泊錯祇對閻梨 進云豈無方便
 師云方便不少 問三乘十二分教即不問如
 何是宗門一句 師云七縱八橫 進云如何
 領會 師云泥裏倒泥裏起 問如何是最初
 一句 師云石火電光已經塵劫 進云豈無
 方便 師云者鏡漢 問如何是法身 師云
 青山諒水 進云爭奈學人不會 師云三十
 年後 師上堂云祖令當行非論三乘漸次投
 機高士頓超諸地之前然即如此猶是屈已迷
 源何堪更入郊野作麼生是紀綱底句還有人
 道得也無若也道得試出來道看若道不得出
 一叢林入一叢林珍重 僧問如何是林谿境
 師云前山後水 進云如何是境中人 師便喝

天聖廣風錄第五 第十五

學人禮拜 師云且放你一頓 問牛頭未見四祖時如何 師云也祇是箇漢 進云見後如何 師云也祇是箇漢 問如何是祖師西來意 師云著體汗衫 師上堂云有一人怎麼去有一人怎麼來且道此二人阿那箇為得人天眼 目衲僧作麼生辨若辨得去有參學眼若辨不得莫個人設齋珍重 僧問和尚年多少 師云甲子顛倒數 學云的當是多是 師云星辰失位 問從上來事如何舉揚 師云已被明眼人覷破了也 問學人乍入叢林乞師指示 師云不可撒沙向汝眼裏去也 進云怎麼即謝師指示 師云還夢見麼 師上堂云擊電之機徒勞佇思且向泥水裏會取堆山積嶽盈衢溢路雖是泥水裏說話幾箇人構得珍重 僧問狹路相逢時如何 師云勿使異人聞 進云未審此理如何 師云還反側麼 問佛佛授手祖祖相傳未審傳箇什麼 師云碧眼胡僧笑點頭 進云未審傳箇什麼 師云待你悟始得 問寶劍未出匣時如何 師云進前三步 進云出匣後如何 師云退後三步 師上堂云釋迦老子四十九年說法度人無數 大似捏目生華剗肉成瘡塵良為賤其中若有一箇漢子釋迦老漢走透無路雖然如是也須

天聖廣風錄第五 第十六

實到者箇田地方可未到者箇田地不得掠虛落汝眉毛去在珍重 僧問如何是玄路 師云非履踐 問祖意教意是同是別 師云二由一有一亦莫守 問古人道牛頭橫說豎說未知有向上事未審向上還有事也無 師云有 進云如何是向上事 師云秋到黃葉落春來草自生 問大闢提人來師還接否 師云不垂手 進云為什麼不垂手 師云遇明眼人分明舉似 師上堂云山河大地瓦解冰消衲僧向什麼處安身立命還有人道得麼 若道得有參學眼若道不得三十年後珍重 僧問無為無事人還盡善不盡善 師云谿山三十年前也怎麼來 進云如今又作麼生 師云遇方即方遇圓即圓 問有一人不捨生死不證涅槃師還提攜也無 師云不提攜 進云為什麼不提攜 師云谿山粗識好惡 問天不能蓋地不能載莫便是也無 師云誰在外頭 問大用現前時如何 師云猶教谿山半月程 師上堂云賓主不分一句作麼生 道賓主各分一句作麼生道還有人道得麼若道不得且向方便門中會取師示一相佛珍重 僧問諸法寂滅相不可以言宣學人請益如何 垂慈 師云悟取好 進云爭奈學人不會

天聖廣風錄第五 第十七

師云非日月咎 問如何是直截一路 師云會麼 進云不會 師云不可抑已而已 問如何是吹毛劍 師云透 進云用者如何 師云鈍 問古人拈提豎拂還當得宗乘中事也無 師云待你問得話端即全向汝道 問寂寂無依時如何 師云未是衲僧分上事 進云如何是衲僧分上事 師云要行即行要坐即坐 問如何是提婆宗 師云異見怪怖 進云如何領會 師云歸依佛法僧 師上堂云名言路絕現聽不及智辯何詮議情難測所以釋迦掩室淨名杜口還窮究得麼若窮究得佛佛道同 祖祖如是若窮究不得長安路上輾輾地 僧問如何是衲僧出身處 師云東弗于代西 囉邪尼 問如何是林谿家風 師云麤粥淡飯 師有時以相示之圓還辨得麼若也辨得去佛佛道同祖祖如是若也辨不得去悟取好珍重 師有時以此以相示云還辨得麼若辨不得林谿與你註破去也碧眼胡僧笑點頭珍重 師上堂云摩竭提國水泄不通少室峯前亦行 此今谿山路峻推子難登與教一言何人現聽 還窮究得麼若窮究得去釋迦耆首達磨拳拳若窮究不得去不用鑽龜打瓦歇去 師上堂 以此因示眾云還辨得麼若辨得靈山會上悉

皆如此少室峯前更無別意若辨不得且向火
爐頭會取一不成二不是歇去 僧問生死到
來如何除遣 師以此相因對之 師上堂良
久云總似今日彼此著便彼此不著便還辨得
麼若辨得自視雲霄若辨不得一日了一日又
立珍重

桂府壽寧院善義禪師初參芭蕉乃問遊山來
學佛法來禮拜老僧來 師云離此外請師別問
蕉云喫茶去 師因而省悟後參智門寬和尚

智門問近離什麼處 師云大安山 門云不
涉途程道將一句來 師云九九八十一
門云亂走作麼 師珍重而去 門打禪牀一
下云今日被者小厮兒來者裏亂做 師便下去

師開堂日拈香云且道此一炷香從什麼處來
又云從海外持來今日供養大眾 僧問鼓聲
纔罷人皆聽未審如何密領之 師云祇恐聞
梨不聞 進云未審此問 師云靜處薩婆訶

進云怎麼即懃懃禮三拜 師便打 問師唱
誰家曲宗風嗣阿誰 師云四海五湖東西南北

問如何是佛法大意 師云樓上打鼓水上打羅
問世尊心印迦葉親聞未審和尚心印什麼人
得聞 師云念汝遠來且放過 問如何是壽

寧境 師云崖邊松樹子 進云如何是境中人

師云僧人道俗 問數日不登師丈室今朝說
法為何人 師云蝦蟇蚯蚓 進云和尚也不
得一向護人 師云待汝睡醒 問牛頭未見
四祖時如何 師云天下人仰重 進云見後
如何 師云如湯沃雪 有轉運使問云下官
如今剝卻頭便作得長老也無 師以手摩頭
云郎中 郎中應諾 師云會麼 中云不會
師云干頭什麼事

師有頌與轉運張僅
星郎功內取無為祇此真靈信自誰塵裏認他
非是我境中明得豈言伊無心暫對求人說有
相權將指嶮疑憶昔遠師蓮社客輪佗陶令返
攢眉

興元府牛頭山精禪師上堂示眾云若也全
提舉唱祖佛便須失利更乃盡令而行要人掃
地也無我今事不獲已且向建化門中通汝箇
來路汝等欲得親切麼第一莫向意識下卜度
莫向古今言向上求覓會解但自克己推窮無
始時來有你用心處有你造作處直須是十二
時中舉措施為親自得力始得若到者箇田地
燈籠露柱水鳥樹林悉皆助汝發機一切處自
然迢迢地更有何事若不爾者徒學多聞又立
珍重 僧問如何是學人親切處 師云親切

問將來 進云即今見問 師云驢年 問如
何是古佛心 師云東海浮漚 進云如何領會
師云秤錘落井 問如何是佛法大意 師云
八兩是半斤 問如何是驅耕夫之牛 師云
為人須為徹 問如何是奪饑人之食 師云
煞人須見血 問如何是和尚為人處 師云
擊柴普請 進云便怎麼去時如何 師云苦
痛深 問不居凡聖者是什麼人 師云梁朝
傅大士 進云此理如何 師云楚國孟常君
問如何是學人自己 師云天寒宜近火
進云意旨如何 師云日出好隈陽 問如何
是和尚家風 師云華從愛惜落草逐棄嫌生
進云未審客來將何祇待 師云畬田粟米飯
山茶一兩甌住即隨緣住不住在遊遊
益洲覺城院信禪師上堂云若約衲僧門下語
路難陳瞬目相承已遭指注更若踏步進前較
七較八諸仁者到者裏還反側麼休要波波役
役地傍門倚門上佗人家林檎不如自著些子
精彩莫待臘月三十日手忙脚亂伏惟珍重
僧問如何是出身一路 師云三門前 進云
如何領會 師云緊繫草鞋 問湛然時如何
師云我却怕你 進云和尚為什麼卻怕學人
師拈拄杖云退後退後 師上堂云去卻佛法

大聖廣燈錄卷第二十五

第三十五

高

二字與鐵幢相見得也無雖然如是傍觀者嘔便下堂 僧問無邊身菩薩為什麼不見如來頂相 師云愛佗三島靜不覺棒來唇

郢州芭蕉三代閑禪師上堂僧問如何是祖

師西來意 師云六祖愛喫和籩飯 問如何

是真實之言 師云東家杓柄長西家杓柄短

進云怎麼還當也無 師云不當即別處問

問如何是無縫塔 師云我到者裏卻道不得

進云為什麼道不得 師云靜處菩薩詩詞

師上堂云西天此土皆行此令諸上座且道是

佛令是祖令若是佛令山僧且共諸上座子細

商量若是祖令且作麼生迴避若知有者有出

身之路不昧平生若不知有迴避不得墮坑落

灘珍重 僧問向上一路千聖不傳未審學人

還有分也無 師云雪山千丈直雲嶺萬重衣

進云怎麼則學人依而行之去也 師云向上

事又作麼生 進云今日親承於師也 師云

鈍置殺人 問如何是學人自己 師云分明

舉似人 問三乘十二分教即不問如何是和

尚為人一句 師云問得甚分明 進云莫便

是和尚為人句也無 師云舉似天下人

問如何是佛向上人 師云路逢不可現

進云如何得親承去 師云迴顧卻愁人

大聖廣燈錄卷第二十五

第三十五

高

問臨機道不得時如何 師云啞子喫苦瓜

進云怎麼則學人退步去也 師云知而故犯

問曹源一派還有清濁也無 師云青山無異

色白日有閑人 問靈山會上迦葉親聞未審

和尚一會什麼人得聞 師云風吹即草動雨

下路還泥 問十語九不中時如何 師云閉

門屋裏坐抱首哭蒼天 問學人未達其源乞

師指路 師云五里是一墩 進云莫便是和

尚為學人處也無 師云好去不須煩下淚青

山自有白雲封

郢州芭蕉山令遵禪師上堂僧問昔日分付與

跛腳沙彌學人上來請師分付 師云非公境界

學人撫掌一下 師云三千里外 問直得無

下口處時如何 師云便須進一步 進云向

什麼處下脚 師云東山西嶺上

大聖廣燈錄卷第二十五

天聖廣燈錄卷第二十六 (宋碑)

益州靈慶院海淵禪師有僧問師唱誰家曲
宗風嗣阿誰師云石人撫掌歌三曲木馬嘶
時滿歸路進云恁麼則芭蕉兒孫天彭嫡子
師云莫亂道問如何是新繁境師云重光千
佛現顯耀甚分明進云如何是境中人師云
郎中在此且低聲問如何是佛法大意師云
五尺杖子兩人昇問如何是祖師西來意師
云崑崙鎮海心問如何是道師云四面無遮
障進云如何是道中人師云往來不易

潤州羅漢院繼宗禪師師行脚時與數僧參
一老宿問五人新到阿那箇是參頭師云不
怕三冬雪惟憂午夜風宿云平地上吃交作
什麼師云言猶在耳宿云且坐吃茶師云吃
茶即得問如何是佛法大意師云風吹線竹
韻雨滴鮮紋班問祖師未來時如何師云海
分千派浪地拔萬重山進云來後如何師云
片雲生晚谷明月下堂階問如何是道師云
好華開薛徑綠柳舞春風進云如何是道中
人師云開窓偷月色移榻對清流問古人道
一塵才起大地全收如何是一塵師云窮源
須至海登嶮莫過山進云如何是大地全收
師云雨餘山閣靜雲開月色寒問如何是觸

目菩提師云須彌倒卓海水騰波

澧州欽山第二代如靜禪師上堂云夫妙音
須假妙指若得妙指妙音自震諸上座且作
麼生是妙音還委悉麼若未委悉欽山與汝
按指去也乃拍手一下便歸方丈僧問祖師
未來時如何師云上是天下是地進云來後
如何師云下是地上是天問魚未成龍時如
何師云擎頭戴角進云成龍後如何師云江
湖踴躍

江陵府承天院寶昭正覺禪師知府張相公
齊賢請出世師繞陞座云此座高廣吾不能
升雖然如是彼彼丈夫我亦爾時有僧問師
唱誰家曲宗風嗣阿誰師云雲城西畔雙峰
秀渚水池邊瑞氣分有襄州僧正問昔日覺
城東際法跟分付迦葉未審和尚法嗣何人
師云到襄州不得錯舉進云恁麼即大眾證
明師云莫亂道問如何是清淨法身師云鳥
飛雲外尋知已魚躍潭中吐碧波問如何是
佛師云胸題卍字學云不會乞師再指師云
足躡千輪問如何是佛法大意師云魚行水
濁鳥飛落毛師上堂有僧問一棒一喝還是
佛法也無師云爾什麼處得者消息其僧便
喝師便打問如何是祖師西來意師云圓同

太虛學云為什麼不見師云不見什麼

果州青居山靈泉寺皓昇禪師上堂僧問如
何是青居山裏佛師云舉目無差學云為什
麼不見師云不見什麼問如何是一大事因
緣師云廚屋五條椽

郢州林谿山興教院居祐禪師上堂僧問如
何是透法身句師云南岳石橋側學云為作
麼卻恁去師云非汝境界問如何是禪師云
秋後上床眠進云如何是祖師云覷面不相
覷

江陵府開福院德賢禪師上堂僧問如何是
摩尼珠師云青黃赤白學云作何顏色師云
待有顏色向爾道學云為什麼不道師云非
汝境界問如何是學人自己師豎起一指僧
云莫便是也無師云錯
袁州崇聖院志圭禪師上堂僧問如何是道
師云遍山遍嶺學云為什麼不覷師云不覷
什麼學云如何是道中人師云來千去萬問
如何是還鄉曲師云胡僧唱不得學云為什
麼唱不得師云為爾太剝利
鄂州黃龍山延禧院思卿禪師上堂僧問既
是黃龍到來為什麼不見師云眼不開學云
見後如何師云爾試道看問如何是道師云

五里單牌十里雙埃

澧州夾山雲泉院省宗禪師上堂僧問如何是夾山正主師云無遮障進云學人到來為什麼不見師云汝見則休問如何是佛師云螺髻豎千峰江陵府彰法院悟顯禪師上堂僧問既是彰法彰個什麼法師云物物俱彰進云學人為什麼不見師云有眼如無問如何是初生月師云歐頭柳腳問如何是菩提路師云南山青草秀北嶺萬株松

澧州藥山慈雲院用和禪師上堂僧問如何是藥山境師云一任觀看學云如何是境中人師云沙彌童行問師唱誰家曲宗風嗣阿誰師云天知地聞

澧州夾山靈泉院仁秀禪師有僧問如何是諸佛機師云天台南岳問如何是衲衣下事師云鳥飛千里毛毯落魚躍潭中水自渾

澧州靈泉院用淳禪師上堂僧問師唱誰家曲宗風嗣阿誰師云不許夜行投明須到問如何是靈泉境師云千江流不住萬派競喧爭進云如何是境中人師云走殺衲僧

鄂州嘉魚法華院法珍禪師上堂僧問如何是衣中寶師云一任賞翫問如何是祖師西來意師云風吹舛竹連宵響月照湖湘萬里

途問不落有無請師答話師云得學云未審得個什麼師云明月照臨無影樹曲直長短不相同

唐州龍潭從曉禪師初開堂僧問師唱誰家曲宗風嗣阿誰師云四面無壁落一片坦然平問如何是龍潭境師云山從西北來水向東南下進云如何是境中人師云老僧二十五上離雪峰問肇有四不違義如何是不違師云秋來黃葉落春到百花新師上堂舉仰山到東寺東寺問什麼處來仰云廣南來寺云承聞廣南有鎮海明珠是否仰云是寺云作何形狀仰云白月即隱黑月即現寺云還將得來麼仰云將得來寺云如何不呈似老僧仰云昨到瀉山亦被索此珠直得無言可對無理可伸寺云老僧年邁不見瀉山爾是瀉山之子蟻螟蟲在蚊子眼睫裏作窠向十字街頭叫屈土曠人稀相逢者少師拈云眾中喚作呈珠話且作麼生是呈珠處山僧今日與大眾注破等閑莫向江邊立切忌寒灰灸殺人師問漸到近離什麼處僧云東京師云東京有一人無姓無名子還識否僧云不識師云恁麼即不從東京來僧云喏喏便下去師卻令侍者請來師云適來唱喏是肯老

僧不肯老僧僧無對師云泊合放過便打

廬山承天羅漢院行林禪師陞座云聖主今傳祖佛音禪宗大壯理沉沉玄徒要悟真消息羅漢旌幢出帝心時有僧問朝賢親降大衆云臻祖意西來請師垂示師云分明記取進云恁麼即昔日僊居傳祖印今日羅漢賀明君也師云謝汝證明問皇恩親降宣任承天未審師將何物利群生師云汝也須知思進云非但學人群生有賴師云不消得問如何是羅漢家風師云到者方知師上堂僧問如何是第二月師云汝更迴光看問會萬物為己者其唯聖人乎未審意旨如何師云汝喚什麼作萬物師又云聖人道個天地同根萬物一體也不易信祇如五老峰嵯峨作麼生得成一去石頭又云聖人無已難明之法還知麼衲僧安身立命在此若未能曉悟得實為見諦不圓身心何遣攀緣妄想塵勞轉深六賊功強千差競起莫作等閑和尚子且識取來因明取始末方得所以道衲僧眼把定乾坤綿綿不漏絲髮直須恁麼方有少分相應無事珍重僧問昔日維摩與文殊對談未審阿誰先說法師云大眾一時記取進云不會乞師方便師云卻成賺大眾進云昔日

毗耶方丈內今朝羅漢法王前師云停囚長智上堂僧問天垂甘露地涌七珍未審是什麼人分上事師云謝汝相報進云恁麼即佛子住此地即是佛受用師云更須子細問求真真不顯究道道全虛學人擬休去師還許也無師云爭敢處分問君王道合三邊靜法王道合又如何師云也要汝證明問大通智勝佛十劫坐道場佛法不現前不得成佛道如何得現前師云成佛也未進云便承當去如何師云成得什麼佛問承古有言三際求心心不有心不有處妄元無未審是有是無師爾你將謂定當不得問佛法二字如何併除得去師云何者是佛法上堂僧問道內道外同觀廣大不見進云與麼則天童岩畔不異靈山師云閑言語問承教有言諸佛出世盡為一大事因緣和尚今日開堂當為何事師云知恩者少進云恁麼則大眾側聆學人有賴師云莫亂道問如何是天童境師云雲無人種生何極水有誰教云不休問舊店新開時如何師云也祇是舊時底進云買者如何師云爾莫自護問何物最大於天師云無過於此問如何是密作用師云何曾密問如何是爍迦羅心師云更有什麼心問如何是

向上開換子師云躡不著者多進云未審學人如何躡得著去師云賺殺人問承古有言儂家自有同風事千里無來卻肯伊如何是同風事師云誰不肯問心徑未通時如何師云什麼物礙問承教有言般若如大火聚此理如何師云絲毫著不得問如何是虛空師云無爾著手腳處問如何是師子吼師云莫聒人問大眾雲集弟子趨筵從上宗乘請師舉唱師云何不早問師乃云諸上座祇如適來向伊道何不纖毫尋常面對如何是面對師云見什麼問古佛堂前是什麼人先到師云這些子問粉骨碎身未足酬一句了然超百億如何是一句師云者迴不要粉骨碎身問是個什麼得與麼難會師云汝幾度用心來問大音希聲大象無形如何是無形底象師云山河大地師又云無形底象非同頑空還會麼道個山河大地已是周遮何也大音大象古今榜樣視聽全空見聞皆喪林泉清虛猿鳥奇狀妙用真常似同天降諸高德還願樂麼實謂平等一相法離見聞此苦得去方悟他道音聲吼喚究之則乃無言色象紛紜窮之則乃非相大家信去自然隨處安樂不勞久立珍重師上堂因貓兒跳上身師乃

提起示衆云昔日南泉親斬卻歸宗重顯示玄徒如今貴與諸禪客文契分明要也無師遂拋下貓兒便歸方丈

明州天童山新禪師上堂僧問昔日梵王請佛天雨四花地搖六種今日府主親臨有何祥瑞師云大眾可驗早問為復責伊問遲為復別有道理已得底遞相證明後學兄弟又作麼生會奉勸諸人快須研究時不待人法眼和尚道卻來不隔陰也是二十年方知好惡如今看見閑處著力於已躬分上略不管帶何不看他古人道爾等諸人十二時中在什麼處安身立命不恁麼體究上座除此外別無汝作計校處便道唯有佛菩提是真歸向處如今且問上座佛菩提又作麼生歸向珍重上堂僧問可來白雲裏教爾紫芝訶如何是紫芝歌師撫掌對之問如何是和尚家風師云山中無別物問萬里無雲時如何師云者一點什麼處起問聾人聽法時如何師云無可分別問將此身心奉塵刹是即名為報佛恩如何是奉塵刹底心師云方報佛恩問如何是王子寶刀師云不易見問鐘聲裏薦取鼓鳴即顛倒未審古人意旨如何師云是爾顛倒問師持祖印歸江浙獨鎮鄞江太

白峰今日幸登無畏座請師方便顯圓通師云更教我說個什麼即得師云我如今向汝諸人面前直是無開口處何以如此諸人各有本分事在總不消得看他上祖出頭來於三七日中思惟如是事便道我寧不說法疾入於涅槃據他恁麼道早是無限方便門開何不恁麼體究如今人祇要言語多多得不濟事但增憶想不入真智後來睦州和尚才見僧入門來見成公案放汝三十棒雲門大師道當恁麼時盡大地人總須著枷帶鎖始得諸上座古人恁麼道意作麼生多少顯露如今更蹈步向前口喃喃地驢年得相應去久立珍重上堂僧問全照咨和尚真心寥廓時如何師云備名全照問如何是一大事因緣師云不是小事問求之不得時如何師云用求作什麼進云如何即得師云幾時失來問萬法不生時如何師云萬法從何有問如何一法師云山河大地問如何是玄沙樹子師云用地屬誰問承古有言不與萬法為侶者未審是什麼人師云誰恁麼道問如何是古佛心師云終不向汝道牆壁瓦礫是師上堂示眾云本自圓成不勞機杼珍重上堂僧問世尊三昧安詳而起未審祖師三昧從何

而起師云謝備報我問勤求勝積功理契古人同未審古人意旨如何師云澗松西北風問承教有言超諸方便成十力祇如方便如何超得師云識取方便問言不干舌時如何師云爭解脫得問佛四十九年說個什麼師云說夢問十二時中如何行李師云不見有十二時杭州功臣覺軒心印禪師初開堂僧問諸官侍座海眾臨筵學人上來乞師指示師云別處莫舉問如何是功臣境師云祇恐畫不就問如何是佛師云誰不瞻仰問如何是學人自己師云者迴休問人問靈靈不昧了了常知學人為什麼不悟師云笑殺大眾問承教有言百千諸佛盡是文殊勸發未審文殊是何人勸發師云還識文殊也未進云未曉者如何領解師云適來向爾道什麼問達磨未傳心下迎釋迦未解髻中珠此時若問西來意還有西來意也無師云甚處得者消息問如何是功臣家風師云爭敢望諸方讚嘆問如何是密室中意師云莫錯洩機問如何是心地法門師云多少人構不及問舊歲已過新歲將臨如何是不遷義師云新歲事作麼生問如何是本源佛性師云少子細在問如

何是明月寶珠師云造次人爭得見問如何是古佛心師云群生嘆莫及問祖師不在東西山未審在什麼處師云且討問如何是隨處三昧師云者裏用不著問自從認得曹谿路了知生死不相干如何是曹谿路師云也踏未著問開口道不得時如何師云笑殺人問不將一物來時如何師云爭敢望見示問昔時二祖伸三拜依位端然意若何師云想汝紹繼未得問四衢道中露地而坐時如何師云傍觀者醜問一佛出世時如何師云震天動地問如何是寶華境師云一任行人子細觀問已事未明乞師挑剔師云誰信爾問摩騰入漢藏教分明達磨西來有何宗旨師云善為流道問如何是寶華為人一句師云祇恐諸方未相許問如何是無底籃子盛將來師云且提去問不可以智知不以識識時如何師云欠會在問如何是涅槃師云少人入得問適來許多喧鬧向什麼處去也師云好笑問久負勿弦琴請師彈一曲師云誰不羨清音問山河無隔礙光明處處透如何是處處透底光師云阿誰不見問如何是天真佛師云爭敢裝點問貧子還鄉時如何師云未免伶俜問焦桐遇郢匠時如何師云泊錯

雕琢問如何是一塵師云莫錯認進云恁麼即謝師指示也師云有什麼交涉師又云諸上座問答且置祇如古人道一塵才起大地全收一葉飛空普天秋色實乃洞明今古該括河沙情與非情咸然空寂又慮仁者信之不及喻如鏡像水月雖然溜麼說錯解甚多且借問諸上座鏡中有多少像水中有多少月若道無像去宛然光彩若道有像去迷頭逐影有無且置諸上座還識得月鏡也未若識得月鏡去一任短長隨應曲直分輝若未識得鏡未明得月可謂萬象縱橫觸途成礙於時夕中作麼生得安樂去如今要省力會麼各請迴光返照休更踟躕珍重

溫州西山護國院法端禪師開堂日僧問群像臨筵緇徒而座學人有問請師答師云更有什麼問進云恁麼則大眾盡得聞也師云備聞底事作麼生問如何是西岑境師云一任圖畫問如何是佛師云祇今是什麼問如何是學人自己師云恰問著問如何是丈六金身師云天上天下唯我獨尊問善財入樓閣意旨如何師云見個什麼學云見和尚師云有什麼交涉
湖州八聖寺清簡禪師開堂日僧問如何是

祖師西來意師云不欲向汝說進云便請師說師云達磨不可再來問如何是八聖境師云眼在什麼處問乾闥婆王獻樂迦葉為什麼起舞師云今朝一曲更分明問如何是向上一路師云蕩蕩大家行問承教有言經行及坐卧常在於其中未審此理如何師云那個是其中事師云先聖所言終不誑汝便道經行及坐卧常在於其中多少顯露何用注解祇為不了便言此是非常之事承之者須是非常之人方得設若夙無大乘種性信力輕微自云非我傭力得物之處又不可顛顛念將去都無利益大眾既然事在其中指何為外莫道理是中事是外悟是中迷是外切希子細珍重師後住明州天童山因思雪竇退居草堂至祥符七年七月十三日午前說偈云

火風成身 火風動神 火風何昧

四大等均

師言訖端坐而化焚燒收舍利靈骨建塔于本山俗壽五十八僧臘四十明州雪竇山資聖寺清禪師初升座時有僧問昔日龍宮曾請佛今朝府主遠迎師軒蓋臨筵有何奇特師云大眾可驗學云此意幽微難可測乞師

方便再垂言師云更要答話在學云恁麼則此日已承師的旨他時應得為流傳師云且莫亂傳問朝蓋親臨於法會師將何物答深恩師云終不徒然學云莫是高升寶王座善能師子吼便是麼師云有什麼交涉學云若不傳教救迷情畢竟無能報恩者師云爾也未是知恩者問昔日靈山付法迦葉親傳今日龍象威臻如何分付師云汝還承當得麼學云已辨師機者直下承當未曉之流如何同於上智師云阿誰未曉學云恁麼則若有聞法者無一不成佛也師云聞底事作麼生問師離越嶠已赴鄞川如何是不動尊師云十八離照水學云恁麼則處處菩提道宛然也師云是動是靜問向上一路千聖不傳學者勞形如猿捉影如何是向上一路師云爾踏不著學云未達師機如何履踐師云元來未問俱胝豎指此意如何師云祇要人解問師別承天文室已赴雪竇道場斯日朝貴臨筵便請說法師云好記取問如何是雪竇境師云石罅暗藏千載雪懸崖常瀉萬年冰進云恁麼則非但學人大眾同得觀瞻去也師云是什麼境致問學人久作迷方客請師指出舊家珍師云爾幾時失卻進云恁麼則見月

休觀指師云爾許多時在什麼處問師攜寶劍於此日願垂方便定雄師云惜取頭好進云恁麼則廓落乾坤裏群邪絕衆流也師云猶未惜性命在問爐香烟裊裊海衆列駢駢特問西來意師為指宣師云莫向東邊覓進云恁麼則善法堂中獅子吼大千沙界一時間也師云聞個什麼上堂僧問白馬和尚尋常稱快活有病言苦意旨如何師云因誰置得師乃云白馬和尚尋常叫快活快活一日得病叫苦苦院主云和尚尋常快活如今為什麼卻叫苦苦白馬云且道當時是如今是後來法眼禪師代云當時但掩耳出去意作麼生為當是肯他若不肯他過在什麼處若肯他為什麼掩耳出去且道即今是苦是樂試定當看珍重上堂僧問承教有言止止不須說我法妙難思如何是難思之法師云爾為什麼卻說進云恁麼則終日說未嘗說終日聞未嘗聞師云爾也祇是念得作麼生會無說無聞底道理將聞持佛佛何不自聞聞所以道夫說法者無示無聽無說無聞是真說法作麼生會真若不會真卻成假便入邪道何處得真更須端的不可容易珍重

越城縣廣勝寺



天聖廣燈錄卷第二十七

馬

吉州清源山行思禪師第十世

台州天台山德韶國法嗣五人

杭州九曲院慶祥禪師 杭州興教寺洪壽禪師

蘇州承天永安院道原禪師 杭州龍山開化寺行明禪師

杭州西山奉諱山主

洪州百丈山道常禪師法嗣三人

廬州棲賢澄謔禪師 蘇州萬壽禪院德興禪師

越州雲門雍熙院永禪師

杭州九曲慶祥禪師俗姓沈氏錢塘人也六歲
本州龍山千佛寺出家年廿一受具於彌勒寺
始習律乘有僧錄文光者於時有名稱遂師之
經籍凡一覽悉記時謂得觀音辯一日嘆曰出
世之法願遇至人遂直造天台山法宗禪師之
門師身長八尺手垂過膝法宗一見異之因僧
問絕消息處如何宗曰謝指示師聞之大有所
悟後迴本州當吳越有國仰師名稱於城中建
千光王禪刹請師居之累請不赴乃歸九曲
舊居其地鄰湖岸毒春雨夕晦蛙聲蚯蚓頗為
喧雜師語曰吾此禪寂當應清靜由是絕之殆
今僧獲寧居 僧問如何是祖師西來意
師云汝問在後 又問險惡道中以何為津梁
師云以此為津梁 進云如何是此 師云築

天聖廣燈錄卷第二十七

其詳

著汝鼻孔 問無根樹子向什麼處栽 師云

汝甚處得來 問湛湛圓明請師一訣 師云

十里平湖一輪秋月 進云怎麼則謝師指訣也

師云矇眼闌梨逢露柱 師戊戌歲八月七日

順世閣維後收舍利起塔俗壽六十五僧臘五

十四

杭州興教寺洪壽禪師俗姓曹氏以晉後主開
運元年甲辰生于錢塘年未及冠告父母懇願
出家從之禮天龍寺明智禪師為師落髮受具
徧遊講肆深究毗尼後參天台山韶國師一日
因普請般柴墜落乃成一項曰撲落非佗物縱
橫不是塵山河及大地全露法王身國師然之
復迴故里大慈山結草為庵至大中祥符九年
知州馬亮請住興教寺開堂 師外座云鍾鳴
鼓響各自知時大衆若更上來還成鈍漢時有
僧始出問次師便珍重下座 晚參次僧問朝
賢致請師登座未審提綱意若何 師云會麼
學云不會 師云去 又云且道交佗去意作
麼生莫是草佗麼所以常向僧道堂中有粥飯
寮內有茶湯你云言不會不會也難藏便怎麼
信去無事珍重

示守園翁頌

未必生芽在苦求 劬劬何以不知休 工夫用盡

天聖廣燈錄卷第七

第三張

卷第七

園空闕山色長新人白頭

雪峯古鏡頌

人人有面古鏡何法門而不整
象玄上士迷頭
緝線老婆頓證

僧舉古人棒喝頌

古人一棒一喝河沙妙門該括
爲處能辨聖凡
棒下便知死活人天眼目洞開
今古悟迷頓豁
德山老子當時直下更無毫末

示機

圓明法界性不用強修習
宜勿盈虧悟迷那
安立棄之棄不得覓之覓那及
百十億如來咸
從此門入 師住五載告退居
上方乾興元年
壬戌三月二十日端坐示寂
世壽七十九僧臘
六十二州民以篋沈茶毗之
收舍利起塔於舊
庵之址

蘇州承天永安道原禪師上堂
有僧問如何是佛
師云出者旃陀羅 進云學人
初機乞師方便
師云汝問什麼 學云問佛
師云出者旃陀羅 又僧問如何
是佛法道理 師云與蛇盡足
爲鼠穿踰 進云還報國恩也
無 師云不唯負國兼乃謗吾
又僧問如何是祖師西來意
師云問者如牛毛 進云請師
答牛毛之問 師云師子咬人
不透塊 進云恁麼即學人造

天聖廣燈錄卷二十七

第四張

卷二十七

次也 師云一等學問罕有
闍梨 問蓮華未
出水時如何 師云馨香
菡萏 進云出水後
如何 師云絕消息 問
如何是學人自己
師云十字街頭尋不見
樂橋亭下問船翁
進云恁麼即一切皆是也
師云演若之狂未
是狂 問承古有言向上一
路千聖不傳如何
是向上一路 師云盤山大
無端 進云未審
千聖還垂慈也無 師云也
與盤山不較多
杭州龍山開化寺行明禪師
升座云大眾不用
近前若道來者裏有佛法
未來者裏豈無也若
道無即有分割也若道有
作麼生是有底道理
若於未來時體悉及到者
裏方有會處所以祖
師云法法本來法無法無
非法何於一法中有
法有不法古聖大悟風幡
或喝下見性棒下成
道見聞知覺俯仰折旋何
處不是諸佛出世祖
師西來直指人心見性成
佛不用一毫心力何不
構取且怎麼生構若構不
得亦不由人大衆
爲什麼如此十界絲絲四
生浩浩無絲髮暫
相違背珍重 僧問諸佛
出世普爲羣生和尚
今日如何示徒 師云更
待答話在 學云恁
麼則昔日靈山今日能仁
師云由是虛言
問已登法座請示玄言 師
云道什麼 師至
咸平四年無疾而終僧臘
四十五世壽七十七

塔于本山 杭州西山奉
諱山主師錢塘人姓盧氏
幼年出家弱冠受具師在
方丈內坐有僧問古人題
維摩方丈不得意旨如何
師云你試題看 學云某
甲不答 師云不答卻好
學人禮拜 師云汝親到
維摩方丈來乃成頌曰
維摩方丈非高格三萬二
千坐不窄我今居處太寬
寬也應容得諸禪客 一
日謂衆曰諸人幸自可
憐生教諸人信去早是無
端爲什麼如此淨名云
彼自無瘡勿傷之也 師
於天聖三年九月十五日
齋時跏趺而坐結彌陀印
而終俗壽八十僧臘六十
廬山棲賢寶覺院澄禪師
升座有僧問朝蓋親臨於
座右請師方便演宗乘 師
云在座證明 問慧劍再
提於此日請師穿孔定雌
雄 師云劍在什麼處 進
云恁麼則廓落乾坤裏通
風截衆流 師云野狐精
問趙州石橋度驢度馬
三峽石橋當度何人 師
云蝦蟇蚯蚓 進云恁麼
則百草盡露恩 師云蹋
不著 問如何是接賢境
師云雲開特地新 進云
如何是境中人 師云禮
拜了退 問善財彈指樓
閣門開未審和尚今日如
何 師云驗 問五老
幽奇即不問如何是祖師
西來意 師云你怎

生舉似人 進云恁麼則全因此問也 師云
 有什麼交涉 師云問話且止若論佛法應不
 如此爭鋒競問祇如今日各各道長老開堂盡
 來聽法且問諸人長老未開堂時還有佛法麼
 若道無又爭得到今日所以先聖道我為汝保
 任此事終不虛也而況至道無門見之者祇在
 斯須背之者剎那萬劫此莫非向上之流方能
 定驗若是中下之士且於方便門中隨宜見取
 不待積劫修證頓超無學作麼生是無學使須
 薦取久立珍重 上堂僧問仙洞昨朝師罷唱
 接賢今日請敷宣 師云來日又作麼生問
 進云未審如何領會 師云箭過新羅 問承
 聞和尚親見百丈是否 師云聞誰說 進云
 未審時如何 師云適來猶較些子 問龍離
 碧洞已入雲煙向上宗乘請師舉唱 師云別
 置一問來 問承教有言如來無所從來亦無
 所去故名如來如何是如來 師云你布施大
 衆為是呈解 師又云一時來者裏聚集道聽
 長老說禪長老且不說菩提涅槃真如解脫諸
 人又聽箇什麼菩提涅槃也祇是寐語五千四
 十八卷亦是開處著到且問諸人將箇什麼聽
 為將身聽為將心聽身心各不相知諸人又作
 麼生聽此事亦須是親見始得故於方便中隨

宜得解始有少許相應若是佛法也不到寶覺
 口裏說若說天下人望風結舌如無孔鐵鎚久
 立珍重 上堂僧問大衆已臨於座側請師方
 便為敷宣 師云三十年後看取 進云與麼
 則大衆得聞於未聞 師云大衆未許你在
 進云佗時專得為流通 師云不用閑說
 問五巒那邊師罷唱三峽新奇請師宣 師云
 那邊事作麼生 問承教有言止止不須說我
 法妙難思如何是難思法 師云大衆聽者僧問
 進云怎麼則大衆有賴 師云非公境界
 問如何是佛 師云張三李四 師又云未離
 仙居與諸人相見了纔到石橋早是重說偈言
 且問諸人什麼處是相見處那裏是重說偈言
 處莫是正恁麼時是相見處麼若作此解會緊
 繫草鞋莫錯下名言好珍重 上堂僧問明心
 慧日師已舉寶覺利物又如何 師云你試舉
 明心慧日看 進云與麼則三十年後專為流
 通也 師云鈍置殺人 進云未審過在什麼處
 師云還我話頭來 師又云幸然無事被鼓聲
 催了上來道我叅長老為是法堂裏叅為復法
 座上叅長老且不曾與上座為對待上座即須
 自叅所以玄沙和尚云我與釋迦同叅若解恁
 麼十方知識一時現前若不恁麼解享負丈夫

氣久立珍重 上堂僧問承古人有言三界唯
 心萬法唯識唯識唯心是一是二 師云久你
 說在 進云從此蒙師親指示未了之人又若何
 師云靜處去 師又云不可淨地上著糞掃便
 歸方丈 上堂僧問此是選佛處心空及第歸
 學人如何得及第去 師云不才謹退 問古
 人斬蛇意旨如何 師云猶未知痛痒 問學
 人久在浮沈乞師直指本心 師云誰信你
 進云未得者如何 師云汝自擔枷過狀
 進云大衆證明於座側學人禮拜謝師恩
 師云閑言語 師又云今時師僧問話印本打
 就箇箇一般未有一箇本分問話者看佗茱萸
 和尚上堂道汝諸人莫向虛空裏釘橛有僧便
 出來道虛空是橛茱萸便棒且道者僧出來恁
 麼道具眼不具眼茱萸當時便棒且道打佗什
 麼處大家驗看珍重 晚叅上堂衆集師云早
 晨不與諸人相見今晚不可無言便下座
 上堂僧問毗目仙人執善才手見微塵諸佛祇
 如未執手時見箇什麼 師云如今又見箇什麼
 問三峽石橋即不問如何是和尚家風 師云
 汝何不問石橋事 師又云長老又不可索喚
 也若不索喚叢林冷落忽有人出來便棒又且
 如何道是賞佗佗有甚長處若是罰佗佗過在

天聖廣雅錄卷二十七

第九節

問

什麼處莫是纔恁麼出來便是不得麼若恁麼會於佛法中未有道理在除此別怎麼生商量各請定當看珍重 上堂云正說知見時知見俱是心當心即知見知見即于今此是祖師付法偈楞嚴會上又道知見立知即無明本又且如何有優劣無優劣莫非久在叢林上座方能辨別若是初機後學也莫指東認西久立上堂僧問滴滴簷頭墜丁當正好聽古人言書出畫出是何聲 師云你又恁麼問作麼進云恁麼則見月休觀指歸家罷問程也 師云又是妄語 問鸞聲滿谷華木芬芳如何是學人得力處 師云你怕人不知 進云恁麼則觸處皆真 師云也是閑處著力 師又云法眼和尚道春日晴黃鸝鳴日暖風和煦物情更落崖流水聲古人恁道是甚時節為是迷時 師云時語試裁辨看珍重 上堂僧問寶覺門下還有不及第者也無 師云龍門無宿客問鼓聲纔罷大眾雲臻向上宗乘乞師垂示 師云你從什麼處來 進云上根之者已曉師機中下之流如何辨白 師云你且子細問達磨未來時此土還有祖師也無 師云汝識祖師也未 問承教有言若言如來有所說法即為謗佛此意如何 師云汝猶未信在

天聖廣雅錄卷二十七

第十節

問

問古人云有物流動人之常情如何是不遷義 師云古人大似不曾說 問承教有言不持戒者名持戒教意如何 師云汝且分明記取 進云恁麼則無自性也 師云欠汝此說 師又云不持戒者名持戒是有戒可持無戒可持為是性戒為是遮戒此若不明十二時中破卻不少且道什麼處是破處出家人須明大乘性戒若也明得山河大地一時消殞便下座上堂僧問承教有言清淨本然云何忽生山河大地未審此意如何 師云汝疑什麼處問求真真不有究竟妄元無學人擬休去師還詐也無 師云大眾總見你問 進云向上更有也無 師云細看前話 進云大眾證明學人禮拜 師云新羅未是遠 師上堂云大眾王道平寧一雨一晴便下座 僧問如何是天然底事 師云我祇管看 問從上諸聖從何而證 師云汝從何證 問承先德有言會萬物為己者其唯聖人乎未審如何是物 師云還明已也未 進云學人不會 師云適來卻疑著 上堂云佛法無事大家共行大家共止滿目是色滿耳是聲諸佛妙義於此明得千里萬里歸堂歇去 上堂僧問大眾已臨於座側乞師一句指歸源 師云分明記取 進云恁

天聖廣雅錄卷二十七

第十一節

問

麼則見相不生癡愛業洞然元是自家珍也 師云且莫虛頭 問前際不來後際不去時如何 師云中間事作麼生 進云恁麼則當處出生隨處滅盡也 師云少觀察在 問昔日明心今朝慧日未審是一是二 師云大眾子細聽進云恁麼則一言纔合道無二亦無三也 師云也是汝恁麼會 師又云佗問昔日明心今朝慧日者裏向佗道大眾子細聽且道有分付處無分付處祇如恁麼問見明心來見慧日來還驗得麼其如東問西問也不無上座若也不問慧日口似搗擔上座若問慧日直得望風結舌明眼底辨取若也未明且莫聽聲響好珍重上堂良久云幸好一盤飯不可強糝椒薑去雖然如此試啣取看珍重 一日示眾云鸞鷲當于世界鼻孔磨觸家風古人與麼道至親至切雖然如此也須子細裁如須彌山與鼻孔相去多少試參詳看久立 蘇州萬壽院德興禪師開堂日拈香畢師云出世天機何人委知儻或來薦更立步時便乃升座時有僧問繼徒而座朝宰臨筵如何是萬壽最初一句 師云已不及初 學云恁麼則祖令已蒙師的旨還方盡得為宜揚 師云適來向你道什麼 問如何是萬壽家風 師云笑殺

天下人 學云恁麼則蒙師指示也 師云更不消得 問祖相傳傳祖印師今得法嗣何人 師云莫是虛傳 學云恁麼則昔時百丈親傳授今朝萬壽為羣迷 師云恁麼會爭得 問四眾盡臨於此座未審師今嗣阿誰 師云大有人未審 學云恁麼則百丈一曲師今唱學人專得為流傳也 師云學人又爭得 問僚宰咸臻於此座師將何法報君恩 師云謝你分憂 問如何是佛 師云大眾一時瞻仰 問如何是和尚為人一句 師云汝且自為 問摩竭陀國親行此令如何是此令 師云天下大行 問如何是萬壽境 師云今日總見 學云恁麼則親蒙指示也 師云你作麼生會境 問如何是祖師西意來 師云盡道返西天 學云恁麼則得過於師 師云阿誰得過 師乃云問答俱備其誰得意若向佗求還成特地老僧久處深山比為藏拙何期今日入到萬壽門下可謂藏之不得既藏之不得分明露現未審諸人阿誰先見如有見處對眾出來吐露箇消息師良久眾皆無語師云久立珍重 越州雲門雍熙永禪師上堂有僧問四海象龍俱在此一句西來請舉揚 師云大眾證明 學云立機高峻綠難會無乞慈悲為指南

師云不會人慈悲 問如何是和尚家風 師云謝汝檢校 問昔日靈山龍女獻珠得成佛學人無珠可獻時如何 師云莫謾大眾 問如何是佛法大意 師云此意不小 問師子未出窟時如何 師云且莫穿乳 學云出窟後如何 師云退後著 問如何是祖師西來意 師云你不不會是什麼意 學云如何是汝道不會是什麼意為復是責汝為復是不對 汝且作麼生會若也未會明日更來問珍重 上堂僧問祖相傳傳祖印師今法嗣嗣何人 師云謝汝相悉 問大雄嶺頭親得旨若邪路畔指迷津學人上來請師如是 師云不勞如是 問象龍而座朱紫趨庭祖意西來請師舉唱 師不對 學云雄嶺峯前親得底若邪路畔倍光輝 師云適來作麼生會 問如何是雲門為人一句 師云一任舉似人 學云恁麼即一言已播於寰中去也 師云閉言語 問如何是秦望峯前為人一句 師云分明記取 問如何是古佛徑路 師云誰不履踐 問如何是學人休心息意處 師云拗折拄杖得也未 問如何是迦葉門風 師云喜得不墜 問如何是百味具足底句 師云何啻百味 問心

王出勅時如何 師云更宜一徧看 問盲龜值浮木孔時如何 師云未足為幸 問起滅不停時如何 師云莫妄想 問如何是學人得力處 師云老僧亦承恩 問如何是透法身句 師云方便作法身 問如何是不定句 師云灼然疑殺人 問如何是決定義 師云未可執著在

天聖廣燈錄卷二十七



趙城縣廣勝寺

天聖廣燈錄卷第二十八

五

高

吉州清源山行思禪師第十世

福州支提山雅照寺了悟禪師法嗣三人

杭州靈隱山玄本禪師 杭州靈隱山玄順庵主

福州支提山雅照寺文翰禪師

漳州西明山錫禪師法嗣四人

台州天台般若寺從進禪師 越州清化山寶壽院志超禪師

漳州法濟院海增禪師 漳州淨泉傳先禪師

撫州崇壽禪院稠禪師法嗣四人

泉州靈臺山令岑禪師 杭州南山資國園遠山主

杭州臨安淨土院惟善禪師 明契堂山子海禪師已上二人

吉州清源山行思禪師第十一世

廬山承天羅漢禪院印行林禪師法嗣九人

湖州柯山宣化院曉禪師 東州仰山太平興國院釋和禪師

杭州龍沙章江院昭遠禪師 臨江軍建昌慧力院昭遠禪師

福州古田靈峯道誠禪師 洪州大寧院慶瑞禪師

興國軍延壽院慧禪師 漳州報恩院傳進禪師

東州崇勝院楚齊禪師

漳州淨泉禪院智然禪師法嗣一人

漳州隆福院紹珍禪師

杭州靈隱山玄本禪師上堂僧問蚌舍未剖時

如何 師云光從何來 僧問臨濟入門便喝

德山入門便棒未審此意如何 師云天晴不

天聖廣燈錄第三卷

第五

高

肯去 問如何是靈山境 師云甚處觀不足

師因見僧看經問僧看什麼經 僧無語

師乃有頌 看經不識經徒勞損眼睛欲得不

損眼分明識取經 色空頌

堂堂色裏無空相皎皎空中絕色形直下色空

無一二色號元來不我名

杭州靈隱山玄順庵主師蕭山人也俗姓錢幼

投福州支提山了悟禪師出家受具後入溫州

馬湧山卓庵復止杭州靈隱寺師因難馬湧有頌

浪宕閑吟下翠微更無一法可思惟有人問我

出山意藜杖頭挑破衲衣 因歸天竺山

事事無能一不前喜歸天竺過殘年飢餐困睡無

餘事休說壺中別有天 師至祥符中復有偈云

生也執來死也執去生死去來是尋常事夢幻

之方電光相似諸方亦然我亦如是本無言說

余今強舉請便茶啜更莫停止師言訖端坐而

殯僧臘五十俗壽七十

福州支提山雅照寺文翰禪師明州人於杭

州靈隱山景德寺依了悟禪師出家仍受心印

師升座云大衆不假山僧靈此房鋒還有佛法

繼祖轉法輪底道理麼若言無此道理三世諸

佛淨妙法輪成斷去始得便有轉時不轉時大

衆若言有法輪常轉底道理今日假山僧更

升此座轉此法輪便成二頭三首爲什麼如此
 祇如十方世界四時運轉八節推遷物象生成
 日月輪照乃至風颺雨潤火熱冰寒三界綿綿
 四生浩浩爲復是世間法爲復是有爲法無爲
 法是轉輪法還有甄別得麼若未能甄別得山
 僧敢爲決疑 時有僧問堯雲舜日陽和景祖
 風何以國風清 師云可謂赴汝此問 學云
 天人羣生類皆承此恩力 師云且莫錯定當
 問高臥煙霞藏密旨修心滅智等寒灰今朝既
 赴羣生請少室之機望直垂 師云大衆見汝問
 學云謝師指示 師云且喜汝交涉 問昔日
 靈山一會迦葉親聞今日支提一會誰人得聞
 師云誰人不聞 學云恁麼則見聞之者頓悟
 無生也 師云莫妄想 問慈雲普潤三千界
 利人一句望師垂 師云汝曠曠作麼 僧乃
 畫一圓相拓呈 師云莫鬼怪 學云如此之
 機師如何接 師便打
 台州天台山般若寺從進禪師上堂有僧問佛
 未出世時還有佛法也無 師云有 進云如
 何是佛未出世時佛法 師云是汝問底
 進云既有又用佛出世作什麼 師云莫爲不
 孝之子 問承先德有言清虛之理畢竟無身
 未審此意如何 師云大似虛空釘橛 進云

虛空是橛又如何 師云良藥祇救有命人
 師乃示衆云後進初心無妨東問西問忽於一
 言半句下得箇發明處便不辜負出家行脚忙
 古人亦如此或得一言半句便休去或築著塵
 著便歇去然雖如此猶未是大丈夫在直饒不
 於一言半句下便會得亦未必不是大丈夫在
 何以故言前體道未是通人句後投機還非
 者祇如道言前體道未是通人句後投機還非
 達者作麼生便得恰好去者箇喚作玄中別唱
 格外高談須是恁麼人方構恁麼事若未是恁
 麼人不如且於隨宜方便中討箇會處好珍重
 僧問諸佛爲一大事因緣出現於世師今出世
 當爲何事 師云待出世時來向汝道 問古
 澗寒泉時如何 師云切忌飲著 進云飲者
 如何 師云喪卻性命 問萬里無寸草何處
 放白牛 師云萬里無寸草未是放牛處
 進云未審什麼處是放牛處 師云問取石人去
 問學人未達自心未明請法乞師方便指迷津
 師云自心即且致指何爲諸法 進云恁麼則
 心法無二去也 師云三四五 問如何是祖
 師西來意 師云又見一華開 進云學人不曾
 師云結果自然成 問衆盲摸象各說異端如
 何是真象 師云開眼著 進云恁麼則得見

真象也 師云猶亂摸在 問如何是龍濟潭
 裏龍 師云不在碧波中 進云未審在什麼處
 師云卻歸潭裏去 師又云伊問龍濟潭裏龍
 向伊道不在碧波中且道在什麼處還見麼諸
 上座若是識龍人一見便休心珍重

願道偈

道本絕言奇哉洞曠囊蓄天地包含萬象生卑
 人倫其用彌廣休曰無根勿稱有狀水底之月
 山谷之響夫曰真虛皆爲妄想

諸法各住位偈

諸法各住位是名真實義真實義者何無我無
 我所我所法既無有無皆遠離由斯絕見聞眼
 界耳界異色象及音聲沙界元周備物我甚分
 明師子真遊戲

送遊方禪人

祖堂曾立雲飛錫更無求一句分明了諸方自
 在遊洞庭看遠水虛岳過殘秋人問忘機事唯
 言到九州

牧童頌

肥壯白牛攀角上水村騎過曉煙微滿原青草
 從閑放詎向春風和者稀

漁父頌

世上如麻事不牽道還祇在水中天金鱗得了

志垂釣一葉輕舟看月眠

越州清化山寶壽院志超禪師錢塘人也俗姓董弱冠出家受具至闍中西明室得旨後住清化山 師開堂日僧問如何是佛 師云你是什麼人 進云莫抵者箇便是也無 師云是即勿交涉 問聲色二字如何除得 師云你喚什麼作聲色 進云爭奈即今何 師云即今有什麼 師云我宗無語句亦無一法與人設有言說俱非真實大衆抵如真實底事作麼生還有人舉得麼出來對衆舉看山僧爲你證明還有麼若無久立珍重

漳州法濟禪院海塘禪師俗姓陳泉州人也幼年行脚過泉州西明清錫禪師一言相契後住漳州法濟禪院 師升座云靈山會上百萬億衆唯有迦葉一人得親聞今日一會不異靈山且道還有親聞者也無若有親聞者便能續佛壽命令法久住爲苦海之舟航作昏衢之日月若未能親聞何殊當時退席之衆抵如聞與未聞且作麼生會爲復是耳聞爲復是眼見若是耳聞誰人聞若是眼見何者是見何不恁麼體究衆中還有問事底麼出來道看 時有僧問君王出世四海澄清未審法王出世有何拯濟 師云汝作麼生會君王出世 進云法王出世

天聖廣德錄第二十八卷 第八十八

無作事道合君王贊太平 師云莫取口頭著到問若以無言說又沒世尊言教若以有說恐漏洩祖師西來去此二途師意如何 師云總是汝恁麼道 問雲臺延慶已聽指迷今日漳城望垂提耳 師云汝試舉雲臺延慶看 進云今日漳城豈無方便 師云適來豈是責汝 進云兩處迷徒歸坦道一輪寶月又騰輝

師云是何言歟 上堂僧問如何是古佛心 師云祇如今 師云三世諸佛六代祖師亦未曾與仁者暫時離隔莫不長垂恩德左提右挈仁者未必不依而行之作麼生違背得他恩德如閻浮提日出扶桑大地衆生有情無情盡承光耀所有一切種種事業皆在光顯古人也說如魚在水如鳥飛空乃至揚鱗掉尾升高自下還解離得濕性空體也無若離得濕性空體向什麼處安身立命何不恁麼體究取知恩者少負恩者多奉勸上座且知思好珍重 僧問承和尚有言直道便休去亦是祖師來後未審如今便休去什麼處是祖師來後 師云道上座不先說得麼 進云恁麼即親見祖師也 師云大衆總見汝 進云祖師未來時此道有誰知 師云不信道 進云凡聖不曾異絲毫更無差 師云休去得也 問承教有言見聞

天聖廣德錄第二十八卷 第八十八

爲種八難超十地之階如何是見聞爲種師撫掌一下 進云如何是八難超十地之階 師云汝適來作麼生會

漳州淨衆傳先禪師升座僧問佛教有言若能轉物即同如來祇如目前諸法且作麼生轉 師云那箇是目前法 進云恁麼即諸法凝然皆同無相也 師云汝自敗關 問少室聞五葉之華今日聽一乘之理如何是一乘之理 師云汝作麼生聽 進云恁麼即無一亦無三去 師云誰敢信汝 進云大衆臨筵焉敢造次 師云禮拜著 問此座高廣吾不能升和尚今日爲什麼升得 師云汝不是問此座 問賢侯特地申三請法座初臨事若何 師云誰向汝恁麼道 進云恁麼即幸向今朝申 問六國從此不知音 師云汝不知音 泉州靈臺山今峯禪師升座維那白拋云法筵龍象衆當觀第一義 師云第一義見成本無言說大衆且作麼生觀作有相觀作無相觀若作有相觀即是邪見若作無相觀即是斷見不有不無且作麼生觀直饒恁麼會得去亦是週遮然雖如此今日豈無方便乃升座時有僧問承和尚有言直饒恁麼會得去亦是週遮如何即是 師云如何即是 進云也知真諦無

尼馬之遺蹤奈何般若有淺深之照 師云也

是闍梨自生分別 進云怎麼即舜若多性可

銷忘燦迦羅心無動轉去也 師云閑言語

問昔日五峯今朝雲臺如何是不動尊 師云

進前一步 進云怎麼即開慧眼去也 師云

未 問教中有言有為無為實不實法如何

是實不實法 師云是有為是無為 問如何

是雲臺境 師云前山後山學云如何是境中人

師云瞌睡漢 師於本院坐化闍維之舌不壞

收舍利同起塔

杭州南山資國圓進山主錢塘人也幼歲婺州

木山出家受具後至撫州崇壽契稠禪師法

席師乃問如何是和尚為人一句稠去觀音院

裏舉上藍院裏舉師聞斯語從此契悟

僧問丹霞燒木佛意旨如何 師云招因帶果

僧問鶻王擇乳意旨如何 師云一撥良琴頓

清賓主 問古人聞木魚聲云又打我也意旨

如何 師云一寺警衆 問古人道庭前柏樹

子意旨如何 師云碧眼胡僧笑點頭 問古

人道東家作驢西家作馬意旨如何 師云相

識滿天下

湖州何山宣化院曉禪師上堂僧問如何是何

山境 師云後啼在上峯 進云如何是境中人

師云還識境也未 問如何是佛 師云衆人

瞻仰

袁州仰山太平異國院擇和禪師開堂日僧問

府衙受請崇勝宣揚未審當為何事 師云將

謂你證明 進云師既如是靈山會上又如何

師云是今是古 問郡侯度請命不異匪王心

如何得示真實相 師云有也未 進云如何

委的 師云禮拜了退 問古人道瀉山鏡仰

山鏡未審古人意旨如何 師云你更迴光看

洪州龍沙章江院昭遠禪師上堂僧問天得一

以清地得一以寧和尚得一又如何 師云蓋

明得麼 進云上根之者已曉師機中下之流

如何領會 師云闍梨作麼生會 問昔時趙

州三等接人今日朝宰臨廷師如何接

師云即今是 進云昔時趙州今日和尚

師云且莫錯定當

臨江軍建山慧力院紹珍禪師上堂僧問金雞

未鳴時如何 師云是何時節 進云鳴後如何

師云卻不知時 問師子未出窟時如何

師云在那裏 進云出窟後如何 師云且走

問世尊無言迦葉無語學人上來請師證據

師云且舉

福州古田靈峯道誠禪師上堂僧問承古人有

言佛佛授手祖祖相傳未審此理如何 師云

那箇古人怎麼道 進云祇知道吾有正法眼

付囑大迦葉又作麼生 師云不方便好眼

進云怎麼即千聖不傳方是的一言合道未

為真 師云真箇謾語 問祖祖相傳傳祖印

師今得法嗣何人 師云阿誰不知 進云昔

時羅漢親承囑今日靈峯度有情 師云者裏

不消得 問承教有言於三七日中思惟如是

事未審是什麼事 師云更莫思惟 進云祇

如古人道體解大道又作麼生 師云祇欠解在

洪州大寧院慶璉禪師上堂僧問不因衆請無

由得見不因師說無由得聞既見既聞又成聲

色學人上來師意如何 師云飽叢林 問道

泰不傳天子今時人盡唱太平講未審師今意

旨如何 師云山僧罪過 問如何是祖師西

來意 師云喫 問如何是佛 師云須彌山

問祖祖相傳傳祖印師今得法嗣何人 師云

有水皆含月無山不帶雲 上堂云生死涅槃

猶如作夢且道三世諸佛釋迦老子有什麼長

處然雖如此莫錯會好拍手一下便下座

僧問四見見時無見見山河大地又如何

師云莫妄想 問承古有言東山西嶺青未審

意旨如何 師云東山西嶺青雨下卻天晴更

問箇中意鶴鳩生鷓鴣

天聖廣燈錄卷第二十八

第十二

卷字号

興國軍延壽院慧禪師開堂日僧問師登寶座
郡牧親臨學人上來請師一接 師云從什麼
處來 進云大眾證明學人禮拜 師云傍觀
者醜 問德雲不下妙峯頂善才何處得秦尋
師云汝還見麼 進云怎麼則親見文殊
師云有什麼交涉

漳州報恩院傳進禪師上堂僧問不落師機請
垂方便 師云休去得麼 進云怎麼即道因
言下了佛不在佗求也 師云棒打石師子頭
問縣宰堅令揚祖道利人之句若為宜 師云
莫是辜負汝麼 進云怎麼即甘雨雖然同澍
潤根莖爭奈有差殊 師云怪別人又爭得
袁州崇勝院楚齊禪師開堂僧問朝宰已臨於
法會崇勝家風事若何 師云還解證明麼
學云怎麼即朝宰聆音人天有賴也 師云也
不得麤心 問大眾駢闐師座側西來祖意事
如何 師云分明記取 進云怎麼則瞻之不
覩不覩常存也 師云也須子細 問祖祖相
傳傳祖印師今得法嗣何人 師云也要大眾
證明 進云怎麼即五老峯前親得旨二王臺
畔接迷徒也 師云且莫錯定當
漳州隆福院紹珍禪師外座云怎麼舉唱宗乘

大眾還相體悉得也無若相體悉得也可謂觸

天聖廣燈錄卷第二十八

第十二

卷字号

處祖風未嘗開斷塵中妙旨物物真心終日繁
興都無所得眾中有達者大家證明令法久住
後學初心有疑請問時有僧問郡主度請海眾
駢闐達磨西來乞師指示 師云恹恹麼
進云爭奈學人疑在 師云疑箇什麼 問東
去竺乾機未曉西來一句請師提 師云即今
在什麼處 問如何是隆福境 師云萬象遮
不得 進云如何是境中人 師云識取好

天聖廣燈錄卷第二十八



天聖廣燈錄卷第二十九 五
吉州清源山行思禪師第十一世

南康軍雲居山契現禪師法嗣二十人

杭州靈隱山院文勝禪師

杭州龍華山悟衆禪師

廣慧禪院志全禪師 明州大梅山居照禪師

杭州南山寺院惟信禪師 杭州龍華山覺覺禪師

湖州報本禪院義圓禪師 南康軍雲居山慧慶禪師

潤州甘露禪院真禪師 廬山慧日院達禪師

明州大梅山保德禪師 越州清化山寶壽寺昌禪師

衢州顯聖寺居曜禪師 潭州興化寺善能禪師

荆門軍清谿山清禪師 潭州北禪崇勝寺覺寧禪師

杭州南山省堂主

南康軍雲居山契現禪師上堂有僧問承古有言服像雖殊妙明不二爲什麼衆生日用而不知師云過在什麼處 學云恁麼即明妄非作覺明爲各也 師云且子細好 師云諸上座人具足各各圓成僧是僧俗是俗男是男女是女現行現用說訛在什麼處爲什麼特地不知去過在阿誰恁麼說話事不獲已還有會處麼於此會得不妨省徑更若意思卜度轉疎轉遠不如歇去珍重 上堂僧問承古有言路逢死蛇莫打殺無底籃子成將歸未審師還受也無

師云你什麼處得來 學云恁麼即不虛施也師云卻且提取去 師又云諸上座佛法也無事尋常向諸人道不用求真唯須息見還息得也未若也息得見盡情忘體露真修若也不息且問諸人即今見箇什麼還有證明處麼若也明得許上座有箇入處如若不會徒學多生珍重上堂僧問如何是佛 師云讚歎不及 學云莫執者箇便是 師云不令人讚歎 問鼓聲纔罷大衆雲臻佛法省徑處乞師指示 師云便好散去 學云恁麼即全因此日也 師云禮拜了退

杭州靈隱山南院慈濟文勝禪師俗姓劉氏婺州人也幼歲出家受具造雲居山齊禪師法席雲居問爲復學佛法遊山玩水來師云嚮重日久遠難發州居云是什麼物恁麼來師云特伸禮觀居云汝若爲佛法來什麼處不是汝悟處師然然不對 雲居上堂舉龐居士問馬大師不與萬法爲侶者是什麼人大師云待你一口翁蓋西江水即向汝道居士從此頓悟又云不與萬法爲侶者且道是阿誰師從此契悟更不佗遊後住靈隱寺 師開堂日升座云大施門開所須一任於此構得謂之已物現前還構得麼時有僧問僚宰共臨此會緇儒競集茲筵祖

天聖廣燈錄卷第三十九卷 第三

意西來請師為衆 師云散去得未 學云恁麼則一音普潤於沙界學人此問不虛施也

師云你作麼生會 問昔日梵王請佛蓋為羣生今朝大諫請師當為何事 師云汝也須感

謝大諫 學云恁麼則非但學人人天有賴 師云賴箇什麼 問承教有言汝既懇懇三請

豈得不說如何是說 師云善思念之 學云五千退席又如何 師云退亦佳矣 問祖祖

相傳傳祖印師今得法嗣何人 師云汝爭證明得 學云恁麼則歐阜早年親得旨靈山今

日度羣生也 師云汝得什麼旨 問如何是靈山境 師云野手難圖畫憑君子細看

問古鑑未磨時如何 師云古鑑 學云磨後如何 師云古鑑 學云未審分不分 師云

更照看 問如何是和尚家風 師云莫訝荒跡 學云忽遇客來又作麼生 師云契茶去

師自承天寺辭退法席之後數載隱居本州興慶庵至天聖四年

朝廷以故駙馬都尉吳元辰宅特捨為精舍 御書賜額為慈孝寺於京國中肇建禪林是年春

詔律住持行至楚州感疾而逝臨終前有頌云 住持何依去亦何滅休問旨歸秋天一月

台州瑞巖院義海禪師 唐川人也姓胡氏晚歲

出家受具造雲居法席雲居問什麼物恁麼來

師於言下大悟遂作一頌 雲居什麼物問著 頭恍惚直下便承當猶是自埋沒 後歸故里

祥符中郡牧刁衍請師出世住報本禪院 師并座僧問如何是祖師西來意 師云若到

諸方但道報本不解答話 問如何是和尚家風 師云無忌諱 進云忽遇觸忤和尚又如何

師云不解作客勞煩主人 問釋迦掩室於摩竭淨名杜口於毗耶未審和尚如何示衆

師云汝不欲與我開談 學云未曉師機 師云且退 問法身還有用也無 師云你特

置此問 學云如何得不用去 師云死漢 問如何是無德真人 師云者裏無安排你處

上堂云古人道我今為汝保任此事終不虛也 雖然如此作麼生會此事且莫失人保持請歇

師於天聖三年八月三日三更示寂焚燒後收舍利起塔于本山俗壽五十六僧臘三十二

杭州龍華山悟乘禪師俗姓程氏處州人也幼歲出家受具遂至雲居問如何是大道之源

雲居云從甚處流出因茲大悟舉無疑滯咸平中州牧請坐龍華道場師開堂日僧問一佛出

世諸天捧足和尚出世什麼人捧足 師云足認來意 問如何是佛 師云向你道三十二

相得麼 問如何是龍華為人一句 師云別無善巧 問迦葉門風師紹續乞師方便指昏迷

師云須知慚愧 學云爭奈不明何 師云莫謾大衆 師一坐道場二十餘載至乾興元年

六月朔旦書偈云 吾有一訣聖凡同轍珍重 禪流是生是滅 儼然而逝俗壽五十九起塔于本山

明州廣慧禪院志全禪師錢塘人俗姓衛氏依本郡廣潤院出家受具得法於雲居齊禪師禪

師問古人道阿那箇魔魅教你出家阿那箇魔魅教你行脚今日阿那箇魔魅教你到者裏師於

言下契悟祥符中信州牧請開堂乾興元年明州請住廣慧禪刹 師外堂僧問如何是衲僧

本分事 師云你莫鈍致我 僧禮拜 師云卻是大衆鈍致開梨便下座 師上堂僧問賊

不打貧兒家時如何 師云說向人也不信 進云恁麼則禮拜而退也 師云得箇什麼

明州大梅山居煦禪師永嘉人俗姓周氏依天台般若寺出家受具參雲居齊禪師雲居問汝

從甚處來若從僧堂來即是謾語不從僧堂來又是自瞞汝從甚處來師於言下頓悟祥符中

住大梅山保福禪院 師上堂僧問見聞不礙如水裏月此理如何 師云不可說你也

學云恁麼則見聞幸有真消息水月騰輝更好觀也 師云你却說我 問如何是古佛心

師云不用更沈吟 問古人面壁意旨如何

師云但恁麼會 學云未審如何領會 師云

且禮拜 問玄沙見虎意旨如何 師云你還

曾見麼 學云恁麼即處處真塵塵盡是本來

人也 師云大衆且道者僧身命知落處也未

問諸方幸有驚人句保福如何賜一言 師云

卻成笑殺諸方

處州南明山仁壽院惟宿禪師開堂日未升座

云大衆休道此座高廣吾不能升山僧道常升

此座與諸人對談第一義諦諸人還信也無久

叅上座同共證明其如未曉重涉教辭便外座

維那白槌云法筵龍象衆當觀第一義 師云

更不勞觀也第一義現前若也再觀卻成廢力

時有僧出禮拜 師云勞而無功 問昔日梵

王請佛蓋爲羣生今日郡牧請師當爲何事

師云都官不虛相請 學云恁麼則都官證明

學人禮謝 師云莫說都官 問祖祖相傳傳

祖印師今得法嗣何人 師云你恐大衆不知

問談真則逆俗順俗則違真師如何示人

師云你也不得辜恩 學云若不申問焉曉師機

師云飽叢林 問法法不隱藏古今常顯露如

何是顯露底法 師云見示大衆 學云恁麼則學人謹退也 師云知過必改

杭州龍華山寶乘寺有忠寶月禪師永嘉人也

姓鄭 依本州開元寺出家受具造雲居齊禪

師法席雲居問從什麼處來師云浙中來居云

是什麼物恁麼來師擬袂對居云鈍根阿師叅

衆去師從此歇心攝衣數載至祥符初住杭州

法雨院於天聖年牧主李及請居龍華道場焉

師開堂日僧問昨日靈山今朝法雨未審是一

是二 師云更須子細 問如何是佛 師云

孰不瞻仰 問如何是西來意 師云幾人曾

問來 師住龍華上堂僧問元首明哉股肱良

哉師登寶座如何談道 師云汝作麼生會

學云恁麼即一言歸有道萬象出無心 師云

恁麼會又爭得

湖州報本禪院義園禪師開堂日州牧與大衆

既集師拓香畢僧問朝蓋臨筵祖風再扇向上

宗乘請師舉唱 師云郎中證明 學云恁麼

則一音纓震四衆咸聞也 師云聞底事作麼生

問師登寶座大衆雲臻從上宗乘如何指示

師云若到諸方切忌錯舉 進云恁麼即信受

奉行去也 師云你作麼生信受 學云三乘

教典曲爲今時達磨西來抑而印可也 師云

未信你在 問如何是祖師西來意 師云更

要答話在

南康軍雲居山慧震禪師上堂僧問靈山一會

迦葉親聞此日一會何人得聞 師云閣梨不

妨惺惺 學云未審如何領會 師云將謂利

問古鏡未磨時如何 師云光彩何分 學云

磨後如何 師云大家總見 問鼓聲纒絕清

衆咸臻爲人一句乞師垂示 師云利人難得

學云恁麼即人天有賴 師云閑言語 問如

何是佛法大意 師云大意祇如此 問龍女

獻珠得成佛學人無珠可獻還得成佛也無

師云無珠爭得成佛 學云恁麼即學人無分也

師云不恁麼會 學云未審師意如何 師云

待汝悟了向汝道 師又云大凡佛法也須是

有箇發明處始得若無發明處假饒千問萬問

也祇是隨言逐句並無一箇領會處枉用工夫

奉勸諸人且體究箇箇悟處珍重

潤州甘露禪院真禪師開堂日僧問昔日梵王

請佛蓋爲羣生知郡請師當爲何事 師云你

道爲什麼事 問聖教有言提鐘告四方請師

爲說法 師云你道大衆不知 學云恁麼即

甘露門中普潤羣生也 師云也須子細

問靈山一會迦葉親聞今日一會什麼人得聞

天聖廣弘明錄卷第九 第九卷 高僧傳

師云你幾時到靈山 學云怎麼即大眾側聆

師子吼也 師云莫亂道 問承古有言光非

照境界亦非存光境俱忘復是何物 師云爭

敢別注解 學云豈無方便 師云不妨會人

言語 問承古有言毗盧藏中有大經卷即不

問如何是毗盧藏 師云大眾盡見 問如何

是甘露家風 師云一切成見 進云怎麼即

明君垂睿澤西祖轉芬芳也 師云也不得錯會

問生死到來如何迴避 師云那箇是生死

師上堂云佛法總不消如此祖師西來直示玄

旨教諸人有箇省徑入處立地參取古佛如今

立地了也且道古佛在什麼處諸人還見麼若

有會處便與善才同參不必樓閣門前頓超諸

位亦不讓於諸聖一分子祇許他先不可既有

如是風格請諸人紹取依而行之久立珍重

廬山慧日院達禪師上堂僧問師離脩水得屈

仙居如何是不動尊 師云你從什麼處來

問羅漢也怎麼道寶覺也怎麼道未審慧日如

何道 師云別處作麼生 問馬師登座百

丈捲席未審意旨如何 師云剎利人難得

學云怎麼則師歸方丈大眾歸堂 師云你又

作麼生會 學人禮拜 師云莫虛頭 師又

云馬祖上堂百丈捲席若是衲僧便合知時不

勞久立 上堂僧問青蘿黃絲直上寒松之頂

白雲澹泞出沒太虛之中學人上來乞師指示

師云非君境界 進云學人未會乞師方便

師云適來不謾道 問如何是仙居家風

師云何似諸方 問如何是釋迦寶劍 師云

非但能摧外道心亦曾落卻天魔膽 上堂僧

問祖佛未出世時還有佛法也無 師云祖佛

什麼時出世 進云怎麼則未離兜率已降闍

浮不度長江居少室也 師云也是你怎麼會

問一得永得時如何 師云你得底事作麼生

進云怎麼則青霄雲外鶴獨立萬年松 師云

我也未信你在 闍祖師西來直指人心見性

成佛未審意旨如何 師云你還信得及麼

問華開華落人皆委秋去冬來事若何 師云

委底事作麼生 進云怎麼則往來人自老今

古月長新 師云有什麼交涉 師又云祖師

西來教外單傳心印直指人心見性成佛諸上

座更不用再三珍重 師上堂云此方真教體

清淨在音聞隨機設化應物施為古人揀擇一

門要人易解易入且如楞嚴會上諸大聖人各

述箇悟由豈是不知貴要後人從此而去如是

不思議事設化多途無乘一揆諸上座此事也

不在多聞記持博達古今自信取了各自修行

天聖廣弘明錄卷第九 第十卷 高僧傳

不勞久立 明州大梅山保福居素禪師上堂僧問靈山一

會迦葉親聞今日一會誰人得聞 師云迦葉

闍底事作麼生 進云今日豈是虛施此問也

師云適來將謂是 進云怎麼即昔日靈山今

朝梅峯也 師云且休得麼 問如何是和尚

家風 師云不避譏嫌 問蚌含未剖時如何

師云謝見示 問欲入無為海須乘般若船如

何是般若船 師云到岸也未 問承古有言

不起纖毫修學心無相光中常自在未審此理

如何 師云又成費力 進云乞師再垂方便

師云何如古人 問一即一切如何是一

師云香臺露柱 進云爭奈香臺露柱何

師云情知汝不奈何 問佛真法身猶若虛空

如今虛空現前為什麼不見佛 師云為汝好眼

問如何是道 師云問取門前鞍山 進云祇

者便是也無 師云元來不解問 問正說知

見時知見俱是心知見即不問如何是心

師云此問不當 進云為什麼不當 師云為

你無知見 上堂云汝但不循動靜合離恬憂

通塞生滅明暗如是十二類諸有為相隨拔一

根脫黏內復復歸元真發本明耀耀性發明諸

餘五黏應拔圓脫不由前塵所起知見明不循

根寄根明發由是六根互相為用諸上座此是楞嚴經中如來標指如今不了者蓋為外見諸法內有一心能所交馳輪迴於生死元是一精明分為六和合一處成休伏六用皆不成又道一根既返源六根成解脫但得返源便得儻若返源去也然後眼得為色耳得為聲鼻得為香舌得為味身得為觸意得為法隨緣了達任性縱橫得無罣礙但恁麼會好又立珍重 僧問如何是佛未出世已前事 師云眾人要知 進云出世後事如何 師云特別時來向汝道

越州清化山寶壽子昌禪師姓朱氏蘇州人也本州開元寺出家受具詣雲居山契悟於梓符年越州清化山請師出世 師開堂日維那白趙云法筵龍象眾當觀第一義 師云以斯觀者名為正觀若佗觀者非見佛也且問諸人還解恁麼觀得麼未能如有疑請問 時有僧問父乃不聞師子吼請師一句震雷音 師云你什麼處去來 問鴻鐘大擊法鼓選聞如何是和尚為人一句 師云展轉為流通 問須菩提唱無說而顯道釋梵絕聽而雨華未審今日誰是聞者 師云祇欠雨華在 師後住杭州廣法院不疾而終闍維之後收舍利起塔于本山師俗壽五十二僧臘四十五

衢州願聖寺居曜禪師上堂僧問祖相傳傳祖印師今得法嗣何人 師云人天大眾前進云恁麼即雲居一隻箭今日射三衢 師云情知你恁麼會 問如何是祖師西來意 師云前後宗師若未休 問天得一以清地得一以寧和尚得一又如何 師云說什麼天地進云還有利人分也無 師云大眾笑你問如何是和尚家風 師云老僧自來祇如此潭州興化寺善能禪師開堂日僧問大眾雲集請師舉唱宗乘 師云好問著 進云恁麼即不負於師也 師云莫用力 問久處龍門如何得達 師云汝幸是龍門客 問如何是學人深深的底事 師云許你一著 問如何是興化境 師云觀瞻不足 進云如何是境中人 師云還見也未 問如何是佛 師云你問不是進云學人不會乞指示 師云且禮拜著上堂云大眾道箇省要已是周遮然雖如是且莫錯會又立珍重

荆門軍清谿山清禪師上堂僧問如何披露與道相應 師云你幾曾披露即與道不相應問如何是觀音妙智力 師云能救世間苦問如何是祖師意 師云問取露柱 進云如何是露柱意 師云適來向道什麼 問古路

坦然如何履踐 師云你是行脚人 問心心不動時如何 師云者鈍漢 進云恁麼即禮謝師恩 師云且莫處心 師上堂云初心未會會取若會不壞世間不出世間諸上座恁麼說底話是出世間語是不出世間語要會麼世間疑然一味法界又立珍重

潭州北禪崇勝寺覺寧禪師上堂立云今日還有人問話麼時有僧問如何是佛法大意 師下座歸方丈 僧問如何是本來宗旨 師云幸是出家人 問如何是文殊 師云你須識取普賢 進云恁麼即依而行之也 師云莫錯會 問如何是三界 師云你喚什麼作三界 進云恁麼即無三界也 師云你適來問什麼 問如何是道 師云你還識得也未 進云恁麼即謝師證照也 師云速禮拜著 師上堂云如來光中映今暫現現即現也且喚什麼作如來光珍重

杭州南山省堂主師姓楊氏謝池人也福州黃檗出家受具後自雲居得法一日因經堂內有僧看經召師云世尊元來三十成道 師云日許多時什麼處去來 僧無語 因官人入寺見木數條遂指問師云良匠無餘材者箇什麼處得來 師云用不盡底 僧問九年面壁意

天聖廣燈錄卷第二十九 第十五卷 佛字

旨如何 師云與天下人為勝樣 師遠有頌
祖師面壁九年餘此是西來末上機直至如今
天下客強將言句為施為 牧童頌 二首
濛濛煙雨草春肥 牧去隨時志卻歸 閑插野蕪
丫角上不能相悉謂狂機 又 牧童自有牧
童親豈與常流作並鄰 一笛吹從林下過 道邊
誰愛入紅塵

天聖廣燈錄卷第二十九



天聖廣燈錄卷第三十

吉州清源山行思禪師第十一世

廬山棲賢寶覺禪院澄湛禪師法嗣 三人見錄

杭州南山興教寺惟禪師 真州定山惟素山主

明州雪竇山惟則禪師 按錄師句不詳

杭州功臣山覺軻禪師法嗣 三人見錄

蘇州西堯聖院顯遵禪師 蘇州吳江聖壽院志昇禪師

杭州臨安縣功目山開化禪院如禪師

吉州清源山行思禪師第十二世

杭州靈隱山文勝禪師法嗣 五人見錄

杭州靈隱延壽慧明禪師 常州薦福院歸則禪師

湖州河山宣化院慧慈禪師 湖州西山護國院崇禪師 語句不詳

湖州景清院智樂禪師 語句不詳

杭州龍華山悟象禪師法嗣 二人見錄

杭州靈巖山主理院慧暹禪師 杭州乾明院開禪師 機錄語句不詳

台州瑞巖教海禪師法嗣 二人見錄

湖州海會禪院岳禪師 明州瑞巖山開善院慧禪師

東京景德寺僧志言 詳錄

杭州南山興教寺惟一禪師初開堂升座維那

白提云法筵龍象眾當觀第一義 師云重言不

當大眾還委麼且作麼生是第一義若自觀者名

為正觀若佗觀者名為邪觀或有問話請垂見示

時有僧問覺華開處福滿娑婆祖意西來合談

何事 師云孤獲叫落中巖月野客吟殘半夜燈

進云怎麼則昔日靈山今朝興教 師云相識

滿天下知心有幾人 學人佇思 師云速還

三拜 問師唱誰家曲宗風嗣阿誰 師云不

避來機速當一問 進云怎麼則五老峯前親

得旨今朝興教度羣迷 師云不是知音者那

能辨濁清 問承古有言如來有正法眼藏付

獨摩訶迦葉和尚今朝當付何人 師云者裏

有多少人 進云未曉者如何領會 師云還

我話來 上堂僧問不落見聞請師答話

師云三十年後 問衆手拍金誰是得者

師云是你眼皮重 進云怎麼則駿馬不移蹄

師云金在什麼處 問狂風忽起掃蕩煙雲學

人到此為什麼不會 師云真箇不會 進云

不探龍領爭獲明珠 師云珠在什麼處

問達磨未來時如何 師云索橋路險人難度

進云來後如何 師云少林閑坐九年餘

問牛頭未見四祖時如何 師云南來冬熟笋

進云見後如何 師云北去夏宜桃 問佛未

出世時如何 師云白雲數重 進云出世後

如何 師云青山一帶 問如何是道 師云

刺頭入荒草 進云如何是道中人 師云乾

屎撮 問曹谿一曲師親唱未審如何和得齊

天聖廣靈錄第三十

第三張

高字少

師云你試道看 進云怎麼則謝師舉唱

師云祇為宮商調不同 問大耳三藏第三度

為什麼不見國師 師云腳跟下看 進云如

何得見 師云草鞋根斷 問和尚未見棲賢

時如何 師云春來好寒 進云見後如何

師云秋去感熱

真州定山惟素山主有僧問古人拈提豎拂不

當宗乘未審山主如何為人 師云且莫強惺惺

進云怎麼則卻成起動也 師云龍頭蛇尾漢

問如何是不遷 師云暑往寒來 進云怎麼則

遷去也 師云帝得血流無用起 問達磨心

印師已曉試舉家風對東者 師云門前有箇

長松樹半夜子規來上啼 進云怎麼則白鬮

一派流注十方 師云日月麗天風雲難蔽

問知師洞達諸方旨臨機不答舊時禪如何是

新奇 師云若到諸方不得錯舉 進云學人

懇懇於座右莫不紙此是新奇 師云折草量天

問如何是定山境 師云清風滿院 進云忽

遇客來將何祇待 師云莫嫌冷澹 師云若

論家風與境也不易酬對多見指定處所教佗

不得自在曾有僧問大隨如何是和尚家風答

云赤土畫鐵箕又云肚皮上不貼膝且問諸人

作麼生會更有夾山雲門臨濟風穴皆有此話

天聖廣靈錄第三十

第四張

高字少

播於諸方各各施設不同又作麼生會法無異

轍殊途同歸若更省力易會但識取自家桑梓

便能紹得家業隨處解脫應用現前天地同根

萬物一體喚作衲僧眼睛絲絲不漏絲絲苟或

於此不明徒自伶俜辛苦 有僧問鬼手拘金

誰是得者 師云莫作貴 進云不作貴又如何

師云金在什麼處 問如何是佛 師云含齒

戴髮 進云怎麼則人人具足 師云遠之又遠

問如何是不生不滅法 師云春到百華開秋

來羣木落 進云怎麼則一年一度春也

師云欠子細在 問牛頭未見四祖時如何

師云成家立業 進云見後如何 師云立業

成家 問如何是一味法界 師云華紅柳綠

進云如何是定山路 師云峭 進云履踐者

如何 師云險 問萬法歸一一歸何所

師云一葉落天下秋 進云如何領會 師云

三十年後 問承教有言無上法王有大陀羅

尼門名為圓覺流出一切清淨具如菩提涅槃未

審圓覺從什麼處流出 師云山僧頂戴有分

進云怎麼則信受奉行 師云依佛似留礙堪聽

師又云將知佛法須是徹底悟得方能始終一

貫作用施為得其自在若是學成者終有有限

子細窮究便隨末忘本喚作流浪生死無本可

天聖廣靈錄第三十

第五張

高字少

據所以教中云何況能以有思惟心測度如來

圓覺境界如取燈火燒須彌山終不能著若論

此事無用心處亦非懈怠而得卻請上座各自

迴光返照與道稍有相應其如不達宗旨總成

逐塊 僧問十二時中如何得與道相應

師云皇天無親唯德是輔 進云怎麼則不假

修證也 師云三生六十劫 問如何是深山

巖崖迥絕無人處佛法 師云月明千嶂裏風動

萬年枝 進云怎麼則處處菩提道明明功德林

師云薰天炙地 問如何是佛法大意 師云

山高海深 問不見一法即如來方得名為觀

自在如何是觀自在 師云好好禮三拜

進云莫秋者便是 師云十萬八千

蘇州西山堯峯院顯暹禪師初開堂有僧問法

蓮龍象眾當觀第一義如何是第一義 師云

你去什麼處來 問海門三汲浪專聽一聲雷

時如何 師云猶是未警發在 問如何是佛

師云無比不思議 問先聖出世為一大事因

緣和尚今日出世當為何人 師云祇恐你未

是其人 問如何是祖師西來意 師云盡道

九年曾面壁 問如來路上無私曲便請玄音

和一場 師云莫並巴兒曲須超白雪辭

問祖祖相傳傳祖印師今得法嗣何人 師云

同道方知 問如何是和尚為人一句 師云
 山僧自來不曾容易 上堂云止止不須說言
 詮道復優有疑如未決對眾莫淹留 時有僧
 問學人有疑請師決 師云者迴更莫淹留
 問未經爐冶時如何 師云爭得成器 問善
 才福參還具本分事也無 師云善才福參為
 什麼事 問一念萬年時如何 師云還得盡
 善也未 問心徑未通時如何 師云是誰之過
 問能所俱忘時如何 師云那箇是你忘底能所
 問如何是真規自宛然 師云千聖不能宣
 問如何是道 師云堯舜其猶病諸 問如何
 是密作用 師云秋恐大衆未肯休 問學人
 乍入叢林乞師一接 師云去 問承教有言
 是法平等無有高低如何是平等底法 師云
 堯峯高寶華低 學云恁麼則却成高下去也
 師云情知你恁麼會 問承教有言妙湛總持
 不動尊首楞嚴王世希有如何是不動尊
 師云世希有 學云恁麼則不動真際隨處發
 揮去也 師云卻不令人贊嘆 師云諸上座
 祇如此僧問不動尊山僧向他道世希有意旨
 又且如何莫是三祇果滿萬行功圓是世之希
 有麼又莫是當人分上本自圓成不勞修證麼
 若也恁麼會實謂妄認緣塵分別影事既不許

上座恁麼會向者裏作麼生承當若也承當得便
 乃不從一地至一地寂滅性中無有異若向者裏
 承當未得不免須待龍華重授記在各請歇去
 珍重 上堂聞雷聲乃示眾云還聞雷聲麼還
 知起處麼若知起處便知身命落處若也不知
 所以古人道不知天地者剛道有乾坤不如契
 茶去 上堂僧問如何是堯峯境 師云多少
 人看望不足 問如何是道 師云夕死可矣
 問如何是金剛力士 師云者裏用不著
 問如何是孤峯節操松 師云而今未堪看更
 待雪霜中 問如何是佛 師云休更展僧祇
 問魚龍得水時如何 師云踊躍無盡 問片
 雲出洞時如何 師云何必龍吟 問亡僧遷
 化向什麼處去也 師云蒼天蒼天 師復云
 大衆祇如末後一僧問亡僧遷化向什麼處去
 也山僧向他道蒼天蒼天且道意旨落在什麼
 處莫是悲傷遷逝痛憶道人麼若乃恁麼評論
 實謂罔知去處要知去處更不用久立歇去
 師春日堂云冬去春來樓閣門開若也入得
 不用徘徊諸上座還向者裏入得也未若也入
 得所以古人道是處是彌勒無門無善才若也
 入之未得自是諸上座狂走更不切切立珍重
 蘇州吳江聖壽院志昇禪師初開堂時有僧

問知師久醞葡萄酒今朝慈濟為誰開 師云
 想你也未知滋味 進云恁麼即優曇華折法
 界聲香佛日初開昏衢永耀 師云不勞如此
 問寶座既登於此日家風一句請師宣 師云
 你還證明得麼 學云恁麼即人天有賴四衆
 咸忻 師云閑言語 問師赴羣心揚祖道未
 知祖道嗣何方 師云同道方知 學云恁麼
 即錦里昔年親得旨松江今、度羣迷 師云
 卻不是我同道 問四衆臨筵當此日玄機一
 決為誰宣 師云你不妨剎利 進云恁麼則
 非唯大衆朝宰露恩 師云莫亂道 上堂僧
 問如何是佛 師云人天贊莫及 師又云若
 論佛法更有什麼事所以道古今山河古今日
 月古今人倫古今城郭變作平等法門絕前後際
 諸人還信得及麼若信得及依而行之久立珍重
 杭州臨安縣功臣山開化院守如禪師初開堂
 日有僧問朝宰既伸於三請師將何法報深思
 師云何似你特致 問如何是功臣為人一句
 師云自來不曾埋没人 問承教有言清淨本
 然云何忽生山河大地 師云且道是誰致得
 進云恁麼則滿眼青山無寸樹極目渌水絕波瀾
 師云也是錯會 問如何是功臣境 師云上
 座合具行脚眼 進云恁麼則峨嵋峭嶺疑千尋

天聖廣燈錄卷三十一

第九

雪竈背魏籠五色煙 師云勿交涉 問鼓聲
 雄震雲徒集利人一句請師宣 師云也須是
 你重發揚始得 進云學人欲恁麼師意又如何
 師云將謂汝會我意 師又云晨朝一粥諸人
 已各知時如今不可更要山僧處分與茶去便
 下座 上堂云大眾還知道聖僧同諸人到者
 裏麼既勞尊降焉敢稽留久立珍重
 杭州景德靈隱寺慧明禪師延壽筠陽人也俗
 姓張年十三出家二十受具二十三行脚徧參
 知識景德二年遊錢塘遂挂錫于靈隱前住持
 慈濟大師文勝一日示衆云縱目所觀復何所見
 纔聞有悟乃為頌曰 縱目所觀一何觀煙嵐疊
 嶂翠崔嵬若晚自心非萬法祖師誰道是西來
 天禧二年府主馬侍郎請開堂升座維那白提
 云法蓮龍象來當觀第一義師云還觀得麼且
 作麼生觀為復向長老升座處觀為復向維那
 白提處觀若恁麼觀即沒交涉 時有僧
 問昔日梵王請佛布演三乘今日侍郎請
 師當說何法 師云今日何似當時 進云
 恁麼別人天有賴 師云賴箇什麼 問祖祖
 相傳傳祖印師今得法嗣何人 師云你也證
 明不得 進云恁麼則靈隱得旨雲居師孫
 師云莫亂道 問承侍郎談談有言黃華翠竹

天聖廣燈錄卷三十一

第十

第十

當軒直示於真如學人上來請師直示 師云
 侍郎曲為上座 進云恁麼則趙州栢樹人人
 委靈隱黃華處處開 師云你也報侍郎恩未得
 問如何是靈隱境 師云一任觀取 進云如
 何是境中人 師云你作麼生會境 問不涉
 有無請師道 師云話隨也 問如何是道
 師云道遠乎哉 問如何是佛 師云巍巍堂堂
 問如何是觀音入理之門 師云我亦從中證
 問承古有言不是風動不是幡動未審此理如何
 師云歇去得也未 問學人已踏破明暗雙關
 請師一接 師云費力作麼 問如何是露地
 白牛 師云頭角甚分明 問如何是正真一路
 師云絲絃不通 進云恁麼則依而行之
 師云莫亂走 問山嶽無虧時如何 師云白
 雲橫谷口 上堂云與上座一練道且作麼生
 持論佛法若也水淺不通便教上座無安身立
 命處當此之時祖佛出頭來也有二十棒分恁
 麼道山僧還有過也無不見雲門大師道世尊
 生下周行七步目顧四方一手指天一手指地
 云天上天下唯我獨尊我當初若見一棒打殺
 與狗屎卻何以如此圖得天下太平且道雲門
 恁麼說話有佛法道理也無雖然如此雲門也
 紙具一隻眼久立珍重

天聖廣燈錄卷三十一

第十一

秋示衆

秋風蕭索凋黃葉幾處衣砧聲切切此箇圓成
 入理門何處更教余重說
 居山

自愛居山獨守愚白雲來往豈相疎有時茶罷
 林閒去信脚騰騰步不虛

其二

自愛居山任寂寥豈同塵世事喧囂松門祇在
 煙霞際到者方知路不遥

常州薦福院歸則禪師上堂日僧問請師一言
 令學人達本源 師云汝是行脚人 進云未
 達者又如何 師云誰是未達者 問如何是
 祖師西來意 師云東畔打鐘聲 問知師已
 唱胡家曲未審宗風嗣阿誰 師云宗風誰不知
 進云一曲已蒙師舉唱學人撫掌又如何
 師云汝未是知音者

湖州何山宣化院慧忠禪師開堂日維那白提
 云法蓮龍象來當觀第一義師云唯在諦觀不
 須求覓恁麼告報卻成重說偈言若據過來維
 那白了便好散去既若未散有事請問 時有
 僧問一佛出世天雨四華地搖六動和尚出世
 有何祥瑞 師云更不要雨華 進云恁麼則
 六衆露恩學人禮謝 師云我卻謝你 問優

鉢華易見善知識難逢學人無問請師不答

師云莫謾大眾 進云還有向上事也無

師云你喚什麼作向上事 問如何是何山境

師云兩來山色暗雲出洞中明 進云今日親

得觀光也 師云見什麼 問諸佛出世轉大

法輪和尚出世如何為人 師云你什麼處見

諸佛出世 進云還有奇特事也無 師云莫

竊語 問祖風蕩蕩時如何 師云你是行脚僧

杭州靈鳳山太平禪院慧端禪師俗姓呂常州

無錫縣人依杭州龍華寺悟乘禪師出家受具

得法於本師更不佗遊 師初升座時有僧問

優曇華折人皆委祖令親行事若何 師云謙

法者懼 進云恁麼則施行有據 師云人小

膽大 問承聞和尚親見龍華是否 師云承

聞誰說 進云已遂成山志何忘立雪功

師云閑言語 問如何是佛法大意 師云一

人舉令 進云如何領會 師云四海晏清

問梵王請佛蓋為羣生施主請師當為何事

師云少人證據 進云施主虔誠學人禮拜

師云言猶在耳 上堂僧問如何是佛 師云程

進云未審如何修證 師云上更加泥問如

何是涅槃 師云好山好水 進云不會

師云益子益孫 師上堂云門庭肅靜賓主誰

分海晏河清君臣道合乾坤大地古佛家風十

世古今祖師宗令如斯提唱猶是買帽相頭若

是本分衲僧迢迢十萬八千珍重

湖州海會院岳禪師初開堂拈香畢便有僧問

如何是第一義 師云不欲再三 進云恁麼

則得聞於未聞 師云聞底事作麼生 進云

專得流傳 師云更須子細 問昔日摩竭陀

國親行此令和尚今日如何方便 師云你擬

不違 進云天上忽雷驚宇宙人天無不盡露思

師云閑言語 問龍出洞中雷騰霄漢師登寶

座四眾咸臻向上宗乘乞師一言 師云一任

賺利 進云恁麼則學人禮謝 師云得箇什麼

問梵王請佛蓋為羣生施主請師當為何事

師云謝你證明 進云恁麼則天人羣生類皆

承此恩力 師云知恩人難得

明州瑞巖山開善院普禪師外座僧問乍離白

雲之境已臨郵水道場如何是不動尊 師云

你擬爭先 問承請疏有言鐵牛石女因為了

悟之談雪嶺曹谿克繼祖宗之美四眾風趨重

垂開示 師云學士亦見此問 進云此日邊

事雖可驗三才未兆始誰知 師云莫成多事麼

進云若然者為衆輒投師子吼深勞無畏海來機

師云又爭得 問師唱誰家曲宗風嗣阿誰

師云你道大眾不知

東京景德寺僧志言者壽春人姓許氏受業於

本寺七俱胝院常親法華講席一日如感心恙

肆逸無羈容止甚異每遇諸塗但書空不已或

紙札示人墨畫道履往往事符其文始誦法華

經因著稱終呼為言風子然飲啖匪常弊垢靡

幹而殊微俗狀集仙玉質潛試之具中饌既而

延入齋房致問如何是祖師西來意壘答曰

青山影競潑嵐起寶塔高吟撼曉風 又云請

法華燒香 日未曾齋戒覓不向佛僧求

又僧問你是凡是聖 法華以手指曰我在者

裏住後有國子助教徐岳問如何是祖師西來意

曰街頭東畔底 進云未會 曰三般人問不得

又有人問如何是祖師西來意 曰文殊在裏

寺塔頭莫問佗達者目為散聖如佛圖澄寒山

拾得者也故附於此

天聖廣燈錄卷第三十